

聊



清 張廷玉 等撰

中 華 書 局

卷二四一至卷二五四(傳)

## 明史卷二百四十一

## 列傳第一百二十九

周嘉謨 張問達 陸夢龍 傅梅 汪應蛟 王紀 楊東明 孫瑋

鍾羽正 陳道亨子弘緒

周嘉謨,字明卿,漢川人。 隆慶五年進士。除戶部主事,歷韶州知府。

窮治大猾楊騰霄,置之死。

建武所兵燔總兵官沈思

萬曆十年遷四川副使,分巡瀘州。

學解,單車諭定之。尋撫白草番。督兵邛州、灌縣,皆有方略。居五年,進按察使,移疾歸。 久之, 起故官。 権稅中官丘乘雲播虐, 逮繫相屬。 嘉謨檄所司拒絕,而搒殺奸民助虐者,

乘雲爲戢。

列

傳第

百二十

九

周

荔談

討擒之,立其弟安靖而還。 就遷左布政使。 擢右副都御史,巡撫雲南。 進兵部右侍郎、巡撫如故。 隴川宣撫多安民叛,入緬,據蠻灣。 黔國公沐昌祚侵民田八千餘頃。 嘉謨 嘉

六二五七

i 膜劾治之,復劾其孫<br />
啓元罪狀。 兵內犯,官軍 拒 退之。 久之,改督兩廣軍務兼巡撫廣東。滿考,加右都御史。廣西 嘉謨爲增兵置戍。 南海、三水、高要、四會、高明諸邑大

遷 南京戶部尙書,尋召拜工部尙書。 孝定后喪,內廷宣索不貲。 嘉謨言喪禮有中制,

水

,壞圩岸,留贖鍰築之。

故 皇長子同居。 等至乃發。」皇長子頜之。諸大臣定議,皇長子以九月六日卽位。 朝,送居慈慶宮。嘉謨奏言:「殿下之身,社稷是託,出入不宜輕脫。 注 嘉謨從言官楊漣、左光斗等言,以大義責貴妃從子養性,示以利害。 事 不 丽 士 《頻仍,國勢杌陧,首輔從哲首鼠兩端,一憬、爌又新秉政,嘉謨正色立朝,力持大議,中外 亦 方從哲、劉一燝、韓爌等受顧命。其夕,帝崩。質明,九月乙亥朔,光宗遺詔皇長子嗣位。 視 當信左右言,妄耗國帑,不納。俄改吏部尙書。 李選侍 寝。 人之,令皇長子諭外廷:「傳聞不可信。」諸臣乃退。二十九日,帝疾大漸。 四 十八年七月,神宗崩。 專制宮中,勢頗張。 外廷皆言貴妃進侍姬八人,致帝得疾。二十六日,嘉謨因召見,以寡欲進規。帝 嘉謨亟草疏率廷臣請移宮,光斗、漣繼之。五日,選侍始移噦鸞宮。日時大 廷臣慮不測。 八月丙午朔,光宗卽位。 旣 入臨,請見皇長子,呼萬歲,奉至文華殿受 鄭貴妃據乾淸宮,且邀封皇太后。 選侍居乾清自如,且欲挾 貴妃乃移慈寧宮,封后 大小殮,朝暮臨,須臣 嘉謨偕大學

清。 六事定官評:一 相繼踐阼, 已,極陳東治敝壞,請責成撫、按、監司。上官注考,率用四六儷語,多失實, 神宗末,齊、楚、浙三黨爲政。 嘉謨大起廢籍,耆碩滿 日守,二日才,三日心,四日政,五日年,六日貌。 朝。 黜陟之權,吏部不能主。 向稱三黨之魁及朋 奸亂政者,亦漸自引 及嘉謨秉銓,惟才是任。 各注其實, 毋飾虛詞。 去, 嘉謨 中朝 光、熹 談請以

稱善,行之。

解, 五年秋,忠賢黨周維持復劾嘉謨曲庇王安,遂削籍。 請留嘉謨竣大計事,不聽。明年,廣寧陷。嘉謨憂憤,馳疏劾兵部尚書張鶴鳴主戰悞國罪。 安報警,且以用袁應泰、佟卜年等爲嘉謨罪。 指劾王安,置之死。 乃奪愼言、弘圖俸而止。朱欽相、倪思輝被謫,嘉謨亦申救。 天啓元年, 御史賈繼春得罪。 嘉謨惡之,出維華於外。 其同官張愼言、高弘圖疏救,帝欲並罪之。 忠賢怒,嗾給事中孫杰劾嘉謨受劉 嘉謨求退,忠賢矯旨許之。 給事中霍維華 大學士葉向高等 嘉謨等力爲 希魏忠賢 **景屬為** 

|崇禎元年薦起||南京吏部尙書,加太子太保。 明年,卒官,年八十四。 贈少保。

列傳

百

+

敢 宮 事 糾 ÷, 中 彈 張 官 郡 問 寧 利 守 夏 達 乾 用 沒 学 谌 兵,請 復 德允 且 糾 興 撫 盡 他 涇 按 蠲 役 陽 重 全 人。 陝 臣 問達 逋 萬 賦 而 力請 曆 孫 十 一 從 朝 之。 停 所 年 止 攜 父 進 程守 不 喪除 士。 納 訓 o 歷 起故 、陳保輩 俄 知 陳 高 官, 礦 平 税之 濰 歷 至 Τ. 箠 害, 二縣 科 殺 左 命 言 給 有 吏,毁 事 惠 閹 中。 政 尹 室 廬 帝 徵 朝 授 方 掘 銜 營 刑 墳 命 建 科 朝 墓 兩

不

按

問

若萬

方

怨

恫

何

\_1

事 爭 商 具 執 人 耿 辨 叉 定 內 極 前 府 山 論 器 東 {傳 宁 物 疏 訓 愈名 罪,並 陳 道 以 中 寢 進, 饑 不 饉 行。 謂 流 之 離 愈商 進 狀, 禮 請 科 都 而 顶 給 諸 龍 天下 事 高 貲 中。 者 礦 稅 劾 率 晉 賄 皆不 近 江 全本水 李 報。 贄 邪 発, 已, 說 帝 惑衆 巡 輒 視 許 廠庫。 之。 逮 死 獄 問 故 達 中 事 兩

疏

之,召拜刑 先 高請 後 疏 鎦 三十 貸。 請 修省 年 部右侍 帝方營三殿,採木煙中, 語 月 , 極危切,帝終不 星 郎、署部事兼署都 變,復請盡罷 礦稅。 納。 察院 計 葬 費 時比 遷太常 事 四 百 百 二 年 干 少卿,以 日食皆在四月, 萬 有 奇。 右 愈都御 問達 問達 多方拮据,民 史巡 以 (純陽 撫 湖 之月 廣。 発重 其 所 變尤 部 水 久

宮 監龐保、劉成。 匹 十三年五 月讞 中外籍籍,疑貴妃弟國泰爲之。 問 張差梃 ◇撃事 問 達 從 員 外 問達等奏上差獄 郎陸夢龍言,令十三司 帝見保、成名、留 會訊 詞 連鄭 貴 妃

宗二百年來,未有罪囚不付法司,輒令擬罪者。且二人係內臣。 決。 差已死,二囚易抵飾。 令九 下。 年解都察院事。 滋,乃潛斃之於內,言皆以創重身死。 銜轡,而置之重辟。 東 命 雖 宮 死,所供詞故在,其同謀馬三道等亦皆有詞在案,孰得而滅之。況慈寧召對,面諭 彼 傳 煌煌天語,通國共聞。若不付之外庭,會官嚴鞫,安肯輸情。旣不輸情,安從正 尋召方從哲、吳道南及問達等於慈寧宮,命並磔二人。甫還宮,帝意復變。 卿 何益,當以響誣,從輕擬罪。」問達等以鞫審未盡,上疏曰:「奸人闖宮,事關宗 諭 三法司 曰:「張差情實風癲,誤入宮門,擊傷內侍,罪不赦。 會訊保、成於文華門。 久之,遷戶部尚書,**督**倉場。 奈何任彼展辨,不與天下共棄之也。」帝以二囚涉鄭氏,付外庭,議益 文華門尊嚴之地,臣等不敢刑訊,何由得情?二囚 保、成供原姓名曰鄭進、劉登雲, 而馬三道等五人,命予輕比坐流配。 尋兼署刑部,拜左都御史。光宗疾大漸,同受 後招保、 法行自近, 成係內官, 而不承罪。 偏詞,何足爲據? 陛下尤當嚴其 其事遂止。是 乃先戮差, 欲謀害本 方鞫時, 法? 社。 祖 並

貶竄 誤 獲 **記諸** 、削籍者為一 天 啓元年冬,代周嘉謨爲吏部尚書。連掌內外大計,悉叶公論。 臣棄林下久,死者已 等,但贈官。 〕過半。 獲恤者七十五人。 問達等定議 以廷杖、繋獄、遣戍者爲一等,贈官廕子, 當是時,萬曆中建言詿

列

傳

會孫愼行、鄒元標追論「紅丸」,力攻方從哲。 韶廷臣集議,與議者百十餘人。 問達旣

集衆議,乃會戶部尚書汪應蛟等上疏曰:

諒。 誅。 自言「殷躬虚弱」。語及壽宮,並諭輔陛下爲堯、舜。因問「可灼安在」。可灼趨入,和藥 罪之道宜然,而非臣等所敢議 <u>灼</u>,何以慰先帝而服中外之心。宜提付法司,正以刑辟。若崔文昇妄投涼藥,罪亦當 以進,少頃又進。 候於丹墀,從哲與臣等共言李可灼進藥,俱慎重未決。俄宣臣等至宮內跪御前,先帝 王安舜等疏論可灼,從哲自應重擬,乃先止罰俸,繼令養疾,則失之太輕。今不 **倉惶,悽然共切。弑逆二字,何可忍言。在諸臣固諒從哲無是心,卽愼行疏中亦已相** 若可灼輕易進藥,非但從哲未能止,臣與衆人亦未能止,臣等均有罪焉。及御史 請並下法司,與可灼並按。 按慎行奏,首罪李可灼進紅丸。可灼先見從哲,臣等初未知。及奉召進乾清宮, 聖躬安舒就寢。此進藥始末,從哲及文武諸臣所共見者。是時羣情 也。 從哲則應如其自請,削去官階,爲法任咎,此亦大臣引 重罪可

卿即公疏請移,言官繼之,從哲始具揭奏請,選侍遂即日移宮。 至文華殿,行朝謁嵩呼禮,復奉駕還慈慶宮。 至選侍欲垂簾聽政,羣臣初入臨,閽者阻不容入,羣臣排闥而進。 因議新主登極,選侍不當復居乾清。 然輿論猶憾從哲之奏, 哭臨畢,奉聖躬 九

不毅然爲百僚倡。倘非諸臣共挾大義,連章急趨,則乾清何地,猶然混居,令得假竊魁

柄,將如陛下登極還宮何!

疏入,帝謂從哲心跡自明,不當輕議。止逮可灼下吏。 文昇已安置南京,弗問

問達歷更大任,「梃擊」、「紅丸」、「移宮」三大案並經其手。持議平允,不激不隨。 先以

秩滿,加太子太保,至是乞休,疏十三上。詔加少保,乘傳歸。

問達家遂破。 誣問達贓私,請下吏按問。命捐貲十萬助軍興。頃之,問達卒。 五年,魏忠賢擅國。御史周維持劾問達力引王之宋植黨亂政,遂削奪。御史牟志夔復 崇禛初,贈太保,予一子官。維持、志夔咸名挂逆案。 以巡撫張維樞言,発其半。

陸夢龍,字君啓,會稽人。萬曆三十八年進士。 授刑部主事,進員外郎。

**達具疏請旨,以疏入必留中,其事可遂寢。** 遇我厚,遽上疏,若脹公何。當力爭之耳。」乃偕見問達。 之曰:「人情庇奸,而甘心儲皇。吾雖恤刑山右,當上疏極論,君能共事乎。」夢龍 詞甚悉,乞敕會問。大理丞王士昌亦上疏趣之。時夢龍以典試廣東杜門,主事邢臺傅梅 張差獄起,引凡向宮殿射箭、放彈、投磚石等律當以斬。獄具,提牢主事王之寀奏差 夢龍得其情,止勿復請。 時郎中胡士相等不欲再鞫,趣問 衆曰:「提馬三爺、李外 日、「張公 過

列傳

問達

以爲

父輩 ,非得旨不可。」<br />
夢龍曰:「堂堂法司,不能捕一編氓,須天子詔耶? 差所供,必當訊

筆, 欲得 罪,梅以京察罷官。 匿

三
獄 得入。」問:「導者誰。」曰:「大老公廳公,小老公劉公。」且曰:「豢我三年矣, 癲 將 了,躬請 狀。 訊 躊躇 夢龍 內豎 ,衆咸囁嚅。 明 艻 夢龍 日,會訊, 監刑 不敢下,郎中馬德灃趣之。 具。 名。 曰:「何爲。」曰:「打小爺。」於是士相 呼紙 越數日,問達再令十三司會審,差供逆謀及龐保、劉成名, 給事中 當是時,自夢龍、之寀、梅、德灃外,鮮不爲鄭氏 士相 筆,命畫所從入路。 夢龍 夢龍賴問達力獲免,由郎中 水嘉 何士晉遂疏詆鄭國 呼刑具三,無應者。擊案大呼,始具。 、會頑、夢龍、梅、之寀及鄒紹先凡七人,惟之寀、 永嘉復 梅問:「汝何由識路。」差言:「我薊州 泰。 以爲難。 帝於是斃保、成於內, 立推 歷 副使 坐起曰:「此不可問矣。」 遂罷 夢龍咈然曰:「陸員外不肯匿 差長身駢脅,睨 地者。 而 已而之寀、 棄差市。 一無所 人, 予我金銀 非有 視傲語, 梅與夢龍 隱 訊 梅 德灃悉被 導者, 慮 夢龍 士 其 誰 無 相 壺 潛 各 安 敢 風 必

定。 夢龍 夢龍 天啓 四 夜遣中軍吳家相進搗賊巢,撾苗鼓,聲振山谷。 偕 總 年, 兵黃鉞以三千人禦之。 貴州 、賊未 靖,總督蔡復 曉行大霧中,直 一薦夢龍 知兵, 前 改右參政,監軍 薄賊 苗大奔潰,焚其巢而還。 "; 賊 大敗。 討賊。 三山 苗 安邦 叛 尋改湖 思州 彦 犯普

廣 、監軍,遷廣東按察使。 上官建忠賢祠,列夢龍名,亟遣使剷去之。

數重, 夏,贼 擊,手馘數人,與二將俱戰死。 奇勳、都司石崇德禦之。 濮 間 , 討斬其魁, 餘衆悉降。 崇禎元年大計,忠賢黨猶用事,鐫二級調任。三年起副使,以故官分巡東兗道。盜起曹、 來犯,擊却之。 贼矢石 :如雨,突圍 閏八月,賊陷隆德,[三]殺知縣費彥芳,遂圍靜寧州。[三]夢龍 抵老虎溝。 不得出。 遷右參政,守固原。 事聞、贈太僕卿 二將抱夢龍泣。 賊初不滿千, 夢龍 已而大至。 夢龍揮之曰:「何作此婦孺態」大呼奮 慷慨好談兵,以廓清羣盜自 夢龍所將止三百餘人,被圍 [負。 率遊擊賀 七年

而 傳梅,崇禎中歷台州知府,解職歸。 十五年冬,捐金佐知府吉孔嘉守城。 城破殉難,

贈太常少卿。

都 ,值吏部侍郎陸光祖與御史江東之等相訐。 汪應蛟, 字潛夫,婺源人。 萬曆二年進士。 應蛟不直光祖 授南京兵部主事 ,抗疏劾之,於政府多所譏 ,歷南京禮部郎中。 給由

累遷 列 山 傳 西 第 一按察使。 百 = + 治兵易州,陳礦使王虎貪恣狀,不報。 儿 汪 應 蛟 朝鮮再用 兵,移 應蛟天津。

切。

有三萬。應較三疏力爭,然僅得減半而已。三十年春,帝命停礦稅,俄中止。 蝗,振恤甚力。 及天津巡撫萬世德經略朝鮮,卽擢應蛟右僉都御史代之。屢上兵食事宜,扼險列屯, 税使王朝死,帝將遣代。 已,極言畿民困敝,請盡罷礦稅。會奸人柳勝秋等妄言括畿輔稅可得銀十 應蛟疏請止之,忤旨,切責。朝鮮事寧,移撫保定。 應蛟復力爭, 歲旱 軍聲

**夫及稅額多寡以請,得旨允行。** 可七千頃,頃得穀三百石。近鎭年例,可以兼資,非獨天津之餉足取給也。」因條畫墾田丁 告病,恤民則軍不給,計惟屯田可以足食。今荒土連封,蒿萊彌望,若開渠置堰,規以爲田 則 五石,田利大興。及移保定,乃上疏曰:「天津屯兵四千,費餉六萬,俱斂諸民間。 蘇 **,得水則潤,若營作水田,當必有利。乃募民墾田五千畝,爲水田者十之四,** 應蛟在天津,見葛沽、白塘諸田盡爲汙萊,詢之土人,咸言斥鹵不可耕。 應蛟念地無水 留兵則民 献 收 至 四

足。 方水田之法行之。 中山,滏水可以溉襄國。 其他山下之泉,地中之水,所在而有,咸得引以溉田。 已,請廣興水利。 所部六府,可得田數萬頃,歲益穀千萬石,幾民從此饒給,無旱潦之患; 略言:「臣境內諸川,易水可以溉金臺,滹水可以溉恒山,溏水 漳水來自鄴下, 西門豹嘗用之。 瀛海當諸河下 請通渠築防, 量發軍夫,一 流,視 江南 可以漑 澤國不 準南

能行。 卽 不幸漕河有梗,亦可改折於南,取糴於北。」工部尚書楊一魁亟稱其議,帝亦報許,後卒不 召爲工部右侍郎,未上,予告去。已,進兵部左侍郎,以養親不出。 親沒,竟 不召。

納焉。 昇、李可灼於法,而斥方從哲爲編氓。 愛養民力,而徒竭其脂膏,財殫氓窮,變亂必起,安得不預爲計。」因列上愛養十八事。 道,馳疏言:「漢高帝稱蕭何之功曰:『鎭國家,撫百姓,給餉餽不絕,吾不如蕭何。』夫給餽餉 而 先以撫百姓,故能興漢滅楚,如運諸掌也。 光宗立,起南京戶部尚書。天啓元年改北部。 熊廷弼建三方布置之策,需餉千二百萬,應蛟力阻之。廷議「紅丸」事,請置崔文 今國家多難,經費不支,勢不得緩催科; 東西方用兵,驟加賦 數百萬。 應蛟在 帝嘉 然弗

制, 辭,疏陳聖學。 軌於義。 應蛟持不予,遂見忤。 應蛟爲人,亮直有守, 里居、謝絕塵事、常衣縕枲。 引朱儒語,以宦官、宮妾爲戒。 久之,卒於家。 視國如家。 會有言其老不任事者,力乞骸骨。 謹出納,杜虛耗,國計賴之。 應蛟學主誠敬,其出處辭受 韶加太子少保, 馳傳歸。 帝保母客氏求墓地踰 陛

王紀,字惟理,芮城人。 列 傳 百 = + 九 萬曆十七年進士。授池州推官。入爲祠祭主事,歷儀制郞中。 王

秉 禮 持 IE 時 望 蔚 然 二十九年,帝將册立東宮, 數遷延不 決。 紀抗 疏 極 論 其冬, 禮 成,

擢 光 禄 小 卿 引 疾 去

皆 監張 不 報 瞱 几 請 + 居 征 四四 年 恩 詔 年, 自太常 已蠲 部 内大治 諸 少 卿 税, 擢 遷 紀 右 兩 戸 疏 部 力爭 右 御 侍 . 史,巡撫保定諸府。 , 郎,總督 曄 竟 取 中 漕運兼巡 旨 行 之。 撫鳳陽 連歲水旱,紀設 紀劾 曄抗 諸 府。 違 記 歲 法救荒甚備。 大凶 書, 沮 坂振 格 救 成 如畿 稅

輔

光宗

立,召拜

戶

部尚

書,督

倉

場

議 炒 從 沿出,羣 哲 無 知 天 以 啓 有 服 貴 二年代黃 甚竦 天下 妃 示不 ·; 不 知 、克纘 逮崔文昇, 有君父。 爲刑 部 李可 無以服 尙 書。 灼 進藥駕崩,反慰以思諭 可 時方會議「紅丸」事。 · 灼,不削奪從哲官階祿麼, ,賚之銀幣,國 紀偕侍郎楊東 無以 洩 天 典 明署議,言: 安在 地 神 人之憤 不 :「 |方 逮 可

情

京 憤 令指實。 及忠賢深憾之。 者,何 甚,劾大化 主 事 不 徐大化者,素無賴。 紀遂直攻准,言:「准與京、生不同時,而事實相類。 ·登彈 溺 文,而 職狀。 御史楊維 與正 因言:「大化 人 垣 與大化 日尋水 日走魏忠賢門,搆陷 誠 有 火。」其言大臣,指大學士沈淮也。 爲 連,且素附准,遂助准詆紀,言紀 朝廷擊賊,則 善類,又顯劾給事中周朝瑞 大臣中有交結權 其結約魏忠賢,與京之契合童 13、誅 大化 所劾 由 大 鋤 、惠世揚。 臣無主名,請 此 正 罷 土 一, 如 去,而 宋 滩 蔡 紀

侯震 貫 司 也 同 也。 间 場,與貶謫 下不知,此又凉迷國罔上,百世合符者。」客、魏聞之怒,爲准泣愬帝前。 逐 顧 乞哀董羽宸,與京之懇款陳瓘同也。 命元臣劉一燝、周嘉謨、與安置呂大防、蘇軾 安常民、任伯 雨同也。 至於賄交婦寺,竊弄威權,中旨頻傳而上不悟, 要盟死友邵輔忠、孫杰,與京之固結吳居厚 同也。 斥逐言官江秉謙、 帝謂紀煩 熊德陽、 朝柄

言,加

譙責焉。

鳴以聞 從之。 景。 搒掠。 遼陽 斃,終不知二僕姓名,其誣服何疑? 書, 獄 朗先千金,行募兵。金盡而兵未募,不敢歸,返薊州僧舍,爲邏者所獲,詞連佟卜年。 , 移刑部, 紀疑之, 以問諸 微露兩人有 人,舉進士,歷知南皮、河間,遷夔州同知,未行,經略廷弼薦爲登萊監軍僉事 紀皆執不 初 茂言嘗客於卜年河間署中三月,與言謀叛,因挾其二僕往通李永芳。 邏者又獲奸細劉一巘。 0 了<u>李維翰、熊廷酮、王化貞下東,紀皆置之重辟。</u> 鶴鳴故與廷弼有隙,欲藉卜年以甚其罪。 可。 可矜狀,而言不測特恩,非法官所敢輕議。 遊遂劾紀護廷弼,緩卜年等獄,爲二大罪。 曹郎。 忠賢 疑劉一燝昆弟, 下年雖非間諜,然實修養眞族子,流三千里可也。」紀議 員外郞顧大章曰:「茂旣與二僕往來三千里,乃拷訊 朝士皆知卜年冤,莫敢言。 欲立誅一巘與卜年,因一巘以株連一 而與都御史、大理卿上延弼、化貞爱 有千總杜茂者,齎登萊巡撫陶 帝責紀陳狀,遂斥爲民。 行邊尚書張鶴 及鎭撫旣成 卜年, 邏者 以 垂

列

鄇

侍 司 年生 郎楊東明 一也,爲發憤,摭他事連劾 署部事 ,坐卜年流二千里。 東明。 **卜年獲長繫,瘐死,而** 獄三上三却。給事中成明樞、張鵬雲、沈惟 東明遂引 疾去。 炳,ト年

発。 崇禎 紀旣 斥,大學士葉向高、何宗彦、 元年復官,贈少保,廕一子,諡 史繼偕 莊 論 救, 皆不聽。 後閹黨羅織善類, 紀先卒,

乃

孝,思孝與相詆,貶三官爲陝西 松功罪之平。 - , 累遷 楊 東明,字啓修,虞城人。 刑部右侍郎。 上河南 饑民圖,薦寺丞鍾化民往振。 旣歸,遂卒。 官給事中。 布 政司 崇禎初,贈刑部尚書。 照磨。 請定國 里居二十六年。 本,出閣豫敎,早朝勤 掌 吏 八科,協 孫 光宗立,起太常少卿。 丕揚主大計。 政,酌宋應昌、李 後 以劾 沈 如 思

辦 事官鄭如 孫瑋,字純玉,渭南人。 金罪,如金坐下 ·詔獄。 萬曆五年進士。 二人皆馮保 授行人, 擢兵科給事中。 心腹 也 劾中官魏朝及東廠

安知縣金枝捃摭朝選事 初 ,張居正以刑部侍郎 ,堪飛章奏之。 同安洪朝選輕遼 命未下,捕置之獄,絕其飯食三日,死,禁勿殮,屍腐 王罪,銜之。 後勞堪巡撫福建,希居正意,諷

獄中。 抵馮保 堪尋召爲左副都御史,未至京而居正卒。朝選子都察院檢校競訴冤闕下,堪復飛書 ,削競籍,廷杖遣歸。至是,瑋白發其事,並及堪諸貪虐狀,堪觅官。未幾,朝選妻訴

冤,丘橓亦爲訟,競復援胡檟、王宗載事,請與堪俱死,乃遣堪戍。

母病,不候命擅歸,坐謫桃源主簿。 久之,歷遷太常卿 加罰,帝好用立枷,重三百餘斤,犯者立死。暐皆極陳其害。詔立枷如故,餘從暐言。 當是時,廠衞承馮保餘威,濫受民訟;撫按訪察奸猾,多累無辜,有司斷獄,往往罪外

大水相繼,瑋多方振救,帝亦時出內帑佐之。所條荒政,率報允。畿輔礦使倍他省。 巡撫汪應蛟役軍大治水田,以所入充餉。」瑋踵行之,田益墾,遂免加派。歲比不登,旱蝗、 '而搜鑿不已,至歲責民賠納。 暐累疏陳其害,且列天津稅使馬堂六大罪,皆不省。 三十年以右副都御史巡撫保定。朝鮮用兵,置軍天津,月餉六萬,悉派之民間。

完、馮從吾輩,皆德立行修,足備任 有呂坤、劉元震、汪應蛟,庶僚則有鄒元標、孟一脈、趙南星、姜士昌、劉九經,臺諫則有王德 已,又兼署兵部。 璋言:「陛下以纍纍三印悉畀之臣, 豈真國無人耶?臣所知, 大僚則 就進兵部侍郎,召爲右都御史,督倉場。 使。 苟更閱數年,陛下卽欲用之,不可得矣。」 進戶部尚書,督倉場如故。大僚多缺,命署戎 一弗聽

都御史自溫 純去後,八年不置代。 至四十年十二月,外計期迫,始命瑋以兵部尚書掌

力,疏十餘上。明年七月稽首文華門,出郭侯命。至十月,始予告歸。 **瑋累疏乞休,帝皆慰留。** 養喬與提學御史熊廷弼相訐,瑋議廷弼解職候勘。 左 都御史事 瑋素負時望。 無何,吏部以年例出兩御史于外,不關都察院。 方欲振風紀,而是時朋黨勢成,言路大橫。會南畿巡按御史荆 廷弼黨官應震、吳亮嗣輩逐連章攻瑋。 瑋以失職,求去益

廕。 劉 允。 魏忠賢用 言路,明斷以攬大權。 倘蒙簡擢,必能昭德塞違,爲陛下收拾人心。尤望寡欲以保聖躬,勤學以進主德,優容以廣 紀凌遲,人心瓦解。陛下欲圖治平,莫如固結人心;欲固結人心,莫如登用善類。 不能容。璋請近畿者就州縣分繫。內使王文進殺人,下司禮議罪,其餘黨付法司。 獄不可分兩地,請幷文進下吏,不聽。其冬,以吏部尚書再掌左都御史事,累以老疾辭,不 ,科臣侯震陽,臺臣江秉謙,寺臣滿朝薦,部臣徐大相,並老成蹇諤,跧伏草野,良可歎惜 爆,憲臣鄒元標,尚書周嘉謨、王紀、孫愼行、盛以弘、鍾羽正等,侍郎曹于汴,詞臣文震 明年秋,疾篤,上疏曰:「今者天灾迭見,民不聊生。內而城社可憂,外而牖戶未固。法 崇禎初,復之。 天啓改元,起南京吏部尚書,改兵部,參贊機務。三年召拜刑部尚書。 事 陝西 巡撫喬 後諡莊毅。 臣遘疾危篤,報主無期,敢竭微忱,用當屍諫。」遂卒。贈太子太保。 應甲劾瑋素黨李三才、趙南星,不當叨冒恩恤。 韶追誥命,奪其 囚緊衆、獄舍至 瑋言一 舊輔臣

鍾 羽正,字叔濂,益都人。 萬曆八年進士。 除滑縣知縣。 甫弱冠,多惠政,徵授禮科給

事中。疏言朝講不宜輟,張鯨不宜赦,不報。

建議 劾去之。 裁之。 遷 工科左給 叉劾罷 與參政王象乾譽以利害,莫敢動。 副總 事 中,出視宣府邊務。 兵張充實等,而悉置諸侵盜軍資者於 哈剌愼 兵部左侍郎許守謙先撫宣府,以賄聞, 老把都諸部挾增市賞二十七萬有奇。 理 羽正 羽

有差。 臣 惡 朝房,毋私 比周爲奸,欲仕路淸,世運泰,不可得也。」帝善其言,敕所司禁之。 應 職 一,不惟 ,外臣貪而內臣不援,則尙相顧畏莫敢肆。 一脈、時鼎嘗建言, 四知 還爲 一時見斥,而且復進無階,銷忠直之氣,結諫諍之舌,非國家福。」疏入,忤旨,奪俸 、聲遠坐貶謫。 吏科都給事 邸接賓客。 皆用 中。 吏部推 時當朝覲, 副者。 劾禮部侍郎韓世能,<u>蒯</u>遼總督蹇達,大理少卿楊四知、 孟 一脈應天 羽正 請禁魄遺,言: 率同列上言:「陛下不用一脈、時鼎,中外謂建白之 府丞,蔡時鼎江西提學,副以呂興周、馬猶龍。 今內以外爲府藏,外以內爲窟穴, 交通賂遺, 「臣罪莫大于貪。 且命閣部大臣公事議於 然使內臣貪而 洪聲遠不 外臣不 帝

請 與 同謫 年 正 ,竟斥爲民。 月偕同 官李獻可等請皇長子出閣豫教。 杜門讀書,士大夫往來其地,率辭不見。 帝怒,謫獻 林居幾三十年。 可官。 羽正 以己實主議, 光宗立,起

太僕

少卿。

未至,進本寺卿

辟。 長競 自劾乞休。頃之,代從吾爲左副都御史,俄改戶部右侍郎,督倉場。 之罪不 賄,宜遄決其 哲進藥議 會朱童蒙以講學擊鄒元標及從吾,羽正言書院之設,實爲京師首善勸,不當議禁, 也。 天啓二年,東部將用爲左副都御史,羽正辭曰:「馮公從吾僉院已久,吾後入,先之,是 明,致失遼陽,遼陽之罪不明,致失廣寧。 西臺 諡,封后移宮,無謀鮮斷,似佞似欺,宜免其官秩,使爲法受過。 去。」羣小多不悅。 何地,可以是風有位乎了乃受僉都御史而讓從吾爲副。 熊廷弼、王化貞之獄,衆議 朝廷疆土,堪幾番敗壞。」由是二人皆坐大 紛姒。 羽正言:「向者開原、鐵嶺 甫入署,卽言:「方從 沈淮結內援,招權 因

從。 太監 寢 入署,碎公座,毆掾吏,肆罵而去。 甲,弗獲 此輩聞之,其誰不含憤。 杖謫羣奄,而諭羽正出 明年春,拜工部尚書。 一飽。慶陵 工卒負重 視 故事,奄人冬衣隔歲一給。 臣奉職不稱,義當罷黜。」復三疏自引歸。 事。 |乘高,暴炎風赤日中,求傭錢不得。 羽正求去益 蓋忌羽正者嗾奄使發難也。 堅,因言:「今帑藏殫虛,九邊壯 是夏六月,羣奄千餘人請預給,遙擁 羽正疏聞,因 而獨內官請乞,朝至夕 一求罷。 土日 夜荷戈 詔 司 禮

子太保。

裳,與子拾遺薪爇以禦寒。或有贈遺,拒弗受。由湖廣參政遷山東按察使、右布政使,轉福 健爲左,所至不私一錢。以右副都御史提督操江。光宗立,進工部右侍郎,總督河道 以讚、東貞吉亦官南都,人號「江右三淸」。遭母喪,家燬于火,僦屋以居。窮冬無幃,妻御葛 陳道亨,字孟起,新建人。萬曆十四年進士。除刑部主事,歷南京吏部郎中。 同里鄧

忠諫皆不納。 · 帝定令,內臣止供掃除,不得典兵預政。陛下徒念忠賢微勞,舉魁柄授之,恣所欲爲,舉朝 尋拜南京兵部尙書,參贊機務。楊漣等羣擊魏忠賢,被譙責。 道亨憤,偕九卿上言:「高皇 天啓二年,妖賊徐鴻儒作亂。道亭守濟寧,扼諸要害,以衞漕舟。事平,增俸賜銀幣。 何重視宦豎輕天下士大夫至此。」疏入,不納。道亭遂連疏求去。詔許乘傳

道亭貞亮有守。 自參政至尚書,不以家累自隨,一蒼頭執爨而已。 崇禎初, 贈太子少

保,諡清襄。

踰年卒。

列傳

### 子弘緒,字士業。 爲晉州知州,以文名。

張問達諸人,懇懇奉公,詩所稱「不懈于位」者,蓋庶幾焉。 贊曰:光、熹之際,朝廷多故。又承神宗頹廢之餘,政體怠弛,六曹罔修厥職。 汪應蛟持國計,謹出納,水田之 周嘉謨、

議,鑿鑿可見施行。孫瑋請登用善類,鍾羽正請禁魄遺,韙哉,救時之良規也。

#### 校勘記

五日選侍始移噦鸞宫 噦鸞宫,當作「仁壽殿」。 參見本書卷二四○校勘記[☆]。

閏八月賊陷隆德 經機卷九三頁五六五三、懷陵流寇始終錄卷七都作「八月」、無「閨」字。

遂圍靜寧州 静寧州 原作「靜海州」。 明史稿傳一二一張問達傳附陸夢龍傳、 國権卷九三頁

五六五三作「靜寧州」。 按明無「靜海州」,靜寧州與隆德縣相鄰,與固原州都在陝西平涼府,且

與此記事情況合了據改。

## 明史卷二百四十二

### 列傳第一百三十

陳邦瞻 畢愁康 兄懋良 蕭近高 白瑜 程紹

翟鳳翀 郭尚賓 洪文衡 何喬遠 陳伯友 李成名 董應舉

# 林材 朱吾弼 林秉漢 張光前

中,出爲浙江參政。 建滏陽書院,集諸生講習。 陳邦瞻,字德遠,高安人。萬曆二十六年進士。授南京大理寺評事。 進福建按察使,遷右布政使。 士民祠祀之。 ' 就改左布政使。 改補河南,分理彰德諸府。 以右副都御史巡撫 歷南京吏部郎 廣西。日 開水田千頃,

林,殺德勳,掠妻子金帛。 上林土官黃德勳弟德隆及子祚胤叛德勳,投田州土酋岑懋仁。三懋仁納之, 守臣問狀,詭言德勵病亡,乞以祚胤繼。 邦瞻請討於朝。 襲破上 會光宗

列

傳

第

百

Ξ

+

陝

邦瞻

萬餘人侵掠海濱,邦瞻扼之,不得逞。澳夷築室青州,奸民與通,時侵內地,邦瞻燔其巢。 嗣位,卽擢邦瞻兵部右侍郎,總督兩廣軍務兼巡撫廣東,遂移師討擒之。海寇林莘老嘯聚

召拜工部右侍郎。未上,改兵部,進左。

固爭,致罪謫言者,再蹈拒諫之失,其何解於人言。」疏入,忤旨譙讓。 尋兼戶、工二部侍郎, 專理軍需。明年卒官。詔贈尙書。 天啓二年五月疏陳四事,中言:「客氏旣出復入,乃陛下過舉。輔臣不封還內降,引義

邦瞻好學,敦風節。服官三十年,東議不及。

臣、邊臣失律者宜重按、部郎田大年、賀盛瑞、中書舍人丁元薦以忤權要廢、當雪。 視鹽長蘆。 舉懋康,字孟侯,歙人。萬曆二十六年進士。以中書舍人授御史。言內閣不當專用詞

唐、慶都諸縣,並通舟楫仰其利。二閘創自永樂初,日久頹圮,急宜修復,歲漕臨、德二倉二 家口爲上閘,又十里則淸楊爲下閘。順流東下,直抵天津。 畿輔多河渠,湮廢不治。 懋康言: 「保定淸河,其源發於滿城。 旁近易、安諸州,新安、雄、完、 抵清苑而南十里,則湯

劉 十萬 應節 石餉保定、易州、紫荆諸軍,足使士卒宿飽。 、楊兆疏潮、白二河,陵泉諸 水,漕粟以餉二鎭,二鎭之軍賴之。 往者,密雲、昌平故不通漕。 此 可做而 萬曆初,總督 行 也。 詔

從之。 巡按陝西,疏陳 邊 政 十事, 劾罷副總兵王學書等七人。 請建宗學如郡縣學制。 報

可。 改按山 東,擢順天府丞。 以憂去。 天啓四年起右僉都御史,撫治 鄖陽

懋康雅負器局,敭歷中外。 與族兄懋良並有淸譽,稱「二畢」。

俱 在 福建。 懋良, 字師皐。 振饑民,減加派,撫降海寇,以善績稱。 先懋康舉進士。 由萬載知縣擢南京吏部主事。 懋康爲巡撫之歲,懋良亦自順天府尹擢 歷副使,至左布政使,

戶 部 右侍郎,督倉場。 魏忠賢以懋康爲趙南星所引,欲去之。 御史王際逵劾其附麗邪黨,

遂削 籍。 而懋良亦以不附忠賢,爲御史張訥所論,落職閒住。 兄弟相繼去國,士論更以爲

郎。 郎,督糧儲。 會京師戒嚴,尚書張鳳翔以下皆獲罪。 <u>崇</u>禎初,起懋康南京通政使。越二年,召拜兵部右侍郎, 旋引疾歸。 兄弟皆卒於家。 懋良得原,致仕去。 尋罷。 懋康再起南京戶部右侍 而懋良亦起兵部左侍

論江西稅使潘相擅刑宗人罪,不報。 官,卽上疏言罷礦稅、釋繫囚、起廢棄三事,明詔已頒,不可中止。帝怒,奪俸一年。 疏辨,復劾相。 理窑務。 蕭近高 帝卽可之,近高復力爭。 字抑之,廬陵人。萬曆二十三年進士。 疏雖不行,相不久自引去。 後江西撫按並劾相,相以爲近高主之,疏詆甚力。 既而停礦分稅之詔下,相失利,擅移駐景德鎮,請專 授中書舍人。 擢禮科給事中。 頃之, 甫拜

政使。 不當 不報。 吏部侍郎楊時喬 參將李獲陽, 近高復論 陳言路不通,耳目壅蔽之患。 更留。 屢遷刑科都給 事 所至 遼東稅使高淮激民變,近高 一以清操 皆不報。 請亟許以成其美。 聞 故事,六科都給事中內外遞轉。 中。 救。會廷臣多劾淮者,帝不得已徵還,而邦才等繫如故。 知縣滿朝薦、諸生王大義等皆忤中使繫獄三年。 未幾,又言王錫爵密揭行私,宜止勿召,朱賡被彈六十餘疏, 乃用爲浙江右參政,進按察使。 人情輕外,率規避,近高自請外補。 又以淮誣奏逮同知王邦才、 以病歸 近高請釋之, 起浙江左布 無何,極

|素因言近高暨侍郎余懋衡、曹于汴、饒伸,太僕少卿劉弘謨、[三] 劉宗周並辭榮養志,清風襲 故里,張差謀逆有據,不可蔽以瘋 泰昌 元年召爲太僕 卿。 廷議「紅丸」之案,近高言崔文昇、李可灼當斬,方從哲 癲。 歷工部左、右侍郎。 天啓二年冬,引疾 去。 御史黃尊 當 ·勒還

魏忠賢勢張,諸正人屛斥已盡。 人,亟宜褒崇,風勵有位。 詔許召還。五年冬,起南京兵部,添注左侍郎。力辭,不允。 近高不欲出,遷延久之。給事中薛國觀劾其玩命,遂落職 時

|崇禎初,乃復。卒於家。

政。 以規時政,辭甚切。三十年,京師早,陝西河州黃河竭。四禮官請修省,瑜言:「修省宜行實 宮,上太后徽號,瑜請推廣孝慈,以敦儉、持廉、惜人才、省冤獄四事進, 今逐臣久錮,纍臣久羈,一蒙矜釋,卽可感格天心。」末言礦稅之害。 白瑜,字紹明,永平人。萬曆二十三年進士。 選庶吉士,授兵科給事中。 皆引祖訓及先朝事 皆不報。 帝旣册立東

立,起光祿少卿,三遷太常卿。 帝不能無憾。 會瑜 論治河當專任,遂責其剿拾陳言, 給事中倪思輝、朱欽相,御史王心一以直言被謫,瑜抗疏 謫廣西布政使照磨。 以疾歸。 光宗

帝於射場營乾德臺、瑜抗疏力諫、又再疏請斥中官王朝、陳永壽、

累遷工科都給事中。

家 奴張應登計 天啓二年由通政使拜刑部右侍郎,署部 其 通 蹇 外。 永寧伯王天瑞者,顯皇后弟也,至以后故衝鄭氏,遂偕其弟錦衣 事。 鄭貴妃兄子養性奉詔還籍,逗遛不 去,其

論救。

列傳第

百

Ξ

十

巚

近高

白瑜

于廷等讞上其獄,請抵奴誣告罪,勒養性居遠方。 天麟交章劾養性不軌。 瑜以鄭氏得罪先朝, 而交通事實誣, 乃會都御史趙南星、大理卿陳 制可。 明年進左侍郎。卒官。 贈尙書。

授戶科給事中。巡視京營。 程紹,字公業,德州人。 祖路,江西右布政使。紹舉萬曆十七年進士。除汝寧推官,徵 副將佟養正等五人行賄求遷,皆劾置於理。帝遣使採礦河南,

沈榜貶官,夤緣稅監潘相得留,紹極言非法。 紹兩疏言宜罷,皆不報。 史李炳等爭之。 調之僻地,紹又爭之。帝怒,斥爲民。 廷議征楊應龍,兵部舉世德知兵,紹駁止之。 再遷東科左給事中。 紹言聞造挾吏部以避計典,且附會閣臣張位,聞造乃貶邊方。主事趙世德考察貶官, 帝益怒,幷薰斥爲民,而奪應策等俸。 會大計京官,御史許聞造計戶部侍郎張養蒙等,語侵吏部侍郎裴 以沈一貫救,詔鐫一秩,出之外。 又劾文選郎楊守峻,守峻自引去。 山西稅使張忠以夏縣知縣韓薰忤己,日之奏 紹家居二十年。 給事中李應策、御 光宗卽位,起太常 饒州通判

天啓四年歷右副都御史,巡撫河南。 宗室居儀封者,爲盜窟。 紹列上其狀,廢徙高牆。

區秦璽之眞爲,又安足計哉。」魏忠賢方斥逐耆碩,見之不悅。後忠賢勢益張,紹遂引疾歸。 白首魁艾。其他詞林臺諫一錮不起者,並皇國禎祥,盛朝珍寶。臣不能汲致明廷,徒獻符 **貢瑞,臣竊羞之。願陛下惟賢是寶。在朝之忠直,勿事虚拘,在野之老成,亟圖登進。** 如鄒元標、馮從吾、王紀、周嘉謨、盛以弘、孫愼行、鍾羽正、余懋衡、曹于汴等皆憂國奉公, 王孫圉不寶玉珩,齊威王不寶照乘,前史美之。陛下尊賢愛士,野無留良。尚有一代名賢, 紹聞之於朝,略言:「秦璽不足徵久矣。今璽出,適在臣疆,旣不當復埋地下,又不合私秘 臨漳民耕地漳濱,得玉璽,龍紐龜形,方四寸,厚三寸,文曰「受命於天,旣壽永昌」,以獻紹。 人間。欲遣官恭進闕廷,跡涉貢媚。且至尊所寶,在德不在璽,故先馳奏聞,候命進止。昔 |崇禎六年薦起工部右侍郎。越二年,以年老,四疏乞休去。 卒,贈本部尚書。 彼區

薦鍾羽正、趙南星、鄒元標等,因言:「宋季邪諂之徒,終日請禁偽學,信口詆諆。 翟鳳翀,字凌元,益都人。萬曆三十二年進士。 歷知吳橋、任丘,有治聲,徵授御史。皖 近年號講

學者,不幸類此。」

出按遼東。 列 僔 第 百三 宰賽、煖兔二十四營環開原而居,歲爲邊患。 + 程 紹 翟 鳯 翀 宰賽尤桀驁,數敗官軍,殺守 六二八三

將 於諸 置 健將, 区 区 邊。 挾 邊吏 開 故遼陽參將吳希漢失律聽勘, 原 始有備 增賞。 慶雲參將陳洪範 叉請 所在 建常平 所統 倉 以內援二十年不決, ,括贖鍰,節公費, 止嬴卒二千,又恇 怯不 易粟 且謀 備荒 任 復官。 戰。 鳳 帝善其議, 鳳 翀 翀 奏請 訊 益 成 命推 兵, 行

邊人快之。

振 未 賊 太子、皇長 發 之。 釋, 之相仍,流移饑殍之載道, 口 ,遽得 帝因「梃擊」之變,召見廷臣於慈寧宮。 輔 臣 孫講 罪。 未可晏然也。」 學,福 鳳翀上言:「陛下召對廷臣,天威開霽,千載 府莊 件旨, 田 鹺引,大僚空虛,考選沉閣,以及中旨頻降, 切責。 縷奏於前。 Щ 東大饑。 大學士方從哲、吳道南無所言。 乃緘默不言,致光復以失儀 以鳳 翀 疏, 一時。 遣御史過庭訓 輔 臣 宜舉朝端 邊警時 獲罪。 御 齎十六萬 史劉 聞 大 光復 ", 水 政,如 光 旱盜 復 H 皇 方

路。 經 所 相之吏。 歷。 毆 · ', 洪 宦寺浸用, 中官呂貴假奸民奏,留督浙江 而是時,尚賓亦上疏 復曲 邢 洪 庇 辱 應登 政 御史凌漢翀 令多 鳳翀 違, 實 抗 極言:「比來擬旨 於朝,給事 開 疏 羣 極 織造。 論 小假借之端,成太阿 貴、登、洪三人罪。 中郭 冉登提督九門, 不 尙 由內閣,託 賓等劾之,帝釋洪不問。 倒持之勢。」帝大怒, 且曰:「大臣造 以親裁。 誣奏市民毆 言官稍涉同 門卒,下兵馬 膝無從, 漢翀 謫 爲 小 廢 Щ 類 西 將 臣 輒 指 按 吅 凌 云黨 察使 應 揮 閣 無 登 歐

附。 省,故廷臣直諫者久不被譴。 納直諫,以保治安。」忤旨,謫江西布 將使大臣不肯盡言,小臣不敢抗論,天下事尚可爲哉?乞陛下 至是二人同日謫官,時稱「二諫」。 政 使檢校。 閣臣及言官論救,皆不納。 明韶閣臣,封還內降,容 帝於章疏多不

綏。 魏忠賢黨御史卓邁、汪若極連章論之,遂削籍。 鳳翀旣謫,三遷。 天啓初爲南京光祿 少卿。 匹 崇禎二年起兵部右侍郎,尋出撫天津 年以大理少 卿進右 愈都. 御 史, 巡撫延

以疾歸。卒,贈兵部尚書。

刑部右侍郎,亦以不附忠賢削籍。 中官之横。 尚實,字朝諤,南海 嘗因事 論稅使李鳳、高寀、潘相,頗稱敢言。 人、鳳翀同年進士。 崇禎初,爲兵部右侍郎。 自吉安推官授刑 已, 卒,贈尙書 竟謫 科給事中。 官。 光宗時乃復起、累官 遇事. 輒 諫諍 7,尤憤

巖合疏爭。 洪文衡,字平仲,歙人。 尋改禮部 い。與即 中 萬曆十七年進士。授戶部主事。 何喬 遠善。喬遠 坐詿誤被謫,文衡已遷考功主 帝將封皇長子爲王,偕同官賈 事 一,竟引 病 歸。

起補南京 部 歷 郎 中。 力按舊章,杜中貴橫索,節宂費爲多。 官工部九 年,進光祿少

列

卿。 者猶憚其進用,御史徐兆魁首疏力攻之。 已嬰羅問,俾聖心愈疑。 列,强半無人,仁賢空虛, 少卿。 改太常,督四夷館。中外競請起廢,帝率報寢。久之,乃特起顧憲成。 連茹無望,貽禍賢者,流毒國家,實兆魁一疏基之矣。」「も」尋進大 識者浩歎。所堪選擇而使者,祇此 文衡慮帝惑兆魁言,抗章申雪。 起廢一途。 今憲成尙在田間, 因言:「今兩都九 憲成已辭疾、忌

順,因循至今。 不合古誼。 部右侍郎。 泰昌元年起太常卿。光宗旣崩,議升袝。文衡請祧睿宗,曰:「此肅宗一時崇奉之情,公 且睿宗嘗爲武宗臣矣,一旦加諸其上,禮旣不合,情亦未安。 夫情隆於一時,禮垂於萬世。 更定之舉正在今時。」疏格不行。 當時臣子過於將 未幾卒,贈

理

以憂去。

文衡天性孝友。居喪,斷酒肉不處內者三年。生平不妄取一介。

倭故事,帝頗心動。 臣金晔泣言李如松、沈惟敬之誤,致國人束手受刃者六萬餘人。喬遠卽以聞,因進累朝馭 皇長子爲王,喬遠力爭不可。 喬遠、字穉孝、晉江人。萬曆十四年進士。除刑部主事,歷禮部儀制郎中。 而星堅持己說,疏竟不行。坐累謫廣西布政使經歷,以事歸。 同官陳泰來等言事被謫,抗疏救之。 石星主封倭,而朝鮮使 神宗欲封 里居二

十餘年,中外交薦,不起。

郎致仕。崇禎二年起南京工部右侍郎。 「書院上梁文實出臣手,義當幷罷。」語侵童蒙。進光祿卿,通政使。五疏引疾,以戶部右侍 無何,廣寧竟棄。天啓二年進左通政。 光宗立、召爲光祿少卿、移太僕。王化貞駐兵廣寧、主戰。 給事中盧兆龍劾其衰庸,自引去。 鄒元標建首善書院,朱童蒙等劾之。喬遠言: 喬遠畫守禦策,力言不宜輕

喬遠博覽,好著音。嘗輯明十三朝遺事爲名山藏,又纂閩書百五十卷,頗行於世,然援

据多舛云。

焉若不足。以致財匱民艱,家成徹骨之貧,人抱傷心之痛。今天下所以杌隉傾危而不可救 <u>燃、蘊</u>鋳,良東滿朝薦、王邦才等宜釋。 已,又言:「陛下清明之心,不幸中年爲利所惑,皇皇 士大夫意見分岐,議論各異,陛下漫無批答。曷若盡付外廷公議,於以平曲直、定國是乎。」 藥者,此也。」又言:「李廷機去國,操縱不出上裁。至外而撫按,內而 即劾罷河南巡撫李思孝。 陳伯友,字仲怡,己濟寧人。萬曆二十九年進士。授行人。擢刑科給事中。 俄論鄒之麟科場弊宜勘;奄豎辱駙馬冉興讓,宜置之法;楚宗英 庶僚,去留無所斷決。 甫拜命,

列

帝皆不省。 熊廷弼 爲荆養喬所計,伯友與李成名等力主行勘。

|烈帝即位,詔復官,未及用而卒。 魏忠賢,伯友亦偕卿胡世賞等抗疏 御 或 今春催 由 史呂 內降。 公沐昌 至 旣 圖 請不下數百 四十六年,以年例,卽家除 叉 南 祚 陳 面 改提學,此爭爲賢,彼爭爲不肖,盍息兩家戈矛,共圖 請令其孫啓元代鎭,已非法矣。 福 時 政 王之國之旨,亦於他疏批 四事 疏,何以忽易期。」疏亦留中。尋以艱去。及服除,廷議多排東林 ·言:「擬旨必由內閣。 河南 極論。 副使。 行。非獨褻天言,抑且 明年十二月,御史張樞劾其倚附東林,遂削奪。莊 乃撫按據法請勘,而 昨科 天啓四年屢遷太常寺卿,治少卿事 臣 曾六德之處分,閣臣葉向高之與試, 貽隱禍。[10]法者天下所 軍 以內批免之,疑 國大計。福王 中 久 一遂不出 ·有 應之國, 楊漣劾 隱情。 共。黔 悉

其 言朝薦 進士,授中書舍人。 子恣橫狀。 成名,字寰知,太原衞人。祖應時,南京戶部員外郎,以淸白著。 不釋,則諸璫 從哲求去,帝不許。 日肆、國家患無已。 擢吏科給事中。 是時,黨人日攻東林,成名遂移疾歸 疏陳銓政失平,語侵尚書趙煥。 吏部侍郎方從哲,中旨起官。 成名舉萬曆三十二年 俄請釋纍臣滿朝薦, 成名抗疏劾之,并及

家 居五年,起山東副使。 天啓初、遷湖廣參政,入爲太僕少卿。四年春,擢右僉都御史,

民 巡 一同 撫南、麓。 祀 焉。 崇禎 魏忠賢以成名爲趙南星所用,因所屬給由,犯御諱,除其名。爲巡 改元 召拜 戶 部 右侍 郎 以 左 侍郎 專理邊餉。 京 師 戒嚴, 改兵部。 )撫止 八月,士 帝召對

平臺

一 區

畫兵事甚

悉。

數月

而

罷

, 卒 於 家。

董應舉, 字崇相 萬曆二十六年進士。 除廣州教授。 與稅監李鳳爭學傍壖

地, 鳳舍人馳騎文廟前 ,繁其馬, 用是有名。

大 失,應舉言:「日生黑眚,乃强敵侵凌之徵。 、理丞。 遷 南京 四十六年閏四 國 一子博士。 月,日中黑子相關。 再遷南京吏部主事 o **亟宜勤政修備**, 五月朔, 召爲文選主事。 有黑日掩 以消 日, 歷考功郎 禍 變。 H 無 因條 光。 中, 時遼東 告歸。 上方略 起南京 撫 帝置 順 E

日蹙,由主威不立,國法不行所致。 天啓改元,再遷太常少卿,督四 「夷館。 帝以為應舉 二年春,陳急務數事,極言天下兵耗民離,疆宇 知兵,令專任較射演武。

不省。

務。 已, 應舉 上言 以責 人太重 保 衞 一,陳十難十利,帝悉敕所司從之。 神京在設險營屯。 逐 擢 應舉太僕卿兼 乃分處遼人萬三千餘戶於順天、永平 河南道御史,經理 天津至山海屯

列傳第一百三十 藍鷹舉

奏令屯田,以所入充歲餉,屯利益 黍麥穀五萬五千餘石。 河 間 一廩、田器、牛種,濬渠築防,敎之藝稻,農舍、倉廨、場圃 、保定 言認 書 褒美。 廷臣多論 遂用公帑六千買民田十二萬餘畝, 興。 其功,就進右副都御史。 、舟車畢具,費二萬六千,而 天津葛沽故有水陸兵二千,應舉 合閒田凡十八萬畝,廣募耕者, 所收

尋議 行積 引 給 魏忠賢傳旨詰讓,御史徐揚先遂希指再劾,落職閒住。 應舉好學善文。 Ji. 兩淮鹽課爲鑄本,命兼戶部侍郎,幷理鹽政。 年六月,朝議以屯務旣成,當廣鼓鑄。 增輸銀視 正引之半, 其居官,慷慨任事;在家,好興利捍患。 爲部 議所格。 應舉方奏析, 乃改應舉工部右侍郎,專領錢務,開局荆州。 應舉 至揚州,疏請釐 丽 崇禎 巡鹽御 比沒,海濱人祠祀之。 初,復官。 史陸世科惡其侵官, 正鹽規 議 商人補 劾

戎政 林材 尚書,起張 ,字謹任,閩縣人。萬曆十一年進士。 九 一貴州 巡撫。 材 極言兩人不當用,九一遂罷。 授舒城知縣。 擢工科給事中。 王 錫 爵赴召 材疏論 吏部推 一,幷及 鄭洛

趙志 皐、張位。 再請建儲 一豫教,又爭三王並封之謬。

屢遷吏科都給事中。 劾罷南京尚書郝杰、徐元泰。 經略宋應昌惑沈惟敬,力請封貢。

傷善類 馮夢禎 兵部將大敍平壤功,材力詆石星罔上,星乃不敢濫敍。 材 偕同官 乞斬應昌、惟敬、不報。 光宗卽位,始起尚寶丞,再遷太僕少卿。 。乃貶三官,餘停俸一歲。 不當爲詹事,劉元震不當爲吏部侍郎。帝積前怒,言材屢借言事誣謗大臣,今復暗 上言,切指時政缺失。帝慍甚,以方修省不罪。 志皐、位擬旨失當,材抗疏駁之。二十二年夏六月,西華門災,材 會御史崔景榮等論教,再貶程鄉典史。材遂歸里不出 還朝未幾,卽乞歸。 其冬,復率同官言成憲不當爲祭酒, 東部推顧養謹總理河道,材論止之。 天啓中,起南京通政使,

卒。

崇禎初、贈右都御史。

不容其切 南 撫魏 調 饒州 朱吾 田 大學士趙 契,吾 允貞 直 弼,字諧卿,高安人。 通 為稅 判 丽 志皐弟學仕 雷 皆疏 震 吾 使孫朝 (皇陵) 弼 論其 疏論, 竟謫戍之。 一吾弼 所 罪。 爲南京工部主事、二二 **計**,吾弼乞治朝欺罔罪。 時無賴 請 萬曆十七年進士。 帝廷見大臣,講求祖宗典制,次第舉行,與天下更始。 子鑑起言利,廷臣 奏請建國本,簡閣 以贓敗。 授寧國推官。 廣東稅使李鳳乾沒,奸人王 **輒連章力爭。** 南京刑部因志皐故,行三 臣,補言官, 徵授南京御史。 帝雖 龍 礦稅,不報。 不 盡從, 一遇桂 輕 亦未嘗 其罪, 尋復 請 Щ 西

江

列

傅

第

百

Ξ

+

林

材

朱 吾

碿

巡

議

言 卿 圕 1:「陛 不能 間 閻 補贖, 下孝敬 以礦 税竭 臺 疏 諫 於 無從引裾。 郊 郵 廟 傳 以 惕 一輸輓疲,流亡以水旱增,郡縣 厲弛於朝講, 土木盛宮苑, 不 可不深察而 改圖 也。 榛蕪遍 末言禮部侍郎 以徵求 殿廷,羣小横 困 ,草澤生心 郭正 域疾 中 " 外, 衣 惡 冠 E 嚴, 喪 土困 氣 居己 公 囹

峻,不可

以楚

事棄。

漢爲 勘。 去。 立,召還。 元 朝 珍 無敢留 論 且言 先是 居三年,起南京光祿 正域魔犬、語侵沈鯉、楊時喬、溫純。 之,反 了, 楚假王議起,首輔沈一 正域及言楚事者, 『「王旣非假,何憚於勘。」 **屡遷南京太僕** 獲譴。 吾弼 卿。 復疏 少 卿 吾弼 ,召爲大理右丞。 直元珍, 天啓五 獨抗章 賈陰左右王,以正域請行勘,嗾其黨錢夢臯輩逐之去。 吾酮、 年爲御史吳裕中劾罷。 請 申 朏 秉漢 秉漢 理。 夢皐, 逐為 坐貶貴州 而 齊、楚、 御 因 史林 力抵 貫等所惡。 浙三黨用 按察司 秉漢 一貫,亦忤旨,停俸 以楚宗 檢校,而 事 會夢皐京察將黜 一吾弼 人戕 夢皐 殺 復辭疾歸。 得 巡 留。 年, 撫, 遂移 遂 亦請 郎 熹宗 H 疾 劉 詳 秉 舉

秉 漢,宇伯昭,長泰入。 按廣東,亦再疏劾李鳳。 旣謫,尋移疾歸,卒於家。 天啓中

太僕少卿。

張 光 前 字字 爾荷,澤州 人。 萬曆三十八年進士。 授蒲 圻知縣。 補安肅。 甫 四 月,二三擢

吏 部 験封 主 事 0 歷文選員 外郎、稽勳郎 中。 乞假去。

忠賢 矯旨 謹 別 事 席 業 進 退,臣 意 昭 稾待罪。」遂貶三秩,調外任 切 |天 責。 ,削侍郎陳于廷及楊漣、左光斗籍。 啓 灼 四 人耳目,忽奉嚴旨責以不公忠,臣竊惑之。 實佐之。 年 南 - ,趙南 星 時與推應祥者,員外郎夏嘉遇, 功罪與共,乞先賜罷斥。」亦被旨 星爲尚書,起爲文選郎 中。 光前又抗疏曰:「會推尙書,于廷主議,臣 甫視事,魏忠賢欲逐南星,假 非光前 切責。 選郎,諸曹領 也。 未幾,以推喬允升等代南星 光前抗疏爭之, 袖,尚書臂指。 曰:「南」 延推 南星 謝應祥事 星 ·執筆, 一人品 所 一,件

觐

疏 官 並 乞休,及家而卒。 以忤奄去,見稱於世。 其黨咸側 光前操行清嚴,峻却請謁。 目。 明年,光前兄右布政使光縉治兵遵化,為奄黨門克新所劾,亦削 **崇**順元年起光祿少卿,不赴。 知縣石三畏贓私狼籍, 得奥援, 三年起太常。 將授臺諫。 已,進大理少卿。 光前 籍。 出之為王 兄弟 累

所建立,惜不逢明作之朝,故所表見止此耳。 贊曰: 朝政弛,則士大夫騰空言而少實用。 蕭近高、洪文衡諸人皆以淸素自矢,白瑜論鄭 若陳邦瞻、畢懋康、翟鳳翀、董應舉,尚思有

#### 校勘記

氏獄能持平,固卿貳之錚錚者歟。

以右副都御史巡撫廣西 **廣西**, 原作「陜西」。 國権卷八四頁五一五九作「廣西」。 按下文所記

乃陳邦瞻請討廣西田州土官岑懋仁事,作「陝西」誤,今改正。

原作「岑茂仁」。 上林土官黃德勳弟德隆及子祚胤叛德勳投田州土酋岑懋仁 勳、勛、懋、茂、都是一字異書, 而在本書有關各篇中互爲歧異。 黃德勳,原作「黃德勛」, 岑懋仁, 今從本書卷三

一八田州傳一律作「黃德勳」「岑懋仁」,不再一一出校勘記。

= 太僕少卿劉弘謨 劉弘謨,明史稿傳一二四蕭近高傳作「劉洪謨」。

179 陝西河州黄 河 竭 河州,原作「河南」。 據本書卷二一神宗紀、明史稿傳一二四白瑜傳改。 河洲

屬陝西臨洮府,在黃河上游。

75. 表、卷一一四种宗孝靖王太后傅。 永寧伯 王天瑞者顯皇后弟也 顯皇后弟, 按顯皇后,是神宗孝端王皇后, 當作「孝靖王太后父」,見本書卷一〇八外戚 與王天瑞無關, 見本書卷一 恩澤侯

ヘベン 山西稅使張忠以夏縣知縣韓薰忤己 按本書卷三〇五楊榮傅作「山西稅監孫朝」, 本書卷二三

魏允貞傳作「張忠採礦山西」。 此作「張忠」,當稱「礦監」不當稱「稅使」,如稱「稅使」,當作

「孫朝」。

(4) 實兆魁一疏基之矣 基,原「塞」,據明史稿傳一二四汪文衡傳改。

此肅宗一時崇奉之情 按明無「肅宗」、當作「肅皇」、卽世宗肅皇帝。

八九山 字仲怡 仲怡,原作「仲恬」,據明史稿傳一二四陳伯友傳 改。

抑且 胎隱禍 隱禍,原作「陰禍」,據明史稿傳一二四陳伯友傳改。

大學士趙志皐弟學仕爲南京工部主事

南京,明史稿傳一二四朱吾弼傳作「兩京」,疑是。

本書卷二二一趙參魯傳稱學仕「乃大學士志皐族父」。

甫四月 南京刑部因志皐故 四月,明史稿傳一一三張光前傳作「兩月」。



# 明是卷一百四十三

### 列傳第一百三十一

#### 趙南星 鄒元標 孫愼行 盛以弘 高攀龍 馮從吾

行。 衆正 京禮部侍郎趙用賢在,詞臣黃洪憲輩每陰讒之,言官唐堯欽、孫愈賢、蔡系周復顯爲詆誣。 是謂干進之害。禮部尚書沈鯉、侍郎張位、諭德吳中行、南京太僕卿沈思孝相繼自免,獨南 尚書宋纁聲望,連疏排擠。副都御史詹仰庇力謀吏、兵二部侍郎。 居 ĪE. 不容,宵人得志,是謂傾危之害。州縣長吏選授太輕,部寺之官計日而取郡守,不問才 寢疾,朝士羣禱,南星與顧憲成、姜士昌戒弗往。 而撫按論 起 趙南星,字夢白,高邑人。萬曆二年進士。除汝寧推官。治行縣平,稍遷戶部主事。張 歷文選員外郎。 人贓私有據,不曰未甚,則曰任淺,槪止降調。 疏陳天下四大害,言:「楊巍乞休,左都御史吳時來謀代之,<br />
忌戶部 居正殁,調吏部考功。 其意以爲惜才,不知此乃惜 大臣如此,何以责小臣, 引疾歸

列傳第

百三

<del>-</del>

趙南

星

如渭南 不才也。 知縣張棟,治行無雙,裁抑鄉官,被讒不獲行取,是謂鄉官之害。 吏治 日汙、民生日瘁、是謂州縣之害。 鄉官之權大於守令,橫行無忌, 四害不除,天下不 莫敢誰 何。

可得治

南星幾獲譴。 時來、仰庇、洪憲讒諂狀。 疏出,朝論韙之。而中所抨擊悉時相所庇,於是給事中李春開起而駁之。 給事中王繼光、史孟麟、萬自約,部曹姜士昌、吳正志並助南星詆 春開氣沮,然南星卒以病歸。 再起、歷考功郎 中。 春開, 其疏先下, 且發

部議留拾遺庶僚 後論救者悉被譴,雖亦去位,一時善類幾空。 外郎呂胤昌, 二十一年大計京官, 他附麗政府及大學士趙志皐弟皆不免。 、非法。 得旨,南星等專權植黨,貶三官。 與尚書孫蠬秉公澄汰。 事具蠬傳。 首點所親都給事中王三餘及雛甥文選員 政府大不堪。 俄因李世達等疏救,斥南星爲民。 給事中劉道隆因劾吏

亮嗣先朝結黨亂 御史,慨然以整齊天下爲任。 南星 光宗立,起太常少卿。 里居,名益高。 政,議黜之。 與鄒元標、顧憲成,海內擬之「三君」。中外論薦者百十疏,卒不起。 俄改右通政,進太常卿。 吏科都給事中魏應嘉力持不可。 天啓三年大計京官, 以故給事中元詩教、趙興邦、官應震、吳 至則擢 工部右侍郎。 南星著四凶論,卒與考功郎 居數月,拜左 都

程正己置四人不謹。

他所澄汰,一

如爲考功時。

浙江巡按張素養薦部內人材,及姚宗文、

陜 邵 西 輔忠、劉廷元。 高 弘 圖 山 四 徐揚先、宣大李思啓、 南星劾其謬,素養坐奪俸。 河東劉大受, 先是,巡方者有提薦之例,南星已奏止之。 復踵行如故。 南星並劾奏之, 巡方者 而

始

知

畏

法

屋亦 有給 南星素 邀之半道,爲人求官,不得則 置 事 尋代張問達爲吏部尙書。 之王府。 疾其弊、銳意澄清、獨行己志,政府及中貴亦不得有所干請,諸 爲貲郎求 鹽 時進士無爲王官者,南星不恤 運司,卽注貲郎王府,而出給事 加 以惡聲, 當是時,人務奔競,苞苴恣行,言路橫尤甚。 或逐之去。 也。 於外。 選郎 刨 知縣石三畏素貪,夤緣將行 公正 一無如 何,倘 人憚 其 書 每文選郎出,輒 剛 亦 嚴 太 息 不 取,南 敢 而 犯

嘗並 忠賢 而 三至南 齕 坐弘 南 默 魏 然,怒形於色。 星門,拒 忠賢雅 政門、選通政 重之,嘗於帝前稱其任事。 勿見。 又嘗嘆曰:「見泉無子。」見泉, 大學士魏廣微,南星友允貞子也,素以通家子畜之。 司參議,正色語忠賢曰:「主上沖齡,我輩內外臣子 日,遺娣子傅應星介一中書贄見,南星麾之去。 允貞別號也。 廣微恨 宜各努力爲善。」 刺骨,與忠賢比 廣微入內閣,嘗

芳、陳于廷佐銓; 東林 勢盛,衆正盈朝。 魏大中、袁化中長科道,鄭三俊、李邦華、孫居相、饒伸、 南星益搜舉遺佚,布之庶位。 高攀龍、楊漣、左光斗秉憲,李騰 王之寀輩悉置卿

星

貮。 制 側 植 目 而 私 滋 四司 人。 欲 之屬,鄒 維 去南星 璉 引 去,南 維璉、夏嘉遇、張光前、程國祥、劉廷諫亦皆民譽。 給 事 星奏留之,小人愈恨。 中傅櫆以維璉 改吏部己不與聞,首假汪文言發難, 會連刻忠賢疏 上,宮府益水火。 中外忻 忻望治,而小 劾南 南 星 星紊舊 逐杜

門

乞休,不許

嘗 求之。 小 以 引 九 語 龍 罪 侵 知 會推忤忠賢意,并斥于廷、漣、光斗、化中 人競進,天下大柄盡歸忠賢矣。 疇妄言 、漣等, 九疇。 嘉善,大中出 求 攀 去,忠賢復矯旨切責,放歸。 南 龍之劾崔呈秀也,南星議戍之。 示 星 我 可聽。 九疇 以 兩 太常卿謝應祥 人未 语 疏· 其門,大中以師故,謀於文選郎嘉遇而 知 忠賢大怒,矯旨黜大中、嘉遇,幷黜九疇,而責南星等朋謀結黨。 力詆,並下部議。 死 所。」忠賢大以爲然,遂與定謀。 有淸望,首列以請。 明日,攀龍亦引去。 呈秀窘,夜走忠賢邸,叩頭乞哀,言一不去南星及攀 南星、攀龍極言應祥以人望推舉, ·, 引 南星所擯徐兆魁、喬應甲、王紹徽等置要地。 旣得旨,而御史陳九疇受廣微指,言 給事 會山 用之,徇私當斥。 中沈惟炳論救,亦出之外。 西缺巡撫,河南布 大中、 大中 、嘉遇疏辯, 政 嘉遇 使 郭 南星遽 無私, 尚友 應祥 俄

)璉、 國祥、嘉遇及王允成。 忠賢 及其黨惡南星甚,每矯敕諭, 得旨,並削籍。 必目爲元凶。 令再奏南星私黨, 訥復列上邦華及孫鼎相等十 於是御史張訥劾南星十大罪,并劾維

之徒, 四 日並貶黜。 一擊南星,輒遂所欲。 自是爲南星擯棄者,無不拔擢。 而石三畏亦起爲御史,疏攻南星及李三才、顧憲成、孫丕揚、 其素所推獎者,率遭奇禍。 諸干進速化

王圖等十五人。死者皆削奪,縉紳禍益烈。 尋以汪文言獄詞連及南星,下撫按提問。 適割

尚友巡撫保定,而巡按馬逢皐亦憾南星,乃相與庭辱之。笞其子淸衡及外孫王鍾龐,三繫

永昌。 之獄,坐南星贓萬五千。南星家素貧,親故捐助,始獲竣。卒戍南星代州,淸衡莊浪,鍾龐 嫡母馮氏、生母李氏、並哀慟而卒。 子生七齡,驚怖死。 南星抵戍所,處之怡然。

太子太保,〔三諡忠毅。 莊烈帝登極,有詔赦還。 |櫆、呈秀、廣微、九嚋、兆魁、應甲、紹徽、訥、三畏、尚友、 志夔, 俱名 巡撫牟志變,忠賢黨也,故遲遣之,竟卒於戍所。 崇禎初,贈

麗逆案,爲世大僇焉。

歐陽德、羅洪先,得王守仁之傳。 鄒元標,字爾瞻,吉水人。 九歲通五經。 | 元標弱冠從直遊, 即有志爲學。 泰和胡直,嘉靖中進士,官至福建按察使,師 舉萬曆五年進士。 觀政

刑部。

張居 正奪情,元標抗疏切諫。 且曰:「陛下以居正有利社稷耶? 居正才雖可為,學術則

人, 駕蒿 挽 社 不 **祿苟容,小臣畏罪緘默,有今日陳言而明日獲譴者。** 偏 以爲禽彘,可謂之非常人哉?」 留; 可枚數矣。 無疆之福也。 志雖欲爲,自用太甚。 今有人於此,親生而不顧,親死而不奔,猶自號於世曰我非常人也,世不以爲喪心,則 爲 然後辦非常之事」,若以奔喪爲常事而不屑爲者。不知人惟盡此五常之道,然後謂之 是進賢未 脫不幸遂捐館舍,陛下之學將終不成,志將終不定耶。臣觀居正疏言『世有非常之 巢、啜水爲餐者,而有司不以聞。 伏讀敕諭,『朕學尚未成,志尚未定,先生旣去,前功盡隳』。 廣也。 雖然,弼成聖學,輔翼聖志者,未可謂在廷無人也。 諸道決囚,亦有定額。 其設施乖張者,如州縣入學,限以十五六人。 是民隱未周也。 所司 懼罰,數必取盈。 是言路未通也。 其他用刻深之吏,沮豪傑之材,又 是斷刑太濫 且幸而 黄河泛濫爲灾,民有 有司希指,更損其 陛 居正丁艱,猶可 下言及此,宗 也。 大臣持

及 心 入,居正大怒,亦廷杖八十,謫戍都勻衞。 理學,學以大進。 疏就,懷之入朝。適廷杖吳中行等。元標俟杖畢,取疏授中官,給曰:「此乞假疏也。」 巡按御史承居正指,將害元標。行次鎭遠,一夕,御史暴死。 衞在萬山中, 夷僚與居, 元標處之怡然。 益究

臣 五事。 元標謫居六年,居正歿,召拜吏科給事中,首庶培聖德、親臣工、肅憲紀、崇儒行、飭撫 尋劾罷禮部尚書徐學謨、南京戶部尚書張士佩

學謨 力抗 徐學謨者 不 予,為王所 ,嘉定 副都 縣 刻。 \ ر 御史,撫治鄖陽。 嘉靖 1 ·撫按 中,爲荆 、逮問, 州知 改官。 府。 歸葬父,學謨事之謹,召爲刑部侍 荆州 景恭王之藩德安,欲 人德之, 稱沙市 爲「徐 奪荆州城北 र्क 居正 郎。 沙市 越二 一素與 地。

居正

萬曆·

中,累遷右

不由 於 年,擢 大學士 翰林,然先歷其部侍 禮部 申 尙 時行以自固。 書。 自弘治後,禮部長非翰林不授。 郎。 及奉命擇壽宮, 學謨徑拜尚書,廷臣以居正故,莫敢言。 通政參議梁子琦劾其始結居正,繼附時行, 惟席書以言「大禮」故,由 居正卒,學謨急締 他曹遷;萬 詔 土 和 烟

奪子琦 俸。 元標復劾之,遂令致仕

之。 憾,遂 耶; ? 撀 部尚 憂,里居講學,從游 色游宴,謂元標刺已,怒甚,降旨 事 書 給 語 慈寧宮災,元標復上時政六事。 調 、民瘼 石星 事 云 南京 ·中楊· :『欲 論 刑部 八 文煥、御史何選亦以爲言。 人勿聞,莫若勿爲。」陛下誠宜 教,亦被 事,疏幾萬言。 照磨。 者日衆,名高 誰 讓 就遷兵部主事。 元標 文選缺員 天 下。 1譙責。 居南京三年,移疾歸。 中言:「臣曩進無欲之訓,陛下試自省,果無欲耶,寡欲 中外疏薦遺佚,凡數十百上,莫不以元標爲首。 外郎,尚書宋纁請 召改 首 帝怒,詰責 一翻然 輔 時行 吏部,進員 自省,加意培養。」當是時,帝方 以元標己門生, 纁, 謫文煥、選於外, 而 久之, 起本部郎中, 不赴。 外郎,以病死。 用 元標,四人不獲命 而 劾罷其姻<u>學</u>謨, 起補驗封。 調 元標南京。刑 ,纁連疏 壯 齡 旋遭 留留 亦 陳 母 意 卒 趣 吏 داد

列

傅

第

不用。家食垂三十年。

心,衡 臣約 之論 才、趙南星、高攀龍、劉宗周、丁元薦,而恤錄羅大紘、維于仁等十五人。 不降 今日國 人論 心平氣 光宗立,召拜大理 天下萬世之人 論 帝優詔襃納。 事,皆二十年諸臣 一人當惟公惟平,毋輕搖筆端; 事者,各懷偏 ,專務分門立戶。 [與事]則議論公,而國家自享安靜和平之福。」因薦涂宗濬、李邦華等十 居二日,復陳拔茅闡幽、理財振武數事,及保泰四規。 見。 卿。 | 醞醸所 偏生迷,迷生執, 未至,進刑部右侍郎。 臣謂今日急務,惟朝臣 成。 往者不 論 執而 一事當懲前 以進賢讓能爲事, 爲我,不復知有 天啓元年四月還朝,首進和衷之說,言: 和衷而已。 慮後,毋輕試耳食。 朝臣和,天地之和 日錮賢逐能。 禍 帝亦襃納 且移於國。 以 且請召 天下 而言事者又 自應。向 用 萬 今與諸 葉茂 世之

中止。 官異。 祇有同心共濟。 盛,元標心惡之,思矯其弊,故其所薦引不專一 臣與德完初無纖芥,此必有人交搆其間。 初 王德完譏其首鼠, 風裁踔絕,言官事也。 ,元標立朝,以方嚴見憚,晚節務爲 倘復黨同伐異,在國則不忠,在家則不孝。 元標亦不較。 大臣非大利害, 南京御史王允成等以兩 和 易。 卽當護持國體,可 途。 臣嘗語朝士曰:『方今上在沖歲,敵在門庭, 或議其遜初仕時。 嘗欲舉用李三才,因言路不 世自有無偏無黨之路,奈何從 人不 '如少 元標笑曰:「大臣 和, 年悻動耶?時 請帝] 諭 與,元標 解。 腑 元標 黨方 與言 卽

室內起戈矛耶? 』」帝嗣位已久,而先朝廢死諸臣猶未贈 卹`元標再陳闡幽 之典,言益 懇切。

秩,昭 旗、過庭訓 多 **已京察不公,專禁錮異己,請收錄章家禛** 獲昭 其 陛下褒尊耆舊至意。」帝納其言。 雪。 年十二月改 雅 又言:「明詔收召遺佚, 有 物議。 吏部 及庭訓 左侍郎。 秩滿,汝楨注考溢美。 未到官 而 諸老臣所處猶是三十年前應得之官, 於是兩京太常、太僕、光祿三卿各增二員。 7,拜左 、丁元薦、 都御 史記 史。 元標疏論 事、 明年典外察, 沈 之,兩 正宗等二十二人。 人並引 去留 惟 疾去。 宜添 公。 注 由是諸臣 御史潘 已,言丁 三品崇 汝

立

臣

師徒 閣筆 及 從 無其 者, 而 初 從哲 來 不 王紀偕逐,元標疏救,不聽 恃此信史。 懲戒 調然。 試試 心,何 ,誰敢領此? 孫 世居京師、黨附者衆、崔文昇黨復彌縫於內、格慎行與衆議、皆不得伸。 慎行之論 「紅 間 亂 誰 以 贼, 全在信史。 及旣入都,爲人言先帝盛德,宜速登信史。 自解於世。 秉國成,[E] 而使先帝震驚,奸人闖宫,豺狼當路,儉邪亂政? 從哲 臣去年升 』臣始有疑於前日之言。 丸」也,元標亦上疏曰:「乾坤所以不 且. 過南中,南中士大夫爭言先帝猝然而崩,大事未明,難 從哲秉政七年,未聞 失今不成,安所底止。」時刑部尚書黃克纘希內廷意,羣小和之, 元輔方從哲不伸討賊之義,反行賞奸之典,即謂 建樹何 事,但聞馬上一日三趣戰,喪我十萬 諸臣曰:『言及先帝彌留大事, ·毀者,惟此綱常。 綱常所 何詞 以傳 未幾,愼行 以 以植 信。 對? 令 人

張酌請毁天下講壇,力詆元標,忠賢遂矯旨削奪。 上老臣去國情深疏。 復交章力攻,與治至比之山東妖賊。 柄,傳旨謂宋室之亡由於講學,將加嚴譴。 講學,童蒙首請禁之。元標疏辨求去,帝已慰留,允厚復疏劾,語尤妄誕。而魏忠賢方竊 童蒙、郭允厚、郭興治慮明年京察不利己,潛謀驅逐。會元標與馮從吾建首善書院,集同志 元標自還朝以來,不爲危言激論,與物無猜。然小人以其東林也,猶忌之。給事中朱 歷陳軍國大計,而以寡欲進規,人爲傳誦。 元標連疏請益力,詔加太子太保,CKJ乘傳歸。 葉向高力辨,且乞同去,乃得溫旨。興治及允厚 崇禎初,贈太子太保、吏部尚書,諡忠 四年卒於家。 明年,御史 陛解り

亦加至太僕卿。 至戶部尙書、太子太保。 童蒙等旣劾元標,遂得罪淸議,尋以年例外遷。及忠賢得志,三人並召還。 忠賢敗,三人並麗逆案云。 童蒙至右副都御史,巡撫延級,母死不持服,爲忠賢建生祠。 歲餘,允厚

三人,授編修,累官左庶子。 孫愼行,字聞斯,武進人。 數請假里居,鍵戶息交,覃精理學。 幼習聞外祖唐順之緒論,卽嗜學。 當事請見,率不納。 萬曆二十三年舉進士第 有以

政事詢者,不答。

廢長 廷臣 懷,爲首六人 開 不 旬 非叛,諸 時主之,其後,羣臣 明年 壽 講 躬 皇孫 節,羣議益籍籍。 親 請之國 立幼,久不 四 東 -|-季春之國,羣情始安。 人由 出 宮輟講至 年五 者愈衆,帝 諭 閤 此獲釋。 死, ,係宗社安危,疏至七八上。 更正,臣僚章奏一 月由少詹事擢禮部右侍郎,署部事。 爭者百餘疏 復錮英嫶等二十三人於高牆,禁蘊鈁等二十三人於遠地。 八年,皇長 愈遲之。 皇太子儲位雖定,福王尚 孫 ,帝皆不省。 慎行疏十餘上, 切留中 九齡 未就 ·,福府莊 外傳,瑞王二十三未婚, 代王 慎行屢疏爭 不見省。 留京師, 須莊田 廢 田 取 長 子 盈 當是時,郊廟大享諸禮,帝二十餘年 |鼎渭, ,乃獲更置。 四萬頃, 最後, 立愛子鼎莎, 四萬頃乃行, 貴妃復請帝留 愼行 楚宗 楚宗人擊殺 並 人久錮 切 諫。 李廷機 宵小多窺伺 **愼行** 王慶太后七 未釋, 已, 帝不得已, 松巡撫趙 力白其 爲侍 念東宮 代王 郎 可

給 議 趣 事 漏 改  $\pm$ 右 中元詩 韓 ·侍郎 之國 敬 科 敎 ,謂愼行邀功,列之拾遺疏中。 李鋕於左,而以愼行爲右,命俱未下。 場之議,愼行擬黜敬。 和之。 慎行遂四疏乞歸,[t] 出城候命,帝乃許之。 而家居時素講學東林,敬黨尤忌之。 帝察其無罪,獲免。 御史過廷訓因言誌未履任,何復推慎行 已而京察,御史韓浚等以 會吏部缺侍郎,廷

交章劾之。 熹宗立 大學士方從哲擬旨令引疾 ,召拜禮部尚書。 初,光宗大漸 歸, ,鴻臚寺丞李可灼以紅鉛丸藥進, 賚 以 金 幣。 天啓二年四月,〇 愼行還朝, 俄帝 崩 廷臣

疏曰

天下後世 實。 門席稾以待司寇,義之次也, 己實薦之,恐與同 子卽自殺,春秋猶書之爲弑。 所 進。 實錄: 先帝驟崩,雖云夙疾,實緣醫人用藥不審。 夫可灼官非太醫,紅 中 解 卽 也 欲爲君父諱,不敢不直書方從哲連進藥二丸,須臾帝崩,恐百口 罪歟? 臣 一以爲 丸不 然則 乃悍然不 知 從哲縱無弑之心,却有弑之事,欲辭弑之名,難 從哲宜何居? 何 藥, 乃敢突然以進。 顧。 至舉 題 與報, 朝共攻可灼, 速引劍自裁以 知李可灼紅丸乃首輔方從 昔許悼公飲世 僅令回籍調理, 謝先帝,義 . 子 藥 之上 而 豊不 無能 免弑 也, 卒, 世 以 合 Z 哲

晉、隋、周、宋,其末世亡國之君 倘 何 詛 君國 逐膽大揚言。 非禮官執奏, 然從哲之罪實不 ,等於亡王,其設 說者謂二豎早以金寶輸從哲家,若非九卿、 言路 力持, 止此。 心謂 幾何 先是則有皇貴妃欲爲皇后事。古未有天子旣崩而立后者。 何? 率諡 後此 不遺禍宗 日一恭」,而 則有選侍 社哉 以加之我皇祖,豈真 垂簾聽政事。 ! 繼此 則 有證 臺諫力請移宮,選侍一日 劉遜、李進忠幺麼小豎, 皇祖爲恭皇帝事。 不學無術,實乃呪 歷考

得志,陛下幾無駐足所。 聞爾時從哲濡遲不進,科臣趣之,則云遲數日無害。

之縱橫,忍君父之杌陧,爲大臣者宜爾乎?

仇。 **灼**,以洩神人之憤。 法,干犯天下之名義,釀成國家之禍患者,臣不能悉數也。 毋詢近習,近習皆從哲所攀援也。 臣在禮言禮,其罪惡逆天,萬無可生之路。 母拘忌諱,忌諱卽從哲所布置也。 若其他督戰惧國,問上行私, 陛下宜急討此賊,雪 并急誅李可 不共之 縱情蔑

危如 又云『朕凌虐不堪,晝夜涕泣六七日』。夫從哲爲顧命元臣,使少肯義形於色,何至令至尊憂 『輔臣義在體國,爲朕分憂。 不入慈慶者已三日,國政幾於中斷,非他輔臣訪知,與羣臣力請,其害可勝言哉 復疏折之,曰:「由前則過信可灼,有輕進藥之罪,由後則曲庇可灼,有不討賊之罪,兩者均 見者,當據實會奏, 無辭乎弑也。 素忠慎,可灼進藥本先帝意。 此! 時朝野方惡從哲,慎行論雖過刻,然爭韙其言。 惟阿婦寺之意多,戴聖明之意少,故敢於凌皇祖,悖皇考,而欺陛下也。」末復力言 從哲謂移宮有揭。 用釋羣疑。」於是從哲疏辨。 今似此景象,何不代朕傳諭一言,屏息紛擾,君臣大義安在?』 卿言雖忠愛,事屬傳聞。幷進封移宮事,當 但諸臣之請在初二, 刑部尚書黃克纘右從哲,亦曲 顧近習多為從哲地,帝乃報曰:「舊輔 從哲之請在初五。 日九卿、臺諫官親 爾時章疏 「爲辨。 !伏讀聖諭 入乾清 慎行

列

阴

克纘之謬。 章 並 下 廷議 旣 而 議 上,惟可灼 下吏戍邊,從哲置不問

由 旁枝 Ш 進 東巡 封,其四 撫奏,五 子法不 月中, 當封 日中月星 和王,厚賄近 並 見。 一倖,遂得溫旨。 慎行以為大異 ,疏請修省,語極危切。 愼行 堅不 奉韶,三疏力爭,不得。 秦王誼鴻

七

月

謝

病

去

禎 追 要 刻, 典,「紅丸」之案以慎行爲罪 、朱延禧、魏廣微 其 詔撫按提問,遣戍寧夏。 冬,廷推閣臣,以愼行爲首,吏部侍郎盛以弘次之。 ,朝論大駭。 魁。 未行,莊 葉向 其黨 高 烈帝 張訥 連 疏 請 酮 遂 位,以赦免。 上疏 用 兩 力詆, 人,竟不得命。 有 魏忠賢抑不用,用顧秉謙 詔 削 奪。 已,忠賢 未幾, 大熾,議修三朝 劉 志選復 朱國 兩疏

宗周 戴 入 閣 、林釺名上,帝卽召之。愼行已得疾,甫入都,卒。 **崇**顧元年命以故官協理詹事府,力辭 一東部 尚書王永光力排之,迄不 ·獲用。 不 就。 八年廷推閣 慎行操行 贈太子太保,諡文介。 臣,屢不 峻潔,為一時搢紳冠。 ·稱旨。 最後 以慎行 朝士數推 及 劉

官吏部右侍郎。 號 泣請 盛. 於當 以弘,字子寬,潼關衞人。父訥,字敏叔。 事,水漿不入口者數日,爲發兵討斬之。久之, 與尚書陳有年、左侍郎趙參魯共釐銓政。 酌父德,世職指揮也,討洛南盗戰死。 母憂歸, 舉隆慶五年進十。 以篤孝聞。 由庶吉士 卒, 贈禮 部 累 酌

尚書。 天啓初,諡文定。

落其職。|崇禎初,起故官,協理詹事府,卒官。|明世,衞所世職用儒業顯者,副父子而已。 以弘,萬曆二十六年進士。由庶吉士累官禮部尚書。天啓三年謝病歸。 魏忠賢亂政,

24 川僉事張世則進所著大學初義,詆程、朱章句,請頒天下。攀龍抗疏力駮其謬,其書遂 高攀龍,字存之,無錫人。少讀書,輒有志程、朱之學。舉萬曆十七年進士,授行人。

才行

侍郎趙用賢、都御史李世達被訐去位,朝論多咎大學士王錫爵。攀龍上疏曰:

屋、陳泰來、顧允成、薛敷教、張納陛、于孔兼、賈巖斥矣。 邇者李禛、曾乾亨復不安其 近見朝宁之上,善類擯斥一空。大臣則孫鑨、李世達、趙用賢去矣,小臣則趙南

位而乞去矣,選郎孟化鯉又以推用言官張棟,空署而逐矣。

裁,隱伏之中,莫測所以。 冠,世道人心何可勝慨!且今陛下朝講久輟,廷臣不獲望見顏色。天言傳布,雖 夫天地生才甚難,國家需才甚**亟,廢斥如此,後將焉繼**。 故中外羣言,不曰「輔臣欲除不附己」,則曰「近侍不利用正 致使正人扼腕, 曲士彈 日

列

借 册,爲聖德累不小。 逆耳,如<u>董基等,陛下已嘗收錄,何獨於諸臣不然?臣恐陛下</u> 之故 以行娼嫉之私,陛下有容言之盛心,而臣工反遺以拒諫諍之誚。 学? 唑 一下深居九重,亦曾有以諸臣賢否陳於左右,而陛下於諸臣,亦嘗一 果以爲皆由 聖怒,則諸臣自孟化鯉而 外,未聞忤旨,何以皆罷斥? 有祛邪之果斷 傳之四海, 而 刨 思其得罪 垂諸史 使批 左 右 鱗 反

册 百步。 內洩其私憤,而利於斥逐之盡乎。 輔 臣 卽 ;如諸臣罷斥,果以爲當然,則是非邪正,恒人能辨,何忍坐視至尊之過舉,得 王錫爵等,跡其自待,若愈於張居正、申時行,察其用心,何以異於五十步笑

稍 末 之官七月,以事歸。 示 力抵鄭材 ·懲創。 帝不許,鐫應宿二秩,謫攀龍揭陽添注典史。 、楊應宿讒諂宜黜。 尋遭親喪,遂不出,家居垂三十年。 應宿亦疏計攀龍,語極妄誕。 言者屢薦,帝悉不省。 御史吳弘濟等論教,并獲譴。攀龍 疏並下部院,議請薄罰 兩臣

劉 性 名將,失地喪師。 保謀逆,中官盧受主之,劉于簡 父國泰主謀。 熹宗立,起光祿丞。 今人言籍籍,咸疑養性交關 于簡原供,明言李永芳約如槙內應。 天啓元年進少 獄 詞 具 卵。 在。 好宄,別懷異謀,積疑不解,當思善全之術。 明年四月疏劾戚畹鄭養性、言:「張差梃擊實養 受本鄭氏 私人,而 若崔文昇素爲鄭氏腹心,知先帝症 李如楨 家交關 鄭氏,計陷

虚,故用泄藥,罪在不赦。 陛下僅行斥逐,而文昇猶潛住都城。 宜勒養性還故里,急正如

· 慎、文昇典刑,用章國法。」疏入,責攀龍多言,然卒遣養性還籍

葉向 與同罷,詔留之。 不容不討,奈何猶令居輦轂下」,時從哲輩與援甚固,摘疏中「不孝」語激帝怒,將加嚴譴。 也。 爲孝』,此大亂之道也。陛下念聖母則宣選侍之罪,念皇考則隆選侍之恩,仁之至義之盡 若狂,但知鄭氏,不知東宮。此賊臣也,討賊,則爲陛下之孝。而說者乃曰『爲先帝隱諱則 姝之進,終以文昇之藥,而從哲實左右之。力扶其爲鄭氏者,力鋤其不爲鄭氏者;一時人心 紅 丸, 其 最 大者在交結鄭國泰。國泰父子所以謀危先帝者不一, 始以張差之梃, 繼以美 王志道爲從哲解,攀龍遺書切責之。尋改太常少卿,疏陳務學之要,因言:「從哲之罪非止 大孝,忠也不知其爲忠,不忠也以爲大忠。忠孝皆可變亂,何事不可妄爲。故從哲、養性 一功,甘居罪,君父有急,袖手旁觀,此大亂之道也。惑於其說,孝也不知其爲孝,不孝也以 高力教、乃奪祿一年。 而說者乃曰『爲聖母隱諱則爲孝』。明如聖諭,目爲假託,忠如楊漣,謗爲居功。人臣避 孫愼行以「紅丸」事攻舊輔方從哲,下廷議。攀龍引春秋首惡之誅,歸獄從哲。給事中 進太僕卿,擢刑部右侍郎 旋改大理少卿。 鄒元標建書院,攀龍與焉。元標被攻,攀龍請

70 年八月拜左都御史。 楊遊等羣擊魏忠賢,勢已不兩立。 及向高去國,魏廣微日導忠

少得 大瓦 戍之。 排戶入,一燈裝然,則已衣冠自沈於池矣。 呈秀慽不已,必欲殺之,寬名李實劾周起元疏中,遣緹騎往逮。 引罪去。 賢 入與夫人語,如平時。 文告之。 爲 一受辱 力。」時年六十五。遠近聞其死,莫不傷之。 惡,而攀龍 呈秀窘, 頃之, 則辱國。 歸與二門生一弟飲後園池上,聞周順昌已就 、急走忠賢所,乞爲義兒,遂摭謝應祥事,謂攀龍黨南星。 爲趙南星門生,並居要地。 南京御史游鳳翔出 **謹北向叩頭,從屈平之遺則。」復別門人華允誠書云:「一生學問,至此亦** 出,書二紙告二孫曰:「明日以付官校。」因遣之出,扃戶。 爲 知府,計攀龍挾私 發所封紙,乃遺表也,云:「臣雖削奪,舊爲大臣, 御史崔呈秀按淮、揚還,攀龍發其穢狀,南星 逮,笑曰:「吾視死 排擠。 攀龍晨謁宋儒楊龜 詔復 鳳翔故官,削攀龍籍。 嚴旨詰責, 如歸, 今果然矣。」 移時諸子 Щ 攀龍 祠,以 議 遽

少保,兵部尚書,諡忠憲,授世儒官。 呈秀慽猶未釋,矯詔下其子世儒吏。 刑部坐世儒不能防閑其父,謫爲徒。 崇禎初,贈

官之秋、詔毀東林書院。 **篤實,粹然一出於正,爲一時儒者之宗。** 初,海內學者率宗王守仁,攀龍心非之。與顧憲成同講學東林書院,以靜爲主。 莊烈帝嗣位,學者更修復之。 海內士大夫,證與不識,稱高、顧無異詞。 | 攀龍削 操履

謁,拒却之。 馮從吾,字仲好,長安人。 萬曆十七年進士。 改庶吉士,授御史。 巡視中城,閹人修刺 禮科都給事中胡汝寧傾邪狡猾,累劾不去。從吾發其奸,遂調外。時當大計,

從吾嚴邏偵,苞苴絕跡。

故也。 鹽政。 忽,宗社幸甚。」帝大怒,欲廷杖之。會仁聖太后壽辰,閣臣力解得觅。尋告歸,起巡長蘆 飲,每飲必醉,每醉必怒。左右一言稍違,輒斃杖下,外庭無不知者。天下後世,其可欺乎! 斁之患如此。近頌敕諭,謂聖體違和,欲借此自掩,不知鼓鐘於宮,聲聞於外。 陛下每夕必 願陛下勿以天變爲不足畏,勿以人言爲不足恤,勿以目前晏安爲可恃,勿以將來危亂爲可 效順,海不揚波,己丑以後,南倭告警,北寇渝盟,天變人妖,疊出累告。 勵精之效如彼,忘 二十年正月抗章言:「陛下郊廟不親,朝講不御,章奏留中不發。 試觀戊子以前,四裔 潔己惠商,奸宄斂迹。旣還朝,適帝以軍政大黜兩京言官。從吾亦削籍,猶以前疏

造詣益邃。 從吾生而純慤,長志濂、洛之學,受業許孚遠。 家居二十五年,光宗踐阼,起尚寶卿,進太僕少卿,並以兄喪未赴。 罷官歸,杜門謝客,取先正格言,體驗身 俄改

列

大理。

尊嘗試 天啓 而 許 年 其引 濯左 疾, 愈都御史。 當國 何 د<u>ن</u>ار ! 甫兩月,進左副都御史。 至梃擊之獄, 與發奸 諸臣爲難者,卽奸人也。」由 廷議「三案」,從吾言:「李可灼 足羣 以至 小

之不 歸 誑 所 臣子以 以不 乃廢。 元標 競,以禁講學故,非以講學故也。 甚力。 恤 此望君,而己則不爲,可乎? 與鄒元標共建首善書院, 京師 毀譽,而爲 議學,昔已有之,何至今日遂爲詬厲。」因 從吾又上言一臣壯歲登朝,即與楊起元、孟化鯉、陶望齡 此也。」因再稱疾求罷,帝溫詔慰留。 集同志講學其中,給專中朱童蒙逐疏詆之。 先臣守仁,當兵事倥傯,不廢講學,卒成 我二祖 表章六經,天子經筵,皇太子出閣,皆講學也。 再疏引 而給事中郭允厚、郭興治復相 歸。 輩立講學會,自 大 功。 從吾言。「宋 此臣 臣告 等 繼

疾卒。 部 疏 一使喬 力辭,予致仕。 几 崇禎初,復官,贈太子太保,諡恭定。 年春,起南京右都御史,累辭未上,召拜工部尙書。 應甲撫陝、諸旗 明年秋,魏忠賢黨張訥疏抵從吾, 百方,無所得。 乃毁害院,曳先聖像,擲之城隅。 削籍。 會趙南星、高攀龍相繼去國, 鄉人王紹徽素銜從吾,及爲東 從吾不勝憤悒,得 連

之,「邦之司直」,其斯人謂歟。 贊曰:趙南星諸人,持名檢,勵風節,嚴氣正性,侃侃立朝,天下望之如泰山喬嶽。 權枉盈廷,譴謫相繼,「人之云亡,邦國殄瘁」,悲夫! **詩**有

#### 校勘記

- 訥復列上邦華及孫鼎相等十四人<br/>
  十四人,本書卷三○六曹欽程傳作「十七人」。
- [三] 笞其子清衡及外孫王鍾龐 王鍾龐, · 三宗實錄天啓七年十月庚戌條、 國権卷八八頁五三九三

都作「王中麗」。

- == 贈太子太保 熹宗實錄天啓七年十月庚戌條、國権卷八八頁五三九三都作「太子少保」。
- 29 尚書朱纁請用元標 宋纁, 原作「宗經」。本書卷一一二七卿年表、明史稿傳一二二鄒元標傳

都作「宋纁」。按本書卷二四二有宋經傳,事跡與此合,據改。

- $\overline{\phantom{a}}$ 五. 試問 誰秉國成 試問,原作「訊問」,據明史稿傳一二二鄒元標傳改。
- 詔加太子 太保 太子太保,原作「太子少保」,據本書卷一一二七卿年表、 熹宗實錄卷二二天

啓二年十月乙酉條改。

- <del>-</del> 愼行 遂四疏 乞歸 遂、原作「隨」、據明史稿傳一二二孫愼行傳改。
- 天啓二年 四 月 原作「天啓元年四月」。 本書卷二四〇韓爌傳、

辛巳條、國権卷八五頁五二〇四、明史紀事本末卷六八都繫孫愼行論「紅丸」疏於天啓二年四

月。本傳下文「五月中,日中星並見」,天文志也載於天啓二年五月。傅文作「元年」誤,今改

正。下文「二年七月謝病去」、「二年」重出、今馴。

## HUNG THE

### 列傳第一百三十二

楊漣 左光斗 弟光先 魏大中子學涉 學濂 周朝瑞

# 袁化中 顧大章 弟大韶 王之案

楊連,字文孺,應山人。爲人磊落負奇節。萬曆三十五年成進士,除常熟知縣。 舉廉

吏第一, 擢戶科給事中, 轉兵科右給事中。

事。」漣曰:「潞公不訶史志聰,此何時,尚問故事耶。」越二日,從哲始率廷臣入問。 宗疾,內侍不肯言。腦公曰:『天子起居,汝曹不令宰相知,將毋有他志,速下中書行法。』 御史左光斗越從哲問安。從哲曰:「帝諱疾。 公誠日三問,不必見,亦不必上知,第令宮中知廷臣在,事自濟。公更當宿閣中。」曰:「無故 四十八年,神宗疾,不食且半月,皇太子未得見。漣偕諸給事、御史走謁大學士方從哲, 即問,左右不敢傳。」漣曰:「昔文潞公問宋仁 及帝疾

列傳第

百三十二

楊漣

亟,太子 尙躊躇宮門外。 . 漣、光斗遣人語東宮伴讀王安:「帝疾甚,不召太子,非帝意。 當力

請入侍,嘗藥視膳,薄暮始還。」太子深納之。

帝溫言久之,數目漣,語外廷毋信流言。遂逐文昇,停封太后命。再召大臣皆及漣 謂漣疏**忤旨**,必廷杖,囑從哲爲解。 若本生太后何?請亟寢前命。」疏上,越三日丁卯,帝召見大臣,幷及漣,且宣錦衣官校。 衆 躬,又虧聖德,罪不容死。至貴妃封號,尤乖典常。尊以嫡母,若大行皇后何?尊以生母, 移宮,貴妃卽移慈寧。漣遂劾崔文昇用藥無狀,請推問之。且曰:「外廷流言,謂陛下興 泣愬宮禁危狀,謂「帝疾必不起,文昇藥故也、非誤也。 鄭、李交甚固,包藏禍心」。廷臣聞 相結 叉使 居無節,侍御蠱惑。必文昇藉口以掩其用藥之奸,文昇之黨煽布以預杜外廷之口。旣損聖 其語,憂甚。 中官崔文昇投以利劑,帝一畫夜三四十起。而是時,貴妃據乾清宮,與帝所寵李選侍 無 貴妃 何,神宗崩。八月丙午朔,光宗嗣位。 《爲選侍請皇后封,選侍亦請封貴妃爲皇太后。帝外家王、郭二戚畹,徧謁朝士, 而帝果趣禮部封貴妃爲皇太后。漣、光斗乃倡言於朝,共詰責鄭養性,令貴妃 從哲勸漣引罪,随抗聲曰:「死卽死耳,漣何罪。」及入, 越四日,不豫。都人喧言鄭貴妃進美姬八人,

|嘉謨、張問達、李汝華等慮皇長子無嫡母、生母,勢孤孑甚,欲共託之李選侍。 | 漣日:「天子 漣自以小臣預顧命,感激,誓以死報。 九月乙亥朔,昧爽,帝崩。廷臣趨入,諸大臣周

訶之曰:「殿下羣臣之主。四海九州莫非臣子,復畏何人」」乃擁至文華殿。 駕甫至中宮,內豎從寢閣出,大呼:「拉少主何往?主年少畏人」」有攬衣欲奪還者。 儲皇,卽呼萬歲,擁出乾淸,暫居慈慶。」語未畢,大學士方從哲、劉一燝、韓爌至,漣趣諸大 寧可託婦人?且選侍昨於先帝召對羣臣時,强上入,復推之出,是豈可託幼主者?請亟見 欲何為 臣共趨乾淸宮。 [] 闡 人却,乃入臨。羣臣呼萬歲,請於初六日登極,而奉駕至文華殿,受羣臣嵩呼。 閣人持梃不容入, 漣大罵「奴才!皇帝召我等。今已晏駕, 若曹不聽入, 禮畢,奉駕入慈 連格而

遂退議登極期,語紛紛未定,有請改初三者,有請於卽日午時者。 從周嘉謨於朝房,言選侍無恩德,必不可同居。 御史左光斗至,賣漣悞大事,唾其面 與不安,不在登極早暮。處之得宜,卽朝委裘何害。〕議定,出過文華殿。 無嫡庶之嫌。父死之謂何。含斂未畢,袞冕臨朝,非禮也。」或言登極則人心安,漣曰:「安 當是時,李選侍居乾清。 一燝奏曰:「殿下暫居此,俟選侍出宮訖,乃歸乾淸宮。」羣臣 曰「事脫不濟,汝死,肉足食乎」漣爲竦然。 漣曰:「今海宇淸晏,內 太僕少卿徐養量、 乃與光斗

子同居。 明 日,嘉謨、光斗各上疏請選侍移宮。 惡光斗疏中「武氏」語,議召皇長子,加光斗重譴。 初四日得兪旨。 **漣遇內豎於麟趾門** 而選侍聽李進忠計,必欲 內豎備言 皇長

列傅

明

狀。 奈選侍何,若曹置身何地。·]怒目視之,其人退。 選侍欲垂簾處光斗,汝等何得晏然。」連曰「無之。」出皇極門,九卿科道議上公疏,未 連正 色目 :「殿下在東宮爲太子,今則爲皇帝,選侍安得召?且上已十六歲,他日卽不 給事中惠世揚、御史張潑 入東宮門,駭相告

決。

色俱 中人。 宮 亦 侍遂移宮,居仁壽殿。 實,宮必不可不移。 廟前質之,若曹豈食李家祿者? 聖 無害。」連曰 母 厲,聲徹御前。 初 **漣斥之曰:「諸臣受顧命於先帝,先帝自欲先顧其子,何嘗先顧其嬖媵?請選侍於** 如 五 在, 夫死亦當從子。 日傳聞欲緩移宮期。 "「昨以皇長子就太子宮猶可,明日爲天子,乃反居太子宮以避宮人乎? 臣言之在今日,殿下行之在今日,諸大臣贊決之,亦惟今日。」其日,選 皇長子使使宣諭,乃退。 選侍何 **漣及諸大臣畢集慈慶宮門外,漣語從哲趣之。** 能殺我則已,否則,今日不移,死不去。」一燝、嘉謨助之,詞 人,敢欺藐如 復抗疏言:「選侍陽託保護之名,陰圖專擅之 此! 」時中官往來如織,或言選侍亦 從哲曰:「遲 卽 顧 九 命 兩

13 等 極詆熊廷酮。 助之,餘悉聽連指。 明 日庚辰,熹宗卽位。 逕疏論其事,獨持平。 **漣鬚髮盡白,帝亦數稱忠臣。** 自光宗崩,至是凡六日。 旋劾兵部尚書黃嘉善八大罪,嘉善罷去。 | 連與一燝、嘉謨定宮府危疑,言官惟光 未幾,遷兵科都給事中。 御史馮三元

誰憐,孀寡之未亡人,雉經莫訴」語。 使移宮不速,不幸而成女后獨覽文書、稱制垂簾之事。」帝優詔褒漣志安社稷,復降諭 始末疏,且言:「選侍自裁,皇八妹入井,蜚語何自,臣安敢無言。 臣寧使今日忤選侍,無寧 是時,給事中周朝瑞謂繼春生事。 於是光斗上疏述移宮事。 侍父。 帝玉體未寒,遂不能保一姬女。蓋是時,選侍宮奴劉遜、劉朝、田詔等以盜寶繫獄,詞連選 內閣,謂不當於新君御極之初,首勸主上以違忤先帝,逼逐庶母,表裏交搆,羅織不休,俾先 以安選侍。是在諸公調護, 過惡,而自白贍養優厚,俾廷臣知。 又言:「今奉養李氏於噦鸞宮,尊敬不敢怠。」大學士從哲封還上諭。 當選侍之移宮也,漣卽言於諸大臣曰:「選侍不移宮,非所以尊天子。 諸奄計無所出,則妄言選侍投繯,皇八妹入井,以熒惑朝士。繼春藉其言,首發難 而帝降諭言選侍氣毆聖母,及要挾傳封皇后,與卽日欲垂簾聽政 無使中官取快私讐。」旣而諸奄果爲流言。御史賈繼春逐上書 繼春與相詆諆,乃復上書內閣,有:「伶仃之皇八妹,入井 未幾,噦鸞宮災。帝諭內閣,言選侍暨皇八妹無恙。而 朝瑞與辨駁者再。漣恐繼春說遂滋,亦上敬述移宮 帝復降諭言選侍 既移宮,又當有 沭

城候 陳上書之實。 宮掖情事。 命。 帝復褒其忠直,而許之歸。 繼春及其黨益忌漣,詆漣結王安,圖封拜。 帝切責,罷其官。 漣、繼春先後去,移宮論始息。 天啓元年春,繼春按江西還, 遵不勝憤,冬十二月抗章乞去,即出 抵家,見帝諸論,乃具疏

列

斗、魏大中輩激揚諷議,務植善類,抑儉邪。 副 都御史。 事雖獲解,然正人勢日危。 天啓二年起連 而是時魏忠賢已用事,羣小附之,憚衆 一禮科都給事中,旋擢太常少卿。 其年六月,漣遂抗疏劾忠賢,列其二十四 忠賢及其黨銜次骨,遂興汪文言獄,將羅 正盈朝,不敢大肆。 明年冬,拜左僉都御史。又明年春 **漣益與趙南星** 大罪,言: 一、左光 · , 進左

無忌憚,濁亂朝常,如東廠太監魏忠賢者。 高皇帝定令,內官不許干預外事,祗供掖廷酒掃,違者法無赦。 敢列其罪狀,為陛下言之。 聖 明在御,乃有肆

祖宗二百餘年之政體,大罪一。 大奸、大惡以亂政。 忠賢本市井無賴。 祖制,以擬旨專責閣臣。 中年淨身、夤入內地。 自忠賢擅權,多出傳奉,或徑自內批。 初猶謬爲小忠、小信以倖恩,繼乃敢爲

壞

劉 | 憬、周嘉謨,顧命大臣也,忠賢令孫杰論去。 急於翦己之忌,不容陛下不改父

之臣,大罪二。

侍之沈淮,曲意 先帝賓天,實有隱恨。 綢繆,終加蟒玉。 孫愼行、鄒元標以公義發憤,忠賢悉排去之。 親亂賊 而讐忠義,大罪三。 顧於黨護選

賢搆黨斥逐,必不容盛時有正色立朝之直臣,大罪四。 王紀 (鍾羽 正先年功在國本。 及紀爲司寇、執法如 山,羽正爲司空,清修如鶴。 忠

國 [家最重無如枚卜。忠賢一手握定,力阻首推之孫愼行、盛以弘, 更爲他辭以錮

其出。豈眞欲門生宰相乎?大罪五。

**爵人於朝,莫重廷推。** 去歲南太宰、北少宰皆用陪推,致一時名賢不安其位。 顚

倒銓政,掉弄機權,大罪六。

聖政初新,正資忠直。乃滿朝薦、文震孟、熊德陽、江秉謙、徐大相、毛士龍、侯震

陽等,抗論稍忤,立行貶黜,屢經恩典,竟阻賜環。 長安謂天子之怒易解,忠賢之怒難 調,大罪七。

忠賢恐其露己驕橫,託言急病,置之死地。是陛下不能保其貴幸矣,大罪八。 然猶曰外廷臣子也。去歲南郊之日,傳聞宮中有一貴人,以德性貞靜,荷上寵注。

是陛下不能保其妃嬪矣,大罪九。 **猶曰無名封也。** 裕妃以有姙傳封,中外方爲慶幸。忠賢惡其不附己,矯旨勒令自

猶日在妃嬪也。 中宮有慶,已經成男,乃忽焉告殞,傳聞忠賢與奉聖夫人實有謀

是陛下且不能保其子矣,大罪十。

盡。

不 可謂無勞。 先帝青宮四十年,所與護持孤危者惟王安耳。 忠賢以私念,矯旨殺於南苑。 是不但仇王安,而實敢仇先帝之老奴,況 即陛下倉卒受命,擁衞防維,安亦

其他] 一內臣無罪而擅殺擅逐者,又不知幾千百也,大罪十一。

今日獎賞,明日祠額,要挾無窮,王言屢褻。近又於河間毀人居屋,起建牌坊,鏤

鳳 雕龍,干雲插漢,又不止塋地僭擬陵寢而已,大罪十二。

今日廕中書,明日廕錦衣。金吾之堂口皆乳臭,誥敕之館目不識丁。 如魏良弼、

魏良材、魏良卿、魏希孔及其甥傅應星等,濫襲恩廕,褻越朝常,大罪十三。

官糾正,椒房之戚,又興大獄矣,大罪十四。 用立枷之法,戚畹家人駢首畢命,意欲誣陷國戚,動搖中宮。 若非閣臣力持,言

之。趙高鹿可爲馬,忠賢煤可爲礦,大罪十五。 良鄉生員章士魁,坐爭煤窑,託言開礦而致之死。假令盜長陵一抔土,何以處

王思敬等牧地細事,責在有司。忠賢乃幽置檻阱,恣意搒掠,視士命如草菅,大罪

十六

給事中周士樸執糾織監,忠賢竟停其陞遷,使吏部不得專銓除,言官不敢司封駁,

大罪十七。

守,而忠賢之律令不敢不遵,大罪十八。 北鎮撫劉僑不肯殺人媚人,忠賢以不善鍛錬, 遂致削籍。示大明之律令可以不

給事中魏大中遵旨莅任,忽傳旨詰責。及大中回奏,臺省交章,又再褻王言。毋論

玩言官於股掌,而煌煌天語,朝夕紛更,大罪十九。

居恭、傅繼教輩,投匭設阱。 片語稍違,駕帖立下,勢必興同文館獄而後已,大罪二十。 東廠之設,原以緝奸。自忠賢受事,日以快私讐、行傾陷爲事。縱野子傅應星、陳

邊警未息,內外戒嚴,東廠訪緝何事。前奸細韓宗功潛入長安,實主忠賢司房之

邸,事露始去。假令天不悔禍,宗功事成,未知九廟生靈安頓何地,大罪二十一。

忠賢與奸相沈淮創立內操,藪匿奸宄,安知無大盜、

祖制,不蓄內兵,原有深意。

刺客為敵國窺伺者潛入其中。一旦變生肘腋,可爲深慮,大罪二十二。

幢靑蓋,夾護環遮,儼然乘輿矣。 忠賢進香涿州,警蹕傳呼,淸塵墊道,人以爲大駕出幸。及其歸也,改駕四馬,羽 其間入幕効謀,叩馬獻策者,實繁有徒。 忠賢此時自

視爲何如人哉?大罪二十三。

遂至不可收拾,奈何養虎兕於肘腋間乎!此又寸臠忠賢,不足盡其辜者,大罪二十四。 不自伏罪,進有傲色,退有怨言,朝夕隄防,介介不釋。從來亂臣賊子,只爭一念,放肆 夫 寵 極則驕,恩多成怨。聞今春忠賢走馬御前,陛下射殺其馬,貸以不死。忠賢

列傳第一百三十二 楊漣

凡

业

逆跡

一、昭然在

人耳目。

乃內廷畏禍而不敢言,外廷結舌而莫敢奏。

間或奸狀

敗露 不知有陛下。 戚,敕刑部嚴訊,以正國法,幷出奉聖夫人於外,用消隱憂,臣死且不朽。 以自主?何爲受制幺曆小醜,令中外大小惴惴莫必其命?伏乞大奮雷霆, 天顏咫尺,忽慢至此,陛下之威靈尚尊於忠賢否耶。陛下春秋鼎盛,生殺予奪,豈不可 爲呼應。 ,<br />
則又有奉聖夫人爲之彌縫。 積威所劫,致掖廷之中,但知有忠賢,不知有陛下,都城之內,亦但知有忠賢, 即如前日,忠賢已往涿州,一切政務必星夜馳請,待其旣旋,詔旨始下。 甚至無恥之徒,攀附枝葉,依託門牆,更相表裏,迭 集文武勳

對仗復劾之。 不得奏事,漣乃止。 疏就欲早朝面 初聞疏,懼甚。 忠賢 奏。 值次日免朝,恐再宿機洩,遂於會極門上之,忠賢乃得爲計。 詗知,遏帝不御朝者三日。及帝出,羣閥數百人衷甲夾陛立,敕左班官 其黨王體乾及客氏力爲保持,遂令魏廣微調旨切責漣。 **漣愈憤**、 先是,漣 门 挺

洪哉!至死不承。 言下獄鞫之。 旨責漣大不敬,無人臣禮,偕吏部侍郎陳于廷、僉都御史左光斗並削籍。 汪文言 自是,忠賢 獄 ,將羅織殺漣。 許顯純嚴鞫文言,使引連納熊廷弼賄。 日謀殺漣。 大洪者,漣別字也。 五年,其黨大理丞徐大化劾漣、光斗黨同伐異, 至十月,吏部尚書趙南星旣逐,廷推代者,漣注籍不與。 顯純乃自爲獄詞,坐漣贓二萬,遂逮漣。 文言仰天大 《呼曰:「世豈有貪贓楊大 招權納賄, 忠賢恨不已,再興 士民數萬 命逮文 忠賢矯

人雅 道攀號。 所歷村市,悉焚香建醮,祈祐漣生還。比下詔獄,顯純酷法拷訊,體無完膚。

其年七月遂於夜中斃之,年五十四。

助之,下至賣菜傭亦爲輸助。其節義感人如此。 崇順初,贈太子太保、兵部尚書,諡忠烈,

官其一子。

治 吏部豪惡吏,獲假印七十餘,假官一百餘人,輦下震悚。 左光斗,字遺直,桐城人。萬曆三十五年進士。除中書舍人。選授御史,巡視中城。捕

之情;曰議濬川,議疏渠,議引流,議設壩,議建閘,議設陂,議相地,議築塘,議招徠,議擇 劉朝稱東宮令旨,索戚畹廢莊。 始知藝稻。 早不爲災,澇不爲害,惟有興水利一法。」因條上三因十四議:日因天之時,因地之利,因人 人,議擇將,議兵屯,議力田設科,議富民拜爵。 其法犁然具備,詔悉允行。 出理屯田,言:「北人不知水利,一年而地荒,二年而民徙,三年而地與民盡矣。今欲使 鄒元標嘗曰:「三十年前,都人不知稻草何物,今所在皆稻,種水田利也。」閹人 光斗不啓封還之,曰「尺土皆殿下有,今日安敢私受。」閱 水利大興,北人

列傳第

百三

人憤而去。

肯往,使使取其牋視之,心以爲善,趣擇日移宮,光斗乃免。當是時,宮府危疑,人情危懼, 決,將借撫養之名,行專制之實。武氏之禍再見於今,將來有不忍言者。」時選侍欲專大權。 豈可以託聖躬者?且殿下春秋十六齡矣,內輔以忠直老成,外輔以公孤卿貳,何慮乏人,尙 嫌,亦 光斗與楊漣協心建議,排閹奴,扶沖主,宸極獲正,兩人力爲多。由是朝野並稱爲「楊、左」。 廷 几筵,行大禮,名分謂何?選侍事先皇無脫簪戒旦之德,於殿下無拊摩養育之恩,此其人, 極 從乾清宮奉皇上出居慈慶宮, 須乳哺而 曰:「我天子法官也,非天子召不赴。 疏。 臣牋奏,令先進乾清,然後進慈慶。得光斗牋,大怒,將加嚴譴。數遣使宣召光斗。光斗 一殿,惟天子御天得居之,惟皇后配天得共居之。 未 光宗崩,李選侍據乾淸宮,迫皇長子封皇后。 以別尊卑也。 ·幾,御史賈繼春上書內閣,言帝不當薄待庶母。 宮中震怒、禍幾不測。賴皇上保全,發臣疏於內閣。 一個負之哉。 況睿哲初開,正宜不見可欲,何必託於婦人女子之手。 及今不 早 斷 選侍旣非嫡母,又非生母,儼然尊居正宮,而殿下乃退處慈慶,不得守 臣等以爲不宜避選侍。故臣於初二日具愼守典禮肅淸宮禁 若輩何爲者。」選侍益怒,邀熹宗至乾淸議之。熹宗不 光斗上言:「內廷有乾清宮,猶外廷有皇 其他妃嬪雖以次進御,不得恒居,非但避 光斗聞之,即上言:「先帝宴駕,大臣 初五日,閣臣具揭再催,奉旨移

移,其理明白易曉。惟是移宮以後,自宜存大體,捐小過。若復株連蔓引,使宮闈不安,即 宮。至初六日,皇上登極,駕還乾凊。宮禁肅然,內外寧謐。夫皇上旣當還宮,則選侍之當 於國體有損。乞立誅盜寶宮奴劉遜等,而盡寬其餘。」帝乃宣諭百官,備述選侍凌虐聖母諸

孫如游由中旨入閣,抗疏請斥之。出督畿輔學政,力杜請寄,識鑑如神。 年爲泰昌,後年爲天啓。光斗力排其說,請從今年八月以前爲萬曆,以後爲泰昌,議遂定。 時廷臣議改元。或議削泰昌弗紀;或議去萬曆四十八年,即以今年爲泰昌;或議以明

及召見又言:「朕與選侍有仇。」繼春用是得罪去。

昔以守遼則有餘,今以復遼則不足。已而廷弼竟敗。三年秋,疏請召還文震孟、滿朝薦、毛 士龍、徐大相等,并乞召繼春及<u>范濟世。濟世亦論「移宮」事與光斗異者,疏上不納。</u>其年 天啓初,廷議起用熊廷弼,罪言官魏應嘉等。光斗獨抗疏爭之,言廷弼才優而量不宏,

擢大理丞,進少卿。

諸人咸居要地。光斗與相得,務爲危言覈論,甄別流品,正人咸賴之,而忌者浸不能容。光 斗與給事中阮大鋮同里,招之入京。會吏科都給事中缺,當遷者,首周士樸,次大鋮,次大 大鋮邀中旨,勒士樸不遷,以爲己地。趙南星惡之,欲例轉大鋮。大鋮疑光斗發其謀, 明年二月拜左僉都御史。是時,韓爌、趙南星、高攀龍、楊漣、鄭三俊、李邦華、魏大中

厰 他故銜大中,遂共嗾給事中傅櫆劾光斗、大中與汪文言比而爲奸。光斗疏辨,且詆櫆結東 恨甚。熊明遇、徐良彥皆欲得僉都御史,而南星引光斗爲之,兩人亦恨光斗。 理刑傅繼敎爲昆弟。 櫆恚,再疏訐光斗。光斗乞罷,事得解。 江西人又以

得少緩死爲後圖,諸人俱自誣服。光斗坐贓二萬。忠賢乃矯旨,仍令顯純五日一追比,不 南星、攀龍、大中,次將及漣、光斗。光斗憤甚,草奏劾忠賢及魏廣微三十二斬罪,擬十一月 下法司、諸人始悔失計。 酷訊。許顯純誣以受楊鎬、熊廷弼賄,漣等初不承,已而恐以不承爲酷刑所斃,冀下法司, <u>言獄,入光斗名,遣使往逮。 父老子弟擁馬首號哭,聲震原野,緹騎亦爲雪涕。 至則下詔獄</u> 金,諸生爭應之。 二日上之,先遣妻子南還。忠賢詗知,先二日假會推事與漣俱削籍。羣小恨不已,復搆文 二十有六日也,年五十一。 楊連劾魏忠賢,光斗與其謀,又與攀龍共發崔呈秀贓私,忠賢暨其黨咸怒。及忠賢逐 得金數千,謀代輸,緩其獄,而光斗與漣已同日爲獄卒所斃,時五年七月 容城孫奇逢者,節俠士也,與定興鹿正以光斗有德於畿輔,倡議醵

(典) | 移宮」一案以漣、光斗為罪魁,議開棺僇屍。 光斗旣死,贓猶未竟。 都御史周 應秋 循以所司承追不力,疏趣之,由是諸人家族盡破。 忠賢令撫按嚴追,繫其羣從十四人。長兄光霽坐累死,母以哭 有解之者,乃免。 忠賢旣誅、贈光斗右都 及忠賢定三 朝要

御史,錄其一子。已,再贈太子少保。 福王時,追諡忠毅。

走徽嶺。 福王旣立,馬士英薦阮大鍼,光先爭不可。 弟光先,由鄉舉官御史,巡按浙江。任滿,旣出境,許都反東陽。 緹騎索不得,乃止。 後大鍼得志,逮光先。 光先聞變疾返,討平 亂 亟 道阻,光 先 間 行

遽擬旨減死。<br />
大中憤,抗疏力爭。<br />
詆德完晚節不振,盡喪典型,語幷侵爌。<br />
帝為詰責大中, 於鄉,家人易新衣冠,怒而毀之。第萬曆四十四年進士,官行人。數奉使,秋毫無所擾。 而德完恚甚,言曩不舉李三才,爲大中所怒。兩人互詆訐,疏屢上,爌亦引咎辭位。 天啓元年擢工科給事中。楊鎬、李如楨旣論大辟,以僉都御史王德完言,大學士韓爌 魏大中,字孔時,嘉善人。自爲諸生,讀書砥行,從高攀龍受業。家酷貧,意豁如也。舉 御史周

方從哲、崔文昇、李可灼,且追論鄭國泰傾害東宮罪。 明年偕同官周朝瑞等兩疏劾大學士沈淮、語侵魏進忠、客氏。及議「紅丸」事,力請誅 持議峻切,大爲邪黨所仄目。 太常少

宗建、徐揚先、張捷、徐景濂、溫皐謨,給事中朱欽相右德完,交章論大中,久而後定。

列傅

科左給事中。 卿王紹徽素與東林爲難,營求巡撫。大中惡其人,特疏請斥紹徽,紹徽卒自引去。 是時恤典冒濫,每大臣卒,其子弟夤緣要路以請,無不如志。大中素疾之,一 再遷禮

切裁以典制。

用爲內閣中書。大中及韓爌、趙南星、楊遵、左光斗與往來,頗有迹。 言,褫其監生。旣出都,復逮下吏,得末滅。益游公卿間,輿馬嘗塡溢戶外。 倚劉一燝,而安居中以次行諸善政,文言交關力爲多。魏忠賢旣殺安,府丞邵輔忠遂劾文 破齊、楚、浙三黨。察東宮伴讀王安賢而知書,傾心結納,與談當世流品。光、熹之際,外廷 劉一焜,江西人亦大怒。給事中章允儒,江西人也,性尤忮,嗾其同官傅櫆假汪文言發難。 又各以地分左右。|大中嘗駁蘇 |松巡撫王象恒恤典,山東人居言路者咸怒。及駁浙江巡撫 訪。朝士不能得南星意,率怨大中。而是時觝排東林者多屛廢,方恨南星輩次骨。東林中, 一人。有外吏以苞苴至,舉發之,自是無敢及大中門者。吏部尙書趙南星知其賢,事多咨 |文言者、||飲人。初爲縣吏、智巧任術、負俠氣。||丁玉立遣入京刺事,輸貲爲監生,用計 四年遷吏科都給事中。大中居官不以家自隨,二蒼頭給爨而已。入朝則鍵其戶,寂無 大學士葉向高

色取行違,與光斗等交通文言,肆爲奸利。疏入,忠賢大喜,立下文言詔獄。 會給事中阮大鍼與光斗、大中有隙,遂與允儒定計,囑櫆劾文言,幷劾大中貌陋 大中時方遷吏 心險,

列傅第一百三十二 魏大中

紳禍 鴻臚報 高以舉用文言,亦引罪求罷。 科,上疏力辩, 由 名面思,忠賢忽矯旨責大中互託未竣,不得赴新任。故事,鴻臚報名狀無批論旨者, 起。」僑領之,獄辭無所連。文言廷杖褫職,牽及者獲免。大中乃遵旨履任。明日, 詔許履任。御史袁化中、給事中甄淑等相繼爲大中、光斗辨。大學士葉向 獄方急,御史黃尊素語鎭撫劉僑曰:「文言無足惜,不可使指

舉朝駭愕。

櫆亦言中旨不宜旁出,大中乃復視事。

藉於忠賢。若忠賢、客氏一日不去,恐禁廷左右悉忠賢、客氏之人,非陛下之人,陛下真孤 未有爲其事而他人不知者。 於忠賢、客氏、能不寒心。陛下謂宮禁嚴密、外廷安知。枚乘有言、『欲人弗知、莫若弗爲』, 一連不惜粉身碎首爲陛下力陳。今忠賢種種罪狀,陛下悉引爲親裁,代之任咎。恐忠賢所以 客氏,何陛下起居,廣布傅應星、陳居恭、傅繼教輩,通朝中聲息。人怨於下,天怒於上,故 得溫旨,卽出忠賢手,而漣之疏,陛下且未及省覽也。陛下貴爲天子,致三宮列嬪盡寄性命 於內 不惜其身以告之君,而其君不悟,乃至於不可救。今忠賢擅威福,結黨與,首殺王安以樹威 「繼逐劉一燝、周嘉謨、王紀以樹威於外,近且斃三戚畹家人以樹威於三宮。 深結保姆 未幾,楊漣疏劾忠賢,大中亦率同官上言:「從古君側之奸,非遂能禍人國也。 又謂左右屛而聖躬將孤立。夫陛下一身,大小臣工所擁衞,何 有忠臣

每欲 趙南星等,天下大權一歸於忠賢。 廣微遂嗾所親陳九疇劾大中出應祥門,推舉不公,貶三秩,出之外。盡逐諸正人吏部尚書 益 張,以廷臣交攻,陽示斂戢,且曲從諸所奏請,而陰伺其隙。 似糾之。 忠賢 《得疏大怒,矯旨切讓,尙未有以罪也。大學士魏廣微結納忠賢,表裏爲奸,大中 會孟冬時享,廣微偃蹇後至,大中遂抗疏劾之。 廣微慍,益與忠賢合。 迨吏部推謝應祥巡撫山西**,** 忠賢勢

誅,廣微、櫆、九疇、夢環並麗逆案。 大中贈太常卿,諡忠節,錄其一子。 指 聞大中逮去,號泣送者數千人。比入鎭撫司,顯純酷刑拷訊,血肉狼籍。 漣、光斗、大中、化中、朝瑞、大章爲受楊鎬、熊廷弼賄,大中坐三千,矯旨俱逮下詔獄。 彦、熊明遇、周朝瑞、黃龍光、顧大章、李三才、惠世揚、施天德、黃正賓輩,無所不牽引,而 及李若星、毛士龍、袁化中、繆昌期、鄒維璉、鄧渼、盧化鰲、錢士晉、夏之令、王之宗、徐良 ,與漣、光斗同夕斃之,故遲數日始報。 明年,逆黨梁夢環復劾文言,再下詔獄。鎭撫許顯純自削牘以上,南星、漣、光斗、大中 大中屍潰敗, 至不可識。 莊烈帝嗣位, 忠賢被 其年七月,獄卒受 鄉人

曰「父子俱碎、無爲也。」乃微服間行、刺探起居。旣抵都、邏卒四布,變姓名匿旅舍,晝伏 長子 學沙, 字子敬。 爲諸生,好學工文,有至性。 大中被逮,學淨號慟欲隨行。

漿進,輒麾去,曰:「詔獄中,誰牛夜進一漿者。」竟號泣死。 夜出,稱貸以完父贓。贓未竟,而大中斃,學洢慟幾絕。 扶櫬歸,晨夕號泣,遂病。 崇禎初,有司以狀聞,韶旌爲孝 家人以

H 不能死,受賊戶部司務職,隤其家聲。旣而自慚,賦絕命詞二章,縊死。去帝殉社稷時四十 爾壎慷慨有所論建,大學士范景文以聞。 次子學濂,有盛名。舉崇禎十六年進士,擢庶吉士。明年,李自成逼京師,與同官吳 莊烈帝特召見兩人,將任用之。無何,京師陷,

言 罪,大中力持不可。 下。 可質者,贓懸坐而已。 垂死,張目大呼曰:「爾莫妄書,異時吾當與面質。」顯純遂卽日斃之。 漣、大中等逮至,無 始熊廷弼論死久,帝以孫承宗請,有詔待以不死。 文言之再下詔獄也,顯純迫令引漣等。文言備受五毒,不承,顯純乃手作文言供狀。文 及忠賢殺大中,乃坐以納廷弼賄云。 諸所誣趙南星、繆昌期輩,亦並令撫按追贓。 刑部尚書喬允升等遂欲因朝審寬其 衣冠之禍,由此徧天

周 朝瑞 ,字思永,臨淸人。 萬曆三十五年進士。 授中書含入。

數四。 列諫 邪 佞。 垣 進君臣交警之規。帝並褒納。 一甫四 因請 嗣位 日也。 留上供金花銀,以佐軍興。 ·,擢吏科給事中,疏請收錄先朝遺直。 俄陳愼初三要, 未出都 而熹宗立, 賈繼春之請安李選侍也, 韶復故官。 詞多斥中貴。 疏請容納直言,又陳考選諸弊。 中貴皆惡之,激帝怒,貶秩調外,時 朝瑞力駁之,與繼春往復者 日信仁賢,廣德澤,遠 日講將

其時政 論列。 餘、未嘗親政,權多旁落,朝瑞請帝躬覽萬機。 **詩帝修省,而嚴敕內外臣工,毋鬭爭悞國,** 其 事 所誣,中旨鐫秩。 ·,而以職方郎一人專理機宜,給事中二人專主封駁,帝可之。 天啓元年再遷禮科左給事中。 十二月辛巳,日上有一 權故不 在閣 給事中毛士龍以糾駁閹人,爲府丞邵輔忠所陷, 也。 物覆壓,忽大風揚沙,天盡赤。 時遼事方棘。 更詰責所司不奏報之罪,帝納之。 帝降旨,言政委閣臣,祖宗舊制不可紊,然 朝瑞請於閣臣中推通曉兵事者二人專司 都人駭愕,所司不以聞 中旨除名。 雄縣知縣王納諫爲閹 朝瑞 時帝踐 並抗 阼 朝瑞 歲

指鹿之奸。 臣 河 中涓 明 年二月,廣寧失,詔停經筵 意,則 今當朝已漸傳免,倘併講筵廢之,九閽旣隔,無謁見時, 其過滋大。 且主上沖齡 日講。 ,志意未定,獨賴朝 朝瑞等上言:「此果出聖意, 講不輟, 諸臣 司馬門之報格不入, 輔臣當引義爭。 得 覲 天顔 共 白 如輔 呂

大防之貶不及知,國家大事去矣。」會禮部亦以爲言,乃命日講如故。

萬金。 必欲殺朝瑞,竄其名汪文言獄中,與楊漣等五人並逮下鎭撫獄,坐妄議「移宮」及受廷弼賄 朝瑞,朝瑞憤,亦醜詆大化。 所司為兩解之。朝瑞方擢太僕少卿,而大化為魏忠賢腹心, 化叉請立誅延嗣。朝瑞以廷弼才可用,請令帶罪守山海。疏四上,並抑不行。 激,奪疏首世揚俸。大化嘗承要人指,力攻熊廷弼,朝瑞惡之。無何,王化貞棄廣寧逃,大 朝瑞等盡發其賄交魏進忠、盧受、劉朝、客氏,而末復侵其私人邵輔忠、徐大化。 已,偕諸給事御史惠世揚、左光斗等極論大學士沈潅結中官練兵,爲肘腋之賊。 五日再訊,搒掠備至,竟斃之獄。以尉禛初,贈大理卿,予一子官。屆三時,諡忠毅。 大化遂力詆 語過 |淮 疏

袁化中,字民諧,武定人。萬曆三十五年進士。 歷知內黃、涇陽,有善政。

章,日 報 聞。 泰昌元年擢御史。時熹宗沖齡踐阼,上無母后,宮府危疑。化中上疏劾輔臣方從哲, 邊疆漸壞,日 天啓元年二月疏陳時事可憂者八:日宮禁漸弛,日言路漸輕,日法紀漸替,日賄賂漸 職掌漸失,曰宦官漸盛,曰人心漸離。語皆剴切。 出按宣、大,以憂歸

列傳第一百三十二 袁化中

服除,起掌河南道

官若孤雛,殺內廷外廷如草菅。朝野共危,神人胥憤,特陛下未之知,故忠賢猶有畏心。今 遵已侃詞入告矣,陛下念潛邸微勞,或貸忠賢以不死。而忠賢實自懼一死,懼死之念深,將 鋌而走險,騎虎難下,臣恐其橫逞之毒不在搢紳,而卽在陛下。陛下試思,深宮之內,可使 多疑多懼之人日侍左右,而不爲防制哉?」疏入,忠賢大恨。 楊漣劾魏忠賢,化中亦率同官上疏曰:「忠賢障日蔽月,逞威作福,視大臣如奴隸,斥言

卿,官其一子。福王時,追諡忠愍。 祥廷推被訐, 化中與其事。呈秀遂嗾忠賢貶化中秩, 調之外。已, 竄入汪文言獄詞中, 逮下 龍,盆不悅。崔呈秀按准、揚,贓私狼籍。回道考覈,化中據實上之,崔呈秀大恨。會謝應 詔獄。 文龍獻俘十二人,而稚兒童女居其八。化中力請釋之,因言文龍敍功之濫。忠賢素庇文 錦衣陳居恭者,忠賢爪牙也,爲漣所論及,亦攻忠賢自解。 呈秀令許顯純坐以楊鎬、熊廷弼賄六千,酷刑拷掠,於獄中斃之。崇禎初,贈太僕 化中特疏劾之,落其職。毛

曆三十五年進士,授泉州推官,乞改常州教授。父喪除,值朝中朋黨角立,正士日摧。大 顧 大章,字伯欽,常熟人。父雲程,南京太常卿。 大章與弟大韶,變生子也。 大章舉萬

章慨然曰:「昔賈彪不入『顧』『廚』之目,卒西行以解其難。余向與東林疏,可以彪自況也。」

乃入都,補國子博士。 與朝士通往來,陰察其交關肯綮,清流賴之。

獄 五十人命且甘之,矧一官乎!」卽日會讞,繫三人,餘悉移大理釋放。 紀大嗟服。 左驗者二百餘人,所司莫敢讞,多徙官去,囚未死者僅四之一。 大章言於紀曰:「以一身易 司 轄輦轂,最難任。 紀用大章言擬流卜年,未上而紀斥。侍郎楊東明署事,欲置之大辟。大章力爭,卒擬 忤旨,詰責,竟論卜年辟,瘐死獄中。 稍 遷刑部主事。 自遼陽失,五城及京營巡捕日以邏奸細爲事。 以奉使歸。還朝,天啓已改元,進員外郎。尚書王紀令署山東司事。 稍有蹤迹,率論死。絕無 佟卜年之

{傳 中。 大章瀆辨,稍奪其俸,大章遂引 覆詆訐不休。 章妄倡「八議」,鬻大獄,大章疏辨。 能」、「議勞」例,言化貞宜誅,廷弼宜論戍。然二人卒坐死。大章亦遷兵部去,無異議也。會 王紀劾罷徐大化,又疏刺客氏。其黨疑紀疏出大章手,恨之。大化令所親御史楊維垣計大 魏忠賢欲借劉一巘株累劉一燝,大章力辨其非,忠賢大恨。 熊廷酮、王化貞之下吏也,法司諸屬二十八人共讞,多有議寬廷酮者。 大章危甚,賴座主葉向高保持之,下所司驗問,都御史孫瑋等白其誣。 維垣四疏力攻,言納廷酮賄四萬,且列其鬻獄數事,反 **卜**年、一 戲事具紀、 一 憬 大章因拨「蒜 。帝以

大辟。 獄!呼酒與大韶訣,趣和藥飲之,不死,投繯而卒。 比對簿,大章詞氣不撓。 獄,無以厭人心,宜付法司定罪,明詔天下。 言獄遠及大章, 裕愍 五 爱書旣上,忠賢大喜,矯詔布告四方,仍移大章鎭撫。 年起官。 逮下鎭撫拷掠, 歷禮部郎中,陝西副使。 刑部尚書李養正等一如鎭撫原詞,以「移宮」事牽合封疆, 坐贓 四萬。 大化已起大理丞,與維垣爲忠賢鷹犬,因假汪文 乃移大章刑部獄,由是漣等慘死狀外人 及楊連等五人旣死,羣 崇禎初、贈太僕卿、官其一子。福王時, 大章慨然曰:「吾安可再入此 小聚謀,謂諸 人潛斃於 坐六人 始聞。

章嘆曰:「芝、瑞物也、而辱於此、吾輩其有幸乎。」已而果然。 初,大章等被逮,秘獄中忽生黃芝,光彩遠映。 及六人畢入,適成六瓣,或以爲祥。

者復數萬言。 大韶,字仲恭,老於諸生。 嘗以爲宋、元以來述者之事備,學者但當誦而不述。 通經史百家及內典,於詩、禮、儀禮、周官多所發明,他辨駁 將死,始繕所箋詩、禮、

莊子, 日炳燭齋隨筆云。

王之寀,字心一,朝邑人。 萬曆二十九年進士。 除清苑知縣,遷刑部主事。

皆浙人,士相又廷元姻也,瘋癲具獄,之寀心疑其非。 鑑。 外 加等立決。」豪定未上。 冤入京 亦 時 州 子 東宮 所 郎 頗 人。 趙 翮 居宮也。 至前 四 雖 會楨、勞永嘉共訊,一如廷元指。言:「差積柴草,爲人所燒,氣憤發癲。 通 止 十三年五 ,遇不知名男子二人,紿令執梃作冤狀。 戚 稱吃齋討封,語無倫次。 殿檐 **外定,帝待之薄。** 畹以自固。 明 下,爲內侍韓本用等所執,付東華門守衞指揮朱雄等收之。 月初四 日,皇太子奏聞, 山東司主治京師事,署印侍郎張問達以屬之。而士相、永嘉與廷元 差被執, 日 ·酉刻, 中外疑鄭貴妃與其弟國泰謀危太子,顧未得 有不 按其迹,若涉瘋 舉朝驚駭。 帝命法司按問。 知姓名男子, 廷元以瘋癲奏。 乃由東華門入,直至慈慶宮門。 癲。稽其貌,實係點猾。詩下 巡皇城御 持棗木梃入慈慶宮門,擊傷守門內侍李 史劉 刑部山東司郎中胡 「廷元鞫奏:「犯名張差,薊 事端 慈慶宮者,皇太 ,而方從哲輩 於四 法司嚴訊 按律當斬, 士相偕 月內訴 員

五兒。 大宅子。 無用」。之宋令置飯差前:「吐實與飯,否則餓死。」麾左右出,留二吏扶問之。始言:「小名張 是月十一日,之寀值提牢散飯獄中,末至差,私詰其實。 有馬三舅、李外父令隨不知姓名一老公、說事成與汝地幾畝。 老公飯我云:『汝先衝一遭,遇人輒打死,死了我們救汝。』畀我棗木棍,導我由 初言「告狀」,復言「掠死罷,已 比至京,入不知街道

列

傅

言:「貴妃遺璫建佛寺,璫置陶造甓,居民多鬻薪獲利者。」差賣田貿薪往市於璫,土人忌 言禍生肘腋,宜亟翦,亦俱不報。庭訓遂移文薊州蹤跡之。 有「奸戚」二字,帝惡之,與之宗疏俱不報。廷元復請速檢諸疏,下法司訊斷。 之,焚其薪。 大理丞王士昌、行人司正陸大受、戶部主事張庭、給事中姚永濟等連上疏趣之。而大受疏 後宰門直至宮門上,擊門者墮地。老公多,遂被執。」之寀備揭其語,因問達以聞。 不癲不狂,有心有膽。乞縛兇犯於文華殿前朝審,或敕九卿科道三法司會問。疏入未下, 差訟於璫,爲所責,不勝憤,持梃欲告御狀。」於是原問諸臣據爲口實矣。 知州戚延齡具言其致癲始末, 御史過庭訓 且言差

添 罪。 所稱皇太子者也。又言:「有姊夫孔道同謀,凡五人。」於是刑部行薊州道,提馬三道等,疏請 街道宅子乃住朝外大宅之劉成。二人令我打上宮門,打得小爺,喫有,著有。」小爺者,內監 寀、吳養源、曾之可、柯文、羅光鼎、曾道唯、劉繼禮、吳孟登、岳駿聲、唐嗣美、馬德灃、朱瑞 法 鳳等再審。 司提龐保、劉成對鞫。 國泰出揭自白。 是日,刑部據薊州回文以上。已,復諭嚴刑鞫審, 二十一日,刑部會十三司司官胡士相、陸夢龍、鄒紹光、曾曰唯、趙會禛、勞永嘉、王之 差供「馬三舅名三道,李外父名守才,不知姓名老公乃修鐵瓦殿之龐保,不知 士晉復疏攻國泰,語具士晉傳 而給事中何士晉與從哲等亦俱以爲言。 速正典刑。 帝乃論究主使,會法 時中外籍籍,語多侵國 司

道。 保、成展轉不承。會太子傳諭輕擬,廷臣乃散去。越十餘日,刑部議流馬三道、李守才、孔 出 之人宜速決,毋株連。」又責諸臣云:「我父子何等親愛,而外廷議論紛如,爾等爲無君之臣, 使我爲不孝之子。」帝又謂諸臣曰:「爾等聽皇太子語否。」復連聲重申之。諸臣跪聽,叩頭 視,日 極孝 南暨文武諸臣 福王已之國,去此數千里,自非宣召,能翼而至乎。」因命內侍引三皇孫至石級上,令諸臣熟 二十八日 帝從之,而斃保、成於內廷。其事遂止。 ,我極愛惜。」旣又手約太子體,諭曰:「自襁褓養成丈夫,使我有別意,何不早更置。 帝亦 , 妃宮中內侍也。 ....「殷諸孫俱長成,更何說。」顧問皇太子有何語,與諸臣悉言無隱。皇太子具言:「瘋癲 數慰諭,俾太子白之廷臣。 ,<br />
帝親御慈寧宮,皇太子侍御座右,三皇孫雁行立左階下。 入, 責以離間父子, 諭令磔張差、龐保、劉成, 無他及。 至是,復涉成。 太子亦以事連貴妃,大懼。乃緣帝及貴妃意,期速結。 帝心動、諭貴妃善爲計。 貴妃窘,乞哀皇太子,自明無 因執太子手曰:「此兒 召大學士方從哲、吳道 成與保 且

妃、 當 是時,帝不見羣臣二十有五年矣,以之寀發保、成事,特一出以釋羣臣疑,且調劑貴 念其事似有跡,故不遽罪之家也。四十五年京察,給事中徐紹吉、御史韓浚用

列

拾遺劾之寀貪、逐削其籍。

天啓初,廷臣多爲之訟冤,召復故官。二年二月上復讐疏,曰:

陛下再三播告中外,停其貴妃之封,聖母在天之靈必有心安而目瞑者。 {禮, 君父之讐,不共戴天。 齊襄公復九世之警,春秋大之。 髮 李選侍氣 毆 聖母, 此復讐一大義

也。

也。

崔文昇之故用藥,主使者誰。恐方從哲之罪不在可灼、文昇下。此先帝大讐未復者,一 乃先帝一生遭逢多難,彌留之際,飲恨以崩。 試問"李可灼之誤用藥,引進者誰?

誅。 驚,何物兇徒,敢肆行不道乃爾!緣外戚鄭國泰私結劉廷元、劉光復、姚宗文輩,珠玉 才、三道亦供結黨連謀、而士相輩悉抹去之。當時有內應,有外援。 (充滿其室。言官結舌,莫敢誰何,遂無復顧憚,睥睨神器耳。 法當開棺戮屍,夷其族,赭其宮,而至今猶未議及。此先帝大讐未復者,二也。 胡士相等改注口語,以賣薪成招矣。其後復讞,差供同謀舉事,內外設伏多人。守 展差持梃犯宮,安危止在呼吸。此乾坤何等時,乃劉廷元曲蓋奸謀,以瘋癲具獄 國泰雖死,罪不容 夫作難,九廟震

總之,用藥之術,即挺擊之謀。擊不中而促之藥,是文昇之藥慘於張差之梃也。 脹

差之前,從無張差,劉成之後,豈乏劉成。臣見陛下之孤立於上矣。

双語

成,供給紅封敎多人撒棍者也。諸奸增減會審公單,大逆不道。 骏聲言波及無辜。招有「紅封票,高眞人」,則勞永嘉言不及究紅封教。 今高一奎見監 聲等同惡相濟。脹差招有「三十六頭兒」,則胡士相閣筆。招有「東邊一起幹事」,則岳 <u></u>
薊州,係鎭朔衞人。蓋高一奎,主持紅封敎者也。馬三道,管給紅票者也。 佞,評無隻字,訟多溢詞。堂官張問達語轉而意圓,先允瘋癲,後寬奸宄。勞永嘉、岳駿 郎中胡士相等,主瘋癲者也。堂官張問達,調停瘋癲者也。寺臣王士昌疏忠而心 龐保、劉

疏入, 帝不問, 而先主 瘋 續者恨 次骨。

| 寀侵己,先後疏辨。| 之宗亦連疏力折,幷發諸人前議| 崖獄時,分金|紅廟中,及居間主名甚 未幾,之宋遷尚寶少卿。踰年,遷太僕少卿,尋轉本寺卿。廷元及岳駿聲、曾道唯以之

悉。 事雖不行,諸人益疾之。

之寀,坐除名。俄入之汪文言獄中,下撫按提問。岳駿聲復訐之,且言其逼取鄭國泰二萬 金,有詔追治。 四 . 年秋,拜刑部右侍郎。明年二月,魏忠賢勢大張,其黨楊維垣首翻「梃擊」之案,力詆 及修三朝要典,其「梃擊」事以之宋爲罪首。府尹劉志選復重劾之,遂逮下

六三四八

詔獄,坐贓八千,之宋竟瘐死。崇禎初,復官,賜卹。

自「梃擊」之議起,而「紅丸」、「移宮」二事繼之。 兩黨是非爭勝,禍患相尋,迄明亡而

後已。

毒。 致楊、左諸人身塡牢戶,與東漢季年若蹈一轍。 異哉,明之所稱「三案」者!舉朝士大夫喋喋不去口,而元惡大憝因用以剪除善類,卒 贊曰:國之將亡也,先自戕其善類,而水旱盜賊乘之。故禍亂之端,士君子恒先被其 國安得不亡乎!

## H X & TAULT

## 列傳第一百三十三

周起元 終昌期 周順昌子茂蘭 朱祖文 顏佩韋等

周宗建 蔣英 黃尊素 李應昇 萬燝 丁乾學等

周起元,字仲先,海澄人。萬曆二十八年鄉試第一,明年成進士。 歷知浮梁、南昌,以

廉 《惠稱。

年,御史命始下。

華、李炳恭、徐縉芳、徐良彥手,遂目爲「五鬼」,繼芳且入之疏中。起元憤,上章自明。居一 行取人都,注湖廣道御史。方候命,值京察。御史劉國縉疑鄭繼芳假書出起元及李邦

會太僕少卿徐兆魁以攻東林爲御史錢春所劾,起元亦疏劾之。 列 傅 第 百三十 Ξ 周 起 元 奸人劉世學者,誠意伯

劉蓋臣 捕世 權 周 論,其同 水春, 之部曹。 ,坐停俸。 從祖 官霍鳳 吏部 世 學遂遁 與黨人牴牾,忌者益 也,疏 煥去,鄭繼之代,又出之祥及張鍵。 侍郎李養正、郭士望等。 翀 詆顧憲成。 去。 余懋衡、 吏部侍郎方從哲由中旨起官,起元力言不可,幷刺給事中元詩教、 徐良彦、魏雲中、李邦 起元憤,力斥其謬。蓋臣遂訐起元,益 衆。 吏部尚書趙煥出雲中、時熙於外。 起元亦抗疏糾駁,因言張光房等五 華、王時熙、潘之祥亦交章論列。 詆憲成。 起元劾其背旨擅 起元再疏極 人不當 且下令

設 起, 監司,乃命起元 起元單騎招劇賊,而振恤饑民甚至。 巡按陝西,風采甚著。卒以東林故,出爲廣西參議,分守右江道。 以參政涖之。 移四川副使,未上。會遼陽破,廷議通州重地,宜 柳州大饑、羣盜遙

府事 屬東禮,再疏誣逮之。 遇 不法數事,而爲姜求寬。 一大水,百方拯卹,民忘其困。 ,實惡其不屈, 摭他事劾之。 起元益頌姜廉謹,祗實誣毀,因引罪乞罷。 天啓三年入爲太僕少卿。 起元再疏雪姜,更切直。魏忠賢庇實,取嚴旨責起元,令速上姜貪劣 實以此斂威,而忠賢遂銜起元不置。分守參政朱童蒙者,先爲兵 織造中官李實素貪橫,妄增定額,恣誅求。蘇州同知楊姜署 旋擢右僉都御史,巡撫蘇、松十府。公康愛民,絲粟無所取。 起元至,即爲姜辨冤,且上去蠹七事,語多侵實。實欲姜行 忠賢大怒,矯旨斥姜爲民。起元復劾實貪恣

之,童蒙遂稱病去,起元乃列其貪虐狀以聞。 科都給事中,以攻鄒元標講學外遷,失志狂暴,每行道輒鞭撲數十人,血肉狼籍。 忠賢遂矯旨削起元籍,擢童蒙京卿

間。矯旨逮起元,至則順昌等已斃獄中。 疏,令其黨李永貞、李朝欽誣起元爲巡撫時乾沒帑金十餘萬,日與攀龍輩往來講學,因行居 六年二月,忠賢欲殺高攀龍、周順昌、繆昌期、黃尊素、李應昇、周宗建六人,取實空印 許顯純酷搒掠,竟如實疏,懸贓十萬。罄貲不足,

莊烈帝嗣位,贈兵部右侍郎,官一子。福王時,追諡忠惠。

親故多破其家。九月斃之獄中,吳士民及其鄕人無不垂涕者。

二矣。有同年生忌之,揚言爲于玉立所薦,自是有東林之目。 繆昌期,字當時,江陰人。爲諸生有盛名,舉萬曆四十一年進士,改庶吉士,年五十有

『奇貨元功』四字沒天下忠臣義士哉」。廷元輩聞其語,深疾之。 道南,遂陰詆昌期。 元功。 脹差挺擊事,劉廷元倡言瘋癲,劉光復和之,疏詆發訐者,謂不當詫之爲奇貨,居 之爲 昌期憤,語朝士曰:「奸徒狙擊靑宮,此何等事,乃以『瘋癲』二字庇天下亂臣賊子,以 時方授檢討,文炳再疏顯攻,昌期即移疾去。 給事中劉文炳劾大學士吳 旣而京察,廷元輩復思中

傳第

百三

+ =

繆昌期

明

之,學士劉一燝力持乃殆。

滑,不復可止矣。」向高默然。 脚曰:「公,三朝老臣。 始至之日,以去就力爭,必可得也。 高言之,一燝乃得善去。 兩人故向高門下士也。 詣向高,力言二人顧命重臣,不可輕逐,內傳不可奉。 其來,向高不悅。會給事中孫杰承魏忠賢指,劾一燝及周嘉謨,忠賢遽傳旨允放。 天啓元年還朝。一燝以次輔當國。 昌期因備言一燥質直無他腸,向高意少解。 其冬,首輔葉向高至。 向高怫然日:「上所傳,何敢不奉。」 若一傳而放兩大臣,異日天子手 小人間一燝於向高,謂欲 會顧大章亦爲向 昌期急 昌 沮

及向 易。 勢不可留,具疏乞假,遂落職閒住 黨間昌 亦內慙,密具揭,請帝允忠賢辭,忠賢大慍。會有言漣疏乃昌期代草者,忠賢遂深怒不可解 昌期愕然曰:「誰爲此言以誤公。可斬也。」向高色變,昌期徐起去。語聞於漣,漣怒。向高 叱曰:『此非汝分,雖賜不得衣也。』其强直如此。 高 其人於上前時有匡正。 昌期尋遷左贊善,進諭德。楊漣劾忠賢疏上,昌期適過向高。 期實左右之。 去,韓爌秉政。 而昌期於諸人去國,率送之郊外,執手太息,由是忠賢益恨。 忠賢逐趙南星、高攀龍、魏大中及漣、光斗,爌皆具揭懇留。忠賢及其 鳥飛入宮, 上乘梯手攫之, 其人挽衣不得上。有小 是疏行,安得此小心謹愼之人在上左右。」 向高曰:「楊君此疏太率 璫賜緋者, 昌期知

籍 猶 冠 五. 蓋 年春,以汪文言 延賓, 令緹騎 · 獄詞: 速問。 連及,削 踰 月, 職提問。 復 入之李實疏 忠賢恨不置。 中 ·, 下 詔 獄。 明年二月復於他疏 昌 期 慷慨 對簿,詞 責昌 氣不 期 已削

竟坐贓三千,五毒備至。四月晦,斃於獄。

章 雅 不善左光斗、周宗建,力尼之。遂幷昌期及周起元、李應昇、黃尊素、周朝瑞 莊 不獲 烈帝 諡 卽 位 福王 ,贈詹事兼侍讀學士,錄其一 時、始諡 文真。 子,詔幷予諡。而是時,姚希孟以詞臣持 、袁化中、顧大 物論,

操 貸。 如 、網然。 以 **突激民** 此 周 銜 順昌,字景文,吳縣人。 乞假 順昌。 變, 歸 劫辱巡撫袁 擢吏部院 稽勳 一驥,質 主事。 萬曆四十一年進士。 、其二子,幷質副 天啓中,歷文選員外郎,署選事。 使呂純 授福州推官。捕治稅監高寀爪牙,不少 如 。或議 以順昌代,順昌 力杜請寄,抑 僥倖,清 不 可 純

昌瞋目曰:「若不 魏大 順昌 中被逮,道吳門。 爲 人剛方貞介,疾惡如讐。 知世 間有 不畏死男子耶? 順昌出餞,與同臥起者三日,許以女聘大中孫。 巡撫周起元件魏忠賢削籍,順昌爲文送之,指斥無所 歸語忠賢,我故吏部郎周順昌 也。」因 族尉屢趣行,順 载手呼忠

列

傅

第

百

=

+

Ξ

於織造中官李實及巡撫毛一鷺。已,實追論周起元,遂誣順昌請囑,有所乾沒,與起元等 死。 誣以贓賄,忠賢卽矯旨削奪。先所忤副使呂純如,順昌同郡人,以京卿家居,挾前恨,數譖 賢名,罵不絕口。 順昌嘗語人,他日倪御史當償夏御史命。文煥大恚,遂承忠賢指,劾順昌與罪人婚,且 族尉歸,以告忠賢。 御史倪文煥者,忠賢義子也, 誣劾同官夏之令,致之

一鷺言縛得倡亂者顏佩韋、馬傑、沈揚、楊念如、周文元等,亂已定,忠賢乃安。 不出國 又三日北行,一鷺飛章告變。 子命,乃東廠耶!遙擁大呼,勢如山崩。 「東廠逮人,鼠輩敢爾!」大呼:「囚安在。」手擲鋃鐺於地,聲琅然。 文震亨、楊廷樞、王節、劉羽翰等前謁一鷺及巡按御史徐吉,請以民情上聞。旂尉厲聲罵曰: 者至,衆咸憤怒,號冤者塞道。 一鷺、吉不能語。 順昌好為德於鄉。 門矣 知府寇慎、知縣陳文瑞素得民,曲爲 有冤抑及郡中大利害,輒爲所司陳說,以故士民德順昌甚。 東 至開讀日,不期而集者數萬人,咸執香爲周吏部乞命。 廠刺事者言吳人盡反,謀斷水道,劫漕舟,忠賢大懼 族尉東西竄,衆縱橫毆擊,斃一人,餘負重傷,**踰垣** 解論, 衆始散。 衆益憤,日一始吾以爲天 順昌乃自詣吏。 然自是緹騎 及聞逮 諸生 已而

順昌至京師,下詔獄。 許顯純鍛鍊,坐贓三千,五日一酷掠。 每掠治,必大罵忠賢。

麒

純維落其齒,自起問曰:「復能罵魏上公否。」順昌噀 血唾其面,罵益厲。 遂於夜中潛斃之。

時六年六月十有七日也。

昌贈太常卿,官其一子。給事中瞿式耜訟諸臣冤,稱順昌及楊漣、魏大中清忠尤著,詔諡 明年,莊烈帝卽位,文煥伏誅,實下吏,一鷺、吉坐建忠賢祠,純如坐頌璫,並麗逆案。順

三世誥命,建祠 長子茂蘭,字子佩,刺血書疏,詣闕愬冤,詔以所贈官推及其祖父。 賜額。 帝悉報可,且命先後慘死諸臣,咸視此例。茂蘭好學砥行,不就廕敍。 茂蘭更上疏,請給

國變後,隱居不出,以壽終。

走稱貸諸公間。 諸生朱祖文者,都督先之孫。當順昌被逮,間行詣都,爲納饘粥、湯藥。及徵贓令急,奔 順昌櫬歸,祖文哀慟發病死。

遵一。 知我等好義,非亂也。」監司張孝流涕而斬之。與人處其義,合葬之虎丘傍,題曰「五人之 佩韋等皆市人,文元則順昌輿隸也,論大辟。臨刑,五人延頸就刃,語寇愼曰:「公好官, 其地即一覧所建忠賢普惠祠址也。

周宗建,字季侯,吳江人,尚書用會孫也。 萬曆四十一年進士。除武康知縣,調繁仁和,

有異政,入爲御史。

難杜。 舉動有乖,內外防閑盡廢。此輩一叨隆恩,便思踰分,狎溺無紀,漸成驕恣,釁孽日萌,後患 氏旣出宮復入,宗建首抗疏極諫,中言:「天子成言,有同兒戲。 保、輔臣劉一燝不當抑言路、因刺右通政林材、光祿卿李本固。材、本固移疾去。 宗建責當事大臣益急,因請破格用人,召還熊廷弼。已,論兵部尚書崔景榮不當信奸人劉 王德完庇楊鎬、李如楨。宗建爲德完力攻大中,其持論數與東林左。會是歲冬,奉聖夫人客 揚、亓詩教、趙興邦亂政罪,幷詆李三才、王圖。 天啓元年爲顧存仁、王世貞、陶望齡、顧憲成請諡,追論萬曆朝小人,歷數錢夢阜、康丕 王聖、宋娥、[1]陸令萱之覆轍,可爲殷鑒。」件旨,詰責。 時遼事方棘,上疏責備輔臣。無何,瀋陽破, 清議由此重之。 法宫禁地,僅類民家。 魏大中 聖朝 劾

尚書張鶴鳴、給事中郭<del>鞏</del>。 譏 諸庇化貞者乃深疾宗建。 大學士沈淮。 明年,廣寧失。廷臣多庇王化貞,欲甚熊廷弼罪。宗建不平,爲剖兩人罪案,頗右廷弼, 一請寬建言廢黜諸臣。 京師久旱,五月雨雹。三宗建謂陰盛陽衰之徵,歷陳四事。 則專攻魏進忠,略言:「近日政事,外廷嘖嘖,成謂奧窔之中 一言廷弼已有定案,不當因此羅織朝士,陰刺兵部 專

莫可測識,諭旨之下,有物憑焉。 合,互相扶同。 切用 人行政,墮於其說,東西易向而不知,邪正顚倒而不覺。況內廷之借端,與外廷之投 離間之漸將起於蠅營,讒搆之釁必生於長舌。其爲隱禍,可勝言哉」 如魏進忠者,目不識一丁,而陛下假之嚬笑, 日與相親。

祿,與給事中羅尚忠力剔奸弊,節省爲多。 尋請核上供器物,中官怒,取旨詰責。<br/> 宗建等再 疏力持,中人滋不悅。 次骨,未發也。鄒元標建首善書院,宗建實司其事。元標罷,宗建乞與俱罷,不從。巡視光 進忠者,魏忠賢故名也。時方結客氏爲對食,廷臣多陰附之,其勢漸熾。見宗建疏,銜

篇,薦應泰、化貞者,亦誤封疆之人也。 **聲胡不一擊之,而獨苛求廷弼,且詆薦廷弼者爲逆** 皆壞封疆之人也。亓詩敎力主催戰,趙興邦賄賣邊臣,皆誤封疆之人也。 十人,悉指爲廷弼逆黨。宗建益憤,抗疏力駁其謬,且曰:「李維翰、楊鎬、袁應泰、王化貞, 疏詆廷弼,因詆朝廷之薦廷弼者,而宗建與焉。其鋒銳甚,南京御史涂世業和之,詆宗建誤 建益力,幷及劉一燝、鄒元標、周嘉謨、楊漣、周朝瑞、毛士龍、方震孺、江秉謙、熊德陽輩數 廷剛,且誤封疆。 給事中郭鞏者,為先以劾廷嗣被謫。 宗建憤,疏駁世業,語侵鞏,抉其結納忠賢事。躍亦憤,上疏數千言,詆宗 廷酮敗,復官,遂深結進忠。知進忠最惡宗建,乃 其他薦維翰,薦

當是時,忠賢勢益盛。 宗建慮內外合謀, 其禍將大, 三年二月遂抗疏直攻忠賢, 略言:

察典也。 諸臣,以快報復之私,更欲獨中臣,以釋進忠之恨。 陽輩若而 異己者。躍乃創爲「新幽大幽」之說,把持察典,編廷臣數十人姓名爲一册,思一網中 又爲匿名書,羅織五十餘人,投之道左。給事中則劉弘化爲首,次及周朝瑞 臣於 幸直道在人,躍說不行,始別借廷酮,欲一穽陷之。 去歲指名劾奏,進忠無一日忘臣。 人;御史則方震孺爲首,次及江秉謙輩若而 於是乘私人郭鞏入都,嗾以傾臣,幷傾諸 是察典不出於朝廷,乃鞏及進忠之 人,而臣亦其中一人也。 旣 熊德 欲 羅

膜、楊漣、毛士龍輩,謂盡安黨。 鳶,骨投黃犬,古今未有之慘也。 躍之媚進忠,即此可爲證據矣。 **鞏又因臣論及王安,笑臣有何瓜葛。** 請陛下窮究安死果出何人傾害,則此事卽進忠 鞏卽心暱進忠, 陛下亦知安之所以死乎。身首異處,肉飽烏 何至背公滅理,且牽連劉 一燝 、周嘉 大罪

摘 薦斥矣,鄒元標、馮從吾罷矣,文震孟、鄭鄤逐矣。近且扼孫愼行、盛以弘 借言官以伸、言官聲勢、反借權璫以重。數月以來、熊德陽、江秉謙、侯震陽、王紀、滿朝 瓜抱蔓,正人重足。 先朝汪 |直、劉瑾,雖皆梟獍,幸言路淸明,臣僚隔絕,故非久卽敗。 舉朝各愛一死 無敢明犯其鋒者。 臣若尙顧微驅,不爲入告,將 今權璫報復,反 ,而絕其揆路。

內有進忠爲之指揮,旁有客氏爲之羽翼,外有劉朝輩爲典兵示威,而又有障輩蟻附蠅

集,內外交通,驅除善類,天下事尚忍言哉!

宗建回奏益侃直。進忠議廷杖之,閣臣力爭,乃止奪俸。 疏入, 進忠益怒。 率劉朝等環泣帝前, 乞自髠以激帝怒。 乃令宗建陳交通實狀,將加重譴,

聞之,莫敢言。宗建曰:「躍自謂未嘗通內,今誠能出片紙遏嘲,吾請爲洗交結之名。」躍噤不 敢發。宗建乃抗疏極諫,歷陳三不可、九害。 議,廷臣爲兩解之。乃嚴旨切責,奪躍、宗建俸三月。是時,劉朝典內操,遂謀行邊。廷臣微 會給事中劉弘化、御史方大任等交章助宗建攻進忠、躍,躍復力詆諸人。 詔下諸 疏平 會朝與進忠有隙,事亦中寢。其冬出按湖廣,

賄萬三千,斃之獄 入之李實疏中,下詔獄毒訊。 及李應昇、黃尊素。 五年三月,大學士馮銓衡御史張愼言嘗論己,屬其門生曹欽程誣劾,而以宗建爲首,并 忠賢遂矯詔削籍,下撫按追贓。 許顯純厲聲罵曰「復能詈魏上公一丁不識乎」竟坐納廷酮 明年以所司 具獄緩,遣緹騎逮治。 俄

卿,官其一子。 宗建旣死,徵贓益急。 福王 一時,追 諡 其所親副使蔣英代之輸,亦坐削籍。 忠毅 忠賢敗、詔贈宗建太僕寺

列傳第一百三十三 周宗建

宜 鼓躁,勢洶洶。 獻其首惡,亂遂定。 副 興,得民心,檄之撫治。 使,逐遭 造禍。 嘉善人。 賴英,事旋定。 忠賢敗,以故官分巡蘇 舉進士,歷知松溪、漳浦、宜興。 宜興故多豪家,修撰陳於泰、編修陳於鼎兄弟尤橫,遂激民變。 宜興非英所轄,辭不得,則單騎往論,懲豪家僮客數人,令亂民自 而周延儒 松, 方枋國,與陳氏有連,銜英,再貶兩秩,遂歸 坐事貶秩。 天啓時,由南京驗封郎中,出爲福 未行 而 宜興民變,上官以英先治 **羣執兵** 建

鞏遁去。 爲訟冤,得遣戍。 鞏 、遷安人。 後詣闕自言拒聘,上所撰却聘書。 以附忠賢、驟遷至兵部侍郎。 兵部尚書梁廷棟論之,下獄坐死。 莊烈帝定逆案,削籍論配。 我大清拔遷安, 巡撫楊嗣昌

黃尊素,字眞長,餘姚人。 萬曆四十四年進士。除寧國推官,精敏彊執。

紀 Ш . 東妖賊旣平,餘黨復煽。 、鄒元標、馮從吾,而劾尙書趙秉忠、侍郎牛應元、通政丁啓睿 天啓二年擢御史,謁假歸。 巡撫王惟儉不能撫馭,尊素疏論之。 明年冬還朝,疏請召還余懋衡、曹於汴、劉宗周、周洪謨、王 頑鈍。 因言 東忠、應元 俱 「巡撫本內外銀用, 引

帝 今盡用 在 位 京卿,不若級歷外服者之練習。」又數陳邊事,力詆大將馬世龍,忤樞輔孫承宗意。時 數 年 ·, 未 嘗一 召見大臣。 尊素請 復便殿召對故事,面決大政,否則講筵之暇,令大臣

面

商

可

否

帝

不

能

用

帝 衝 毛 醴 莫犯: 陛下獨 當國 違 几 和 年 H ·二月, 、人情 者昧安危之機,誤國者護恥敗之局。 局者。 不爲 惶懼 社稷計乎。疏入,魏忠賢大怒,謀廷杖之。 大風 今阿 揚沙,晝晦,天鼓鳴,如是者十日。三月朔,京師地震三,乾淸宮尤甚。適 保重 尊素力陳時政十失。 一於趙嬈,禁旅近於唐末 末言:「 不於 ,蕭牆之憂慘於 此進賢退不肖 陛下厭薄言官, 韓爌 力救,乃奪俸 滅國。 一而疾 人懷忌諱, 剛 廷無謀幄,邊 方正直之士 年。 遂有剽竊 如 無折 仇 皮

忠賢 可用 大 極 已縱之韁,而 而 以 夫爲譬,繼將 世界清明者乎。天下有中外洶洶,無不欲食其肉,而 來,公卿 旣 不 法狀,廷臣已發露無餘。 m 知 楊連劾忠賢,被旨譙讓。 不 淨滌其 臺諫纍纍罷歸,致在位者無固志。不於此稱孤立,乃以去一近侍爲孤 小曲謹,不 以至尊爲注。 八腸胃。 大無忌。 忠賢 柴棚旣固, 陛下若不早斷,彼形見勢窮,復何顧忌。 之私人,必不肯回其已往之棹,而默消其冰山。 必以爲惟吾駕馭,不知不可駕馭,則不 尊素憤,抗疏繼之,略言:「天下有 毒螫誰何。 不惟臺諫折之不足,卽干戈取之亦難 可置之左右者乎?陛 政 可收拾矣。 歸近倖,威福旁移, 忠賢必不肯收 下必以為 始 立耶? 猶 陛 與土 下登 曲 其 謹 今

列

傳

第

矣。」忠賢得疏愈恨。

權之實,而仁賢且有抱蔓之形。於是乎爲所欲爲,莫有顧忌,而禍卽移之國家。 憬今已矣。 之。奸人欲有所逞,憚忠臣義士掣其肘,必借廷杖以快其私,使人主蒙拒諫之名,己受乘 臣,竟殞於磨牙礪齒之兇豎。此輩必欣欣相告,吾儕借天子威柄,可鞭笞百僚。後世有秉董 稍稍散去。無何,憬以創重卒。尊素上言:「律例,非叛逆十惡無死法。今以披肝瀝膽之忠 諸閣臣俯首不敢語。尊素厲聲曰:「內閣絲綸地,卽司禮非奉詔不敢至,若輩無禮至此!]乃 辱士殺士,漸不可開。乞復故官,破格賜卹,俾遺孤得扶櫬還鄉,燝死且不朽。」疏入,益忤 之說者,必曰祖制,不知二正之世,王振、劉瑾爲之,世祖、神宗之朝,張璁、嚴嵩、張居正爲 狐筆,繼朱子綱目者,書曰『某月某日,郎中萬燝以言事廷杖死』,豈不上累聖德哉!進廷杖 萬燝旣廷杖,又欲杖御史林汝翥,諸言官詣閣爭之。小璫數百人擁入閣中,攘臂肆罵,

欽程劾其專擊善類,助高攀龍、魏大中虐焰,遂削籍。 取進,給賞五金。此祖宗故事,宜從。」事獲中止。 昔宋哲宗得璽,蔡確等競言祥瑞,改年元符,宋祚卒不競。本朝弘治時,陝西獻玉璽,止令 八月,河南進玉璽。忠賢欲侈其事,命由大明門進,行受璽禮,百僚表賀。 五年春,遣視陝西茶馬。 甫出都,逆黨曹 尊素上言:

中將劾魏 內援。 文貞 、已叢 尊素謇諤敢言,尤有深識遠慮。 楊 廣微 議 公有之乎? 於前矣。」元標不能用。 尊素曰:「廣微,小人之包羞者也,攻之急,則鋌而走險矣。」大中不從,廣微 一不中,吾儕無噍類矣。」萬燝死,尊素諷漣去,漣不從,卒及於禍。 楊連將擊忠賢、魏大中以告、 初入臺,鄒元標實援之,卽進規曰:「都門非講學地,徐 尊素曰:「除君 側者,必有

大 主 南 郭 中卒不 師 :: 仲恤 是時 友 東林 為 典,秦 可,議用謝應祥,難端遂作。 山西巡撫,大中以尚友數問遺朝貴,執不可。尊素引杜征南數遺洛中貴要爲言, 人亦多不悅。 盈朝,自以鄉里分朋黨。 尊素急言於大中,止之。 江西章允儒、陳良訓與大中有隙,而大中欲駁尚書 最後,山西尹同皐、潘雲翼欲用其座

益合於忠賢,以

興大

難

掠備 弁擊逮尊素者。 空印白疏,入尊素等七人姓名,遂被逮。使者至蘇州,適城中擊殺逮周順昌旂尉,其城外人 者至吳中 欲殺之。 至,勒贓二千八百,五日一追比。 汪 文言初下獄,忠賢卽欲羅織諸人。已,知爲尊素所解,恨甚。 會吳中訛言尊素欲效楊一淸誅劉瑾,用李實爲張永,授以秘計。忠賢大懼,遣刺事 凡 四輩。 逮者失駕帖,不敢至。 侍郎烏程沈演家居,奏記忠賢曰:「事有迹矣。」於是日遣使譙訶實,取其 已,知獄卒將害己,叩首謝君父,賦詩一 尊素聞,卽囚服詣吏自投詔 其黨亦以尊素多智慮, 獄 許顯純、崔應元搒 章,遂死,時

六年閏六月朔日也,年四十三。 <u>崇</u>禛初,贈太僕卿,任一子。<u>福</u>王時,追諡忠端

戶部侍郎,以淸愼著稱者也。九江、南康間有柯、陳二大族,相傳陳友諒苗裔,負固强梗,嘗 猾數人重辟。士民服其公廉,爲之謠曰:「前林後李,清和無比。」林謂晉江林學會,卒官南京 **拒捕,有司議兵之。** 李應昇,字仲達,江陰人。 萬曆四十四年進士。 授南康推官。出無辜十九人於死,置大 應昇單騎往諭,皆叩頭聽命,出所匿罪人,一方以定。

科。 覆疏衍爲故套,嚴旨等若空言。陛下不先振竦精神,發皇志氣,羣臣孰肯任 怨 爲也。」報聞 世界者? 今遼土淪沒,黔、蜀用兵,紅夷之焰未息,西部之賞日增;逃兵肆掠於畿輔,窮民待盡於催 逗遛習慣,大將畏敵而不敢前,法紀陵夷,驕兵鼓譟而弗能問。 天啓二年徵授御史,謁假歸。明年秋還朝。時天子闍弱,庶政怠弛。 祖宗有早午晚三朝,猶時御便殿咨訪時政。 願俯納臣言,奮然力行,天下事尚可 在在增官, 日日會議, 應昇上疏曰:「方 以破情面之

若霆,大臣捐私曲,則千里運掌,臺諫任糾彈,則百司飲冰。 頃之,復陳時政,略曰:「今天下敝壞極矣,在君臣奮興而力圖之。 今動議增官,爲人營窟,紛紜遷 陛下振紀綱,則片紙

列 傳 第 百 三十三 李 應 昇

注矣, 將領 臂、邪人入幕,則奸弁充斥。 臣請斷自聖心,一切報罷。」又言:「今事下部曹,十九寢閣,宜 兵司 試不嚴,宜申明舊章,無使倖進將校蠶食。 重申國 徙,名實乖張。 郎范得志,顚倒公論,永光尋自引去。 '屬添注二三十人矣, 誰儲邊才而精典禮。 於,號哭滿庭,奸吏侵漁,福堂安坐,宜嚴其法制。」時不能用。 俄刻南京都御史王永光 如 孰慷慨以行邊,司空添注矣,孰拮据以儲備,大將添注矣,祇工媒孽而縱逋逃,禮、 蟻 典,明正將領之罪。 ,剝軍侵饟,又不知幾十萬。 自登、萊增巡撫,而侵冒百餘萬,增招練監軍,而侵冒又十餘萬。 錦衣旂尉,半歸權要,宜遣官巡視,如京營之制。 增置總督,何補塞垣,增置京堂,何裨政 。逃軍不招,私募乞兒,半分其饟,宜力爲創懲。窮 濫開邊俸,捷徑燃灰,則東治日壞;白衣攘 衛官襲職,此 事。 邊關內地, 樞貳添

小信以固結主心。 賢大恨。應昇知忠賢必禍國,密草疏列其十六罪。 賢領東廠,好用立枷,有重三百斤者,不數日卽死,先後死者六七十人。應昇極言宜罷,忠 十害宜急除,五反宜急去,帝爲戒飭所司。京師一日地三震,疏請保護聖躬,速停內操。忠 楊連劾忠賢,得嚴旨。 四 年正月疏陳外番、內盜及小人三患,譏切近習,魏忠賢惡之。已,復疏陳民隱,言有 根株既深,毒手乃肆。今陛下明知其罪,曲賜包容。彼緩則圖自全之計, 應昇憤,卽抗疏繼之。中言:「從來奄人之禍,其始莫不有小忠 將上,爲兄所知,攘其疏毀之,怏怏而止。

庇

部

莫如聽忠賢引退,以全其命,爲忠賢計,亦莫若早自引決,以乞帷蓋之恩。不然惡稔貫盈, 不欲爲劉健、謝遷者,幷不能爲東陽。倘畫策投歡,不幾與焦芳同傳耶。」 他 急則作走險之謀。 日欲保首領,不可得矣。」又曰:「君側不淸,安用彼相。一時寵利有盡,千秋靑史難欺。 蕭牆之間,能無隱禍。故忠賢一日不去,則陛下一日不安。臣爲陛下計,

辨疏詆言者。應昇復抗疏論之,且曰:「廣微父允貞爲言官,得罪輔臣以去,聲施至今。廣微 秩。首輔韓爌力救,乃奪祿一年。其月,趙南星等悉被逐,朝事大變。 奈何比言官路馬,斥爲此輩。夫不與此輩爲伍者,必別與一輩爲緣。乞陛下戒諭廣微,退讀 再,士氣不可折,譏切忠賢輩甚至。已,代高攀龍草疏劾崔呈秀。呈秀窘,昏夜款門,長跪乞 父書,保其家聲,毋倚三窟,與言官爲難,他日庶可見乃父地下。」<u>廣微益怒,謀之忠賢,</u>將鐫 應昇正色固拒,含怒而去。十月朔,帝廟享頒曆,廣微後至,爲魏大中等所糾。廣微恚, 時魏廣微方深結忠賢,爲之謀主,知應昇譏己,大恨。萬燝之死也,應昇極言廷杖不可

<u></u>
刻周起元疏,入應昇名。遂逮下詔獄,酷掠,坐贓三千。尋於閏六月二日斃之,年甫三十 <u>崇</u>顧初,贈太僕卿,錄一子。 福王時,追諡忠毅。 明年三月,工部主事曹欽程劾應昇護法東林,遂削籍。 忠賢恨未已。六年三月假李實

萬 憬,字屬夫,南昌人,兵部侍郎恭孫也。 少好學,砥礪名行。 舉萬曆四十四年進士,

授刑部主事。嘗疏論刑獄干和。

鑄,移牒內官監言之。 其 田 職。 郎 中,督陵務。 天 | 啓初元,兵事棘,工部需才,調爆工部營繕主事。 督治九門垣墉,市銅江南,皆勤於 遷虞衡員外郎,司鼓鑄。 時慶陵大工未竣,費不貲。憬知內府廢銅山積, 可發以助

佛宇,璇題耀日,珠網懸星,費金錢幾百萬。爲己墳墓則如此,爲先帝陵寢則如彼,可勝誅 帝者也、陛下之寵忠賢,亦以忠賢曾供事先帝也。乃於先帝陵工、略不厝念。臣嘗屢請銅, 生羽毛、所惡成瘡痏。廕子弟、則一世再世、賚厮養、則千金萬金。毒痡士庶、斃百餘人,成 利權,不可委臣下,況刑餘寺人哉。忠賢性狡而貪,膽麤而大。口銜天憲,手握王爵,所好 靳不肯予。 加搢紳,空十數署。一切生殺予奪之權盡爲忠賢所竊,陛下猶不覺悟乎?且忠賢固供事先 今忠賢已盡竊陛下權,致內廷外朝止知有忠賢,不知有陛下,尚可一日留左右耶。」疏 其時,忠賢益肆,廷臣楊漣等交擊,率被嚴旨。 憬憤,抗章極論,略言:「人主有政權,有 間過香山碧雲寺,見忠賢自營墳墓,其規制弘敞,擬於陵寢。 前列生祠,又前建

列

第

明

入,忠賢大怒,矯旨廷杖一百,斥爲民。執政言官論救,皆不聽。

此 至闕下,氣息纔屬。杖已,絕而復甦。羣奄更肆蹴踏,越四日卽卒,時四年七月七日 當是時,忠賢惡廷臣交章劾己,無所發忿,思借憬立威。乃命羣奄至憬邸,捽而毆之。日

忠賢恨猶不置,羅織其罪,誣以贓賄三百。 憬廉吏,破產乃竣。崇禛初,贈光祿卿,官其

一子。福王時,諡忠貞。

也。至

乾學、夏之令、吳裕中、劉鐸、吳懷賢、蘇繼歐、張汝諸人,皆忤忠賢致死。 沛甚急,堅守不下,由此擢御史。崇禛時,仕至浙江副使。汝翥雖受杖,幸不死。而是時,丁 翥懼,逃之<u>遵化</u>,自歸於巡撫鄧渼。[K] 漢以聞,卒杖之。汝翥起家鄉舉,知沛縣。徐鴻儒攻 **燝杖死未幾,巡城御史福淸林汝翥嘗笞內侍曹進、傅國興,忠賢矯旨杖汝翥如燝。汝** 

初,贈侍讀學士。 忠賢怒,矯旨鐫三秩,復除其名。已,使人詐爲校尉往逮,挫辱之,竟憤鬱而卒。崇順 乾學,浙江山陰人,寄籍京師,官檢討。 天啓四年偕給事中郝土膏典試江西,發策刺忠

之命,光山人。知攸、勮二縣,徵授御史。嘗疏論邊事,力詆毛文龍不足恃。忠賢庇文

亦以事銜之。 ,傳旨削之令籍,閣臣救免。 途屬御史卓邁劾之令黨比熊廷弼,有韶削奪。 及巡皇城,內使馮忠等犯法,劾治之,益爲忠賢所衡,崔呈秀 頃之,御史倪文煥復劾之令計

裕中,江夏人。 爲順德知縣,徵授御史。 大學士丁紹軾陷熊廷弼死,裕中有疏詆紹軾。

陷

文龍,幾悞疆事。

**遂逮下詔獄,坐贓拷死。** 

還之。 醮者,參將張體乾誣鐸咒詛忠賢,刑部尚書薛貞坐以大辟。忠賢誅,貞、體乾並抵罪,鐸贈 事獲解,許還故官。良卿從容問鐸:「曩錦衣往逮,索金幾何。」曰:「三千金耳。」良卿令錦衣 慎者得之, 聞於忠賢。 倪文煥者, 揚州人也, 素銜鐸, 遂嗾忠賢逮治之。鐸雅善忠賢子良卿, 忠賢傳旨詰裕中爲廷弼姻戚,代之報讐。廷杖一百,創重卒。崇禎初,賜贈廕。 鐸,廬陵人。由刑部郎中爲揚州知府。憤忠賢亂政,作詩書僧易,有「陰霾國事非」句。 其人怒,日夜伺鐸隙,言鐸繫獄時,與囚方震孺同謀居間,遂再下獄。會鐸家人有夜

更,亦敢謗我!遂矯旨下詔獄,坐以結納汪文言,爲左光斗、魏大中鷹犬,拷掠死。 無 。」又與工部主事吳昌期書,有「專極必反,反正不遠」語。忠賢偵知之,大怒曰:「何物小 加禮,應星恨之。 懷賢,休寧人。由國子監生授內閣中書舍人。同官傅應星者,「引忠賢甥也,懷賢遇之 楊漣劾忠賢疏出,懷賢書其上曰:「宜如韓魏公治任守忠故事,卽時遣 崇禎初,

太僕少卿。

贈工部主事。

中旨謂爲楊連私黨,削籍歸。時緹騎四出,同里副使孫織錦素附忠賢,遣人忧繼歐曰:「 繼歐,許州人。 歷知元氏、真定、柏鄉,入爲吏部稽勳主事,累遷考功郎中。 將調文選, 逮者

一一次,邯鄲人。尚書國彥曾孫也。由廢於至矣。」繼歐自經死。 崇禎初,贈太常寺卿。

死。 汝,邯鄲人。 亦獲贈恤。 尚書國意曾孫也。 由廕敍爲後軍都督府經歷。 嘗被酒詆忠賢,下獄拷掠

賢之殺諸人也,揚毒焰以快其私,肆無忌憚。蓋主荒政粃之餘,公道淪亡,人心敗壞,凶氣參 會,羣邪翕謀,故搢紳之禍烈於前古。 贊曰:自古閱宦之甘心善類者,莫甚於漢、唐之季,然皆倉卒一時,爲自救計耳。 諸人之受禍也, 酷矣哉! 魏忠

校勘記

宋妣 原誤作「朱娥」,據明史稿傳一二七周宗建傳改。 按宋娥是後漢順帝的乳母, 見後漢書

卷六〇上楊厚傳。

記

給事中郭鞏者 給事中郭鞏,本書卷三〇五魏忠賢傳作「御史郭鞏」。

Z4 捽而毆之

時四年七月七日也

原作「摔而毆之」,據明史稿傳一二七萬燝傳改。

白歸於巡撫鄧渼 鄧渼, >烹宗實錄卷四三天啓四年六月壬寅條、國権卷八六頁五二八九都作

本書卷二二熹宗紀作四年六月丙申、熹宗實錄卷四三作四年六月戊戌。

「鄧漢」。

同官傅應星者 傅應星, 原作「傅應昇」, 據本書卷三〇五魏忠賢傳、明史稿傳一二七萬燝傳

改。 下同。



## 明史卷一百四十六

## 列傳第一百三十四

満朝薦 江秉謙 侯震暘 倪思輝 朱欽相 王心

王允成 李希孔 毛士龍

物,殺數人,投屍河中。 衡。 急,諸惡黨多亡去。朝薦追之渭南,頗有所格傷。 驚,言永反。 或謂水宜自明,永遂下敎,自白不反狀,然蓄甲者數百。 其下劫諸生橐, 事覺,朝薦捕獲其人。 會巡撫顧其志極論永貪殘狀,乃復朝薦官,奪俸一歲。無何,永遣人蠱巡按御史余懋 滿朝薦,字震東,麻陽人。萬曆三十二年進士。授咸寧知縣,有廉能聲。稅監梁永縱 朝薦捕治之。永怒,劾其擅刑稅役,詔鐫一官。 帝震怒,立遣使逮治,時三十五年七月也。 永懼, 率衆擐甲入縣庭。 吏卒早爲備, 無所掠而去。 永懼,使使緊害髮中,入都訟朝薦劫上 大學士沈鯉等論救,不 既至,下詔獄搒掠,遂 而朝薦助懋衡操之 城中數夜 供

列

傳第

百三

十四四

滿刻

薦

長弊。 中 外論 救 自大學士朱賡 以下,百十疏。 最後,四十一年秋,萬壽節 將 温,用 大學士

葉向 高 請,乃 與王 邦才、卞孔 時並釋歸。

方植黨逞浮議。 光宗 立 · 起南京刑部郎中, 朝薦深慮之, 疏陳時事十 再遷尙 寶卿。 可憂、 天啓二年, 七可怪,語極危切。 遼東地盡失, 尋進太僕少卿, 海內多故, 而 廷臣 復 

之變

疏

日

朝廷政 極 比者, 令乃 矣。 風霾曀晦,星月畫見,太白經天,四月雹,六月冰,山東地震,畿內霪潦,天地 顚倒 四川 日基 則 奢崇明叛 貴州則安邦彥叛, 山東則徐鴻儒 亂,民 人之變極矣。 而

平? 朝 之嗟,周朝瑞、惠世 去,王紀, 索百萬之貲, 而 猶 有是顚倒乎? 加異數焉。 乞骸耳, 棄城耳,多年議確之犯或以庇厚而 執法 邊臣 如 周嘉謨、劉一燝,顧命之元老,以中讒去,孫愼行,守禮之宗伯,以封典 祖宗朝有是 山之司 .猶慮其未飽;健兒乞錙銖之餉,度支尙謂其 緝好耳,正罪自有常律,平反原無濫條。 .揚等之拂衣,又中一 寇,以平反去, 顚倒乎? 網之計。 皆漠不顧 建言耳, 緩求,旬日矜疑之輩反以妬深 祖宗朝有是顚倒乎? 情,獨惓惓於三十疏劾之沈淮,即 倪思輝、朱欽 遼陽之禍,起於袁應泰之 、過奢。 相等之削籍,已重箝 祖宗朝有是顚 邊筴耳 西 祖宗 部 倒 去 口

散。 献送之說也。 之說也。廣寧之變,起於王化貞之誤信西部,取餉金以啖插而不給卒伍,以故 大納降人。降人盡占居民婦女,故遼民發憤,招敵攻城。事發倉卒,未聞有何人獻送 敵兵過河,又不聞西部策應,逐至手足無措,抱頭鼠竄。亦事發倉卒,未聞有何人 深求奸細,不過爲化貞卸罪地耳。 王紀不欲殺人媚人,反致削籍。 人心 祖宗 離

朝有是顚倒乎?

不加。 臣即從逢、干於地下,猶生之年。 八九。臣誠不忍見神州陸沈,所陛下終覽臣疏,與閣部大臣更絃易轍,悉軌祖宗舊章, 之昵,僭逼母儀。 淮賄盧受得進,及受敗,又交通跋扈之奄以樹威。 竟行其言矣。 若夫閣臣之職,在主持淸議。 他若戚畹,豈不當檢,何至以閹寺之讒,斃其三僕。三宮分有常尊,何至以傾國 有極奸報國者,非惟不納也,輕則見讓,重則遞加黜罰矣。尤有恨者,沈 此皆顚倒之甚者也。 今章疏有妬才壞政者,非惟不斥也,輕則兩可,重則 顧成於陛下者什之一二,成於當事大臣者十之 振、瑾僨裂之禍,皆准作俑,而放流

黨撰東林同志錄,朝薦與焉,竟不復用。 旣奏,魏忠賢激帝怒,降旨切責,褫職爲民。 崇禛二年薦起故官,未上卒。 大學士向高申救甚力,帝不納。 已,忠賢

江 秉謙,字兆豫,歙人。 萬曆三十八年進士。 除鄞縣知縣。 用廉能徵,擬授御史。 人

不得 命,以葬 親 歸。 光宗立,命始下。入臺,侃侃言事

華疏辨,秉縣再劾之。 三年誤績,所墾足抵年例餉銀,即擢京卿。 天啓元年首陳君臣虛己奉公之道,規切 送甚至。 秉謙力駁其謬,因言汝華尸素,宜**亟** 戶部尚書李汝華建議 興屯,請 龍。 專遣御 汝

與汞源 壞朝 辨,帝不罪。 · 康謙憤,力頌廷弼保守危疆功,且曰:「今廷弼勘覆已明,議者猶以一 一十萬 廷 **瀋陽旣失,朝士多思熊廷弼,而給事中郭鞏獨論廷弼喪師悞國,請幷罪閣臣劉一燝。** 爲豐。 [封疆, 不忘胸中畛域。] 金爲軍貲。 廷弼旣鎭山海,議遣使宣諭朝鮮發兵牽制。 兵部尚書張鶴鳴不予,秉謙抗疏爭。 章下廷議。 會遼陽復失,廷弼旋起經略。 鶴鳴怒,力詆秉謙朋黨。 副使梁之垣請行,廷弼喜,請付 人私情沒天下 鞏 坐妄議奪官,遂 公論,寧 秉謙疏

日聞,辨駁踵至。 「陛下再起廷弼,委以重寄,日『疆場事不從中制 鶴鳴旣抑廷弼,專庇巡撫王化貞,朝士多附會之。 執爲詞者曰『經、撫不和,化貞主戰,延弼主守耳』。 乃數月以來,廷酮不得措手足,呼號 帝以經、撫不和,詔廷臣議。 夫廷弼非專言守,謂 秉謙

耳。 守。」末畿首輔葉向高 好 從之進; 夫 是化貞 守定而 、惡經、 人 知之。 陛 有 下 後 撫者不 欲退, 旣 節制廷弼 可戰也。 命延弼 乃 則 和; 則 使 節 之權,而廷弼未嘗有 無言 化貞銳意戰,卽戰勝,可無事守乎? 非戰守之議論不合,乃左右經、撫者之議論不合。 廷弼隨之退。 兩可含糊,勢必兩可掣肘,安能賣成功。 制三方,則三方之進戰退守當一一 不從,一 則無策 化貞條進條退,則使廷弼進不 不 節制三方之權也。 棄。 豊 眞 示 明於戰守之說,但從化貞 萬一不勝,又將何 聽其指揮。 故今日之事,非經、撫不和,乃 語極切至。 知所以戰,退不 乃化貞 請專責 以守? 欲進,則 延 丽, 知 此中 泛延 所 丽 實圖戰 使廷弼 以守。 利害, 起見

化貞 經 哆口定他人罪案耶 何 而 方 貞 略 行邊,不當輕詆,奪秉謙俸半歲,如杞不問。秉謙復上疏言:「鶴鳴一入中樞,初不過鹵莽 處有機會? 無遠識,旣乃至兇狠而 排 延弼, 以節 先棄地先逃, 後 朝 制 議 致封 方 既欲置 撤 而日 疆喪失, 廷弼,而化貞已棄廣寧遁。 **猶**日 機會可 廷弼於廣寧,而未嘗移化貞於何地。 功罪相半。 連疏攻之。 動殺機。 乘。 何 日渡河? 明知 卽此一言,縱寸斬鶴鳴,不足贖其欺君悞國罪,乃猶敢 并援世宗戮丁汝夔故事,乞亟置鶴鳴於法。 西部間 m **秉謙益憤,以職方郎耿如杷附和鶴鳴,力助化** 日渡河必勝。 課俱虛 ,戰守參差難合,乃顧自欺以欺朝廷。 破壞封疆之罪, 旣欲驅經略以出 可置 關,而 上弗問 帝以 不肯付 哉? 鶴鳴

於 周朝瑞等十二人再疏力攻, 外。 當是時,大學士沈淮潛結中官劉朝、乳媼客氏,募兵入禁中,興內操。給事中惠世揚、 無何,郭鞏召還,交通魏忠賢,力沮秉謙。 秉謙與焉,幷詆朝及客氏。 是冬,皇子生,言官被謫者悉召還,獨秉謙 內外胥怨,遂假劾鶴鳴疏, 出乗謙

不與。 家居四年,聞忠賢益亂政,憂憤卒。

居 數月,忠賢黨御史卓邁追劾秉謙保護廷弼,遂削籍。崇禎初,復官。

侯震陽,字得一,嘉定人。 祖堯封,監察御史。件大學士張居正,外轉。累官至福建右

參政,有廉直聲。 震陽舉<u>萬曆三十八年進士,授行人</u>。

禁地,姦璫羣小睥睨其側,內外鈎連,借叢煬竈,有不忍言者。王聖寵而煽江京、李閏之奸, 趙嬈龍而 裏,勢焰張甚。 天啓初,擢吏科給事中。是時,保姆奉聖夫人客氏方擅寵,與魏忠賢及大學士沈淮相 . 搆曹節、王甫之變。[1] 幺麽里婦,何堪數昵至尊哉。」不省。 旣遣出宮,熹宗思念流涕,至日旰不御食,遂宣諭復入。震暘疏言:「宮闡

與化貞畫地任事。 會遼事棘,經略熊廷弼、巡撫王化貞相牴牾。 震陽逆知其必敗,疏言「事勢至此,陛下宜遣問經臣。 兵部尚書張鶴鳴右化貞,議者遂欲移廷 果能加意訓

掎角。 **灾議**, 自命, 練,則 代任巡撫,以資後勁。 與其事 進止遲速不從中制,雖撤撫臣,一以付之,無不可者。 摭拾 此又一說也。若復遷延猶豫,必償國事。」疏上,方有旨集議,而大淸兵已破廣寧矣。 ·殘局,專任化貞。此一說也。不則移廷弼密雲,而出本兵爲經略。 ,敗同罪,不若挺身報國。此又一說也。不則遂以經略授化貞,擇沈深有謀者 此又一說也。不則直移廷弼於登、萊,終其三方布置之策,與化貞相 如不然,則督其條晰陳奏,以聽 鶴鳴素慷慨

化貞、廷弼相率入關門,猶數奉溫旨,責以戴罪立功。

焉。」其後治失事罪,蓋略如震陽疏云。 乎? 乎? 惜者,什七在化貞,今不能爲化貞惜也。河西旣壞以後,舉朝所寬者什九在廷弼,今亦不能 爲廷弼寬也。策撫臣者,謂宜責令還赴廣寧,聯屬西部。 抑止令率殘卒出關外,姑示不殺乎。凡此無一可者。及今不定逃臣之律,殘疆其奚賴 策經臣者,謂宜仍責守關。然所謂守者,將如廷弼前議三十萬兵數十萬餉,以圖後效 震暘大憤懣,再疏言:「臣言不幸驗矣,爲今日計,論法不論情。 河西未壞以前,舉朝所 然而廥庫已竭,其能赤手效包胥

日 傳旨謫震場。 已,遂劾大學士沈淮結納奉聖夫人及諸中官爲朋黨,具發其搆殺故監王安狀。 震暘陛辭,復上田賦、河渠二議。以逐臣不當建議,再鐫二級以歸

震暘在垣八月,章奏凡數十上。 崇禎初,召復故官,震陽已前卒。 因其子主事峒曾請,

特贈太常少卿。

之。 學士劉 心 一 方震陽之論客氏也,給事中祁門倪思輝、臨川朱欽相疏繼之。帝大恚,並貶三官。 同官龍谿馬鳴起復抗疏諫,且言客氏六不可留。 憬、尙書周嘉謨等交章論教, 皆不納 御史吳縣王心一言之尤切, 帝議加重譴,用一燝等言,奪俸 帝怒,貶官 大 如

年。

士聞 情爲失宜。」不報。 功 ,待陵工告**竣**,並行敍錄。 丽 先是,元年正月,客氏未出宫,詔給土田二十頃,爲護墳香火貲。 解體。 況梓宮未殯, 至是,與 思輝、欽相並貶,廷臣請召還者十餘疏。 先念保姆之香火,陵工未成,强入奄侍之勤勞,於理爲不順,於 心一抗疏言:「陛下眷念二人,加給土田,明示優錄,恐東征 皇子生、詔思輝、欽相、 又詔魏進忠侍衛有 將

心一、鳴起並復故官。

建,討賊楊六、蔡三、鍾六等有功。 一終刑部侍郎。 欽相 尋擢太僕少卿。 鳴起終南京右都御史。 楊漣旣幼魏忠賢,欽相亦抗疏極論。 旋以忤忠賢,除名。 思輝,崇顧時終南京督儲尚書。 五年以右僉都御史巡撫福 1

時甲科勢重,乙科多卑下之。一允成體貌魁梧,才氣臟發,欲凌甲科出其上,首疏論遼左失事 王允成,字述文,澤州人。 萬曆中舉於鄉,除獲應知縣。以治行異等,徵授南京御史。

諸臣

,請正刑辟

之地? 朝瑞之命,何皆不封還? 移宮後、發一敕諭、不過如常人表明心跡耳、從哲輒封還。夫封后之命,都督之命,貶謫周 爭執,必成反汗之勢。 腹寔繁有徒,陛下當思所以防之。此者,聖諭多從中出。當,則開煬竈之端;不當,而臣下 大 〈學士方從哲封還上諭。 允成陳保治十事,中言:「張差闖 宮,說 者謂瘋癲。 熹宗 龐保、劉成豈並瘋之人。言念及此,可爲寒心。今鄭氏四十年之恩威 即位,廷臣方爭論「梃擊」、「移宮」事,而帝降兩窳罪選侍,因言移宮後相安狀。 孰若事無大小,盡歸內閣。至元輔方從哲,屢劾不去。陛下於選侍 司馬昭之心,路人知之矣。」姚宗文閱視遼左,與熊廷弼相失,歸而 %猶在, 青宮豈發瘋 卵翼

權恃寵諸奄,與今日左右近習,互相忌嫉,恐乘機肆毒,彼此相戕。 略、愼中樞、專大帥、更戎政、嚴賞罰數事。 |天啓元年疏請卹先朝 直臣,列楊天民等三十六人以上,帝納之。 末言:「方今最可慮者,陛下孤立禁中。 夫防護禁庭, 責在內閣 俄陳任輔弼、擇經 先朝怙

鼓

同列攻之。

允成惡其奸,再疏論列。

及司 禮 務令潛消默化,俾聖躬與皇弟,並得高枕無憂,斯爲根本至計。」時韙其言。

毛士 綱常 龍 一疏,刺謬特甚。 劾府丞邵輔忠**,** 劾 刑 部尚書黃克纘倡言保護選侍,貽悞賈繼春,又曲 已,極論內降及留中之害,末復規切閣部大臣。 允成亦偕同官李希孔斥輔忠。 已, 極言綱紀廢弛,請戒姑 庇盜寶內侍,至辨御史焦源溥 件旨,停俸。 息,破因 給 事中

循

,指斥時事

甚悉。

推陞 落, 復見今日。」疏入,進忠輩切齒。 潘 陪推矣,浸假而中旨用考官矣。是易置大臣之權在二豎也。近者弄權愈甚,逐大臣 事,自沈淮 騁之貲,誰 命之璫,犬食其餘,不蒙帷蓋之澤;外廷顧命之老,中旨趣出,立見田里之收。 以 王紀、滿朝薦並削職爲編氓。是驅除大臣之權在二豎也。 在 小宗繼大宗,諸子不得封郡王,祖制昭然。 ,往例皆然。 當 是時,中貴劉朝、魏進忠與乳媼客氏相倚爲奸。 一豎也。 邵 啓盤於遊田之漸; 以大臣爲釋忿之地, 誰啓咈其耈長之心。 輔忠導之,遂恣肆無忌。浸假而王心一、倪思輝、朱欽相斥矣,浸假而 招權納賄, 乃惡 周朝瑞之正直,忽有不許推用之旨。 作福作威。二豎弄權於外,客氏主謀於中。 允成復特疏論秦府濫恩之謬,帝終不省。 乃部科爭之不獲, 相繼 允成抗疏歷數其罪, 略言:「內廷顧 是轉遷百官之權在二豎也。 科臣遷改, 劉朝輩 而去。 王振、劉瑾之禍將 自有 初 是進退諸藩 以 定敍,給假 小 亦不預外 司空用 馬為馳 如 秦

三年六月,允成又劾進忠,進忠益恨。明年,趙南星爲吏部,知允成賢,調之於北。 無

按 幾,南星被逐,御史張訥劾南星調允成非法,遂除名。 提問,坐以贓私。 莊烈帝嗣位,以允成嘗請保護皇弟,識其名,召復故官。 後給事中陳維新復刻允成貪險,詔 未幾卒。

當 天啓初,東林方盛。其主張聯絡者,率在言路。 允成居南,與北相應和,時貴多畏其

宗文閱遼東軍,排經略熊廷弼,希孔連疏劾之。已,又糾宗文阻抑考選,以「令旨」二字抗言 繳還,遏先帝非常之德。 李希孔,字子鑄,三水人。萬曆三十八年進士。授中書舍人,擢南京御史。 然諤諤敢言,屢犯近倖,其風采足重云。 泰昌元年冬,陳時政七事。天啓改元,與允成劾邵輔忠。

給事中姚

已,請宥

言官倪思輝、朱欽相、王心一。三年上折邪議,以定兩朝實錄,疏言:

等苦口力爭,又共責讓錫爵於朝房。於是錫爵始知大義之不可違,而天下之不我予。 密疏請也。迨旨下禮部,而王如堅、朱維京、涂一臻、王學會、岳元聲、顧允成、于孔兼 隨上疏檢舉,而封事停也。 推共功,至與陳平、狄仁傑並。此其說不可解也。當時並封未有旨,輔臣王錫爵蓋先有 告鄭氏謀危國本,而左祖之者,莫彰著於三王並封之事。 今秉筆者不謂非也,且 假令如堅等不死爭,不責讓,將並封之事逐以定,而子以母

列

侧

第

之、恒 錫爵 錫 賣之說,且徐邀定策國老之勛。 爵 諱 世不復起。不知前代之安劉、復唐者,誰阨王陵,使之不見天 · 彥範等五人,而令齎志以沒乎。臣所以折邪議者,一也。 乎哉 且聞錫爵語人曰:「王給事中遺悔否。」以故事關國本,諸臣槁 而乃飾之曰:「旋命旋引咎,事遂以 日乎? 止。」嗟乎,此可爲 曾剪除張 項黃馘,終 柬

隱,可也,爲亂賊輩隱,則何爲,臣所以折邪議者,二也。 以 置 不及張敖,故漢高得釋敖不問。 高 **一 一 万 其 油** 全倫,今直筆之以存實,以戒後,自兩不相妨,而奈之何欲諱之?且諱之以爲君父 事爲辭。 其次, ,挾使供之,非實事也。 此其 莫彰於張差闖宮之事。 說 又不可解也。 可與張差之事,造謀主使口招歷 王大臣之徒手而闖至乾清宮門也,馮保怨舊輔高拱, 張差之梃,誰授之而誰使之乎? 而 秉筆者猶謂無罪也,且輕其事,而列王大臣、貫 歷者比乎? 貫高身無完膚,而詞 昔寬處之

故 稱遺詔,以要必行。 至封后遺詔,自古未有帝崩立后者。 奈何猶稱先志,重誣神祖,而陰爲阿附傳封者開一面也?臣所 此不過貴妃私人謀假母后之尊,以弭罪狀。

以折邪議者,三也。

積勞積虛之後,投攻剋之劑。 羣議洶洶,方蓋疑慮變之深,而遽值先帝升遐,又適有下 先帝之令德考終,<br />
自不宜謂因藥致崩,<br />
被不美之名。 而當時在內視病者,鳥可於

以逸其罰。 藥之事,安得不痛之恨之,疾首頓足而深望之。 君父何人,臣子可以僥倖而 嘗試乎? 臣所以折邪議者,四也。 乃討奸者憤激而甚其詞,庇奸者借題

何心? 選侍又未嘗不安,有何冤抑,而汲汲皇皇爲無病之沈吟 宮已移矣,漣等之心事畢矣,本未嘗廚以爲功,何至反以爲罪而禁錮之,擯逐之, 讓 悶,狐鼠實繁, 其於杜漸防微, 先朝宮嬪,萬世而 先 即選侍 帝之繼 神廟 **久恃先帝**,生育公主,諸臣未必不 棄羣臣也,兩月之內,鼎湖 下謂如 自不得不倍加嚴慎。 何國體。 此楊遵等諸臣所 再號。 力請於陛下,加之恩禮。 卽不 陛下 ·然,而 以權衡輕 孑然 臣所以折邪議者,五也。 以新 身,怙恃無託,宮禁深 重,亟以移宫請也。 天子儼然避正殿, 今陛下旣安, 是誠

天下止知 害,何可訓 疑之避也。 之明,則我 當 年母愛子抱,外議諠譁,然雖有城社媒孽之奸,卒不以易祖訓立長之序,則愈足見 抑 猶有未盡者。 有 也。 朝仁廟監國危疑,何嘗爲成祖之累。而當時 私 何獨至今而立此 交,而不 今史局開,公道明,而坐視奸輩陰謀,辨言亂 神祖與先帝所以處父子骨肉之際,仁義孝慈,本無可 知有君父。 何足諱,何必諱,又何可諱。 一說,巧爲奸人脫卸,使昔日不能置之罪,今日不容著之 乞特敕纂修諸臣,據事直書,無疑無隱,則繼述大孝 史臣直勒之汗青,並未聞 若謂言及鄭氏之過,便傷 義,將令三綱紊,九法滅, 以置喙。 有 神 神 嫌 加 卽

過於武、周,而世道人心攸賴之矣。

詔付史館參酌,然其後卒不能改也。已,又請出客氏於外,請誅崔文昪。 忌者甚衆, 指為

東林黨。未幾,卒官,故不與璫禍。

陸夢龍、陸大受、何士晉、馬德灃、王之寀、楊漣等有功社稷,而魏浚輩醜正害直之罪。帝 中,首劾姚宗文閱視乖張。楊漣去國,抗疏請留。天啓改元正月疏論「三案」,力言孫愼行 毛士龍,字伯高,宜興人。萬曆四十一年進士。授杭州推官。熹宗卽位,擢刑科給事

是之

告者罪。 附法,不可為大臣,且數朝等罪甚悉。由是,進忠及諸奄衛士龍次骨。進忠廣開告密,誣 <sup></sup> 完幾中寢。 盛等上疏鳴冤,進忠卽傳旨貸死。大學士劉一燝等執奏者再。 天津廢將陳天爵交通李永芳,三逮其一家五十餘人,下詔 之,數稱其冤。帝不從,論死。 李選侍之移宮也,其內豎劉朝、田詔、劉進忠等五人,以盜貲下刑部獄。 進忠懷張后抑己,誣爲死囚孫二所出,布散流言。 克纘乃陳其冤狀,而請付之熱審。 是年五月,王安罷,魏進忠用事。 進忠不從,傳旨立釋。 獄。 士龍請究治妖言奸黨并主使逆 旨下刑科,士龍抄參者三, 士龍 詔等進重路,令其下李文 即劾錦衣駱思恭及誣 士龍憤,劾克纘阿旨 尚書黃克纘庇

徒,進忠益憾。

己,夜中踰牆遁。 六年十二月,御史劉徽復摭輔忠前奏,劾士龍納訪犯萬金,下法司逮治。 |才賄三千,謀起||南京東部,下撫按提訊追贓,遣戍平陽衞。 家,載妻子浮太湖以免。 所訐,風聞,請寬貸。<br />
進忠不從,削士龍籍,輔忠落職閒住。 握,令攻士龍。 未已。 至九月,士龍劾順天府丞邵輔忠奸貪,希孔、允成亦劾之,輔忠大懼。 四年冬,今其私人張訥劾之,再命削籍。 輔忠遂計士龍官杭州時盜庫納妓,進忠從中下其疏。 其妾不知也,謂有司殺之,被髮號泣於道,有司無如之何。 明年三月入之汪文言獄詞,謂納李三 已而輔忠起用,驟遷兵部侍郎 進忠後易名忠賢,顯盜國柄,恨 尚 書 問 嘉 謨 等 言 兩 士龍知忠賢必殺 朝等因誘以超 士龍乃潛至

建巡按李嗣京。 高 副都御史惠世揚皆未至,士龍獨掌院事。 督蘇、松諸郡糧。 一牙大纛,氣凌巡撫,且公署前後皆通竇納賄, 莊烈帝嗣位,忠賢伏誅。 帝憐之,命復官致仕,竟不召用。 十月謝病歸 明年冬,入爲太僕少卿。 朝士爲士龍稱冤, 國變後 卒。 帝嘗語輔臣「往例御史巡方,類微服訪民 至崇禎十四 又明年春,擢左僉都御史。 每奉使富可敵國,宜重懲。」士龍聞,劾逮福 詔盡赦其罪。 年,里人周延儒再相,始起漕儲副使, 士龍始詣闕謝恩, 時左都御史李邦華 且陳被陷 間。 近

記

閥邪黨,彼其甘心善類,授之刃而假手焉且加功者,罪直浮於忠賢已。 攻劉朝、魏進忠,而不與楊、左、周、黃諸人同難。 幾强立不反者歟。 贊曰:滿朝薦,健令也,出死力以抗兇鋒,幽深牢而弗悔。 及躋言路,益發憤時事,庶 江秉謙、侯震暘之論經撫,李希孔之論「三案」,皆切中事理。 毛士龍顧以譎免。蓋忠賢殺人皆成於附 王允成直

#### 校勘記

趙嬈寵而搆曹節王甫之變 王甫,原作「皇甫」,據明史稿傳一二五侯震陽傳改。 按王甫是後漢

的一個宦官,見後漢書卷一〇八曹節傳。

誣天津廢將陳天爵交通李永芳 李永芳,原作「李承芳」,據明史稿傳一二五王允成傳附毛士

龍傳改。

# 明史卷二百四十七

## 列傳第一百三十五

劉挺喬一琦 李應祥 童元鎭 陳璘 吳廣 鄧子龍

馬孔英

劉綎,字省吾,都督顯子。 勇敢有父風。用廕爲指揮使。

萬曆初,從顯討九絲蠻。先登,擒其酋阿大。以功,遷雲南迤東守備,改南京小敎場

坐營。

備事。 度、南甸土舍刀落參、芒市土舍放正堂,與應裏從父猛別、弟阿瓦等,各率象兵數十萬攻雷 并殺其妻子,奪金牌印符,受瑞體偽命,代士寧爲宣撫。 川,驍桀多智,爲宣撫多士寧記室。士寧妻以妹。鳳誘士寧往見瑞體,潛與子囊烏酖殺之, 十年冬,「三緬甸犯永昌、騰越、巡撫劉世會請濟師。 緬甸去雲南遠,自其鱼莽瑞體以兵服諸番,勢遂强,數擾邊境。江西人岳鳳者,商隴 瑞體死,子應裏嗣。 明年春,擢擬遊擊將軍,署騰衝守 鳳結耿馬賊罕

列

傳第

百三

十五

劉

艇

六三八九

沅 、元江 、盞達、干崖、南甸、木邦、老姚 已,陷順寧,破盞達,又令曩烏引緬兵突猛淋。 思甸諸處,殺掠無算。 窺騰越、永昌、大理、蒙化、景東、鎭 指揮吳繼勳等戰死。 鄧川土官知

州

何鈺,鳳僚壻也,使使招之,鳳繋獻應裏。

莫平。 攻之, 己 應裏 責令獻 道進擊。三 心 祚聞警,移駐洱海,巡撫劉世會亦移楚雄。大徵漢土軍數萬, 得 馳入隴川 趣 壁騰衝 當是時,車里、八百、孟養、木邦、孟艮、孟密、蠻莫皆以兵助賊,賊勢益盛。 鳳子囊烏亦降。 遂招 金牌印符及蠻莫、孟密地。乃以送鳳妻子還隴川 鳳 東寇姚關,北據灣甸、芒市。 境。 大小十餘戰,積級千六百有奇,猛別、落參皆殪。 一,陸通霄壁趙州 撫孟養賊,賊將乘象走,追獲之。 鳳度四面皆兵,遂詣軍門降。 艇乃攜鳳父子往攻蠻莫, ,僉事楊際熙壁永昌,與監軍副使傅寵 會挺至軍,軍大振。 復移師 艇復率兵進緬, 緬將先 乘勝掩擊。 圍孟 爲名,分兵趨沙木籠 璉, 鳳懼,乃令妻子及部 生擒其 贼窘, 參將鄧子龍擊斬罕虔於姚關。 令參政趙睿壁蒙化 、姜忻督參將胡大賓等分 縛緬 魁。 遁, 人及象馬來獻, 留少兵隴川 山,據其險,而 黔國 曲來降。 公沐 副 使 綎 胡 綎

亚 亦 進 陳,日<u>孟養,千</u>戶所二,一居姚關,一居猛淋。 副 雲南 總兵,予世廕。 平, 獻俘於朝。 ガ 改孟 帝爲告謝郊廟,受百官賀。大學士 密安撫司爲宣撫,增設安撫二,日 皆名之曰「鎭安」。命擬以副總兵署臨元參 申時行 蠻莫,日 以下 耿 ,悉進官廕子。 馬 ;長官司 三,曰

,移鎭蠻莫。 初,鳳降本以計 誘,而巡撫世曾稱陣擒,遂行獻俘禮,敍功及 閣 部

順 有 功 連摧 一,特 授 |緬 六營,爲西南戰功第 之。 人 復大舉寇孟密。 凝納 其重賄,又縱部將謝世祿等淫虐,思順 \_\_<u>-</u> 孟 密兵戰 進官,世廕副千戶。 敗, 賊 遂 ) 圍五 章。 綎 亦 把總高 優敍。 大 怨。 國春率五 蠻莫設安撫,以土官思 百人 援, 破 賊

以 阯 金錢,始定。 ,威名甚盛。 艇,將 家子。 思順恐禍及,叛歸捧脅。 然性貪,御下無法。 父顯部 曲多健兒,挺擁 兵還至 韶革艇任,以遊擊候調 以自雄。 騰衝,甲而譟,焚民居。 征 **緬之役,勒兵金沙江,築將臺於王驥故** 艇在蠻莫,聞之馳至,犒

功不 官 宗、陸涼諸府州 時 |樂 奉 奪 逸 為主。 首 至 其妻,生子繼榮。 錄 。 一霑益 去。 功 無 何, 止 世 £. 艇 ,世曾喜,令與 用符術鍊 羅雄 曾 十餘級,而撫降者 連克三砦,斬王道、張道,追亡至阿 爲辨誣,乃賜 變起。 咸被患。 丁甲 濬 年老無他子,繼榮得襲職,遂弑濬。 羅雄者 裨將劉紹桂 ,煽聚徒黨,獨外弟隆有義 巡撫劉世 白金。 ,曲靖屬州也,者氏 萬餘人,論 會 尋用爲廣西參將,移四川。 一、萬鏊 機調漢土軍 者稱: 分道討。 其不妄 拜江 ,屬監司程正誼、鄭璧等分禦之。 世爲知州。 不從。十三年冬,繼榮分黨 艇直搗繼榮寨,拔之,獲其妻妾數人,繼 殺。 隆有義 初,挺破繼榮,有論 妖僧王道、 嘉靖時, 部卒斬繼榮首以獻, 者濬 張道以繼榮有異相 嗣職,殺營長而 四剽 其私財物者, 一廣西 贼 會艇 盡 師 解

訓 合 則 有 如 水 等 倭已 七千六百人,分扼要 斬 松 兵 急 獲。 間 布 遺李 棄 道 + 釜 踰 倭 Ш 王 年 乃從釜山 平胡、查大受屯南原, 海 京 槐 召 口 Щ 遁, 授 , , 五  $\subseteq$ 出 綎 軍三營參 烏嶺後。 趨 移西生浦,送王子歸朝鮮。 朝鮮略定。 口 尚 0 州 總督 烏嶺 將。 倭 顧養謙 大 O 祖承 未幾 會朝 驚,遂移駐釜 嶺亙七十 訓、李 一、倭遣 鮮用 力主 師,挺請 寧屯 盡撤,挺、惟忠亦先後還 小西 里, Щ 咸陽 飛納 帝命 峭 浦。 壁 率川兵五千赴 綎 撤 款, 通 艇 如松 及承 遂犯 屯陜川,扼之。 線, 大軍 成安、晉州 訓 倭 等進屯 一還,止 拒 泛援, 險。 詔 一留艇及 大丘 以副 別將 逼 倭果分犯 全羅 一、忠州 總兵從征 查 遊 一大受、 擊吳惟 清諸 提督 以 全羅 祖 將 李 承 並 至

膾 興祖 輸款 屬 。 而 播 興 祖 酋 青海 楊 以聞 應龍作亂 寇數 法當 擾邊,特設臨洮 褫 擢 部議 艇 四 綎 JII 總 功 總兵官,移 兵官。 多, 請 盡革雲南所 艇戍 艇 任之。 朝鮮 二年,勞甚,覬勘 加 功級, 以副 總兵鎭 功優敍,乃賄 四 |JI|御 尋 史宋 以 應

有差。 擊之莽 十四四 刺 ]]] 腦, 年三月, 斬首 百三十 火落赤、眞相 有奇, 、昆都魯、歹成 獲馬牛雜 畜二萬計。 他 卜囊等掠番窺 帝 爲 告郊 廟 內地。 宣捷 艇部將 綎 等 進 周 秋 或 柱 等 廕

則 楊鎬、李如梅 明 年五 月, 已敗。 朝鮮 再用 經略邢玠乃分軍為三,中董 師。 詔 綎 充 禦倭總兵官, 一元,東麻貴 提督漢土兵赴討。 一四則 艇 又明年二 而 陳琳 一月抵 專將水兵。 朝鮮,

橋 諸 驁 艇 反 斬 ,艇皆單 營水源。 將三道 逸 獲 去。 多。 進 騎俟道 艇進 一級挑戰 修亦 石 曼子引 文发失 分三路,西行長 中。 破 利 ) 舟師 之,驅賊 行 長 監 救,陳 覘 軍 知 参 入 之, 據順天, 政王士 大城。 磷邀擊之海中。 乃信 琦 已,贼聞 壕砦深固。 怒, 期以八月 縛 其 平秀吉死,將遁 行 中 朔定約。 長 艇欲 軍 遂棄順天 誘 艇 執之, 懼 至期. 力戰破 遣使請 艇夜半攻奪栗林 綎部 之。 卒 遁 與 洩其 期 賊 會。 退不 謀 行長 使者 敢出 曳

乘

小

艘

應 之。 羅古,待松坎賊; 日 餘 峒 龍 賊 下 絕 ,益兵守 轉戰,斬首數百,追奔五十里。 奔 險 乃遣子朝棟 時 班 兵分 入峒 師 戰 賊 7,左持 將 ·要害。 進 八八道, 穆照等衆數萬 綎 乘勢克三關,直 都 、惟棟及其黨楊珠統銳 金、右挺劍、大呼曰:「用命者賞、不用命者齒 至 督同 二十八年正 JII 以萬 居 知, 其四。 人伏營外,待魚渡賊,而 世廕千戶。 連營,諸將憚之。 搗峒前 月,諸將克丁山 JII 東又分爲二,以綦江道 賊聚守石虎關 , 焚之, 賊多死。 逐移 卒數萬,由松坎、魚渡、羅古池 師 艇分兵 銅鼓、 征 楊 凝亦 别 應龍 攻其三面, 嚴村, 以 盡克三峒,擒穆照及 掘 最 會四川 軍策應 「塹守 要, 遂 劍 直 令 大戰於李 \_! 搗 艇當之。 總兵官萬鏊 楠 贼果至,伏 木、 死者四 一道並 漢壩 山羊 賊 應龍 十人 進。 魁 罷,卽 盡 吳尙華。 熟艇 生 簡 艇伏萬 起。 ,遂大捷。 擒 臺 以經 才 其魁, 艇 峒 是 頗

初, 艇 聞 征 播 命,逗遛, 多設難以要朝廷。 言官交劾, 議調南京右府僉書。 艇至是聞

列

傳

設木關· 使洩 攻克賊 幾被 連勝 親 山 率騎 刨 奪其關,追至永安莊,兩路軍亦 一據白石口 |芬 獲,乃不敢窺婁山。 有 辭 十三 滴淚 輕敵 卒往救,部將周以德、周敦吉分兩翼夾攻,賊始 孤 尋會馬孔英、吳廣諸軍,逼海龍囤下,與諸將共平賊,擬功爲 任。 軍 一座,排栅置深坑,百險俱備。 狀 、三坡 心,獨營松門埡之衝,距大營數里。 總督李化龍以平播非凝不可, ,賊乃襲殺芬,守備陳大剛、<br />
「<br />
一天全招討楊愈亦死,失亡士卒二千人。 爲腰營,一據永安莊 、瓦窰坪、石虎諸隘 艇懲前失,劄近關堅壁,且請濟師。 會。 爲前營。 直 艇老將持重, 慮賊 一抵婁山關。 艇分奇兵爲左右路, 固留之, 都指 賊方有烏江之勝,謀再奪婁山。 揮王芬者, 婁山 力薦於朝。 大奔, 「萬峯」 衝 追至養馬城 勇而 突,聯諸營: 踰十餘日, 插天,叢箐 間 綎 道 寡謀, 多。 乃復 趨關後, 受事、踰 而還。 克後水風,營於冠 中 每戰輒請為前鋒, 據婁山 而 徑纔數尺。賊 自督大軍仰 夜郎 是日 適 關 穆照遣 「應龍 挺聞, 舊城, 爲老

如之。 化 世 一麼指 初 使使齎 揮使 化龍 ,李化龍薦擬,言官謂擬嘗納應龍賄,宜奪官從軍。 、景樂並奏其事、韶革艇任、永不收錄、沒其物於官。 玉帶一、黃金百、白金千投化龍家,爲化龍父所叱。 部議謫爲事官,戴罪辦賊。 已,錄平播功,進左都督, 投巡按御史崔景榮家,亦 艇德

三十六年,雲南阿克反,起擬討賊總兵官。 未至, 賊已平, 寢前命。 四十年,四川建昌

阿都、厦卜、越北諸砦,大小五十六戰,斬馘三千三百有奇,諸倮巢穴一空。 倮亂,命擬爲總兵官討之。偕參政王之機分八道督諸將攻,而己居中節制。 克桐槽、沈渣

擬爲將,數被黜抑,性驕恣如故。嘗攀毆馬湖知府詹淑。淑改調,挺奪祿半年。

以軍政拾遺罷歸。

後二營軍。未及陳,復爲大淸兵所乘。 失二裨將,傷五十人,餘潰圍出。擬已深入三百里,杜松軍覆猶不知。 殺數人,亦死。士卒脫者無幾。 高馳下,奮擊艇軍,艇殊死戰。 兵。艇引軍登阿布達里岡,將布陣,大淸兵亦登岡,出其上,而別以一軍趨綎西。 毛、馬家二砦。 大淸兵五百守董鄂路。 久,好用圈兵。<br />
久待未至,遂行。<br />
而所分道獨險遠,<br />
重岡疊嶺,<br />
馬不成列。<br />
次深河,<br />
連克<br />
件 四路出師。擬兵四萬,由寬佃,副使康應乾監之,守遊擊喬一琦別監朝鮮軍並進。 四十六年,帝念遼警,召爲左府僉書。明年二月,經略楊鎬令艇及杜松、李如柏、馬林 趨綎西者復從旁夾擊,艇軍不能支。 大潰、艇戰死。養子劉招孫者、最驍勇、 聞擬軍至,逆戰。擬縱兵圍數重,大淸兵衆寡不敵, 大清兵乘勢追擊,遇艇 復整衆進,遇大淸 突圍,手格 岡上軍自 挺鎭蜀

起,揚沙石。 時應乾及朝鮮軍營富察之野,大清遂移師邀之。 應乾發火器,反擊己營,大亂。 大清兵趨擊,大破之,掩殺幾盡 應乾兵及朝鮮兵列械將戰,狂 應乾 以數百 風

列傳第

衆降, 騎死。 一琦投崖死。 一琦亦爲大淸兵所破,走入朝鮮營。 楊鎬聞杜松、馬林師敗,馳召艇及李如柏還。騎未至,艇已覆,獨如柏 朝鮮都元帥姜弘立、副元帥金景瑞懼、「八」率

全。事聞,帝遣中使祭陣亡將士,恤凝家。

内。 大刀」。「天啓初,贈少保,世廕指揮僉事,立祠曰「表忠」。」一琦,字伯珪,上海人。 艇死,舉朝大悚,邊事日難爲矣。艇所用鑌鐵刀百二十斤,馬上輪轉如飛,天下稱「劉 擬於諸將中最驍勇。平緬寇,平羅雄,平朝鮮倭,平播脅,平倮,大小數百戰,威名震海

李應祥,湖廣九谿衞人。以武生從軍,積功至廣西思恩參將。

建,會擢松潘副總兵,當事者奏留之,以新秩涖舊任。從總兵王尚文大破馬平賊韋王明。 萬曆七年,巡撫張任大征十寨,應辭與有功。卽其地設三鎭,築城列戍。應祥方職營

尋以署都督僉事,入爲五軍營副將。

王廷 **贅,番恃强要索無已。** 瞻撫蜀時,嘗遣副將吳子忠擊破丢骨、人荒、沒舌三砦,諸酋乃降。 十三年改南京左府僉事、「よ」出爲四川總兵官。松、茂諸番列砦四十八,歲爲吏民患。 其來堡也, 有下馬、上馬、解渴、過堡酒及熱衣氣力偏手錢; 戍軍更 故事,諸番歲有賞

列 傳 百

猖 番,亦奉以錢,日新班、架梁、放狗、躧草、掛綵。 獗 是年夏,楊柳番出攻普安堡,犯歸水崖、 石門坎, 遂入金瓶堡, 殺守將。 廷瞻一切除之,西陲稍靖。 僅六七年,勢復 巡撫雒遵屬

討之。 提卒三千入茂州,克一巖。 番恃險 剽 如故。

關,酸燬雉堞。 牆五 數不增 哨溝 無何,遵罷,徐元泰代。 也。 ,絕東南聲援。見官軍少,相顧笑曰:「如此磨子兵,奈我 其冬突平夷堡,掠良民,刳其腸,繞二牛角,牛奔,腸寸裂。 守將朱文達出,斬數十人。 檄諭之,使三反,番不應。 賊稍解,東南路始通。 窺蒲江關,斷歸水崖、黃土坎道,築 何。」磨子者 明年正月,遂圍蒲江 ,謂屢旋轉而

輸以指 諸砦。 等,刻木連大小諸姓,歃血 立白幟下,即発罪。 議王鳳 爲後拒,故總兵郭成將啟、馬兵扼其吭,參將朱文達將平茶兵擊其脅,而 元泰決計 監之。 揮討茹兒賊,被殺,漆其頭爲飲器。 文達、成、之垣亦各拔數砦,與于德軍合。遂攻破蜈蚣、茹兒諸巢。 曹希彬 應祥 大征。 ,復擊斬占柯。 · 令軍中各樹赤、白幟一。 良民陷賊者徒手立赤幟下 番雖多,遇急不相救。國 諸路兵悉集,乃命遊擊周于德將播州 祖盟。 丢骨、人荒、沒舌三砦最强, 至是,邀灣仲、占柯先犯歸化 及是六十年,之垣乃得之,以還葬焉。 師喇嘛者,狡猾,聯 兵為前 于德皆攻克,復連 以嘗官軍。 姻青海 鋒,遊擊邊之垣將酉陽 ,熟番不附賊者徒手 **酋**丙冤與灣仲 應祥居中 于德誘擒 嘉靖初,之垣 破卜洞王 節 制, 喇嘛、 兵

逸賊以爲神,跡而拜求之,故偏頭爲之請。 是役也,焚碉房千六百有奇,生擒賊魁三十餘 凡埋二十三人。偏頭結賽雅善天竺僧。僧言歲在雞犬,番有阨。偏頭信之,預匿山谷中。 誓,然後許之。埋奴者,番人反接其奴,獻軍前,謼天而誓,卽牽至要路,掘坎埋之,露其首, 所積稞栗,留十日,盡焚其砦,以六月班師。其逃窮谷者,求偏頭結賽乞降。應詳令埋奴設 之,大獲。牛尾砦尤險惡,將士三路夾攻,火其棚,斬酋合兒結父子。河西亦平。諸軍得 破西坡、西革、歪地、乾溝、樹底諸巢。有小粟谷者,首亂。覘大軍西,不設備。郭成夜襲 人,俘馘以千餘計。自是羣番震驚,不敢爲患,邊人樹碑記績焉。 賊屢北,窘,悉棄輜重餌官軍。官軍不顧,斬關入, 賊多死。河東平。尋渡河而西,連

牛渡,文達擊敗之,遂渡河搗其巢。 時徵兵未集,光鎬先設疑,以嘗相嶺賊,賊果退據桐槽。 其軍。十一月,光鎬先渡爐,黑骨與大咱已據相嶺,焚三峽橋,五咱等亦寇禮州、德昌二所**。** 盡抵越傷,應祥令文達攻五咱,之垣攻大咱,姑置黑骨夷弗問。 並起爲亂。巡撫徐元泰議討,徵兵萬八千。仍以文達、之垣分將,應祥統之,副使周光鎬監 建昌、越巂諸衞、番倮雜居。建昌逆會曰安守,曰五咱,曰王大咱,與越巂邛部黑骨夷 之垣亦屢破桐槽,大咱亡入山峪中。 桐槽者,大咱巢穴也。已而諸道兵 夜半走三百里抵禮州。賊

無何,压咱據磨旗山挑戰。 官軍夾擊,賊退保毛牛山。 山延袤六七百里,連大小西番

來襲 將 界,文達兵大破之。 靡莫諸 跳 百 田 躍 中科營 馬 類類 疾趨七十里,抵麥達而伏。 刺 非 入 起擊之,伏屍狼 麥達,逼安守。 形,諸 番 商 五咱 所深 Щ 四 西遁, [堡番 會諜· 籍。 畏。 乞降於之垣,大小 者報守謀襲中科,應祥夜飲材官高逢勝三巨觥,令率 諸將遂進攻西谿 應祥偵賊將 與安守合,結砦西谿。 守夜至, 遇伏被擒。 劫營 ()逐北 一,乃潛 七板番乞降於文達。 守爲羣寇魁, 至磨砦七板番。 移已營,而 會所徵鹽井 令馬刺 馬剌 守殪,西南 各埋 連兵圖 兵三千至,[10]猙獰 兵屯其 奴道左,呼號頓 Ŧi. 邛笮、苴蘭、 處。 咱 ¨; 而 夜 敢死士 分戝 令裨

軍 旣 滅 土 五. 木安四兒者, 咱 ,應祥遣之北,示將討黑骨者,四兒 居連 昌城中, 潛剽 掠於外。 遂弛備。 至是. 知 禍及, 將士忽還軍襲之,獲 **率黨數百人走據虛郎溝。** 四兒

首,誓世世不

敢

叛。

五咱

勢窮

走昌州

,亦爲裨

將

王言所獲。

翰搜得 功 復 大咱 討 二千有奇 大 咱 ; 而 黑夷 初,大咱 ,撫降者 一個阿 敗、匿 弓等七人在 三千餘 所 人。 親普雄 時萬 大孤 一個姑咱 曆 Щ 十五 ,亦先爲之翰所 所。 年七月也。 大軍至,姑咱懼,密告裨將王之翰,之 擒。 於是建昌、越巂諸番盡平。

蠻 侵掠 鴟 張 內 邛 部 地。 如 故。 屬 夷膩 巡 撫曾省吾議討之。 及建、越興師,又藏納叛 乃者,地近馬湖。 會有 人。 都蠻之役,不果。 元泰乃令都指揮李獻忠等分剿。三三賊詐降,誘 與外兄安興、木瓜夷白祿、雷坡賊楊九乍等,數 乃建六堡,盆 戍兵千二百人,而諸

列

倳

第

百

Ξ

+

五

李

應

觧

寶山 罷。 萬人,令應祥督文達、之垣及周于德諸將三道入,故總兵郭成亦從征。十一月,于德首敗白 德先登,復大敗賊,燬其巢。 初,撒假與九乍率萬人據山,播州兵擊走之。 至是,文達復破 職兵,追至馬蝗山,懸索以登,賊潰。乘勢攻<br />
木瓜夷,射殺白祿。追至利濟山,雪深數尺。<br />
于 執獻忠等三將,殺士卒數千人,勢益猖獗。應祥等師旋,元泰益徵播州、酉陽諸土兵,合五 百 **遂得脫。已,諸軍深入,竟獲之。他夷倮畏威降者二千餘人,悉獻還土田,願修職貢,兵乃** 之大田壩,合于德兵追逐,所向皆捷。 知,元泰亦至兵部尚書。 凡斬首一千六百九十餘,俘獲七百三十有奇,以其地置屏山縣。論功,應祥屢加都督 大戰,生擒撒假。安興據巢守,文達、鑿分道入,獲其母妻。安興擲金於途,以緩追者, 遊擊萬鏊躡擊撒假於鼠囤,獲其妻子。郭成復至三

爲所奏,罷職。 當是時,獨中劇寇盡平,應祥威名甚著。御史傳霈按部,詩應祥冒饟。應祥賄以千金, 兵部舉應祥僉書南京右府,給事中薛三才持不可。

道,貴州分鳥江、興隆二道。詔元鎭充爲事官由鳥江入,應祥由興隆入,諸道剋二月望進 他將蔡兆吉又自乾坪抵箐岡,過四牌。賊首謝朝俸營其地,四面峭壁深箐,前二關。賊從高 應祥未受事,副將陳寅等已連克數囤,拒賊四牌高囤下,別遣兵從間道直搗龍水囤。 二十八年大征播州。 貴州總兵官童元鎭逗遛,總督李化龍劾之,薦應祥代。時分兵八

鼓躁, 受任 繼 精卒四千夜 「去黃灘 應應 祥悉受之。 益 官軍殊死戰,俘朝俸 三十里有三關 趣諸將急渡。 抵關 下。 賊所恃止黃難 勝俸以數十騎誘開門,殲其 ,入播門戶 寅等乃取 妻子,乘勢抵河畔。 他道渡河,而潛爲浮橋以濟師。 也,先襲破之, 關 壁立, 衆死守。 (成卒。 會烏江敗書聞, 則黃灘 會賊 黄灘賊懼。 孤難守。」應祥然 徒石 諸軍 勝俸等率萬餘人降,告日 斂兵不進者旬日。 寅 渡 督諸將 ,賊失險,乞降者相 其計 渡 ,令偕陳寅率 河攻關 及應祥

於官。 蕭 鳴世 播 以平播 失衆 旣 平 ,還鎭 ij 」功,贈左都督,世廕千戶。 洪等逐稱應龍 銅仁。 明 年改鎭四 有子 ,聚衆 JI 爲 播遺賊吳洪 亂 應祥 偕副使傅光宅捕之,盡獲。 、盧文秀等惡有司 法嚴,而遵義知縣 應祥 尋卒

勝

俸

由

墳林

暗渡襲關後,賊

乃大敗。

應祥直

抵

海

龍囮

合諸道兵共滅楊應龍

應 祥 爲將,謀勇兼資,所至奏績。平圖三大寇,功最多。

瑶 反 童元鎭 ,從呼良朋 ,桂林右衞人。 破平之。 歷 永寧、 萬曆中爲指揮,從討平樂賊莫天龍有功,屢遷遊擊將軍。 潯、悟參將, 進副總兵。 擢署都督 愈事,為廣西總兵官。 高江

未幾,改廣東

列

傳

第

噟

羘

一十三年, 總督陳大科以元鎭熟蠻事,仍移廣西。岑溪西北爲上、下七山, 百 Ξ + 五 李 介蒼藤間,有

伐大 言將 戍岑溪 及羅旁 平田 軍用 賊復 等百 賜 參 大科 政 金。 陸 火器攻, 、戴燿 木塞道 剿 生 餘 黎峒 長庚謀,募瑤爲間, 北科瑶者。 巢, رناد 平 得諸 ,積善懼 屬元鎭討之。 峙 與廣 ,環佈箛簽。 路心。 出 大破之。 板 剽。 東 ,乞降。 九密等三十七巢。 羅旁接。 諸瑤謂紿己, 至是, 會歲饑, 俘馘千 時 元鎭佯督軍 爲設參將 積善及其黨章月 副將 乘夜獲其妻子,誘出 Щ 粤東亡命浪賊數百 五 險等深, 環數百里 陳璘、參將吳廣罷官里居,大科起令將 一百有 大恨, 於大峒 ·開道, 奇, 東南爲六十三山、三百孔亮、 遂與孔亮 餘招 ,兵千餘戍 mi 成願招撫自效,六十三山諸路 潛從小徑上。 撫復 劫,伏兵擒之。 山賊攻月, 人潛入七 一無日 業。 之。 色。 時府江 山,誘諸瑤 其後,將領多掊克,士卒又疲弱, 賊首潘 孔亮 殺之,火大峒 韋扶仲等亦 餘黨悉平。 山城 積善等據之, 陀 爲 田 憑高, 兵,與元鎮 亂 、桑園 參將 多受約 據險亂 元鎭 弩矢 元鎭 署 古欖、 **外**為 雨 以 先以 並 束。 元 功 F. 0 進。 督 民患。 多將 增 魚修 鎭 撫 有 秩 與 諸 賊 陳

會 日本 破朝鮮。 廷議由浙、 **閩泛海搗其巢,牽制之,乃改元鎭浙江。** 旣而 事寢, 移鎭

貴州。

腈; 久駐銅仁不進, 屢趣乃行。 一十八年,李化龍大征楊應龍,令元鎭督永順、鎭雄、泗城諸土軍,由烏江進。元鎭 時劉綎、吳廣諸軍已進、羣賊議分兵守,其黨孫時泰曰:「兵 輝應

「此易與耳。」謀縱之渡江,密以計 水 老 與俱 分則 君 四 力薄。 軍 關 進。 元鎭 軍中 前 哨參將謝崇爵乘勢督 乘官軍未集,先破其弱者,餘自退矣。」應龍善之。 驅象 不從。 出 於是永順兵先奪烏江,賊遣千餘人沿江叫罵以誘之。 戰,賊多傷。 取。 泗城及水西兵再拔河渡關。三月望,賊 俄駕象者斃,象反走,擲火器者又誤擊已營,陣亂。 監軍按察使楊寅秋言烏江去播不遠,宜俟 聞元鎭發烏江,應龍喜曰: 以 諸 步騎數千先 軍 旣 諸 濟,復奪 道深入, 泗 城 衝

兵先走,崇爵亦走,爭浮橋,橋斷,殺溺死者數千人。

永順軍,不設備,遂爲賊所破,爭先渡江。賊先斷浮橋,士卒多溺死,顯及二子與焉。元鎭 所 萬,咸爲水西裝。 部三萬人,不存什一,將校止崇爵等三人,江水爲不流。 河 渡旣敗,烏江相去六十里,猶未 永順兵不之疑,賊掩殺三百人,亦襲其裝,直趨烏江。 知。 明日,參將楊顯發永順兵三百出哨。 烏江軍信為 道遇賊數 水西、

貴陽

間警,居民盡避入城,遠近震動。

化龍用上方劍斬崇爵,益徵兵,檢鎭雄土官隴澄

路。

寅秋 邀賊 揚 拔苦竹關及 。聲搗 歸 以鎭雄去播止二日,令搗巢立效,澄許之。 大水田,而潛以一軍拔大夫關,直抵馬坎,斷賊歸路,與疆臣合,賊遂遁。 半壩嶺。 雕澄者,卽安堯臣,水西安疆臣弟也。 **暨敗,二將移新站。** 賊伏兵大水田,別以五千人來襲,敗還。 河渡未敗時,澄已遣部將劉岳、王嘉猷攻 軍不與元鎭合,獨全,當事頗疑其通賊。 會都指揮 嘉猷 沙

列

徐成 順兵擊破之,生擒 將兵至,合 泗 守欽。 城 土官岑紹勳兵,再克河渡關。 攻淸潭洞,復擒五受。 會朝議責元鎭 賊將 張守欽、袁五受據長箐 敗狀 ,令李應祥 幷將其軍 、萬丈 永

合水西、鎭雄諸部,直抵海龍囤,竟滅賊。

烟瘴。 兵初 遇赦,廣西巡撫戴燿爲請。 興,元鎭 坐逗遛,謫爲事官。 部議不許,竟卒於戍所。 及是,逮至京,下吏,罪當死。 法司援前岑溪功,謫戍

平大 、盜賴元爵及嶺東殘寇。 陳璘,字朝爵,廣東 翁源人。 萬曆 初,計平高要賊鄧勝龍, 嘉靖末,爲指揮僉事。 從討英德賊有 叉平揭陽賊及山 功,進廣東守備。 賊鍾月泉, 屢進 與

署都指揮僉事,僉書廣東都司。

大征 署東安參將 擊將軍,徙高州參將。 官軍攻諸良寶、副將李成立 **隣從信宜入,會諸軍,覆滅之,** 事。 未幾,餘 總督凌雲翼將大征羅旁,先下令鵰剿。隣所破 孽殺吏民,責隣戴罪辦賊。 戰敗,總督殷正茂請假隣參將,自將 以其地置羅定州及 璘 會他將朱文達攻破石牛、青水諸巢, 東安、西寧二縣。 凡 一軍。 九十巢。 即遷隣副總兵, 賊平,授肇慶遊 已,分十道

斬捕三百六十餘人,授俸

如故。

時東安初定,隣大興土木,營寺廟,役部卒,且勒其出貲。卒咸怒,因事倡亂,掠州縣,

爲巡按御史羅應鶴所劾,詔奪隣官。 旣而獲賊,乃除罪,改狼山副總兵。

貢之議,暫休兵,改隣協守障、潮。坐賄石星,爲所奏,復罷歸。 事,充副總兵官,協守鸕鎭。明年正月詔以本官統鸕、遼、保定、山東軍,禦倭防海。會有封 年,朝鮮用兵,以隣熟倭情,命添註神機七營參將,至則改神樞右副將。 隣有謀略,善將兵,然所至貪黷,復被劾褫官。 廢久之,朝士多惜其才,不敢薦。 二十 無何,擢署都督僉

進。 攻行長、驅入順天大城。 貴、劉挺並將。 殺之,殲其徒三百餘。 擊之。倭無鬭志,官軍焚其舟。賊大敗,脫登岸者又爲陸兵所殲,焚溺死者萬計。 清、全羅 將陳蠶、鄧子龍,遊擊馬文煥、季金、張良相等皆屬焉。兵萬三千餘人,戰艦數百, **隣夜潛入**,圍其巖洞。 會平秀吉死,賊將遁,磷急遣子龍偕朝鮮將李舜臣邀之。子龍戰沒,蠶、金等軍至,邀 二十五年,封事敗,起隣故官,統廣東兵五千援朝鮮。明年二月擢禦倭總兵官,與麻 、慶尙諸海口。初,賊泛海出沒,官軍乏舟,故得志。及見隣舟師,懼不敢往來海 部卒次山海關鼓譟,隣被責。尋令提督水軍,與貴、凝及董一元分道進,副 賊退保錦山,官軍挑之不出。 隣以舟師夾擊,復焚其舟百餘。石曼子西援行長,隣邀之半洋,擊 比明,礮發,倭大驚,奔後山,憑高以拒。 已,渡匿 乙山。 將士殊死攻,賊遁走。 崖深道險,將士不敢 時艇方 分布忠

列

傅

璘分道追擊,贼無脫者。 師 甫 旋,會有征播之役。命隣爲湖廣總兵官,由偏橋進,副將陳良玭由龍泉,受隣節制 論功,璘爲首,凝次之,貴又次之。 進璘都督同知,世廕指

家渡,復敗之。 將逼之,中伏。 石雨 二十八年二月,軍次白泥,楊應龍子朝棟率衆二萬渡烏江迎戰。 ,素助賊。 賊少挫,追奔至龍溪山,賊合四牌賊共拒。 **隣先登**,斬小校退者以徇。 **璘廣招撫,乃進軍龍溪。** 四牌之賊遂盡。 把總吳應龍等陷陣,賊大潰,退四牌保兒囤。 偵知財 有伏,令遊擊陳策 四牌在江外,與江內七牌皆五司 **隣前禦之,而分兩翼躡其** 用火器擊之。 黎明追及於袁 賊據險,矢 遺種、九股 璘二裨

**獔** 碳。 三月, 子四囤, 璘懼,請退師, 苦練坪。 攻三匣,次及青蛇。 三月望,諸軍爲浮橋渡江。 战死 贼惶駭,諸軍進攻,焚其茅屋。 地皆絕險, 前鋒 傷無算,三囤遂下。 與戰,後軍至,夾擊之。 總督李化龍 而青蛇尤甚。 良玭 師亦來會,令伏囤後,別以 不可。 青蛇四面 知賊將張佑 隣議,同日攻則兵力弱,止攻一 **璘乃**進營楠木橋,次湄潭。 賊敗逃深箐,官軍遂入苦菜關。 贼退入囤內,木石交下。 陡絕, 璘圍 、謝朝俸、石勝俸等營七牌野豬山,璘即夜發抵 一軍守板角關,防賊逸。 其三面 購死 賊悉聚青蛇、長坎、瑪瑙、保 將士冒死上, 毁大棚二重, 画, 士從 則三囤必相 會童元鎭烏江 瑪瑙後附葛至 璘督諸 助。 將 師 乃先 山背 力攻

前後擊之。賊大敗,斬首一千九百有奇,七牌之賊亦盡。

潰散 月六 棚前 監 後, 軍 相持四十餘 應龍 者謀 日 賊毎 · ·璘 分兵六道, ,令疆臣 Ė 與吳廣當 夜 焚。 出 日。 . 劫 退 廣 為爲 攻克 進兵。 軍 其下受賊 舍。 亦至,賊盡平。 釘傷,不敢復出。 大小三渡關 璘夜 璘移 重賄,多 四 其處,置 更衝 乘勝抵 與通, 枚上, 應龍 鐵牌百 海 Ħ. 賊鼾 勢窮,相 龍 1餘,距 潛以火藥遺賊, 画 睡, 下。 聚哭。 **囤**丈許,賊强弩無所 斬其守關者 諸將俱攻囤前,獨 化龍初有令,諸將 故 人財不 ,樹白幟,鳴 備 施。 水西安疆 其後璘 礮。 分 又爲 日 知之, 統板 攻。 臣 賊大驚 立攻其 六 於 與

纂太 夾攻, 苗 點無賴。 石纂 命璘 十餘 與 太逃廣西上巖山, 銀貢等。 稱「太保」。 遂 生擒永祿 良玭 移 師 ,焚五開南城,陷永 其從父大榮以叛誅, 討皮林。 合兵討之。 遊擊宋大斌攻破特峒 合攻上黃堡,誘敗參將黃沖霄,追至永從縣,殺守備張世忠炙而噉之,掠屯 諸苗 皮林在 悉平 良玭 指揮徐時達誘縛之。 失利。 湖、貴交、與九股苗相接。 從, 國佐收其妾。 圍中潮所。 ,焚之。 明年,鐸移駐靖州, 黎平府持之急, 國佐逃天浦四十八寨,復入古州毛洞,追獲之。 賊黨楊永祿率衆萬餘屯白沖。 時方征 播 命隣率副將李遇文等七道進。 州,未暇討。 有吳國佐者,洪州司特峒寨苗也,桀 遂反。自稱「天皇上將」,其黨 旣 平播,偏沅巡撫江 遊擊沈弘猷等 磷擒 鐸

巡撫 樂議。 贈太子太保,再廕百戶。 餘 並克之。 獨 日山苗,紅苗之羽翼也。 人,部內遂靖。 苑 郭子章請於朝。 征 後兵 貴東西二路苗、日仲家苗、盤踞貴龍、平新間、爲諸苗巨魁、在水硍 播 乃令璘移新添,獨攻東路,復克之。 時,磷投賄李化龍家。 部 尚書田樂推璘鎭貴州,給事中洪瞻祖遂劾璘營求。 改鎭廣東,卒官。 明年四月令璘軍萬人攻水硍,遊擊劉岳督宣慰安疆臣兵萬人攻西路, 自平播後,貴州物力大屈,苗益生心,剽掠 會劉綎使爲化龍父所麾,璘使走。 先敍平播功,加左都督,世廕指揮使。旣卒,以平苗功, 生獲

6

十二人,

斬首三千餘級,

招降者萬三千 帝以隣東西積戰功,卒如 化龍疏於朝,挺獲罪,璘 無虚 币。 山介銅仁、思石者 三十三年冬,

大征 壩,大行招徠。 督陳大科檄廣 播州,擢廣總兵官,以一軍出合江。 萬 吳廣,廣東人。以武生從軍,累著戰功,歷福建南路參將,坐事罷歸。 曆二十五年以副總兵從劉綎禦倭朝鮮,領水軍與陳璘相掎角,俘斬甚衆。 從總兵童元鎭討之。將士少却,廣手斬一卒以徇,遂大破之。 賊驍將郭通緒迎戰,將士襲走之。 副將曹希彬以一軍出永寧,受廣節制。 陶洪、安村、羅村三砦土官各出降,他部 會岑溪瑤反,總 論功,復故官。 廣屯二郎 甫班師,

來歸者數萬。

廣擇其壯者從軍。

通緒扼穿崖風,

廣督土漢軍擊破之。

劉綎、馬孔英已入

初

廣之頓二郎也,

有言其受賄養寇者,

韶謫充爲事官。

後論功贈都督同知,

世廕

降 希彬 聲,絕而 應龍 益 直 關 Å 攢 隘 關 播 兵 二千 ,哭國上,又詐 出 外 衝 刺之殪 廣猶 李應祥、 大營, 兵 大 降。 通緒 旋 催 ·, 扼 拒 復甦,遂以本官鎭 傾 與 其第 千金, 一,餘賊 横 敵。 桑木埡諸要害,以 陳璘 三郎, 諸將殊 知廣 樂衝 陳璘猶在關外。 廣伏酸 大奔。 從 報 軍 士攀崖競進, 關猶拒 應科 總督李化龍趣之。 應龍仰 **一回後登,應龍急自焚死。** 死戰。 孤深入,謀欲襲之, 手五百 應科 官軍逐北 不下 四川 會他 藥死,廣信之。 佯北 , 於磨搶垭外南 防饟道。 廣合希彬 追至第四關。 廣 將來援, ,賊盡降。 乘夜疾進, 踰 通緒追出埡, 年卒。 乃議分四哨進攻崖門,別遣永寧女土官奢世續等督夷 諸將 乃遣 軍連 賊乃退。 E, 岡下, 遂薄崖門。 連 戰 奪其關 人 關 獲其子朝棟, 破 八詐降。 知 紅 上男婦盡哭。 數回 遇 其詐,急燒第二關,奪三山, 碗、 廣遂與諸道軍 伏。 而 遣 ,進營母豬塘。 水土崖、 關 廣測 徑小 急旋馬,中 神將趙應科 內民爭獻牛酒。 出應龍屍烈焰中。 其 止容 一 詐, 堅壁以 分水關皆捷,遂進營水牛塘。 逼海龍匣。 騎,賊衆萬餘 挑戰。 楊應龍懼,令通 其 待。 劉 、魁羅 方躍 埡夾 綖、 賊 詐 應龍 絕城 廣中毒矢,失 進恩 上他馬,伏兵 馬孔英已入 兩山 出 令婦人乞 **摊衆三萬** 樵 一。率萬 關 中 緒 汲, 拒戰。 盡 賊 餘 甚 發

大四二〇

鄧子龍,豐城人。 貌魁梧,驍捷絕倫。 嘉靖中,江西賊起,掠樟樹鎭。 子龍應有

破平之。累功授廣東把總。

龍 龍 監 而 潛兵入北門,賊遂滅 |司行署,撻逐守備及黎平守。 入山生獲之。 犯輕,會麻陽苗 層初,從大帥張元勳討平巨盜賴元爵。已,從平陳金鶯、羅紹淸。 遷銅鼓石守備。 金道侶等作亂,擢參將討之。大破賊,解散其黨。 靖州、銅鼓、龍里諸苗咸響應爲亂。 尋擢署都指揮 愈事,掌浙江都司。 子龍火其東門以致賊, 被論當奪職, 五開衛卒胡若盧等火 賊魁黃高暉逸,子 帝以子

勝 緬 叔罕老率滿人藥弩手五百阻要害。 宗材助之。 ·餘人,斬首五百餘級,尖山巢空,乃撫流移數千人。 、蒗渠諸番兵,直搗賊巢,而預伏兵山 十一年閏二月,緬甸犯雲南。 子龍急戰攀枝樹下,自己陣斬宗真、虔,生獲宗材。 詔移子龍永昌。 子龍餌蒲人以金, 後夾擊。 夜半上,生擒招罕、招色、罕老及其黨百三 木邦部耿馬奸人罕虔與岳鳳同為逆、說 會劉綎亦俘岳鳳以獻。 盡知賊間道。乃命裨將鄧勇等提北 **虔子招罕、招色奔三尖山,令** 灣甸土知州景宗真及弟 帝悅,進子

**贈副總兵,予世**麿。 無何,緬人復寇猛密,把總高國春大破之。 子龍以掎角功,亦優敍。 自

是,蠻人先附緬者,多來附。

姚 綎 天俸 餘人,亂始靖。 故為低昂 兵 將 八久驕 騰軍 速 永 昌、騰 遂 椎 ,因索餉作 以 子龍將 子龍 牛饗 衝 子龍坐褫官下 夙 士,姚兵倍騰兵。 號樂土。 兼統之。 姚軍,不 1.亂,由 永昌、大理抵會城,所過剽掠。 相能, 子龍 自岳、罕猖亂,始議募兵,所募多亡命,乃立騰衝、姚安兩營。 吏。 抑騰兵, 兩軍斸。 騰兵大不堪、欲散去。 每工作,輒虐用之,而右姚 帝以 兩將皆有功,置不問。 諸兵夾擊之,斬八十四級,俘四百 副 使姜忻 令他 兵。 旣 而艇 及用 將轄之, 罷,劉天俸代。 師 隴川,子龍 乃定。 劉 m

練山。 欲妻之,弗克。偕其黨丙測叛歸 與 黔國公沐昌祚遣將却之。 郊廟,宣捷受賀,復子龍副總兵,署金山參將事。 ,令子龍軍其右,遊擊楊威軍其左,大破之,斬首一千二百級,招降六千六百人。 十八年, 子龍擊敗之,乃去。 孟養賊思箇叛。 子龍 子龍方對簿,巡撫吳定請令立功自贖,帝許之。 無何 尋被劾罷 緬,數導入寇。 ,丁改十寨賊普應春、霸生等作亂,勢張甚。 歸 二十年攻孟養,犯蠻莫。 先是,猛廣土官思仁烝其嫂甘線姑, 土同知思紀奔等 命未至,定 定大徵漢 帝爲

一十六年,朝鮮用 列 僔 第 百 = + 師。 五 詔 鄧 以故官領水軍,從陳璘東征。 子 龍 倭將渡海遁,璘遣子龍偕朝鮮

統制 入子龍 氣 彌 使李 厲 舟。 舜臣 欲 舟 得 督水 中 首 火,賊乘之,子龍戰死。 功,急騰壯士二百人躍 軍 千人, 駕三巨艦 爲前鋒, E 舜臣 朝鮮 赴救 邀之釜山 舟, 亦死。 直前 奮 南海。 擊, 加電 賊死傷 子龍 ,贈都督僉事 素 無算。 慷慨, 一世廕 他 年踰 舟 誤 七 一子,廟 亡 十, 擲火 器 意

祀

劇鮮。

馬孔英者,宣府塞外降丁也,積戰功爲寧夏參將。

獲。 首二百七十有奇,賜 二十七年,着力觅、宰僧復犯平虜、興武, 萬 進本 曆 鎭副 一十年, 總兵。 哱 金幣。 拜反, 二十四年九月,着 引套寇入掠,孔英 令推大將缺,乃擢 力冤、宰僧 孔英與杜桐等分道襲敗之。 署都 屢擊敗之。 督僉事 犯平虜 一横城 ト失発 以總兵官涖舊任 入下馬關,從麻 孔英偕參將 再入,又敗 尋 鄧 之。 進 貴邀擊,大 鳳 秩 力 為眞。 戦

茶、邑梅兵亦集,軍容甚壯。 遠, 戜 柱先以石 去應龍海龍囤六七百里。 會 大征 播州 在宣撫馬千乘兵破賊 楊 應龍。 詔 先師 一發陝西 未至,重慶推官高折枝監紀軍 金筑 期一日入眞州 .四鎭 復督 兵,令孔英將以往, 酉陽宣撫冉御龍敗賊於官壩。 用 土官鄭葵、路麟爲鄉道, 兵分八道, 事,請獨當 面面 孔英道南川 別遣 孔 乃與 英 至軍 邊兵千扼 〈參將 獨 平 周 險

٠

**燭**,無一人,疑有伏。 焚空砦十九,嚴兵以待。 賊果突出,擊敗之。 其關,逐北 贼 明 民降者日千計。 憑 月 高拒。 關 諸軍鼓行前,連破四寨,次赤崖,抵淸水坪、封寧關,破賊營十數,逼桑木關。 至風坎關,賊復大敗。 乃令千乘、御龍出關左右,國柱搗其中。 折枝結三大砦處之,禁殺掠。降者 連破九杵、黑水諸關,苦竹、羊崖、銅鼓諸寨。 日衆,賊益 賊用標槍藥矢、銳甚。 孤。 關爲賊 孔英乃留王之翰兵守白 要害,山 官軍 國柱 殊死戰,奪 險等深, 攻金子 關內

玉臺,衛饟道,平茶、邑梅兵守桑木關,而親帥大軍進營金子壩。

茶兵來援,賊始退。 關 斬之,伏以待。 進蒙子橋。 下 ,賊守兵益多。 居數日,劉綎兵至,乃合兵連克海崖、海門諸關。 應龍聞桑木關破,大懼,造弟世龍及楊珠以銳卒劫之翰營。 深箐蓊翳,賊處處設伏,悉剿平之。 珠果夜劫營,伏發,賊驚潰,追奔至高坪。 孔英還擊世龍,復却。 孔英軍已深入,而諸道未有至者。 裨將劉勝奮擊,賊乃奔。 應龍益懼,遺其黨詐降,謀爲內應。 賊走保囤上,竟覆滅 酉陽、延綏 已,奪賊養馬城,直抵海龍第二 「兵皆退,賊躡殺官軍六十 之翰走,殺饟卒無算。 官軍進朗山口,由朗 折枝 盡 Щ 平

而 有謀,故 初,總督李化 師 獨 先。 龍 剋師期、諸將莫利先入。 八道圍海龍,諸將以囤後易攻,爭走其後,孔英獨壁關前。 孔英所將邊卒及諸土兵,皆獲悍,監紀折枝 錄功,進都 勇

督同知,世廢千戶。

苗。 苗知之,先發,敗官兵, **外之,以總兵官鎭貴** 州 匿不報。 平金筑、定番叛苗,生擒首惡阿包、 又誘執苗 **酋石阿四,稱陣擒冒功。** 阿牙 等。 爲巡撫胡桂芳所 已 而 欲襲黃柏山

**劾**,罷歸卒。

將,勞最多,其後死事 「武官不情死」,兩人者蓋無愧於斯言也夫。 費日 一播州之役,諸將用命,合八道師,歷時五月,僅乃克之,可謂勞矣。 亦最烈。 鄧子龍始事 姚安 ,名與擬埓, 垂老致命, 廟祀 海隅。 劉綎勇略 昔 人謂 冠諸

## 校勘記

- 十年冬 本書卷二〇神宗紀、 神宗實錄卷一三四都作萬曆十一年閏二月甲子。
- \_\_\_ \_\_\_ 傅寵姜忻督參將胡大賓等分道進擊 姜忻, 原作「江忻」,據明史稿傳 一一七劉挺傳改。
- =: 以 全羅水兵布釜山海 口 全羅,原作「金羅」, 據下文及本書卷二五九楊鎬傳、卷三二〇朝鮮傳

改。

29 綎夜半攻奪栗林 栗林,原作「栗林」,據本書卷三二○及明史稿傳一九四朝鮮傳、 讀史方輿紀

## 要卷三八改。

- 二五 待松坎 贼 松坎,原作「松坡」,據上文及明史稿傳 七劉綎傳改。
- ンマ 守備 陳 大剛 明史稿傳一一七劉綎傳及神宗實錄卷三四 八萬曆二十八年六月戊寅條都作 守守

備陳大綱」。

-13 副使康 應乾監之 康應乾,原脫「應」字, 據明史稿傳一一七劉挺傳及神宗實錄卷五七九萬曆

四十七年二月乙亥條補。

. . . . 副元帥 金景瑞懼 金景瑞,原作「全景瑞」,國權卷八三頁五一三一、朝鮮李朝實錄光海君日記

卷一三六都作「金景瑞」,據改。

. ≯ω ₩ 改南京左府僉事 左府、明史稿傳一一七李應祥傳作「後府」。

會所徵鹽井馬刺兵三千至 馬剌, 原作「刺馬」, 據明史稿傳一一七李應群傳改。 按馬刺是一

長官司、屬鹽井衛軍民指揮使司、見本書卷四三地理志。 下同。

東南爲六十三山 元泰乃令都指揮李獻忠等分剿 六十三山,原脫「六」字。本書卷二一七廣西土司傳稱廣西瑤、僮「六十三山 李獻忠,明史稿傳一一七李應祥傳作「李猷忠」。 下同。

倚爲巢穴」,萬曆武 (功錄頁三六四謂「六十三山及七山皆岑溪瑤巢也」,今據補。 下同

子龍急戰攀枝樹下 攀枝樹, 本書卷三一五經句傳、蠻司合誌卷一〇、讀史方與紀要卷一一九

都作「攀枝花」。。國權卷七二頁四四六〇稱:「初,莽應禮架藤橋渡江,屯猛皮嶺,直入攀枝花樹,

鄧子龍伏兵迎之。」地名當作「攀枝花」。

## 明史卷二百四十八

## 列傳第一百三十六

梅之煥 劉策 徐縉芳 陳一元 李若星 耿如杞 胡士容

顏繼祖 王應豸等 李繼貞 方震孺 徐從治

謝璉 余大成等

梅之煥,字彬父,麻城人,侍郎國楨從子也。 年十四爲諸生。 御史行部閱武,之煥騎馬

突教場。 御史怒,命與材官角射。 九發九中,長揖上馬而去。

之煥劾其罪。尋上言:「今天下民窮餉匱,寇橫兵疲。言官舍國事,爭時局。 建空言。 萬曆三十二年舉進士,改庶吉士。居七年,授東科給事中。 天下盡爲虛文所束縛。 有意振刷者,不曰生事,則曰苛求。 東廠太監李浚誣拷商 事未就 而謗興,法未 部曹舍職掌,

傳第一百三十六 梅之煥

列

降進。 伸而 廣東副使,擒誅豪民沈殺烈女者,民服其神。 「使今日有綜名實、振紀綱如江陵者, 諭訿之徒敢若此耶。」 其持平不欲傅會人如此。 必小人,附君子者未必君子。 紀綱,別臧 怨集。 改視 否以惜人才,庶於國事有濟。」時朝臣部黨角立,之煥廉觚自勝,嘗言:「附小人者 豪傑灰心,庸人養拙,國事將不可爲矣。請陛下嚴綜覈以責實事,通言路以重 山東學政 蠅之附驥,即千里猶蠅耳。」時有追論故相張居正者,之煥曰: 海寇袁進掠潮州,之煥扼海道,招散其黨,卒 。出爲

慣懷楚人矣。 城 此 也。 之時,魏、客亂 天 啓元年以通政參議召遷太常少卿,擢右僉都御史,巡撫南、贛。 無何,逆黨梁克順 謂連被逮時,過麻城,漣罪人也,之煥與盤桓流涕,當削籍,其實漣未嘗過麻 政,應山楊漣首發忠賢之奸。 贓 忠賢恚甚,拷殺 漣。 由此悍然益誅鋤善類, 丁內外艱,家居。

大兵出水泉峽口,再戰再敗之,斬首八百四十有奇。 冬,京師 降六百餘人。 幸災不仁,乘危不 莊 烈帝即位,乃强徵。 戒嚴,有詔入衞。 明年春, 武,不如舍之,因以爲德焉。」遂不戰。 寇復大入,患豌豆創, 且行,西部乘虛犯河西。 起故官、巡撫甘肅。 環大黄山 大破套寇,斬首七百餘級,生得部長三人, 之煥止留 引軍東。 而病。 踰 月,羣寇望邊城搏顙涕泣 ,遣兵伏賀蘭山 俄悍卒王進才殺參將孫懷忠 諸將請掩之,之煥不可,曰: 後,邀其歸路, 而

朝。 等以叛,走蘭州。 37 日 叉 認之煥落職候 之煥遂西定其變, 勘 溫 體仁已柄政矣。 復整軍東。 明年五月抵京師, 初, 體仁許錢 謙 益 已後時矣。 之煥移 書中 有韶 朝, 之煥

至是 ,體仁修隙,之煥 逐得 罪

召。 是,贼數萬 吏 捕 明 ,無脫者。 之煥雖文士,負材武,善射,旣廢,無所 年病 來攻麻城 卒。 先是,甘肅 望見之煥部署,輒引去。 兵變, **其潰卒畏捕誅**,往往亡命 見。 帝追敍甘肅前後功,復之煥官,廕子,然終不 所居縣,阻 山多 Щ 谷間 盜。 爲 之煥無事 羣 盗, 賊 勢益 輒率 張。 健兒助

至

卿徐 光魁,復力爭熊廷酮行勘及湯賓尹科場事。 劉 ,字範董,武定人。 萬曆二十九年進士。 寶尹雖家居,遙執朝柄,嗾其黨逐攻者孫 由保定新城知縣入爲御史。 疏劾太僕少

振

基、王

一時熙。

振基 向高 、時熙輩,今皆安在。」向高亦以策無私交,爲辨雪。 姻親, 已 而 給事 顧權利。 中劉文炳劾兩淮巡鹽御史徐縉芳,言策入葉向高幕,干票擬,策同官陳一元, 時策按宣、大,疏言:「文炳爲湯賓尹死友,代韓敬反噬。 文炳、策屢疏相詆 南京御史吳良 昔年發奸如

列

乃卽家徙策爲河南副使。 魁、廷弼、賓尹輩者,黨人率指目爲東林,以年例出之外。至四十六年秋,在朝者已無可逐, 不休,而同發奸之張篤敬復驅除將及,何太甚也!」疏入,帝皆不省。策憤謝病去。 爲之。」御史馬孟楨亦言:「敬關節實眞,旣斥兩侍郎、兩給諫謝之矣。乃伉直之劉策,攻擊 炳疏,憤甚,遂揭文炳陰事。且曰:「向高行矣。今秉政者從哲,文炳鄕人,奴顏婢膝,任好 文炳倚方從哲爲冰山,苟一時富貴,不顧淸議。 l楨,他波及尙多。 人才摧殘甚易。 清品如策,雅望如竑,不免詆斥,天下寧有完人。」策復詆 輔言:「文炳一疏而彈御史縉芳、一元、策及李若星,再疏而彈詞臣蔡毅中、焦竑及監司李維 策辭疾不赴。 一元論銓政,嘗譏切向高,時按江西,見文 。時攻兆

軍務。 正月與總兵張士顯並逮,論死,棄市。 年冬,黨人刻策爲東林遺奸,遂削籍。崇禎二年夏,起故官,兼右僉都御史,總理薊、遼、保定 天啓元年春,起天津兵備。擢右僉都御史,巡撫山西。 大清兵由大安口入內地,策不能禦,被劾。祖大壽東潰,策偕孫承宗招使還。 召拜兵部右侍郎,協理 戎政。五

淮,頗通賓客賂遺,被劾,坐贓。 **縉芳,晉江人。爲御史,首爲顧憲成請諡,** 天啓中、遺戍。 刻天津稅監馬堂九大罪, 有敢言名。 巡兩

向高 ,及一元,遂落職 元,侯官人。 在江西, |崇禎 初,復官。 振饑有法。 溫 體仁柄 移疾去。 國 ,惡其附<u>東</u>林,而 天啓初,起歷應天府丞。 以爲己門生 御史余文縉劾 也,引嫌不

卒於家。

兵部 川 西 ,移疾歸 尚書黃克纘。 李若星,字紫垣,息縣人。 請 撤 税使。 因再刻克續為沈一 巡視庫藏, 陳蠧國 萬曆三十二年進士。 貫私人,湯賓尹死友,宜罷,不從。 病 商 四 弊, 請得稽十 歷知棗强、眞定。 庫出 納, 以杜 侵漁, 擢御史, 還朝,出 不 「爲 報 首劾南京 福建右 巡按

獄 餘 陛 辭 級。 詞,誣其賄趙 ,發魏忠賢、客氏之奸。 天啓初,起官陝西,召爲尚寶少卿,再遷大理右少卿。三年春,以右僉都御史巡撫甘肅。 捷聞,未敍,有傳若星將起義兵清君側之惡者。 南星,得節鉞。 明年遣將丁孟科、官維賢 五年三月遂除若星名,下河南撫按提問。 擊河套松山 忠賢聞之,即令許顯純入之汪文言 諸部鎭番,斬首二百四十 明年,獄上,杖之

莊烈帝. 列 第 即位,赦還。 百 Ξ + 六 崇禎 李 元年起工部右侍郎兼右僉都御史,總理 若 星 河道。 追論甘肅功, 百,戍廉州

傳

進秩 朱燮元總督川、湖、雲、貴軍務,兼巡撫貴州。 戒嚴,遺兵 入衛。 黄河 大決 病歸、 ,遭父憂。 渰 泗 州 沒雕寧城。 **外之,召爲** 兵部· 若星請修祖陵,移睢寧縣治 討安位餘孽安隴璧及苗仲諸賊,有功 右侍郎。 + 年以本官兼右 他所, **僉都御** 從之。 史,代 都城

福 王 時, 解 職。 以鄉邑殘破,寓居貴州。 桂王遷武岡,召爲吏部尚書。 未赴,遭亂 , 死

於兵。

耿 如 杞,字楚材,館陶人。 萬曆四十四年進士。 除戶部主事。

當 將 吏五 是時,逆奄竊柄,諂子無所不至,至建祠 天 拜三稽首,呼九千歲。 啓初,以才 歷職方郎中。 如杞見其像,冕旒 軍書旁午,日應數十 祝釐。 也,半揖而 巡撫劉韶懸忠賢畫像於喜峯行署,率文武 事。 出 出。 爲陝西參議,遷遵化 忠賢令詔劾之,逮下詔獄, 兵備副使。

坐贓六千三百,論死。

不 奉 命。 時又 有胡 及 士容遷江 士容者,薊州參議也,數件其鄉官崔呈秀,呈秀銜之。 西副 使,道通州 逐 誣 以多乘驛馬, 侵盜倉儲,捕下詔 將為忠賢 獄掠治, 坐贓七 建祠,士容又

千,論死。

列傳第一百三十六 耿如杞

焉。 縛赴市曹者,日有聞矣。 其赦耿 至秋,將行刑,而莊烈帝卽位,崔、魏相繼伏誅。 如杞、予復原官、胡士容等改擬。」於是如杞上疏言:「臣自入鎭撫司、五毒並施, 幸皇上赦臣以不死,驚魂粗定,乞放臣還家養疾。」帝不許,立擢如 帝曰:「廠衞深文,附會鍛錬,股深痛

把右僉都御史,巡撫山西。

敢救者。 軍令,卒至之明日,汛地旣定,而後乃給餉。 日調良鄉,汛地累更,軍三日不得餉,乃譟而大掠。 山塹谷,事有緒矣。 插漢虎墩兔據順義王地,爲邊患,戰款無定策。 四年竟斬西市。 二年,京師戒嚴,如杷率總兵官張鴻功以勍卒五千人赴援,先至京師。 如祀兵旣至,兵部令守通州 帝聞之,大怒,詔逮如祀、鴻功,廷臣莫 如杷言守邊爲上,修塞垣,繕戰壘,剷 ,明日調昌平,又明

方如杞之爲職方郎也,與主事應善繼黨張鶴鳴,排熊廷弼而庇王化貞,疆事由是大壞,

及是得罪。

士容旣釋出獄,二年除陝西副使,進右參政,卒於官。 士容初令長洲,捕豪惡,築婁江

石塘,有政聲。

福王時,贈如杞右僉都御史。 子章光,進士,尚寶卿。 土容,字仁常,廣濟人。

爋者 三殿 敍功之濫, 汰 顏繼 ,劾大學士 祖 漳州 劉 去加 鴻 人。 訓,錦衣張道濬佐之。 秩寄俸 萬曆四十七年 一百餘 進士。 人。 叉 繼祖言二人朋邪亂政,日 極 歷工科給 論 魏黨李魯生 事 中。 一、霍 崇禎 維 元 華罪狀。 年 非 正 重創, 月論 叉有 禍 工部定 無極 御 史袁弘 員及 帝

杖斥 應明。 遷工 一科右 外 城 給 庫 事中。 薄 , 議加高 三年巡視京城十六門濠塹,疏列八事,劾監督主事 厚, 繼祖言時絀難舉贏 而 咔 再遷吏科都給 方應明 事 中,疏陳時 曠 職。 帝

十大弊。

憂歸

皆納其言。

卿貳、臺臣罕至。 列 畫 題, 八 年起故官,上言:「六部之政筦於尙書,諸司之務握之正郎,而侍郎及 政事安得不廢。 且 九卿、臺諫止 督撫諸臣 選郎 獲罪者接 傳語,有唯諾,無翻 踵 , 初皆由 [會推] 異,何 名 然會推 i 會推 但六 ? ـــا 帝 科掌象 稱 副郞、主事 善。 者爲主, 止陪

千,而 澤淸、倪寵等赴援,皆逗遛不進。 李懋芳侵軍餉二萬有奇, 尋 奉本兵楊 擢 太常少 嗣昌令,五旬 卿,以右 被旨嘉獎。 **愈都御史巡撫** 三更調。 明年正月,大清兵克濟南,執德王。 十一年, 後令專防德州 Щ 東。 畿輔戒嚴,命 分兵扼境上, 濟南 由此 繼祖 河南賊不 空虚。 移 駐德州。 繼祖 敢窺靑、濟。 繼祖 時標 屢請敕諸 人不能棄 下 卒 刻 將劉 僅 故 顧, 撫

言官交章劾繼祖 繼祖咎嗣昌, 且曰:「臣兵少力弱,不敢居守德之功,不敢不分失濟之罪

請 以爵祿還朝廷,以骸骨還父母。」帝不從,逮下獄,棄市。

大同 張翼明,順天陳祖苞,保定張其平, 終崇禎世,巡撫被戮者十有一人:薊鎭王應豸,山西耿 東顏繼祖 四川 如杷,宣府李養沖,登萊孫元化, 邵 捷春, 永平馬成 名, 順天潘永

Щ

温 一一面 河南李仙 風被逮自縊,不與焉。

王 應豸,掖縣 人。 爲戶部主事,諂魏忠賢,甫三歲,驟至巡撫,加右都御史。 崇禎二年

春,薊卒索餉,譟而甲,參政徐從治 i 諭 散 其 應多置毒飯中,欲誘而盡殺之,諸軍復大亂

帝命巡按方大任廉得 其剋餉狀,論 死。

賞銀七萬,及冒功匿敗諸狀。 李養沖,永年人。 歷兵部右侍郎, 論死,斃於獄 巡撫宣府。 崇禎二年旣謝事, 御史吳玉劾其侵盜撫

翼明 及總兵官渠家楨不能禦,三 張 、翼明, 永城 人。 以兵部右侍郎巡撫大同。 並坐死 崇禎 元年,插漢虎墩兔 入犯,殺掠萬計。

陳 祖苞,海寧人。 崇禎十年以右副都御史巡撫順天。 明年坐失事繫獄,飲鴆卒。 帝怒

祖苞 漏刑,錮 其子編修 之遴,永不 · 敍。

列 傳 第

自

Ξ

+

六

顏

繼

祖

張 其平 師 人。 歷 右 僉 都御 巡 撫保定。 十一年冬,坐屬邑失亡多 與與 繼祖 駢 死

西市。

六年 巡 撫永平。 斬 馬 西市 成名,溧陽 永圖 餘 自 亦 人。 1有傳。 起 昌平兵備 潘永圖 一,金壇 僉事,未浹歲, 人,與成名爲 至巡撫。 姻 姬。 畿輔被兵,成名、永圖 崇禎十四年冬,成名以右 並以失機,十 | 僉都 御 史

天啓四年秋,典試山東 李繼貞, 字徵尹 、太倉州 ,坐試錄刺魏忠賢 萬曆四十一年進士。 了, 降 級 ,已而 削 籍 除大名推 官,歷 一遷兵部 職 方主

|貞 於用精敏,尚書熊明遇深倚 崇禎 元年起武選員 (外郎) ·信之,曰:「副將以下若推擇,我 進職方郎中。 時軍書旁午, 職方特增設郎 畫 諾 而 已。 中,協 理 司 事。

者耳。 詑 鍰 及捐 用 其言 四 納 年 今斗米四錢,已從賊者猶少,未從賊而勢必從賊者無窮。 滅賊 事 孔有 例 者 德反 初 ,輸粟於邊, 延經 Щ 東, 盜 起,繼貞請發帑 明遇主撫、繼貞 以撫饑民。 叉言 疏 金,用董摶霄 陳不可, 兵法撫 且請 、剿並 人運法 調 關 用,非無 外兵入剿。 ,糴米輸軍前。 請如神廟特遣御史振 賊 也,撫饑 明遇不能從,後 且 民之從 令四方 濟故 胧 贖

事,齎三十萬石以往,安輯饑民,使不爲賊,以孤賊勢。」帝感其言,遣御史吳甡以十萬金往。

繼貞少之,帝不聽,後賊果日熾。

繼貞 貞。 致仕。 中官曹化淳欲用私人為把總,繼貞不可,乃囑戎政尚書陸完學言於尚書張鳳翼以命繼貞, 寶寺卿。 會敍甘肅功,繼貞請起用故巡撫梅之煥,帝遂發怒,削繼貞籍。 亦不可,鳳翼排繼貞議而 繼貞瞠目謝曰:「我不奉命,必獲罪。 繼貞爲人强項,在事清執,請謁不得行。 當遷,帝輒令久任。 用之。 田貴妃父弘遇以坐門功求優敍不獲,屢疏詆繼貞,帝不聽。 化淳怒,與弘遇日伺其隙,讒之帝,坐小誤,貶三秩。 刑部獄甚寬,可容繼貞也。」延儒銜之。已,加尚 大學士周延儒,繼貞同年生,屬總兵官於繼 已,論四川桃紅壩功,復官,

兵部右侍郎兼右僉都御史,巡撫天津,督薊、遼軍餉。 任人、薄賦五議。 十一年用薦起,歷兩京尚寶卿。 白塘、萬沽數十里間、日田大熟。 明年春召對,陳水利屯田甚悉,遷順 乃大興屯田,列上經地、招佃、用水、 天府丞。 尋超拜

卒於途。 十四年冬,詔發水師援遼,坐戰艦不具,除名。 是夕,星隕中庭。 贈右都御史,官一子。 明年夏,召爲兵部添注右侍郎。 得疾,

方震孺,字孩未,桐城人,移家壽州。萬曆四十一年進士。由沙縣知縣入爲御史。

可慮。 之爭移宮,可幸無罪,不知何以有居功之說,又有交通之疑。將使天下後世謂堯、舜在上, 張庭、李俸悉遭廢斥,而東林如趙南星、高攀龍、劉宗周諸賢,廢錮終身,亟宜召復。至楊漣 而有交通矯旨之閹宦。」疏入,直聲震朝廷。其春巡視南城。中官張曄、劉朝被訟,忠賢爲 震孺不從,卒上聞,忠賢益恚怨。 烹宗嗣位,逆璫魏忠賢內結客氏。<br />
震孺疏陳三朝艱危,言:「宮妾近侍,嚬笑易假,窺瞷 中旨頻宣,恐蹈斜封隱禍。」元年陳拔本塞源論曰:「曩者梃擊之案,王之宋、陸大受、

者四。 萬,能望其半渡而遏之乎?不足恃者三。沿河百六十里,築城則不能,列栅則無用,不足恃 帝壯其言,發帑金二十萬震孺犒師。六月,震孺出關,延見將士,弔死扶傷,軍民大悅。 土,多人推之,如履平地,不足恃者二。河去代子河不遠,兵從代子徑渡,守河之卒不滿二 上言:「河廣不七十步,一葦可航,非有驚濤怒浪之險,不足恃者一。兵來,斬木爲排,浮以 畫痛哭,而自請犒師。是時,三盆河以西四百里,人烟絕,軍民盡竄,文武將東無一騎東者。 遼陽旣破,震孺一日十三疏,請增巡撫,通海運,調邊兵,易司馬。日五鼓撾公卿門,籌 黃泥窪、張叉站沖淺之處,可修守,今地非我有,不足恃者五。轉眼冰合,遂成平地, 因

間 爲守,則守有餘。 一次置防,猶得五十萬人,兵從何來? 專倚三岔作家,萬一時事偶非,楡關一綫遂足鎖薊門哉。」疏入,帝命震孺 不足恃者六。」又言:「我以退爲守,則守不足,我以進

巡按遼東,監紀軍事。

法 不嚴,震孺請敕寧前監軍,專斬逃軍逃將。並從其言。 震孺按遼,居不廬、食不火者七月。議者欲棄三岔河,退守廣寧。 然是時,經撫不和,疆事益壞。 震孺詩駐兵鎭武。 

再疏言山海無外衞,宜亟駐兵中前,以爲眼目,不省。

軍

相攜 艦、器仗、馬牛無數,東師卽媾得島兵,得島兵以攻楡關,豈有幸哉。」於是震孺 是時,西平守將羅一貫已戰死,參將祖大壽擁殘兵駐覺華島上。於是震孺 |大壽,慷慨語曰:「將軍歸,相保以富貴,不歸,震孺請以頸血濺將軍。」大壽泣,震孺亦泣,遂 相與謀曰:「今東師四外搜糧,聞祖將軍在島上有米豆二十餘萬,兵十餘萬人,民數萬 曰「兵敗矣」,遂走。 以歸 阴 年正 ,獲軍民輜 月,任滿,候代前 巡撫王化貞在廣寧,亦倉皇走。列城聞之皆走,惟震孺前 重無算。 屯,而大清兵已再渡三岔河。 先鋒孫得功不戰,而 召水 、國卿航海 師 屯 無動 帥 呼於鎮武 張 國 戰 見 當 卿

海, 無過且 有 主 事徐大化者,忠賢黨也,劾震孺曰「攘差」。 有 社 稷 功。」 給 事 中郭興治遂借道學以逐元標。 都御史鄒元標奮筆曰:「方御史保全山 元標去,震孺亦即罷 明年,

列傳

第

百

Ξ

十

六

方

震漲

忠賢 擬絞 飲啖,問之,則曰:「小人有妻,聞公精忠,手治以獻者也。」輒報璫曰:「某病革,某瀕死。」璫 、廣微興大獄,再募劾方御史者,興治再論震孺河西贓私。 而 揚州守劉鐸呪詛之獄又起,遂誣震孺 與交通,坐大辟,繫獄 逮問掠治,坐贓六千有奇, 0 有邏卒時時佐震孺

以是防盆疎。

師陷 賊自是不敢逼壽州。 ,福王立南京,即日拜疏勤王。 明年,莊烈帝嗣位,得釋還。八年春,流賊犯壽州,州長東適遷秩去,震孺倡士民固守, 巡撫史可法上其功,用爲廣西參議。 馬士英、阮大鋮憚之,敕還鎭。 尋擢右僉都御史,巡撫廣西。 震孺竟鬱鬱憂憤而卒。 京

城 知縣。 徐從治,字仲華,海鹽人。母夢神人舞戈於庭,寤而生。 累官濟南知府,以卓異遷克東副使,駐沂州 從治舉萬曆三十五年進士,除

桐

家起故總兵楊肇基主兵事,而獻搗賊中堅之策,遂滅鴻儒。 天啓元年,妖賊徐鴻儒反鄆城,連陷鄒、滕、嶧縣。 從治捕得其黨之伏沂者殺之,請就 事詳趙彥傳。

治最,進右布政使,督漕江南。 從治警敏通 變,其禦賊類主剿不 妖賊再起,巡撫王惟儉奏留從治,仍守沂。 ·主撫,故往往滅賊。 旋以右參政分守濟南。 按臣主撫,從治 錄功,從

議不合,遂告歸。

單騎馳入,陰部署夷丁、標兵,分營四門,按甲不動,登城而呼曰:「給三月糧,趣歸守汛地, 中 外計議調,崇禎初, 以故秩飭薊州兵備。 薊軍久缺餉, 圍巡撫王應豸於遵化。

否將擊汝 !衆應聲而散。 其應變多類此。 進秩左布政使,再請告歸。

孔有德反山東,巡撫余大成檄從治監軍。

明年正月馳赴萊州

四年起飭武德兵備。

登州 治駐青州,調度兵食。從治曰:「吾駐青,不足鎭萊人心,駐萊,足係全齊命。」乃與随同受事 已陷。 大成削籍,遂擢從治右副都御史代之,與登萊巡撫謝璉 並命。 韶連駐萊州,從

於萊。

殘 橋,縣人罷 有德詭言風逆,改從陸赴寧遠。 且多收遼人為牙兵。 登萊巡撫孫元化官遼久,素言遼人 齊東,圍德平。 用 有德者, 遼人。 盡 無 以償,適至吳橋。 तें, 衆無所得食。 旣而舍去,陷靑城、 與耿仲明、李九成、毛承祿輩皆毛文龍帳下卒也。 是年,大凌 聞衆怨,遂與應元謀,劫有德,相與爲亂。 一卒與諸生角,有德抶之,衆大譁。 河新城被圍,部檄元化發勁卒泛海,趨耀州鹽場,示牽制 十月晦,有德及九成子千總 可用,乃用承祿爲副將,有德、仲明爲遊擊,九成 新城,整衆東。 應元統千餘人以行,經月抵吳 九成先齎元化銀市馬塞 陷陵縣、臨邑、商河, 文龍死, 走入登州 為偏 裨,

以 事 及 忤 余 聞 大成 魏忠賢 有德叛,即託 者 ()削籍 ,江寧人也。 歸,有淸執名。 疾數日不能出,不得已遣中軍沈廷諭參將陶廷鑓往禦,則皆敗而走。 不知兵。 而巡撫山東,則白蓮妖賊方熾,又 初爲職方,嘗奏發大學士劉一燝私書,齮之去。 有逃兵之變,皆不能 後又

大成恐,遂定議撫,而元化軍亦至。

蘭 逐敗。 矢加 外,總兵張可大率南兵拒賊。元化猶招降賊,賊不應。 軍耿仲明、都司陳光福等導賊入自東門,城遂陷。 者。 元 化者,故所號善西洋大礮者也,至是亦主撫,檄賊所過郡縣無邀擊。 賊長驅,無敢一 燾兵多降賊,賊遣之歸,士民爭請拒勿內。 賊佯許元化降。元化師次黃山館而返,賊遂抵登州。 大成馳入萊州。 元化不從,賊遂入。 可大死之。元化自刎不殊,與參議宋光 五年正月戰城東,遼兵遽退,南兵 元化遣將張燾率遼兵駐城 日夕,城中火起,中

成 德旣破登州 日二男以登州 初,登州被圍,朝廷鐫大成、元化三級,令辦賊。 ,推九成爲主,已次之,仲明又次之。 郡,則解。」大成聞於 朝。 帝怒,命革大成職,而 用巡撫印檄州縣餉,趣元化移書求撫於大 及登失守,革元化職,而以謝璉代。 以從治代。 有

御蕃, 先是,賊攻破黃縣,. 肇基子。 肇基,從治所共剿滅妖賊鄒、滕者也。 知縣吳世揚死之。 至是,攻萊,從治、 御蕃積戰功至通州副總兵。 璉與總兵楊御蕃等 分陴守。 會登州

列傳第一百三十六 徐從治

遣 議 治 1 遇 陷 等投 ·,分兵陷 廢 也 一、兵部 贼 將 新 命主 人火灌 金 城 尙 一鯨 平度,知 洪 書熊明遇 事 水,穴者死無算。 先 張 入 走。 或 一賊營,已而 臣爲贊畫 州陳所問 御蕃 奏署總兵官, 拒 國 之二日 |往撫之,日「安輯遼人之在山 自 臣亦入,爲賊移書,遣一鯨還報 使死 經。 盡將山 不 士 賊益 時 勝 出掩擊之,毁其礮臺, 突圍 攻萊,輦元化所 東 兵, 出, 與保定總兵劉國 遂入萊城 製西洋大酸, 東 者」, 從治 17.日 斬 獲 柱、天津總兵王 以國臣 | 連倚 毋 多。 出兵壞撫局。」 日穴 亦遼 以 而 明遇 剿 城, 賊。 人 也 卒 城 洪 惑 多 賊 兼 大成 攻萊不 國臣 頹 程 進。 先 撫 從

嘗 城 撫 城 撫 部 止 如 产 耶 將 臣已據 蹋 勿追,致賊延蔓。 有 爲 陷 緩 卵。 擊,致彼之攻。 止 從治 . 矣, 當賊 兵計。 兵 等知 不 國 日 賴我招撫,賊卽 臣報 過青州,大成擁兵三千,剿賊 夜 攻之事。 《望援兵,卒不至,知必爲 其詐,叱退一鯨 一鯨受賊賄 ,達聖聽。 是使賊任意攻擊,我不以一矢加遺,如元化斷送登城,然後 今賊視 果止兵, 止攻。 ,對援師則誑言賊數萬,不可輕進,對諸將 臣等猶元化,乃爲賊解, 夫國臣桑梓情 或稍 ,遣間使三上疏,言賊不可 夫一鯨三入賊營,每入,賊攻益急。 退舍,臣等何故不樂撫。 撫議悞矣。 甚易。 重, 忍欺聖明 元化遺書謂『賊已就撫,爾 國臣 曰吳橋激變有因也,一路封刀不殺也, 致書臣,內 一而陷 撫。 封疆。 特國 最 後言:「 抄 臣 其初遣一鯨 以撫 部旨 則誑言賊用 而國 萊城被 為戝 並 兵毋 臣 兵部 万万云 解,而賊實借 重 可成 東』,大成逐 入賊營, 西洋酸攻, 諭 五 賊嗔我縋 帖,乃 十 國臣之 H 知 何 危

是故 聞 天 矣 子 詔 臣 遂 死 止 當 攻 爲 掠 属鬼 也 以 將 殺 誰 賊, 欺 ! 斷 盈 不 庭 敢以撫謾至尊 中 國 臣 安報 , ·', 淆國 必謂 是, 紙 書賢於十萬 **悞封疆**,而 兵, 援 師 不 疏 來 職

未

怯, 抵 以副 敗 洪 繞 官呂直 並 更設 國 其 集昌邑。 八後, 盡: 總 將 當 沙河 柱 督 ,巡按御 牟文綬, 是 譁 走 時 然,而 青、潍,玘走昌邑,澤清 焚我輜重 ', 外 !!! 日十輩往 史王 圍 國柱、洪、澤清 以兵部 以右 明 日 遇 急 道純,義勇 布 議 見官軍 宇烈懼,遂走青州 右侍郎 政使楊作楫 撫、縱還所獲賊陳文才。 國 柱 一、洪及 不 劉宇烈 等至萊州 可 副 接 用,撫議益堅。 將劉澤清, Щ 監之, 戰於萊城,傷 東援軍 任 一馬步 之。 ,撤三將兵就食。 往 援萊。 調薊 俱頓昌邑不 新 軍 兵參將劉 二萬五千,氣甚 門、 於是賊 二指,亦敗走平度,惟 三月、宇烈、作楫 四川 。盡得 敢進,兩 永昌、 兵, **玘等夜半拔營散,賊** 我 統 、朱廷祿, 虚 盛。 以 撫 實, 總兵鄧玘, 臣 而宇烈 國 困圍 益 柱 監 作楫能 以撫愚 洪 城 紀推官汪 無籌略 中。 調密 乘之,大敗。 我, 於 雲 諸 Ifij 惟 是廷 三將旣 監 兵, 潛 效 師 視 兵 懦 # 統 議

仲 澄 旣不能 明 揚言 先是, 下,而 以 登州總兵可大 城 降, !贼困萊久,璉、從治、御蕃 安邦信 死, 之, 以 離城二十五 副將吳安邦代之, 日堅守待救。 里 而 軍。 安邦 中 軍 至四 尤法 徐樹 月十六日 聲薄城被擒,安邦 鈍。 奉令屯寧海, ,從治中酸死,蒸人大 規 走還寧海 取 登州

臨,守陴者皆哭。

弟與 巨 他 範 死 亦 遊人。 、我善. 一,勢益張。 人頭給之曰:「此有德也。」應龍率舟師抵水城。 山 東 了我能令其縛<u>有德、九成來。」巡撫鄭宗周子之兵二千,從海道往</u>。 士官南京者,合疏攻宇烈, 阴 遇 島帥黃龍攻之不克而還。遂破招遠,圍萊陽。 H 跂望曰:「往哉,其可撫也。」天津 請益兵。 於是調昌平兵三千,以總兵陳洪範統之。 延之入,猝縛斬之,無 舊將 孫應龍者,大言於衆曰「仲明兄 知縣梁衡固守,賊敗去。 一人脫者。 伸明 聞 之,偽 賊 洪 函

等宜固守。」罵不絕口而死。 知 伏,涕泣交頤, 月 龍亭及河,賊擁之去,而令宜陽還萊,文武官出城開讀,圍卽解。 使言賊已受命。 殺 ,旣已無可奈何,宜且從之。」遂偕監視中官徐得時、翟昇,知府朱萬年出。 宇烈復至昌邑,洪範、文綬等亦至。 璉慰諭久之而還。 字烈奏得請,乃手書諭賊令解圍。賊邀字烈,字烈懼不往。 賊送璉及二中官至登囚之,正中、宜陽皆死。 有德執之,猝攻城,却令萬年呼降。 明日復令宜陽入,請璉、御蕃同出。 萊州推官屈宜陽請入賊營講撫,賊佯禮之。 御蕃不可。 萬年呼曰:「吾死矣,汝 御蕃曰:「我將家子, 璉 營將嚴正中异 有德等叩頭扶 一.日 童 且六 宜

於是舉朝恚憤 初, 撫議興,獨從治持不可。 ,逮宇烈下獄,調關外勁卒剿之,罷總督及燈萊巡撫不設,專任代從治者朱大 宇烈諸將信之,而尚書明遇主其議。 從治死,璉遂被擒。

列

傅

第

百

三 十

六

其戍也,人以爲失刑。 戶, 遁。 兵,鎭登、萊。 典 八以行 建祠 生擒 有德· 曰「忠烈」 明遇 承祿等, 走登州 而宇烈 坐主撫誤國,罷歸,遂絕 ,九成殺璉及二中官。 ,贈璉兵部右侍郎 斬應元, 以次年遣戍。 大成逮下獄、遺戍。 賊盡平。 璉,字君實 ,亦賜祭葬,建祠,廕 事詳大典傳。 撫議。 大典圍登,九成戰死。 赦還,卒於家。 八月,大典合兵救萊。 ,監利人。 詔贈從治兵部尚書,賜祭葬, 子,以御蕃功多 宇烈,綿竹人,大學士宇亮兄也。 城破 追剿。 兵甫接, 一加署都 有德 賊輒 督同 、仲明 | | | | | | | | 大敗 知,總 え 衣 海 百 童

築 條備 以策干王在晉,在晉 臺 一製廠,一 京、防邊二策。 元化,字初陽,嘉定人。 如元化言。 孫承宗 不能用。 還授元化職方主 請於朝,得贊畫經略 天啓間舉於鄉。 承宗行邊, 還奏,授兵部司務。 事。 所善西洋礮法、蓋得之徐光啓云。 已,元化贊畫袁崇煥寧遠。 軍前。主建礮臺教 承宗代在晉 練法,因請據寧遠、前屯, 還朝 一、遂破 尋 重關 廣寧 之非, 覆沒,

是怨元化之不能討也。 議 任之,駐登州。 ?`整飭 崇禎 寧 初,起武選員外郎,進職方郎中。 前 兵備。三年,皮島副 明年 一,島衆 賊縱元化還,詔逮之。 殺興治,元化 將劉興治爲 奏副將黃龍代,汰其兵六千人。 崇煥已爲經略,乞元化自輔,遂改元 亂,廷議復設登萊巡撫,遂擢 首輔周延儒謀脫其死,不得也, 及有德反 元化 右 則援其師光 化山東 愈都 朝 御史 野 右 由

觀望不進,徒擾擾焉。 於文法,或廢或死,悲夫!叛將衡行,縛而斬之,一偏裨力耳。 贊曰:疆圉多故,則思任事之臣。 設官命將,何益之有。 梅之煥諸人,風采機略尚大異於巽愞恇怯之徒,而牽 撫議之悞國也,可勝言哉! 中撓撫議,委堅城畀之,援師

#### 校勘記

燈祖言二人朋邪亂政 二人,係指袁弘勳和張道濬。原作「六人」,據明史稿傳 三七顏繼祖

}傳 改。

翼明及總兵官渠家楨不能禦 渠家楨,明史稿傳一三七顏繼祖傳作「渠家禎」。

Ξ, 白塘葛沽數十里間 葛沽、原作「葛姑」、據明史稿傳一三六李繼貞傳改。

29 震孺請駐兵鎭武 鎭武,原作「振武」。 明史稿傳一三六方震孺傳作「鎭武」。 按「振武」係一衞

名,屬山西都指揮使司, 去遼東廣寧甚遠。「鎭武」係一堡名,在廣寧,見明會典卷一二六。作

「鎭武」是,據改。下同。

列

傅 第

百三十

六

校

勘記

(五)以卓異遷兗東副使駐沂州 按本書卷七五職官志按察司副使所司諸道有兗州道,

「兗東道」。

六四三八

駐沂州,

無

# 明史卷二百四十九

### 列傳第一百三十七

朱燮元 徐如珂 劉可訓 胡平表 盧安世 林兆鼎

李標 史永安 劉錫元 上二善 岳具仰等 朱家民

蔡復一 沈敞外 袁善 周鴻圖 段伯外 胡從儀

使, 改廣東提督學校。 朱燮元,字懋和,浙江山陰人。萬曆二十年進士。除大理評事。 以右參政謝病歸。起陝西按察使,移四川右布政使。 遷蘇州知府、四川副

寅尤驍桀好 氏,保羅種也,洪武時歸附,世爲宣撫使。 天啓元年,就遷左。 亂。 時詔 給事中明時舉、御史李達徵川兵援遼。 將入觀,會永寧奢崇明反,蜀王要變元治軍。 傳至崇周,無子。崇明以疏屬襲,外恭內陰鷙,子 **崇明父子請行**, 永寧,古藺州地。 先遣土目樊 奢

列傅

第一

百

三十

七

朱燮

元

六四三九

總 形 兵官黃 樊虎 以兵詣 守魁等, 重 慶。 時舉、達 巡撫徐 負 傷 可 遁。 求汰其 時 九 老弱,餉復 月十 有 七 不 H 繼,龍等遂反。 也。 賊 逐據重慶, 殺 可求 播州遺孽及諸亡命 及參 政 孫好古、

奸

人蠭

起

應之。

賊黨符國

列

城

多

不

守

弩射 仗 盡據 元 中 良 者二百 政、右布政 絀 夫 曰:「此呂公車也。」乃用巨木爲機關,轉索發礮,飛千鈞石擊之。 劍 玉: 木牌 軍 城 躁,數千人 旣 變元檄徵石砫、羅綱 崇明 上載羽 敗 中。 Mi 人,賊失內 贼 援兵漸 、龍泉諸隘 **僭**偽號,設丞相 使周著、按察使林宰等分陴守。 牛頭 變元用 旗 擁物 ,中數百人挾機弩毒矢,旁翼兩雲樓, 鎭,復新都。 集。 應。 火器擊却之,又遣人決都江堰 如 口 登萊副 舟,高 賊 0 五府等官,統所部及徼外雜 四面立望樓,高 、龍安、 指揮周 丈許,長五 使楊述程以募兵至湖廣,遂合安綿副使劉芬謙、石砫女 他路援兵亦連勝賊。 松、 邦太降,冉世洪、 茂諸道兵入援,斂二 十丈,樓數重,牛革蔽左右,置板 與 (城齊。 賊障革裹竹牌 水注濠。 雷安世 變元命死士突出,擊斬 然 蠻數萬, 曳以牛,俯瞰 贼 亦 鈎梯附 百里內粟入城。 愈增 瞿英戰死。 賊治橋, 分道趨 り日で 城, 城 又以大礮擊牛,牛返走, 發 得 壘土 成都。 中。 塚 少息, 成都兵止二千 如平 擲 三賊帥 Щ 城 偕巡按御史薛敷 陷新都、 中 地 枯 因 上架蓬 骸。 人皆哭。 斬 燔 城 (土官 人披 忽自 其 中 華,伏 ·,餉叉 通 林 賊 燮 髮 秦

敗

去。

|崇明 令 其 有 佩 司 至 刀 有 沉 城 諸 햆 下。 舟 生 同 斷 陷 臥 伏 橋 賊 酣 起,崇明 中 嚴兵待。 寢 0 遣 乾 人言 跳 象 1 賊將 乾象 誓 趸。 死 因 會諸 羅乾象欲反正 報 一復縋 自內縱 道 援 而 火, 軍 出 至, 崇明父子遁 燮元策賊 自  $\Box$ 是, 變元 賊 中 令 且走, 走瀘 舉 與 乾象 動 州 投 無 木牌數 俱 不 乾象逐 至, 知 呼飲 白 乃 以衆 遣 錦 戍 江 部 來 樓 將 歸。 流 中 詐 而 降 不 城 F 誘 韋 脫

百

H

而

解

戴 良 餘 巡 君 撫 玉 文拔 恩 惟 張 初 我續 令守備 重 朝 慶爲 之。 廷 總 聞 崇明 金富 督 樊龍等所據。 重慶 四 發 廉 JII 變,卽 攻斬 卒 、貴州 - 數萬來 賊 擢 雲南 變元 將 其地 張 援, 彤 右副 三面 湖廣 如 樊龍 珂 阻 都御 軍 迎 江 亦戦 戰, · · · 史,巡撫 未 死。 檄 面 至 同 通 而 成都 帝 四川,言 知 陸 告廟 越 其杰 副 韋 解 受賀,進君 使 一官軍 躡 徐 以楊 贼 如 愈懋 後,殺萬餘 珂 乘勢復 率兵 恩 爲總兵官,而 三官。 (繞出 州縣衞 人。 佛 變元 晶 監 所 關 所 軍 凡 擢 後, 遣 愈 四 河 南 他 事 與

將 復 建 先 武 長寧 國 順 陷 獲 遵義 僞 丞 貴 相 州 何 若 巡撫李標已 海 瀘 孙 亦 遣兵復之。 旋 復

賊, 以書約 愈懋 爲 內應,事覺,合門遇害。 賊 卽 用其家僮紿愈懋, 襲殺之,幷 殺 順慶推官 郭

永寧人李忠臣嘗爲松潘

副

使,家居

了, 陷

|像儀等。再陷遵義,殺推官馮鳳雛。

列

傅

第

百

Ξ

+

七

朱

夑

元

又起。

安氏世有水西,宣慰使安位方幼,邦彦以故得

弟崇輝 之。 鋪,盡 共辨 明 務,兼 救 將 庵 倡 集將佐 於 攻 、青 父 周 亂 子 安 克。 邦 連拔 奢、安二賊。 焚其營。 Щ 巡 鼠 邦 太,降贼二萬。 日 朝 崖 撫 彦。 崇明 寅 深 議 天台、白崖、楠木諸 下 天 四 箐。 我久不 錄 國 JII 父子 蓬洞 變元 邦 禎 寅 彦 而 維 皆被 (被二 然 新偕 率 諸 造二軍窺 得 以 守 兩 餘 楊 岩。 志於賊, 城 創走。 鎗 副 督府分 副 衆走水 述中 功 總 遁,樊虎 使 與良 加加 兵秦衍 李仙 總督 囤 遵 錄功,進變元 閫 兵部 我 義、永寧,燮元敗走之。 西 玉 治 撫定紅潦四十八砦。 以分, 亦中 兵會 貴州 品、僉事 龍場客仲壩,倚 祚等亦攻克遵義。 侍 軍 ر. [ال| 郎,總督四 鎗 軍 賊 進攻 死。 貴 務 劉可 以 右 心合也。」 兼 永寧, 不 都御 復追 訓、參將 制 相 Щ 其女弟奢 雲南 應,財益得 史。 敗之横山 及 擊敗奢寅 乃盡 湖廣荆、 崇明父 賊奔 及 林兆鼎等搗龍場,生擒崇明 總兵官李維新等遂攻破客仲巢, |湖廣 掣諸 社 入 、入青崗 自恋。 舊 子 於 輝 辰、 岳 軍 逃入 土 以 藺 會 常 守。 州 地 鄖 長 三年 紅崖 城、五 坪, 坎, 寧 衡、 襄 初, 抵城下 追 連破 變元 永十 大國,官軍蹙而 月爲 賊 陜 至 西 失永 一老軍 麻 謀 ,拔之,擒 漢 參將羅 塘坎、 府 直取 中 · 營 寧 妻安氏、 代 五 永 觀音 乾 涼 我續 刨 府 痙 象 拔 叛 傘 求

官軍效之,賊得展轉爲計。 重 時 蜀 慶復,不即 中兵十六萬,土、漢各半。 搗永寧,及永寧、藺州 崇明父子方窘甚,燮元以蜀已無賊,遂不窮追。 漢兵不 並 任戰,而土兵驕淫 下 - , 賊失巢穴 , 又縱 不肯盡力。 使遠竄。 成都圍解 大 抵 永寧旣拔,拓地 土 官 利養寇, 不 ·卽取

干 屯將 變元 隸 於 割 敍 膏 州 腴 府 地 增設 歸 永 寧衞 口 知 一以其 人 領之。 餘 地 爲 且 四十二 移 敍州 八屯,給諸降 兵備 道 於 賊 衞 城,與貴州 有 功者 一个 参將同 歲 輸 賦 駐 於 蜀 中 日

遂靖。

而

邦

彦

張

甚

將楊 元 未 匹 廷 諸 金 臣 發,分犯 錢 明 軍 以 四 輝 三善等 年 乘 移 往撫。 春 寅 雲 鎭 陷 南 醉 遵義;而 失事 貴 殺之。 遵義 燮元旋以父 州 由 巡 而 ÜЩ 以尹 寅旣死, 撫王三善軍 師 令寅 同 不 喪歸,偏 皐 協 專 代撫 助 崇明 犯 永寧。 沒。 議 年老. 四 合兩 沅 ]]] 巡撫 明 o 無能 年,總 未行 督 變元 閔夢得 府。 爲, 寅 赴重慶,邦彦偵 理魯欽敗於織 乃命燮元 邦彦 被 來代 殺 亦乞撫。 乃己。 以兵部 金、貴州總督蔡復 寅凶淫 知 燮元聞於朝,許之,乃遣 之。 尙 書 甚。 六年二月 兼 督 貴州 有 迎 引者 ,謀乘官 軍 雲南 受 义 敗 燮 軍 廣

彦 未 方 永 僅 寧始, 報 邦彦 先 百餘 是, 得召還,代以 次普市 怒 貴州 殺 里。 明輝 巡撫 我 、摩泥、赤水 既宿 撫 王 尚 瑊 書 議 重 謂 兵 由 張 督臣 鶴鳴 百百 諸 此 絕。 番交通之路絕,然後貴陽 五 移鎭 + 議遂寢。 鶴鳴 里皆坦途。 貴 陽 視 有 師年餘,未嘗 鶴 + 鳴未至,明 使, 赤水 朝 有 議 從之。 城 、遵義 輝 戰,賊 可 奉 屯 制 兵 軍 夢得 得 書 剋期 進 養其銳 C, 僅 白巖 乃陳用兵機宜 招 進,賊必不 撫安位,不云赦 層臺 能 畢 支。 節 請 邦 疏 自 大

崇禎 列 傅 元 年 第 六月復 百 Ξ + 召變元 七 代之,兼巡撫貴州 朱 夑 元 ,仍賜尙方劍。 錄前 功,進少保,世廕錦衣指 六四四三

賊 官侯 先 陸 附。 以 揮 而 復 廣 親 使。 成名與 劉 犯赤水。 良柱 變元 大 に鴨 率 養鯤 ·大軍 敗 時 池 良 副 招 宼 從遵義 又追 柱 變元 駐 三岔諸 流 亂 使劉 陸 爭 移 久, 授計 功 敗之紅 廣, 逼大方。 可 入,合傾其巢。 廣 里 一、賞久不行 要害,別 訓遇賊十萬 開 井 成名,誘賊 墾,募 蕭 土川,邦彦、崇明皆授首, 條, 以 **須敷**; 貴陽 總兵官許成名、參政鄭朝 於五 軍 至永寧。 邦彦恃 民不 趨 用 遵 夢 峰山、桃 ·及五 義。 得 勇,擬先破 乃遣 前 一百家, 自稱 議 紅壩 總兵 ,檄雲南兵下 四裔 時二年八月十有七日也。 ,大破之。 山谷悉苗仲。 官 永寧軍, 林兆鼎 大長 棟由 老,號崇明大梁王,合兵十 烏撒 永寧 還拒諸將, 賊奔據 從三岔 復赤水 而 四川 將 Щ 入,副將王 土 巅。 兵 急索戰。 多 出 殺 邦彦聞之, 諸 捷聞 水寧, 降 將 國 報 乘霧力攻, 禎 四川 功, 下 帝大喜。 從陸廣 ·餘萬, ·畢節, 分守 苗 總兵

降。 邊 西 九驛。 ) 遂復 地深 變元 於是攻之百餘日,斬級 鳥 險多箐篁,蠻烟 撒 烏撒 與約 位請如約,率四十八目出降。 安效 、良死, 四事:一、貶秩,二、削水外六目地歸之朝 變元 以境內 其妻安氏招故霑益土酋安遠弟邊爲夫,負固不服。 萬 賊略盡,不欲 ,莫辨晝夜,深 餘。 養鯤復遣人入大方,燒其室廬。 變元受之,貴州亦靖。 窮兵,乃檄招安位,位不決。 入難 出。 **今當扼** 廷,三、獻殺王 其 要害,四 遂上善後疏曰:「水西自 位 巡撫者首,四、開 變元集將吏議 大恐,三年春,遣使乞 面 迭攻,贼 燮元乘 兵威 乏食,將自 百二水 脅走 河以 畢 節

出 廩, 賊 其 中 必 版 不 諸將 敢 圖 猝 士身經數百戰, 入為 沿河要害,臣築城三十六所,近控蠻苗 寇。 鴨池 、安莊 成願得尺寸地長子孫,請割新疆以授之,使知 傍 河 一可屯之土,不下二千頃, ,遠聯演、蜀,皆立 人賦 土使 | 邸舍,繕 自 赡, 所 郵亭, 激 鹽 勸 建 芻 帝 倉

報

招 + 衞 按 流民 二馬 及 御史馬 平 初 實之。 越 頭 ,崇明、 、清平 如蛟 放 宣慰宋嗣 所 邦彦之死,實川中諸 偏橋 劾。 鎮遠 燮元力求罷, 殷 地 也。 四 衞道路,凡一千六百餘里,繕亭障 嗣殷 將功,而黔將爭之。 帝 以助 慰留之。 邦彦被剿滅,乃即其地置開州, 其冬討平定番、鎭寧叛苗 變元頗右點將,屢奏於朝,爲 一,置游 徼。 又奏復故施秉縣 貴陽 乃通威清 東北 等上 有 四 洪 Ш 邊 巡

忧、總兵官沐天 匹 年 阿 迷州 波 不能禦,仇逮戍。 土官普名聲作亂,陷彌 變元 勒州曲江所,又攻臨安及寧州,遠近 遣兵臨之,遂就 撫 震動。 巡 無圧

賄。 位 謂己故 章下 龍場 壩者, 几 地 ,數 燮元 川巡按御史劉宗祥。 舉兵爭,燮元不之禁。 隣 大 方, 乃 上言:「 邦彦 禦夷 以假崇明。 之法,來則安之,不專在攻取也。 宗祥亦劾燮元受賄 會變元劾良柱 崇明旣滅,總兵侯良柱欲設官屯守以自廣。 不職 且. 以 良柱 龍場、永寧不 亦計變元曲庇安氏, 今水西已納款, 置邑衞 爲欺 惟 明定 罔。 納 其 而 帝 重 安

列

傳

第

百

Ξ

帝猶 運煩 界,俾自 未 費。 許 耕 且. 牧, 後勘 內 激 以 藺 其 輸 地 州 或 果 必死 賦。 如 之關,外挑水西扼吭之嫌,兵端一 若設官屯兵,此地 所 議。 論桃 紅壩功,進少師,世廕錦衣指揮使。 四 面孤 懸,中限河水,不 開,未易猝 利 止,非 應援, 國家久遠計。」 築城守 品六年滿,加 渡,轉

德。 + 諸蠻爭納土,獻 年,安位死, 無嗣, 重器。 族屬 變元 爭立。 乃裂疆域,衆建諸蠻。 朝議 又欲郡縣其地,變元力爭。 復 上疏日 遂傳檄土目,布上威

左柱

國

再議平賊

功,世廕錦衣指

揮灸事

苛斂, 跋 銷 耳,爲長官司者十有七,數百年來未有反者。 戶 扈之資,勢弱者保世之策。今臣分水西地,授之酋長及有功漢人,咸俾世守。 反側。 口 , 徵 水西有宣慰之土,有各目之土。 一切蠲除,參用漢法,可爲長 其賦 夫西南之境,皆荒服也,楊氏反播,奢氏反藺, 税,殊俗 內嚮,等之編氓。 久計。 宣慰公土,宜還朝廷。各目私土,宜畀分守,籍其 大方、西溪、谷里、北那要害之地,築城戍 非他苗好叛逆,而 安氏反水西。 定番性忠順也,地 滇之定番, 小 人兵,足 虐政 大者

州

因 言其便有 九

晉不得侵軼民地,便二。
黔地荒确,仰給外邦,今自食其地,省轉輸勞,便三。 不設 郡縣置軍衞,因其故俗,土漢相安,便一。地益墾闢,聚落日繁,經界旣正,土 有功將

衞 便六。 圖 士,酬以金則國幣方匱,酬以爵則名器將輕,錫以土田,於國 所自實 久遠,爲子孫計,反側不 訓農治兵,耀武河上,俾賊遺孽不敢窺伺, ,無勾軍之累,便八。 生,便五。 軍耕抵餉,民耕輸糧,以屯課耕, 大小相維,輕重 便七。 相 制, 軍民願耕者 無事易以 無損 不拘其籍 ,便四。 I給 田 安, 有 旣世 以耕聚人, 且. 事 耕 其土,各 易 且守, 以 制

不世其伍,便九。

帝咸 年春卒官,年七十三。 報 可。 無 何,所撫土目有叛者,諸將方國安等軍敗,變元坐貶一秩。 已,竟破滅之。 +

南有 乎了已而果然。 西時,遇一老叟,載與歸,盡得其風角、占候、遁甲諸術。 共材。 於官。 事,公當之矣。」內江牟康民者,奇士也,兵未起時,語人曰:「燭且有變,平之者」朱公 燮元長八尺,腹大十圍,飲啖兼二十人。 治事 犯法,即親愛必誅,有功,厮養不遺賞也。 明決,軍書絡釋,不假手幕佐。 行軍務持重,謀定後戰,尤善用間。 鎭西南久,軍貲贖鍰,歲不下數十萬,皆籍之 馭蠻以忠信,不妄殺,苗民懷之。 將別,語變元 曰「幸自愛,他 使 初官陝 入 各當 日西

徐如珂,字季鳴,吳縣人。萬曆二十三年進士。除刑部主事,歷郞中。 Ę. 傳 第 百  $\equiv$ + 七 朱 夑 元 六四四七 主事謝廷讚疏

弩連 爲太僕 建 中之, 復 儲 少卿 重 暹羅 帝 慶。 賊大潰。 轉 怒, 貢使飽犀角、 奉檄 左通 盡貶 政。 搗 刑 轉戰 藺 曹官。 州 數 土城。 象牙 + 如珂 里, , 斬首 降雲南 賊 如 借 珂 萬 不 水西兵十萬 餘 受。 布政 級, 天啓元 司 逐拔 照 來援,前 磨。 福州 年 ·,遷 累遷南京禮 崇明父子竄 川 軍 炒 東 却 兵 備 部郎 捍 副 子軍 水西 使。 中 覃 去 擊 廣 懋 殺 東 乃召 勳 奢崇 領 挽 南 明 如 白 道 珂 竹 黨 右

用 九月, ,死歲餘矣。 魏 廷推. 忠賢 南京工部 逐楊 尋錄破 漣, 右侍 如 賊功,賜祭葬. 珂 郞 郊餞之, 遂削 籍。 忠賢 ,進秩 銜 歸 里三 甚。 一等,官 月, 遷光 一子。 治具飲客。 禄 卿,修公廨竣, 頃之卒。 疏詞無所 崇禎 初 稱 頌。 以原推 六年 起

可訓 奏捷永寧,掃除膕穴,逆寅授首。 仍監 多。 反, 圍成都, 諸 總督朱燮元彙奏 瀏 將 將 口 孤 訓 軍 軍 可 一,出 澧州 訓 年 入蠻 佐 人。 與 城 總 文武 守 烟 瘴 萬曆 兵 有 將 **FIN** 侯 功 者 中 良 吏 擢 多 柱 功 舉 僉 年。 。 盛 鄉試。 五路大戰,十道並攻,皆抱病督軍 破 事 賊 推 初 + 監 可訓 ·萬 無 歷官刑部 軍 衆 守土責,因奉命錄囚 討 於五 乃遷威茂兵 贼 峰 員外郎。 崇明 山,斬 走 崇 龍 備參議 天 場壩, 明 、啓元 而 及安 ,誓死殉國。 乃見危 年恤 邦彦。 崇禎 口 訓 刑 督 元 授命 匹 諸將 年 御 ]]<u>|</u> 改 史 進 畀 毛 敍 解 剿 會奢崇 以節 瀘 軍 羽 健言: 成 副 功 鉞, 使, 明

誰 御 御史,巡撫順天、永平,督薊鎭邊務。兵部尚書梁廷棟囑私人沈敏於可訓,敏遂交關爲奸利。 史水佳胤劾可訓,落職歸。 日不宜。」帝頗納其言。 未幾,畿輔被兵,可訓率師入衞。 後敍四川平寇功,復官,世廕錦衣千戶。 三年五月恢復遵化,擢右僉都 未及起用,卒於家。

縋

良玉 世千戶。久之,擢貴州布政使。 銜,賜之專敕,必能梟逆賊首獻闕下。」部議格不行,乃進秩右參政,分守貴寧道,廕子錦衣 贼 昌通判監標下軍 吏,慷慨赴義。 功,擢四川監軍僉事,兼理屯田。 城下,詣石砫土官秦良玉乞師,號泣不食飲者五晝夜。 帥黑蓬頭,追降樊龍,遂克重慶。 胡平表,雲南臨安人。萬曆中舉於鄉,歷忠州判官。 會擢新鄭知縣,燮元奏留之,改重慶推官,監軍兼副總兵,盡護諸軍將。 復新都,解成都圍,連戰白市驛、馬廟,進據兩嶺,俘斬無算。 事。 嗣昌卒,乃罷歸 四年大計,坐不謹落職。 遷貴州右參議。 用六千人敗審、安二

一萬兵。 崇禎元年,總督張鶴鳴言:「平表偏 良玉爲發兵。 天啓元年秋,樊龍陷重慶,平表 十三年,督師楊嗣昌薦之,詔以武 請以本官加 巡撫朱燮元檄平表監 奪二郎關 督師 戰數有 州小 御史

數 逼 取 人,詣上官請 縣印, 盧安世, 貴州赤 署令棄城走。 兵復其城。 水衞 安世 人。 帝用大學士孫承宗言,超擢僉事,監軍討賊,屢戰有 萬曆 收印,率壯士擊斬賊。 四十 年舉於鄉,爲富順教諭。 無何? 賊數萬猝至,安世單騎 天啓初,奢崇明反, 功。 鬭,手馘 五年四 遣 賊

朝棟 將 **人之**,解官,歸卒。 月,總督朱燮元 百 安世 及安世等功,武將則林兆鼎、秦翼明 三十四 進貴州 人,招撫羣 上言:「自遵義 右參 議 賊 遷四川 及土、漢、苗仲二十九萬三千二百餘 五路進兵,永寧破巢之後,大小數百戰, 副使、遵義監軍 、羅乾象、土官則陳治安、冉紹文、悅先民等。」帝納 ·,功復多。 崇禎 人,皆監 初,予世廕武 司李仙品 擒 獲幾四萬人, 職,進右參政。 劉 可 訓 降賊 | |奠|

京右府。 番州苗 林兆鼎,福建 連破 卒,贈太子少保。 十餘寨,擒其 人。 天啓中,爲四川參將,積功至總兵官,都督同知。 魁。 四 一年遣將討湖廣苗黑會,攻拔二百餘寨。 崇順三年遣將討定 加左都督、召愈南

授行 李橒,字長孺,鄞人。 四 十七年秋,擢 擢 御 史。 右僉都御史,巡撫貴州 例轉廣· 會祖 東鹽法僉事 循義,衡州 ,歷山 知府。 。貴州宣慰同 東參議、陝西提學副使、山東參政、按察使。 祖生威,鳳陽推官。 知安邦彥者,宣慰使堯臣族子。 標登萬曆二十九年進 堯

議 臣 微徵 死 西南兵援遼,邦彥素桀黠,欲乘以起事,詣摆請行。 ,子位幼,其母奢社輝代領其事。 社輝 ,永寧宣撫奢崇明 標諭 止之。 女弟也,邦彥遂專兵柄。 邦彥歸、益爲反謀。 會朝

累疏請增兵益餉,中朝方急遼事,置不問。

運清 銀 貴 几 陽 萬 大 會 監 震 有 摆 軍副 標 奇, 被 劾,乃六 遂 使朱芹 募 留 兵 視 四千 疏 ,提學僉事 事 乞休。 ·,儲米二萬石 時城 中 天 劉 兵不及三千, 、啓元 錫元等援 年 治戰守 始 得 四 倉庫 請,以王三善代。 具,而 ]]] 空 屢 急遣 捷, 虚。 逐 總兵官 橒 復 與 遵 巡 義、綏陽 而 張 按 奢崇明 彦 御 芳 史史永 湄潭 已反 安貸雲 都 )眞 重 司 一慶,陷 安 許 成 南 桐梓 名、黄 遵義 湖 廣

接 彦 斬 邦 俊 兵。 自 數 統 百 陳其愚等鑫起 年二 洪 水 人 邊 西 月 效良 土 軍 皮 ( )或 司 羅 助 宋 傳崇明 萬 鬼 邦 相 彦 化 古 應, 陷 糾苗 仲數萬, 陷 其城,明廷 成都 鳥撒 仲 九股陷 土 , 東 邦彦 目 渡 [安效 敗 陸 龍 遂挾安位 殁。 里 廣 良 河 賊 亦 直 遂 與 反, 趨 通 分 貴 兵陷安順 自 陽 邦彦 稱 别 羅 首 遣 甸 平壩 [襲畢 王倫 玉。 節, 四十 等下甕安,襲 效良 都 八 亦 司 文及 楊 西 陷 明 他部 霑 廷 偏 固 益 橋 守 頭 以以 而 目 斷 安 邦 擊

當 城 攻 武 北 北 無幾 用 城 門之衝。 橒 婦 人,乃分兵為 人、雞 標迎 永安 戰,敗之。 聞 大厭 永安居 變,亟 勝 五,令錫元 譙 術 議 樓,團 轉攻東門,爲錫 城 **摆、永安烹彘雜斗米飯投飼雞犬,** 守。 街市 及參議 會 藩 兵, 臬、守令咸 邵 防 |元所 應禎 內 變。 却。 都 入難,而 乃日 學官及諸生 司 劉 嘉言 夕 彦芳鎭 分 番 而張虎豹皮於城樓 故 亦督民 馳 銅仁, 副 突,以疲官 總 兵 兵 運清駐遵義。 分塊 劉 岳 兵。 守。 分 禦四 爲三丈樓 以祓之, 賊 門, 至 城 虚 橒 中 乃 臨 自 銳 文

列

傳

第

明

得施 廣州、普定、威淸、普安、安南諸衞。貴陽西數千里,盡爲賊據 城上,贼棄籠去,官軍出燒之。 一礮石,夜縋死士燒其樓。 賊叉作竹籠萬餘,土壘之,高踰睥睨。 數出城邀賊糧,賊怒,盡發城外塚,徧燒村砦。 永安急撤大寺鐘樓建 又先後攻陷

月七日,抵貴陽城下,圍始解。 參將范仲仁赴援,遇賊甕城河。仲仁戰不利,時逢擁兵不救,遂大敗,諸將馬一龍、白自强 之。會彥芳等出戰頻得利,賊退保澤溪,至乃遣裨將商士傑等率九千人分控威淸、新添二 等殲焉,援遂絕。 衞,且乞援兵。贼謂城必拔,沿山列營栅隔內外,間旬日一來攻,輒敗去。副總兵徐時逢、 糧」,城中果大困。川貴總督張我續、巡撫王三善擁兵不進,棲、永安連疏告急,詔旨督責 六十萬,言官交劾,解職候 士卒雖委頓,皆强起斫賊,賊皆顚踣死城下。王三善屢被嚴旨,乃率師破重圍而進。十二 初被圍,彥芳、運淸來救,敗賊於新添。 賊誘入龍里,二將皆敗,乃縱之入城曰「使耗汝 賊聞三善將進兵,益日夜攻擊,長梯蟻附,城幾陷者數矣。<br />
摆奮臂一呼, 勘。 **||標乃辭兵事,解官去。||三善旣破賊,我續無寸功,乾沒軍資** 

[相噉。|彦芳、運濤部卒公屠人市肆,斤易銀一兩。|棲盡焚書籍冠服,預戒家人,急則自 方官廩之告竭也,米升直二十金。 我續,邯鄲人,刑部尚書國彥子。 其後夤緣魏忠賢起戶部侍郎,進尚書,名麗逆案云。 食糠覈草木敗革皆盡,食死人肉,後乃生食人,至親

屬

元 功。 IE 乃 尚 功,迄不敍。六年秋,御史田景新頌標功,不納 獨永安在朝,連擢太常卿、右僉都御史,巡撫寧夏,再以兵部右侍郎總督三邊。 官,當召還;錫元已進參政,當更優敍。 運清因交搆其間,三人遂相失。永安詆錫元議留身守城,欲輸城於賊,橒亦與謀,兩人上章 史張應辰力頌摆功。 再敍功,御史蔣允儀言安位襲職時,標索其金盆,致啓釁。章下貴州巡按侯恂覈。未報,御 咨橒, 摆止永安。 盡,皆授以刀繯。城中戶十萬,圍困三百日,僅存者千餘人。「云孤城卒定,皆棲及永安、錫 上疏 廣 書王永光等議 寧新 崇禎元年,給事中許譽卿再以金盆事劾橒。 吏部尚書趙南星、左都御史孫瑋等力爲三人解,而言永安功第一,當不次大用,標已進 初,永安遣運淸往新添、平越趣援兵,懼共不濟,欲出城督之。 熹宗用都御史<br />
鄒元標言,進<br />
護兵部右侍郎,永安太僕少卿,<br />
錫元右參政。 曰:「安、奢世爲婚姻,同謀已久。奢寅 破之日,舉朝皇皇,已置不問。 如羽健言,給事中余昌祚詆羽健曲庇。 及錫元當絕食時,議發兵護標、永安出城,身留死守,永安亦疑錫元。而 恂覈上,亦白其誣。帝責允儀 韶可之。然摆竟不召, 錫元亦無他擢, 二人並還里。 後知標不死,孤城尚存,始命王三善往救,至則圍 **| 寇蜀,邦彦卽寇黔,何用** 帝召咨廷臣,獨御史毛羽健爲橒解 帝下川貴總督朱燮元等再覈,羽健 錫元疑永安有去志,以 激 變?當貴陽告急, 摆及諸將吏 及圍解,當

列

傅

第

一吏部

襄,非摆扼其衝,東南盡塗炭。 以永安誇書爲橒罪。案金盆之說發自允儀,當年已自承風聞,何至今猶執爲實事 已十月。 亦爭爲摆頌冤。 變元乃偕巡按御史趙洪範交章雪其枉,標事始白。 ,崇明欲取成都作家,邦彥欲圖貴陽爲窟,西取雲南,東擾偏 乃按臣 ,永安不二三載躋卿貳,督師三邊, 標則投閒 一』貴州人 沅 林壑,又 荆

錫元,長洲人。崇禎中,任寧夏參政。

九年冬,敍守城功,進一秩,賚銀幣。

**人之**卒於家。

永安,武定人。 共摆城守,功多。 以在邊時建魏忠賢祠,後爲御史甯光先論罷,不爲人

所重云。

三黨抨擊李三才,三善自請單騎行勘,遂爲其黨所推。 王三善,字彭伯,永城人。 萬曆二十九年進士。由荆州推官入爲吏部主事。 歷考功文選郎中,進太常 少卿 齊、楚、浙

彦亦反,圍貴陽。 天啓元年十月擢右僉都御史,代李標巡撫貴州。 **摆及巡按御史史永安連章告急,趣三善馳援。** 時奢崇明已陷重慶。 三善始駐沅州,調集兵食。 明年二月,安邦

一次鎭遠,再次平越,去貴陽百八十里,方遣知府朱家民乞兵四川。 兵未至,不敢進。

便宜從事,給空名部牒,得隨才委任。帝悉報可。

陸 安請三善入城。 直前斬其頭,賊衆披靡。三善等大軍亦至,遂奪龍里城。 元模、明楷連敗賊,其渠安邦俊中礮死,生獲邦彥弟阿倫,遂抵貴陽城下,賊解圍去。 次新安,抵龍頭營。超前鋒遇賊,衆欲退,斬二人乃定。 人,與參議向日升,副總兵劉超,參將楊明楷、劉志敏、孫元謨、王建中等由中路,當賊鋒。舟 分兵為三一副使何天麟等從淸水江進,爲右部,僉事楊世賞等從都勻進,爲左部,自將二萬 廣河。 至十二月朔,知貴陽圍益困,集衆計曰:「失城死法,進援死敵,等死耳,盍死敵乎。」乃 邦彥疑三善有衆數十萬,乃潛遁,餘賊退屯龍洞。 居數日,左右二部兵及湖廣、廣西、四川援兵先後至。 三善曰:「賊兵不遠,我不可卽安。」營於南門外。 賊酋阿成驍勇,超率步卒張良俊 諸將議駐師觀變,三善不可,策 官軍逐奪七里沖,進兵畢節舖 明日,破賊澤溪。 賊走渡 標、永

别 搗安位巢,以世賞監之,總兵官張彥芳渡鴨池,搗邦彥巢,以天麟監之。漢、土兵各三萬。 大寨,諸將益 將都司 三善以二萬人破賊十萬,有輕敵心,欲因糧於敵。 線補袞出黃沙渡。 輕敵。 邦意先合崇明、效良兵誘官軍深入。三年正月、超渡陸廣,賊薄之,獨 剋期並進。 超等至陸廣,連戰皆捷,彥芳部將秦民屏亦破賊五 舉超爲總兵官,令渡陸廣,趨大方,

列

攻 Щ 破 土 鴨 官 蒙 池 軍 詔 ,部將覃弘 先 遁 官軍 化 大 先逃, 敗, 爭渡河, 諸 營盡潰 超走免,明楷被執,諸將姚旺 了 彦芳 退保 威清 惟 補 袞 軍 等 獨 全 二十六人 殲 焉。 賊逐

以 多 求 賊 奪氣 定番 道 持 徇 退。 復 建 令宋 乘 不 路 時 萬 中 諸 崇 皆通 賊 間 化 苗 可。 不 羣 萬 劉 乃 許 明 陷 苗 見王 不 志 化、吳楚漢為 普安。 父子屢敗, 知 三善排羣議 復 敏救青巖 會崇明 效順 漆 楚漢敗,詐降。 師 三善又夜遣 失 , 總督楊述 ,三善給黃幟,令樹 利,復鑑起。 爲 邦彦教之,爲川 ", 以 閏 左右 JII 繼祖燔 建中、 師所窘,逃入貴州 騎掠樵採者。 中駐 翼, 十月,自 三善佯 上、中 自將 土 酋. 繼 沅州 祖搗 許,而 趨 何 "營中。 下三 將六萬 師 貴陽, 中 畏賊。 楚漢 敗 尉 軍中 走。 令諸 一牌及賊一 龍場, 進 八 人渡鳥江,次黑石 邦 據 -乏食, 、姑蕩, 遠近大 朝 彦 總 將捲甲趨之。 龍 命 望 理 依 白 漫趣, 里, 見不 邦彦。 魯欽等剿擒中尉,彥芳 諸將請退師。 燔莊 震。 五 十十 而 敢出 邦彦 始移鎭遠。 三善 砦 <del>兽</del>, 三善議 二百餘 建中亦 萬化 ,增兵守鴨池、陸廣諸 使李 急遣遊 連敗賊, 倉皇出 會 阿二 薄 三善怒曰:「汝曹欲退, 播賊 師進討, 摩祁 議 而 圍 與三善左,三善屢 斬前 攻之。 戰,被擒,邦彥爲 四十八 「靑巖, 亦追賊 繈 祖 述中 逃將覃弘化 等 賊 莊 斷定番餉 鴨池 取 野諸 要 溺 龍 龍 害 死 一而 里、 將 無

不

如

斬

吾

首詣

賊

降。」諸將乃不

·敢言。

三善募壯

土逼

漆山

緋衣峩冠,

肩輿張

蓋,

自

督

陣,

賊倉皇拔棚

爭山,將

棚

Щ

日遣

遊

將

士曰:「戰不捷,此卽吾致身處也。」旁一山頗峻,麾左軍據其顚。

殊死戰,賊 大敗,邦彦狼 狽 走。

金 獻 邦彦。 先所陷將楊 三善 渡渭 往返之間 河 明 降者 楷 ,賊得用 乃 得 相 漫。 繼 計 位窘, 爲 師 備 抵 大方, 遣使詣 三善以賊 入居安位第。 述中請 方 平, 降。 議 述中 位偕 郡 縣 母奢 令 其 縛崇明 地 社 諸苗 輝 父 走火灼 子 及土司 自 贖 堡, 咸 邦彦 惴恐,盆 一善責 鼠 幷

合

於邦彦。

三善先;

約

四川

總兵官李維新

滅賊,以

前

乏辭

賊

仰 至是 還救 擁 躡之。 之去。 以 要撫。 遇 士卒多奔。 成賊 善 H ,其愚故 罵不屈,遂遇害。 軍 屯 具仰遣人馳蠟書於外,被殺。 參將 大方 久, 王 《縱轡衝三善墜馬。 陳其愚者,城 建中、副 食盡, 述中弗 同 總兵秦民屏 知梁思泰、主事 心腹,先詐降,三善信之,與籌兵事, 爲 援, 三善知有變,急解印綬付家人,拔刀自刎, 戰歿。 不 得 田景猷等四十餘 已 官軍 議退師。 一行且 戰,至內莊,後軍爲 四年正月盡焚大方廬舍 人皆死。 故軍 賊拘監軍副 中虚 賊 實戝 不 所斷。 殊,羣 而 無 使 東, 不知 三善 岳

具

賊

行 急,不能持重,竟敗。 不 視,日:「 三善倜 崇禎改元,贈兵部尚書,世廕錦衣僉事,立祠祭祀。 吾方辨賊,奚暇及此? [儻負氣,多權略。 先以解圍功,加兵部右侍郎,旣歿,巡按御史陸獻明請優卹,所司 家中州,好交四方奇士俠客,後輒得其用。 且朝議戰守紛紛,閱之徒亂人意。」 九年冬,再敍解圍功,贈太子少保。 其堅決如此。 救貴陽時,得邸報 然性卞

列

傅

第

百

三十

七

王

Ξ

善

書,阻餉道,遮援師,則彼不勞一卒,不費一矢,而我兵已坐困矣。」後悉如其言。 不足平。 大方之役,御史貴陽徐卿伯上言:「邦彥招四方奸宄,多狡計。 不知澤溪以西,渡陸廣河,皆鳥道,深林叢箐,彼誘我深入,以木石塞路, 撫臣得勝驟進, 視蠢苗 斷其郵

岳 具仰,延安人。舉於鄉,歷瀘州知州,戶部郎中。 貴州亂, 朝議具仰知兵,用爲監軍

副使。 內莊之敗,監軍四人,其三得脫還,惟具仰竟死。

玩以誘之,不爲動。 方主事。 二年,至是遇害。 田景猷、貴州思南人。天啓二年甫釋褐、憤邦彦反、疏請賷敕宣諭。 賊方圍貴陽,景猷單騎往,曉以禍福,令釋兵歸朝。 具仰贈光祿卿、景猷太常少卿,並錄其一子。 賊乃留景猷,遣其徒恐以危禍。 景猷怒,拔刀擊之,其人走免。 邦彦不聽,欲屈景猷, 廷議壯之,卽擢 羈賊中 日陳寶 職

楊明楷者,銅仁烏羅司人。 內莊之敗,明楷爲中軍,免死。 後從魯欽討長田賊,

終副總兵。

服。 府。 奉三善命,乞援兵於四川,又借河南兵,共解 朱家民,字同人,曲靖 丁父憂,奪情,擢安普監軍副使,加右參政。 人。 萬曆三十四年舉於鄉, 崇禎時,就遷按察使、左布政,以平寇功, 乃撫傷殘,招流 爲涪州知州。 移,寬徭賦,遠邇悅 天啓二年官貴陽知

列 傅 第 百 Ξ 十 七 蔡 復

井畢 是相 陷 斷 加 溺。 之棧,而道始通 o 棒 備 度盤江 其後 一級。 家民倣瀾 **季** 苗 路 西坡 雖 久之,致仕歸,卒。 惕 通,羣苗 滄橋制, 冶鐵爲桓三十有六, 長數百丈, 貫兩崖之石而懸之, 覆以板, 息,行旅晏然。 、板橋、海子、馬場諸 **猶出沒** 爲 自邦彦始亂,雲、貴諸土酋盡反,攻陷安南等上六衞 盤江 患。 家民 居雲、貴交,兩山 要害,築石城五,宿兵衞民。 叉於其 率參將許成名等討平盤江 「夾峙,一 水中絕,湍激迅悍,舟濟者 外阿野、 間築六城,廨舍 魯頗諸砦,於 ,雲南路 類於 多 廬

蜀

+ 布 政使。 年 ,始遷湖廣參政,分守湖北。 蔡復一,字敬夫,同安人。 萬曆二十三年進士。 進按察使、右布政使,以疾歸。 除刑 部主事,歷兵部郞中。 光宗立、起故官、遷山 居郎署十 西左

安邦 便宜 勞徠拊 從事。 **彦**反,貴州巡撫王三善敗歿,進復一兵部右侍郎代之。 天啓二年以右副都御史撫治鄖陽。 循,人心始定。 復一乃召集將吏, 尋代楊述中總督貴州、雲南、湖廣 申嚴紀律。 歲大旱,布衣素冠,自繫於獄,遂大雨。 遣總理魯欽等救凱里,斬賊衆 軍務,兼巡撫貴州。 兵燹之餘, 斗米值一金, 日復 五 一百餘。 賜尚· 奢崇明、 賊 方劍, 圍普

算。 掎 敗,遁深箐,斬首 定, 金 珍 角平 反 者, 遣 從 復 一多將 邦彦 賊。 贼 以 Ŧi. 巢也,緣道 尹 隣 帝 百。 伸 恋 境 復 可 不 副 欽 之。 協 與總 干 使 討, 皆 級。 楊 因 重 世 兵 致贼未滅, 黄鉞 命廣西 關 賞 窮搜不 疊隘,木石塞 救, 等復破 却 得邦彦,乃班 雲南、四川 之,搗其巢,斬首千二百 請敕 賊 於汪 四 Щ Ш 徑。 諸 家 出 師 沖 郡 將 兵遵義, 隣 、蔣義案, 是役 土 貴州者, 用 也,焚贼巢數十 巨斧開之,或攀籐穿竇 抵 級。 水 聽復 斬首二千二百, 西, 發兵通 一節制 雲南出 盤 里,獲牛馬、甲仗無 江 兵霑益、抵烏撒 路 長 小斬 驅 而 入。 織 逆 金 贼 戦

爲 道, 兵皆 變元 右 **介**復 僉 不 亦 五. 都 至 以 年 尙 御 正 專督 史,代撫 復 書督 月 欽 五. 自劾 四 等旋 路 川 貴 師 州 湖廣 師渡 因論 御 河。 史 事 陝西 楊 權 賊 不 維 諸 從後 <del>\_</del>, 垣 軍 獨言變元 以以 故敗。 襲擊,諸營盡潰,死者數千 故 復一節制 巡按: 不 可 御史傅宗龍 易, 不 帝從之,解復一任 行 於 (境外) 亦以 人。 0 爲言,廷議 欽等深 時復一爲總督,而朱 聽 入, 勘, 移變元 四川 而 以 雲南 王 督 瑊 泂

風 學 級。 遁。 贼 復 撫之, 又遣劉超等討平越苗 安 候 亦未 效良首助 代,仍拮 定。 据兵事,與宗 及是 邦 彦陷 見雲南 阿秩等,公破百七十砦,斬級二千三百有奇。 霑 益 **心龍計** 、雲南 出 師 ) 剿破烏粟、螺蝦、長田 ,懼,約 巡撫沈儆 邦彦犯曲靖、 **炌遣兵討之**, 尋甸 及兩江十五 未定, 復 遷侍郎 遣許 **砦叛苗** 成名往援,賊望 至十月,復一卒 去。 小斬 代者閔 1 百餘 洪

於平越 軍 中。 計聞,帝嘉其忠勤,贈兵部尚書,諡淸憲,任一子官。

復 一好古博學,善屬文,耿介負大節。 既殁,橐無遺貲。

城旣至,見邦彦不易平,欲解去。 夤緣魏黨李魯生,遷南京戶部右侍郎。 崇禎初,被劾

歸。流賊陷應城,遇害。

南 左布政使,入爲光祿卿。 沈儆炌,字叔永,歸安人。 四十七年以右副都御史巡撫雲南。 父子木,官南京右都御史。 儆炌登萬曆十七年進士。 神宗末,詔增歲貢黃金一 歷河

千, 做炌疏爭。 會光宗立, 如其請。

**霑益,李賢陷平夷,祿千鍾** 雲龍州土舍段進忠掠永昌、大理,日、儆炌討擒之。 犯尋甸、嵩明、張世臣攻武定、邦彦女弟設科掠曲靖、轉寇陸凉。 安邦彦反,諸土目並起。安效良陷 賊轉寇尋甸,

初,復官,卒於家。 洪學至,乃以兵事委之去。 做 於 起 故 參 將 雲 南 復大敗去。 乃請復善故官,與諸將分討賊,數有功。 子胤培,禮科都給事 人袁善,令率守備金爲貴、土官沙源等馳救嵩明,大破之。 後拜南京工部尚書,爲魏忠賢黨石三畏所刻,落職閒住。 中。 會做於遷南京兵部右侍郎,而代者閔

洪學旣至,亦任用袁善。 賊陷普安,圍安南,善攻破之,通上六衞道。王三善之殁,六

列

傳

饵

百三

十七七

蔡

彼

廟,從之。魏忠賢等並進秩,廕子。 年,御史朱泰禎核上武定、嵩明、尋甸破賊功,大小百三十三戰,斬四千六百餘級,請宣捷告 復梗,善護御史傅宗龍赴黔,道復通。已而敗安效良於霑益,又敗賊於炎方、馬龍。 善加都督同知,世廕錦衣指揮僉事。 崇禎初,卒官。 七

巡新鎭道,從儀進副總兵。當是時,鴻圖駐平越,轄下六衛,參議段伯於駐安莊,轄上六衞。 |彥屢敗,賊返故巢。鴻圖、從儀等攻之,破焚一百餘寨,斬首千二百餘級。 千餘里間,奸宄屛息,兩人力也。 胡從儀及都司張雲鵬軍,分道搜山,所向摧破。 積軍功至知府。 周鴻圖,字子固,卽墨人。起家歲貢生,知宿遷縣。 會勻哈叛苗與邦彦相倚爲亂。 鴻圖終陝西參政。 天啓六年春,巡撫王瑊及御史傅宗龍使監 會聞魯欽敗,賊復趨龍場助邦彦。已而邦 以侯恂薦,遷貴陽同知,監紀軍事, 鴻圖擢副使,分

普定,偕從儀擊破之,由此擢參議 伯 炌 ,雲南晉寧人。 由鄉舉為鎭寧知州。 力担安邦彦,超擢僉事, 分巡鎭寧。 邦彦寇

後叉 督僉事。 與諸將平老蟲添。 胡從儀, 黔人愛之、為立眞將軍碑。 山西人。 崇禎 天啓四年以遊擊援普定,功多。 三年討平苗賊汪狂、抱角,召爲保定總兵官,卒於京邸。 旣而破賊長田。 以參將討平匀哈 贈都

開屯設衞,不亟亟焉郡縣其地, 贊曰:審、安之亂,竊發於蜀,蔓延於點,勞師者幾十載。 以蹈三善之覆轍,而西南由茲永寧, 燮元戡之以兵威, 因俗制宜, 庶幾可方趙營平之制

羌、 韋南康之鎭蜀者歟。

#### 校勘記

遣人言賊將羅乾象欲反正 羅乾象,原與倒作「羅象乾」,據本書卷三一二永寧宣撫司傳、 }明

史稿傳一二八朱燮元傳、熹宗實錄卷一三天啓二年正月乙丑條改。 下同。

蒸宗實錄卷一○天啓元年十月己丑條都作「右副都御史」。按下文言「錄功、進燮元右都御史」、 卽擢燮元右副都御史巡撫四川 右副都御史,原作「僉都御史」。 明史稿傳一二八朱燮元傳、

廣東嶺南道右參議 嶺南道,明史稿傳一二八朱燮元傳附徐如珂傳作「嶺東道」。

應以作「右副都御史」是,今改正。

[24] 而急遣總兵官張彦芳 張彥芳,原作「張彥方」,據本書卷三一六及明史稿傳一九○貴陽傳改。

下同。

列傳第一百三十七 校勘記

八五 賊退保澤溪 澤溪,明史稿傳一二八李摆傳作「宅溪」。

僅存者千餘人 本書卷三一六及明史稿傳一九〇貴陽傳、 又明史稿傳一 二八李摆傳都作 僅

餘二百人」。

斗米值一金 明史稿傳一二八蔡復一傳作「斗米銀八錢」。

又遣劉超等討平越苗阿秩等 阿秩,本書卷二七〇魯欽傳作「阿秧」。

雲龍州土舍段進忠掠永昌大理 段進忠,原作「段進志」,據明史稿傳一二八蔡復一傳附沈儆

ᢢ傳、國權卷八四頁五一八四改。

## 明史卷二百五十

### 列傳第一百三十八

### 孫承宗子參等

邊郡。 孫承宗,字稚繩,高陽人。貌奇偉,鬚髯戟張。與人言,聲殷牆壁。 往來飛狐、拒馬間,直走白登,又從統干、清波故道南下。喜從材官老兵究問險要阨 始爲縣學生,授經

塞,用是曉暢邊事

宗。 攖黨人忌,將以大計出諸外,學士劉一燝保持,乃得免。 保、劉成而上,不可深問也。」道南如其言,具揭上之,事遂定。 對曰:「事關東宮、不可不問;事連貴妃,不可深問。龐保、劉成而下,不可不問 萬曆三十二年登進士第二人,授編修,進中允。「梃擊」變起,大學士吳道南以諮承 歷諭德、洗馬。 出典應天鄉試,發策著其語 也;龐

|熹宗卽位,以左庶子充日講官。 列 傳 第 百 Ξ + 八 孫 承 宗 帝每聽承宗講,輒曰「心開」,故眷注特殷。 天啓元年

臣 進 亦皆 少詹 以承宗 事。 時 瀋 知 兵, 遼相 遂推 繼失, 爲兵部 舉朝洶洶。 添設侍郎, 御史方震孺 主東事。 帝不欲承宗離講筵,疏再上不許。 請罷兵部尚書崔景榮,以承宗代。 廷

年擢

禮

部

右侍郎,協

理詹事府

監 承宗· 請 邊。 者 臣 指 民、簡京軍 陵其上。 天下當 亦 幸 發。 軍 逮 衆矣 梁 給給 ·旦暮 上疏曰:「邇年兵多不練,餉 未幾, 帝亦急東事,遂拜承宗兵部尚書兼東閣 之垣 重將 事 以武 邊疆 無 中 · 、增 大清兵逼 、薊州兵備邵 略 明 事 權 時舉、 永平 , 而 備邊,而 小 勝 擇 言 小敗 大帥 一沉雄有氣略者,授之節鉞,得自辟置偏 路 御 廣寧,王化 日 日增置文官於幕。 史李達, 、修薊鎭亭障、開京東屯田 ,皆不足問,要使守關無闌 益 可立,以警在位之骯骸者。 紛 败。 以 多不 貞 懲四 承宗 棄城走, 覈 川之招 乃請 以邊任經、 以將用兵,而以文官招練。 熊廷弼與俱入關。 大學士 下 兵致 延剛 入,而 數策, 念者。 於 諸人以次獲譴,朝右聳然,而 入直辦事 撫,而 理 徐爲 , 與化貞 帝褒納焉。 叉請詰 日問戰守 裨以下, 恢 o 復 兵部尚 越數 並識, 責 計。」因列 遼東巡按方震孺、登萊 於朝 勿使文吏用 日 以將 書張鶴鳴懼罪, 時邊警屢告, 用正朝士黨護。 ,命以閣臣掌部務 臨陣, Ŀ 此極 一撫西 侧目 弊也。 而以文官 小見沾 部、恤 閣部 怨咨 出行 沾 叉 遼

兵部尚 書王在晉代廷剛經略遼東,與總督王象乾深相倚結。 象乾在薊門人, 習知西部

列

皆附和之。 守,將盡撤藩籬,日鬨堂奧,畿東其有寧字乎。」在晉無以難。承宗乃議守關外。 泰主覺華島, 等力爭 京 用 種類情性,西部亦愛戴之。 加太子太保,賜蟒王、銀幣。 可入也。」曰:「若此,則敵至而兵逃如故也,安用重關。」曰:「將建三寨於山,以待潰卒。」曰: 如 里內,新 否,當更設兵。」曰: 兵未潰 節。」 西部 不 可守,則 不能 襲廣寧, 在晉乃請於山海關外八里舖築重關, :城背卽舊城趾,舊城之品坑地雷爲敵人設,抑爲新兵設乎?新城可守,安用舊城? 而築寨以待之,是敎之潰也。 得,奏記於首輔葉向高。 袁崇煥主寧遠衞。 、四萬新兵倒戈舊城下,將開關延入乎,抑閉關以委敵乎。] 曰:「關外有三道關 象乾基之曰:「得廣寧,不能守也, 「如此,則八里內守兵八萬矣。一片石西北不當設兵乎? 然實無他才,惟啖以財物相羈縻,冀得以老解職而 抵關, 詰在晉曰:「新城成, 即移舊城四萬人以守乎。」在晉曰: 在晉持不可,主守中前所。舊監司邢愼言、張應吾逃在關, 向高 且潰兵可入,敵亦可尾之入。今不爲恢復計,畫關而 曰:「是未可臆度也。」承宗請身往決之。 用四萬人守之。 獲罪滋 大。 其僚佐袁崇煥、沈棨、孫元化 不如 重 關設險,衞山 已。 且築關在八 監軍閻鳴 帝大喜, 在晉謀 海 以衞

遊擊左輔名駐中前,實不出八里舖。 初 ,化貞等旣逃,自寧遠以西五城七十二堡悉爲哈喇愼諸部所據,聲言助守邊。 承宗知諸部不足信,而寧遠、覺華之可守,已決計將自 前哨

必不可近關門,杏山之難民必不可置膜外。不盡破庸人之論,遼事不可爲也。」其他制置軍 其畏敵之心以畏法,化其謀利之智以謀敵,此臣與經臣罪也。 在晉發之,推心告語凡七晝夜,終不應。還朝,言「敵未抵鎭武而我自燒寧、前,此前日經、 傾言等,而八里築城之議遂熄。 事又十餘疏。帝嘉納。 之版築,曷若築寧遠要害以守。八里舖之四萬人當寧遠衝,與覺華相掎角。 撫罪也,我棄寧、前,敵終不至,而我不敢出關一步,此今日將吏罪也。 上卒旁出三岔,斷浮橋,繞其後而橫擊之。卽無事,亦且收二百里疆土。總之,敵人之帳幕 無何,御講筵,承宗面奏在晉不足任,乃改南京兵部尚書,并斥逃臣 與其以百萬金錢浪擲於無用 將更匿關內,無能轉 敵窺城,令島

民,副將李承先練騎卒,參將楊應乾募遼人爲軍。 應芳繕甲仗,司務孫元化築礮臺,中書舍人宋獻、羽林經歷程崙主市馬,廣寧道 總兵江應詔定軍制,僉事崇煥建營舍,廢將李秉誠練火器,贊畫善繼、則古治軍儲,沈樂、杜 主採木。 畫,請帑金八十萬以行。 軍務,便宜行事,不從中制,而以鳴泰爲遼東巡撫。 在晉旣去,承宗自請督師。 而令遊擊祖大壽佐金冠於覺華, 帝特御門臨遣,賜尙方劍、坐蟒,閣臣送之崇文門外。 詔給關防敕書,以原官督山海關及薊、遼、天津、登、萊諸處 副將孫諫助趙率教於前屯,己遊擊魯之甲拯難 承宗乃辟職方主事鹿善繼、王則古爲贊 旣至關,令 萬有孚

列 傅 第 百 = + 八 孫 承 宗

鳴

泰之爲

巡撫也,承宗薦之。後知其無實,軍事多不與議。

求去,承宗亦引

鳳

守前 誾 毛文 朝 兵萬 意 節 龍 一餘,以 屯 制 方急遼,弗許 是時,關 於 且爲 盡 東江 Ź 驅 世龍請尚方劍。 甲所救難民七千發前屯爲兵。 上兵名七萬,顧無紀律,冒餉多。 哈喇愼諸部, 令復 也。 四 衞。 應詔被劾 檄登 撫場猶在八里舖。 帝皆可之。 ,承宗請用馬世龍代之,以尤 帥沈有容進據廣鹿 世龍旣受事,承宗爲築壇,拜行授鉞禮 應乾 象乾議開 承宗大閱,汰逃將數百人,遣還河南、眞定疲 所募遼 島。 水關, 卒出 欲以春 世祿、 戍寧遠,咨朝鮮 撫之關內。 防躬詣登、萊商 王世 欽 承宗不 為南 使助聲 進取, 北 可, 帥 率 援。 聽 乃定 敎 而 Ë 中 犒 世

於高

臺

堡。

**令**東 子、虎、豹 聞之,立疏言:「中使觀兵,自古有戒。」帝溫旨報之。 四 復 干五五 功。 廠 時 遣 承宗下檄日 大清兵委廣寧去,遼遺民入居之。 人 齎 諸幣頒資將士,而賜承宗蟒服、白金慰勞之,實覘軍 人詣 內 庫 關門,具 神礮、甲仗、弓矢之屬數萬至關門,爲軍 ::「西部殺我人者,致罰 事狀奏報,名曰「較事」。及魏忠賢竊政 插漢部以告有孚,有孚謀挾西部乘間殲之, 如盟言。」是役也, 使者至,具杯茗而 中 ·用,又以白金十萬,蟒、麒麟、獅 也。 ,遣其黨劉朝、胡 全活千餘人。 鳴泰怏怏 承宗方出關巡寧遠,中路 已。 帝好察邊情,時 良輔、紀用 冒恢 等

言官共留 承宗,詆鳴泰, 巡關御史潘雲翼復論劾之。 帝乃罷鳴泰,而 以張鳳翼代。

乾恐壞撫局,令朗素縛逃人爲殺楹者以獻,而增市賞千金。<br />
承宗方疏爭,而象乾以憂去。 可 o 世 · 宗煥、滿桂守之。 先是,虎部竊出盜掠,率敎捕斬四人。 而承宗所遣王楹戍中右,護其兵出採木,爲西部朗素所殺。承宗怒,遣世龍剿之。 請守中後所,而崇煥、善繼及副將茅元儀力請守寧遠,承宗然之,議乃定。 復主守關議 承宗不悦,乃復出關巡視。 抵寧遠、集將東議所守。 象乾欲斬率教謝虎部,承宗不 衆多 如鳳翼指,獨 令大壽興 象

關計。 世龍 何 戰守可否 我 門庭外,勢旣辨。 撫 近 而悞天下也。」復爲世龍辯,而發有字等交搆狀。 如 敕廷臣 移駐寧遠。 而 ,以越承宗。 承宗患主款者撓己權,言督師、總督可勿兼設,請罷己,不可,則弗推總督。 幷請以遼 給事中解學龍遂極論世龍罪。 敵遠。 倘 臣言不當,立斥臣以定大計,無紆迴不決,使全軀保妻子之臣附合衆喙,以殺臣一 興舉,再察敵人情形果否坐待可以消滅。 雑 議主、客之兵可否久戍,本折之餉可否久輸,關外之土地人民可否捐棄,屯築 我不進逼敵, 敵將進而逼我。 帝命止總督推。 我促敵二百里外,敵促我二百里中,勢又辨。 無何,有孚爲薊撫岳和聲所劾,益疑世龍與崇煥搆陷,乃共爲浮言,撓出 而鳳翼謂置已死地也,因大恨。 承宗憤,抗疏陳守禦策,言三「拒敵門庭之中,與拒諸 今日卽不能恢遼左,而寧遠、覺華終不可棄。 臣不敢爲百年久計,祗計及五 與其鄉人雲翼、有字等力毁 蓋廣寧,我遠而敵近,寧遠, 年間究竟

用先 漢 ,乾沒多 督薊 有孚 者,故侍郎世德子也,爲廣寧理餉同 遼, 至 是以承宗言被斥。 代象乾。 承宗惡本兵趙彦 鳳 翼 亦 多中 以憂 知。 制, 歸, 城陷 稱 喻安性代。 疾求罷, 逃歸,象乾題爲 舉彦 而 廷臣 自代以困 言總督 廣寧道 之, 不 愈事,專 可 廷議 裁, 撫插 命吳 不 可

不 而 二 十· 止 ( ) 文移 应 時 萬 寧遠城工竣,關外守具畢備。 往復稽緩之。」承宗 則 功可立奏。」帝 命 所司 再疏促, 給之。兵、工二部相 承宗圖大舉,奏言:「前哨已置連山、大凌河,速界臣餉 具以情告。 帝爲 飭諸曹 與謀曰:「餉足,渠卽妄爲 广, 而 師竟不果出 不 如許而

王化 而 賜 承宗 一弗省。 貞之勞, 初 方震孺 坐蟒、膝襴,佐以金幣。 會承宗敍五 請 游士任 趸 死遣戍。 、李達、明時舉之譴,承宗實劾之,後皆爲求宥。 防效勞,諸臣 朝端 譁然。 且引疾乞罷,乃遣 給事 中顧其仁、許譽卿,御史袁化中交章論駁,帝 中官劉應坤等齎帑金十萬犒將士, 復稱楊鎬、熊廷弼、

往 賢 在 由 不宗擁兵數萬將清君 講筵,每奏對輒有入,乃請以賀 是大憾。 當是時, 忠賢益 會忠賢逐楊連、 盜柄。 一側, 以承宗功高,欲親附之,今應坤等申意。 趙南星、高攀龍等,承宗方西巡薊、昌。 兵部侍郎李邦華爲內主,公立虀粉矣! 聖壽入朝面奏機宜,欲因是論其罪 承宗不與交一言,忠 念抗 一忠賢 魏 廣 疏帝未必親覽, 悸甚,繞御牀 微聞之,奔告

列

傳

第

百

三十

八

其黨李蕃、崔呈秀、徐大化連疏詆之,至比之王敦、李懷光。承宗乃杜門求罷 入。承宗抵通州,聞命而返。忠賢遣人偵之,一樸被置輿中,後車鹿善繼而已,意少解。而 夜啓禁門召兵部尚書入,令三道飛騎止之。又矯旨諭九門守閹,承宗若至齊化門,反接以 帝亦爲 心動,令內閣擬旨。 次輔顧秉謙奮筆曰:「無旨離汛地,非祖宗法,違者不宥。」

請。 書崔景榮持之,乃下詔勉留,而以簡將、汰兵、清餉三事責承宗奏報。承宗方遣諸將分戍 百餘人,語詳世龍傳。 汰軍萬七千餘人,省度支六十八萬。而言官論世龍不已。至九月,遂有柳河之敗,死者四 錦州、大小凌河、松、杏、右屯諸要害,拓地復二百里,罷大將世欽、世祿,副將李秉誠、孫諫, 賜蟒服、銀幣,行人護歸。 先已屢加左柱國、少師、太子太師、中極殿大學士,遂加特進光祿大夫,廕子中書舍人, 五年四月,給事中郭興治請令廷臣議去留,論冒餉者復踵至,遂下廷臣雜議。 於是臺省劾世龍幷及承宗,章疏數十上。承宗求去益力,十月始得 而以兵部尚書高第代爲經略。 無何,安性亦罷,遂廢巡撫不設。 吏部尚

門兵 而 但 此。 給 八止存五 <u>Ті.</u> 承宗在關四年,前後修復大城九、堡四十五,練兵十一萬,立車營十二、水營五、火營 萬人餉足矣。」第果以妄言引罪。 ,<br />
第力扼承宗,<br />
請撤關外以守關內。 萬,言者益以爲承宗罪。 承宗告戶部曰:「第初莅關,嘗給十一萬七千人餉,今 後忠賢遣其黨梁夢環巡關,欲傅致承宗罪,無所得 承宗駁之,第深憾。 明年,寧遠被圍,乃疏言關

初

一、前鋒後勁營八,造甲冑、器械、弓矢、礮石、渠答、鹵楯之具合數百萬,拓地四百里,開屯

鼓 軍二千與岱合,而發密雲兵三千營東直門,保定兵五千營廣寧門。 棟登陴固守。 門,道亡其三,疾馳抵 事務,仍參帷幄。」趣首輔韓爌草敕下所司鑄關防。 器械,厚犒勞,以固人心。」所條畫俱稱旨。 帝稱善,曰:「若何爲朕保護京師。」承宗言:「當緩急之際,守陴人苦饑寒, 世祿駐通州 承宗奏。「臣聞袁崇煥駐薊州,滿桂駐順義,侯世祿駐三河,此爲得策。 臺省交口詆 五千頃,歲入十五萬。後敍寧遠功,廕子錦衣世千戶。 mi 畢, 詔以原官兼兵部尚書守通州,仍入朝陛見。 烈帝卽位,在晉入爲兵部尚書,恨承宗不置,極論世龍及元儀熒惑樞輔壞關事 復出閱重城。 承宗 ,似未合宜。」帝問 而大清兵已薄都城, ,以沮其出。二年十月,大清兵入大安口,取遵化,將薄都城, 通,門者幾不納。 明日夜半,忽傳旨守通州。 | 「卿欲守三河,何意。」對曰:「守三河可以沮西奔,遏南下。」 乃急遣遊擊尤岱以騎卒三千赴援。 旣入城,與保定巡撫解經傳、御史方大任、總兵 帝曰:「卿不須往通,其爲股總督京城內外守禦 承宗至,召對平臺。 時烽火偏近郊,承宗從二十七騎出 承宗出,漏下二十刻矣,即周閱都城 以其間遣將復馬蘭 又聞尤世威回昌平, 旋遣副將劉 帝慰勞畢,問 非萬 全策。 廷臣爭 國 方略 ·,又嗾 楊 東便 請整 柱 五.

歸者。 喜從之。 列東奔之故,悉如將士言。 危疑已甚,又不肯受滿桂節制,因譌言激衆東奔,非部下盡欲叛也。當大開生路,曲收衆 師旣戮,又將以大礮擊斃我軍,故至此。」柱國復前追,大壽去已遠,乃返。承宗奏言:「大壽 奔還。當出搗朶顏,然後束身歸命。」柱國追及諸軍,其將士持弓刀相向,皆垂涕,言:「督 得厚賞。城上人羣詈為賊,投石擊死數人。所遣邏卒,指為間諜而殺之。勞而見罪,是以 吏,懼誅,遂與副將何可綱等率所部萬五千人東潰,遠近大震。承宗聞,急遣都司賈登科 齎手書慰諭大壽,而令遊擊石柱國馳撫諸軍。大壽見登科,言:「麾下卒赴援,連戰俱捷,冀 遼將多馬世龍舊部曲,臣謹用便宜,遣世龍馳諭,其將士必解甲歸,大壽不足慮也。」帝 至十二月四日,而有祖大壽之變。大壽,遼東前鋒總兵官也,偕崇煥入衞。 大壽妻左氏亦以大義責其夫,大壽斂兵待命。 承宗密札諭大壽急上章自列,且立功贖督師罪,而己當代爲剖白。 帝優詔報之,命承宗移鎭關門。 諸將聞承宗、世龍至,多自拔來 大壽諾之,具 見崇煥下

使巡行街衢,守臺護倉,均有所事。 岜。 今敵在內,關城無可守,衞城連關,可步屧而 當潰兵出 城中水不足,一晝夜穿鑿百井。 關,關城被劫掠,閉門罷市。承宗至,人心始定。 內間不得發,外來者輒爲邏騎所得,由是關門守完。乃 舊汰牙門將僑寓者千人,窮而 上也。 乃別築牆,橫互於關城,穴之使礮 關城故十六里,衞城止二 思亂,皆廩之於官,

遣 世龍 承宗,親軍五百人甲而候於門。 督步騎兵萬五千入援,令遊 承宗 擊祖 開 可法等率騎兵四營西戍撫寧。 誠 與語, 卽 日列其所統步騎三萬於教場, 三年正 月,大壽 行誓師 入關

,奉疑頓

釋

頭 土 及昌黎, 可法等堅守不下。 ,聲援始接 、燕河。 沿海達京師 時我 俱不下。 大清 六城 , 始 已拔遵化而守之。 東 護 當是時 知關城尚 大清兵遂向山 西繞永平,皆近關要地。 京師 無恙。 道 海 是月四日拔永平。 梗, 關 關 四 承宗、大壽軍在東,世龍 南三縣:日 離 三十里而 撫寧, 營。 承宗飭諸城嚴守,而遣將戍開平,復建 八日拔遷安,遂下 昌黎, 副將官惟賢等力戰 及四方援軍 樂亭,西北三城: · 繰州。 在 西。 0 分兵攻撫寧, 乃還攻撫寧 日 承宗募死 石門、

諸軍先抵灤城下,世龍 遵易易矣。」議既定,乃令東西諸營並進,親詣撫寧以督之。五月十日,大壽及張春、丘 平,聯關兵 不 趣 如姑留之,以分其勢,而先圖灤。 諸將 方京師戒嚴,天下勤王兵先後至者二十萬,皆壁於薊門及近畿,莫利先進。 亦時戰攻,然莫能克復。 以圖 凝。 得灤則以開平兵守之,而騎兵決戰以圖永。 及尤世祿、吳自勉、楊麒、王承恩繼至,越二日克之。 世龍請先復遵化,承宗曰: 今當多爲聲勢,示欲圖遵之狀以牽之。 「不然, 得灤、水則關、永合,而 遵在 北,易 諸鎭 而 副將王維城 赴 取 部旨屢督 豐潤 而難守, 不嘉 開 取

列

等亦 揮 入遵化 **持**僉事。 遷安。 力辭 几 城 我大清兵守永平者,盡撤而北還,承宗遂入永平。十六日,諸將謝尚政等亦 俱 太傅不受,而屢疏稱疾乞休,優詔不允。 復。 帝爲 告謝郊廟,大行 賞賚,加承宗太傅,賜蟒服、白金,世 一襲錦 衣

返。 蟒服、銀幣、羊酒,復辭太傅不受。 宗實錄成,加官亦 韶慰問 條上東西邊政八事 朶顏 ,乃起視事。 四年正月出關東巡,抵松山、錦州,還入關,復西巡,編閱三協十二路而 束不的反覆,承宗令大將王威擊敗之,復賚銀幣。 如之。並辭줲,而乞休不已。 r, 帝咸採納。 五月以考滿,詔加太傅兼食尚書俸,廕尚寶司丞,賚 帝命閣臣議去留,不能決。特遣中書齎手 先以册立東宫,加太保。 及褲

奪寧遠世廕。 城 馳赴錦州,遣吳襄、宋偉往救。禾嘉屢易師期,偉與襄又不相能,遂大敗於長山 嘉巡撫遼東,議復取廣寧、義州、右屯三城。承宗言廣寧道遠,當先據右屯,築城大凌河,以 漸 中糧盡援絕,守將祖大壽力屈出降,城復被毁。 而 承宗復連疏引疾。 進。兵部尚書梁廷棟主之,遂以七月興工。工甫竣,我大淸兵大至,圍 初 , 右屯、大凌河二城,承宗已設兵戍守。 後高第來代,盡撤之,二城遂被毁。 至是,禾 承宗復列上邊計十六事, 十一月得請,賜銀幣乘傳歸。 而極言禾嘉軍謀牴牾之失, 廷臣 言者追論其喪 .追咎築城非策也, 交章論禾嘉及承 師辱國,奪官閒住,幷 帝報聞而已。 「數周 承宗 至十月, 家居七

之爲而爲者夫。

年,中外屢請召用,不報。

繞城納喊者三,守者亦應之三。曰「此城笑也,於法當破」,圍復合。明日城陷,被執。 十一年,我大清兵深入內地。 以十一月九日攻高陽,承宗率家人拒守。 大兵將引去, 望闕

叩頭、投繯而死,年七十有六。

優卹。 從孫之澈、之渼、之泳、之澤、之渙、之瀚,皆戰死。督師中官高起潛以聞。帝嗟悼,命所司 子舉人診,尚寶丞鑰,官生師,生員鋡、鎬,從子鰊,及孫之沆、之滂、之澋、之洁、之瀗, 當國者楊嗣昌、薛國觀輩陰扼之,但復故官,予祭葬而已。福王時,始贈太師,諡

未易言,令專任之,猶足以愼固封守,而廷論紛呶,亟行翦除。蓋天眷有德,氣運將更,有莫 斧鑕,而恤典不加。 贊曰:承宗以宰相再視師,皆粗有成效矣,奄豎斗筲,後先齮扼,卒屛諸田野,至闔門膏 國是如此,求無危,安可得也。夫攻不足者守有餘。度彼之才,恢復固

校勘記

C一〕副將孫諫助趙率教於前屯 有「副將孫諫」,熹宗實錄卷三五天啓三年閏十月丁亥條亦作「孫諫」,據改。 孫諫,原作「陳諫」。本傳下文有「孫諫」,本書卷二七一趙率教傳

## 明史卷二百二

## 列傳第一百三十九

李標 李國槽 周道登 劉鴻訓 錢龍錫 錢士升 士晉

成基命

何 如寵 兄如申 錢象坤 徐光啓 鄭以偉 林釬 文震孟 周炳謨

蔣德璟 黄景昉 方岳貢 丘瑜 瑜子之陶

天啓中,擢 李標,字汝立,高邑人。萬曆三十五年進士。改庶吉士,授檢討。泰昌時,累遷少詹事。 拜禮部右侍郎,協理詹事府。標師同邑趙南星,黨人忌之,列名東林同志錄中。

標懼禍,引疾歸。

列

傳

第

百

 $\equiv$ 

+

九

李 標

六四七九

道、楊景辰相繼去, 莊烈帝嗣位,即家拜禮部尚書兼東閣大學士。 標遂爲首輔。 帝銳意圖治,恒召大臣面決庶政。 崇禎元年三月入朝。未幾,李國僧、來宗 宣府巡撫李養沖疏言

乃不 首 其納 臣 重譴 則 爲 旂 輔 安 物 偽 尉 安求罷。 賄 , 又欲罪 ? 力 往 尋 體仁亦 之 難 且 來 與爌等定逆案 誣。 勝 祖 如 耳。 宗 織 安。」帝 給事 乞陛下念謙 朝 溫 宗踪 體 帝 設 中 跡 仁計 默 立 瞿 亦 難 然。 廠 ·從,自 式 憑, 錢 衞,奚爲者。]標 耜 謙 益 同官劉鴻 且 、御史房 是深 事 慮 益 經 引己結浙 費 疑 恩韶,姑令回 無所出。 朝 可 訓 壯等。 臣 以 對 有黨,標等遂不得行 增敕 閨 日 事 帝以示標等曰:「邊情 標言 『事固宜愼。 爲 事爲御史吳玉 籍 詞,給事 1:「陛下: 於允儒 處分謙益、允儒,本 中 仍許· 章允儒 養沖以 所糾 其志。是冬,韓 自新 危急 ,帝欲置 爲 廷駁之。 而 不 遭 式耜等概 **賂恐毁言** 鴻 旂 因 帝 訓 尉 體 怒 於 偵 從 仁言 ,弁謙 法 探 日 標 薄 標 至 い。 體仁 習。諸 脐 讓 力辯 益 何 將 之 以

逐五 與標並相 疏 三年正月,爌罷,標復 乞休。 者六人,宗道 至三月得請。 一、景辰 (為首 家 居 輔、累加 以附璫斥 六年卒。 至少保兼太子太保、戶部尚書、 鴻訓 贈 小 /傅,諡 以 增敕戍,周 文節 道登、錢龍錫 武英殿大學 被 攻 去,獨標在 士。 先

選 擢 刻張 禮 部 李 國紀以越中宮, 倘 或 書 槽,字元治,高 入閣。 釋褐十四 國槽言「子不宜佐父難母,而況無間之父母乎」國紀乃得줲罪。 陽 人。 年 萬曆 卽 登 幸輔 四十一年 ,魏忠賢以同 進士。 由 鄉故援之也。 庶吉士歷官詹事。 然國 槽毎持 天啓六年七月超 正 劉 志 御

師 史方震孺及高陽令唐紹堯繁獄,皆力爲保全。 吏 元年 部 尙 五月得 書、中日 請 極 歸 殿 里,薦韓爌、孫承宗自代。 大學士。 國子 監生胡煥猷 崇禎 幼國 卒,贈太保,諡 初, 僧等號 以登極恩進左柱國 衣 文敏 冠 , 國 。宗道 一槽薦 景辰 復之。時 少 事 師 見黃立 人 兼 太子太 稱 爲長 極

**{傳中。** 

于鼎 可陛 頗 登 有 館選事,俱有 交劾之,悉下廷議。 無學術,奏對鄙淺,傳以爲笑。御史田 所爭執。 周 道登,吳江人。 以病 實跡,乃罷歸。 歸。 萬曆二十六年進士。 五年秋,廷推 吏部尚書王永光等言道登黨護樞臣王在晉及宗生朱統飾、鄉 閱 五. 禮 年而卒。 部 時震、劉 尚書,魏忠賢削其籍。 由庶吉士歷遷少詹事。天啓時,爲禮部左侍郎, 士禎、王道直、吳之仁、任贊化 崇禎 初,與李標等同 給給 事 入閣。 人陳 中間

劉 鴻訓 ,字默承,長山人。 **父一相,由進士歷南京**東科給事中。 追論故相張居正事,執

政忌之,出爲隴右僉事。終陝西副使。

遼陽陷。 萬曆 四十一年,鴻訓登第,由庶吉士授編修。 朝鮮爲造二洋舶,從海道還。 沿途收難民,舶重而壞。 神、光二宗相繼崩,頒詔朝鮮。 跳淺沙,入小舟,飄泊三日 甫 入 境,

事,忤魏忠賢,斥爲民

夜,僅得達登州報命。遭母喪 服闋,進右中允,轉左諭德。父喪歸。 天啓六年冬,起少詹

行進用。 訓斥擊奸之維垣、所修、繼春、大鍼,而不納孫之獬流涕忠言,謬主焚燬要典,以便私黨孫愼 辯。給事中顏繼祖言:「鴻訓先朝削奪。 盡發弘勛 攘之策。 進,思合謀攻去鴻訓,則黨人可安也。弘勛乃言所修、繼春、維垣夾攻表裏之奸,有功無罪, 徐紹吉、張訥、李蕃、賈繼春、霍維華等,人情大快。而御史袁弘勛、史逵、高捷本由維垣輩 而誅鋤自三臣始。又詆鴻訓使朝鮮,滿載貂參而歸。錦衣僉事張道濬亦訐攻鴻訓,鴻訓奏 事,不敢顯爲別白。鴻訓至,毅然主持,斥楊維垣、李恒茂、楊所修、田景新、孫之獬、阮大鍼、 年四月還朝。當是時,忠賢雖敗,其黨猶盛,言路新進者羣起抨擊之。諸執政嘗與忠賢共 莊烈帝卽位,拜禮部尚書兼東閣大學士,參預機務,遣行人召之。三辭,不允。 帝責以妄言,停其俸。史些復佐捷攻之。 贓私,且言弘勛以千金贄維垣得御史。帝怒,落弘<u>勛</u>職候勘。 至弘勛之借題傾人,道濬之出位亂政,非重創未有已也。」帝是之。給事中鄧英乃 朝鮮一役,舟敗,僅以身免。乞諭鴻訓入直,共籌安 言路多不直兩人,兩人逐罷去。 已而 高捷上 崇禎元 疏言鴻

困

一由更失職,請帝久任責成。

以尚書畢自嚴善治賦,王在晉善治兵,請帝加倚信。

帝數召見廷臣。

鴻訓應對獨

敏,謂民

帝初甚

七月,以四川賊平,加鴻訓太子太保,進文淵閣。

向之。 關門兵以缺餉鼓譟,帝意責戶部。而鴻訓請發帑三十萬,示不測恩,由是失帝指

史賈 職 旨。 力。 之。 鴻訓 怒。 問。」十月,帝御便殿,問閣臣,皆謝不知。帝怒, 李覺斯言:「稾具兵部,送輔臣裁定,乃令中書繕寫。 寫訖,復審視進呈。 兵部及輔臣皆當 有「兼轄捕營」語,提督鄭其心以侵職論之。 候 航 無辜受禍 勘 給事 標等逡巡未上,禮部 閣臣李標、錢龍錫言鴻訓 閱兵部揭 也。」慶臻曰:「 至 祥 九月而 無何, 由 ,中張鼎延、御史王道直咸言慶臻行賄有跡,不知誰主使。 胳 。」帝不 鴻 有鴻訓批西司房語,佳壁亦供受鴻訓指,事遂不 有改敕書之事。 御史田時震劾鴻訓 訓 擢 改敕乃中書事,臣 聽,下廷臣 用 尚書何 鴻 訓 不宜有 舊例,督京營者,不轄巡捕軍。 數被刻,連章力辯。 議 如寵 罪。 用田 實不 此,請更察訪。 爲鴻訓力辯,帝意卒不可 仰巡撫四川,納賄二千金, 預知。 命覈中書賄改之故,下舍人田佳璧獄 **令廷臣劾奏。** 且增轄捕卒,取利幾何, 因言「都中神奸冰姓者、詭誆慶臻千金、 帝曰:「事已大著,何更訪爲 回。 可解。 尚書自嚴等亦謝不知,帝益 惠安伯張慶臻總督京營,敕 給事 乃擬旨,鴻訓、慶臻 御史劉玉言:「主使者 而侍郎張 中 閻 乃行重賄。」帝叱 可陛 鳳翔詆之尤 ?? 促 刻副 給事 令擬 並革 都御 中

尚書 王在晉、 明 年 Œ 月,東部尚書王永 職 方 郎 中苗 思 順 光等言:「鴻訓 贓證未 確、難懸坐。」帝不許。 慶臻罪 無 可辭,而律 鴻訓謫戍代州,在晉、思順並削 有議 貴條,請寬貸。

六四八三

籍、慶臻以世臣停祿三年。覺斯、鼎延、道直、玉、時震以直言增秩一級。

鴻訓居政府,銳意任事。 帝有所不可,退而曰:「主上畢竟是沖主。」帝聞,深銜之,欲置 賴諸大臣力救,乃得稍寬。七年五月卒戍所。〔〕福王時,復官。

啓四年擢禮部右侍郎,協理詹事府。明年改南京吏部右侍郎。忤魏忠賢,削籍 錢龍錫,字稚文,松江華亭人。萬曆三十五年進士。由庶吉士授編修,屢遷少詹事。天

訓協 楊景辰。輔臣以天下多故,請益一二人。復得周道登、劉鴻訓,並拜禮部尚書兼 舉,列上十人。帝倣古枚卜典,貯名金甌,焚香肅拜,以次探之,首得龍錫,次李標、來宗道、 心輔理,朝政稍清。尋以蜀寇平,加太子太保,改文淵閣 明年六月,龍錫入朝,立極等四人俱先罷,宗道、景辰亦以是月去。標爲首輔,龍錫、鴻 烈帝卽位,以閣臣黃立極、施鳳來、張瑞圖、李國槽皆忠賢所用,不足倚,詔廷臣推 東閣大學

犯中 棄城者比,罷職已足蔽辜。」瑞王出封漢中,請食川鹽。 左所,總兵官兪咨皐棄城遁,罪當誅。帝欲幷罪巡撫朱一馮。龍錫言:「一馮所駐遠,非 帝好察邊事,頻遣旂尉偵探。 龍錫言:「舊制止行於都城內外,若遠遣恐難委信。」海寇 龍錫言「漢中食晉鹽,而 瑞藩獨用

以殁, 總 JII 錫 繼 實錄 兵官。 言:「學官舊 絕 益 鹽 於於 一土官安邊,欲 恐 所 良可 需 奸 理爲順 龍錫言「久裁 徒借名私販,莫敢譏察。」 憫。 在 邸 用歲貢 報 且祖宗設官, 兼有· 及 安邊淫 諸 生,近因 烏撒,部議 司奏牘,遣 而復,宜集 亂,不可 於此稍寬者,以 舉 人 長 將 使 乞恩選貢,纂修占缺者 廷臣議得失。」事 聽之。 也。」帝悉從之。 無 故事,纂修 益 徒滋擾,宜停罷。」 龍錫言一效良 師儒造士需老成故也。」帝亦納之。 實 錄, 竟 明年,帝以 分遣 此 多 有子其爵,立其爵以 國學生採事 廷議汰 烏撒土官安效良 ,歲貢積至二千六百有奇,皓首 漕船 **冗官**,帝謂學官尤冗。 違禁越關,欲 · 蹟於 四方。 死, 收 烏撒 其妻 言官鄒毓 復設 龍 錫言: 存 改 漕 適 運

連已 除 持,奸黨銜之次骨。 任 帝 後疏言:「閣臣 以 之,卽當宁不以爲 及崇煥 脂 爲 御史高捷、史垄旣 永光引 錫 忠 愼 以 戒 用。捷遂 樞 五 一年復 臣,往 無 過 罪 及袁崇煥殺毛文龍,報疏 遼自 求。龍錫 也。 復 罷,王永光力引之,頗爲 上章,指通款殺將 商 詭 其冬十二月,大清 確 往 ,臣以是得 奏辯,言一崇煥陛見時,臣 育的方 略 奉行 爲龍 崇煥云:『恢復當自東江始。 無失。」 錫罪。 兵 云 龍 (薄都 錫所扼,兩人大恨。逆案之定,半爲龍 輔 臣龍錫 且言 時 城 文龍 祖 帝怒崇煥戰不力,執 見其貌寢,退謂 大壽 擁 爲 兵 此 自 ------師 潰 擅 事 ,有跋 而 低徊過 文 東, 龍 同 官此 扈 可 由 臣 用則 龍錫 聲,崇煥 下 寓。」 獄 人恐不勝 所挑 用之,不 復 而 錫 上 捷、 且 善

|祚、

韓

一良、章允儒

劉

斯

琜

獲譴,並

爲

申

救

列

錫 可 刨 用 理 起 則去之易易耳。』迨崇煥突誅文龍,疏有『臣低徊』一語。 視 奈何以崇煥誇詡之詞,坐臣朋謀罪。」又辯挑激大壽之誣,請賜罷黜。帝慰諭之,龍 捷 再疏攻,帝意頗動。龍錫再辯,引疾,遂放歸。時兵事旁午,未暇竟崇煥獄 臣念文龍功罪,朝端共知,因

錫 尚書梁廷棟憚帝英明,不敢任而止。乃議龍錫大辟,且用夏言故事,設廠西市以待。帝以龍 遣使逮之。十二月逮至,下獄。〔〕復疏辯,悉封上崇煥原書及所答書,帝不省。 量』,繼答以『天子神武,不宜講款』。然軍國大事,私自商度,不抗疏發奸,何所逃罪。」帝遂 有 帝怒,敕刑官五日內具獄。於是錦衣劉僑上崇煥獄詞。帝召諸臣於平臺,置崇煥重辟。 或 名逆案者、聚謀指崇煥爲逆首、龍錫等爲逆黨,更立一逆案相抵。 龍錫私結邊臣 無逆謀,令長繫。 欺 '處置愼重』語,意不在擅殺,殺文龍乃崇煥過舉。 君,其罪莫逭。 至三年八月,陸復上疏言:「龍錫主張崇煥斬帥致兵,倡爲款議,以信五年成功之說。賣 . `,蒙隱不舉,令廷臣議罪。 是日,羣議於中府,謂:「斬帥雖龍錫啓端,而兩書 龍錫出都,以崇煥所畀重賄數萬,轉寄姻家,巧爲營幹,致國法不伸。」 至講款,倡自崇煥。 謀旣定,欲自兵部發之。 龍錫始答以『酌 時羣小麗

五 月大旱,刑部尚書胡應台等乞宥龍錫,給事中劉斯來繼言之,詔所司再讞。 四 年正月,右中允黃道周疏言龍錫不宜坐死罪。 件旨,貶秩調外,而帝意寖解矣 乃釋獄,戍 夏

定海 衞 在成十二年,兩遇 赦不原。 其子請輸粟贖罪,會周延儒再當國,尼不行。 福王

復官歸里。未幾卒,年六十有八。

營護,破產助之,以是爲東林所推 之,進左中允,不赴。高邑趙南星、同里魏大中受璫禍,及江西同年生萬燝杖死追贓,皆力爲 錢 士升,字抑之,嘉善人。 萬曆四十四年殿試第一,授修撰。 天啓初,以養母乞歸。 八

誅,止遣官督催新舊餉,第責成於撫按。 謝 年九月召拜禮部尚書兼東閣 病歸。 崇禎元年起少詹事,掌南京翰林院。 四 年起南京 禮部右侍郎,署尚書事。 大學士,參預機務。 帝悉從之。 明年以詹事召。會座主錢龍錫被逮,送之河干 祭告鳳陽陵寢,疏陳 明 年春入朝。請停事例,罷鼓鑄,嚴贓吏之 戶口流亡之狀甚悉。 , 卽

龆 F ,虚以宅 帝操切, 心,平以出政,其言深中時病。 溫體仁以刻薄佐之,上下囂然。 帝雖優旨報聞,意殊不懌也。 士升因撰四箴以獻,大指謂寬以御衆, 簡以

新言 問, 帝不許, 事 無何,武生李璡請括江南富戶,報名輸官,行首實籍沒之法。 ,擢置省 同官溫體 闥 比來借端倖進者,實繁有徒,然未有誕肆如職者也。 仁遂改輕擬。 士升曰:「此亂本也、當以去就爭之。」乃疏言:「自陳啓 士升惡之,擬旨下刑 其曰縉糾豪右之 部提 引罪乞休。帝卽許之。 胥爲流寇不止。或疑此輩乃流寇心腹,倡橫議以搖人心,豈直借端倖進已哉!疏入,而璡 其財而籍沒之,此秦皇不行於巴淸、漢武不行於卜式者,而欲行於聖明之世乎。今秦、晉、 堡守禦,富家未嘗無益於國。潤禮荒政十二,保富居一。今以兵荒歸罪於富家朘削,議括 數畝以對,百計者什六七,千計者什三四,萬計者千百中一二耳。江南如此,何况他省。且 家,大者千百萬,中者百十萬,以萬計者不能枚舉。臣不知其所指何地。就江南論之,富家 已下法司提問。 郡邑有富家,固貧民衣食之源也。 地方水旱,有司令出錢粟,均糶濟饑,一遇寇警,令助城 帝報曰:「即欲沽名,前疏已足致之,毋庸汲汲。」前疏謂四箴也。士升惶懼,

能教,論者咎之。至是乃以讜言去位。 士升初入閣,體仁頗援之。體仁推轂謝陞、唐世濟,士升皆爲助。 文震孟被擠,士升弗

而經歷吳鯤化計其營賄,體仁卽擬嚴旨,且屬同官林舒弗洩,欲因弟以逐其兄。命下,而士 政擢雲南巡撫。築師宗、新化六城,濬金針、白沙等河,平土官岑、儂兩姓之亂,頗著勞績。已 弟士晉,萬曆中由進士除刑部主事。 恤刑畿輔,平反者千百人。 崇禎 時,以山東右布

局 遂請告歸。 洗馬 成基命,字靖之,大名人,後避宣宗諱,以字行。萬曆三十五年進士。改庶吉士,歷司經 ,署國子監司業事。 尋起少詹事。 累官禮部右侍郎兼太子賓客,改掌南京翰林院事。 天啓元年疏請幸學不先白政府。執政者不悅,令以原官還局, 六年,魏忠賢

以基命爲楊漣同門生,落職閒住。

緒, 循,何益。]基命復叩頭曰:「敵在城下,非他時比。」帝終不省。 嚴,[ 三]召對文華殿。帝言法紀廢弛,宜力振刷。 入衞,帝召見平臺,執崇煥屬吏,大壽在旁股慄。 金聲薦僧申甫爲將。帝令基命閱其所部兵,極言不可用,後果一戰而敗。 倣 嘉 靖 朝 驟紛更益 崇禎 基命曰:「令崇煥作手札招之,當歸命也。」時兵事孔棘,基命數建白,皆允行。 故事,增設樞臣,帝並可之。踰月,拜禮部尚書兼東閣 元年起吏部左侍郎。 擾 亂。」帝曰:「慢則糾之以猛, 明年十月,京師戒嚴,基命請召還舊輔孫承宗,省一切浮議 何謂紛更。」其後溫體仁益導帝以操切,天下遂 基命獨叩頭請慎重者再,帝曰:「愼 基命曰:「治道去太甚,譬理亂絲, 大壽至軍,卽擁衆東潰,帝憂 大學士,入閣輔政。庶吉士 袁崇煥、祖 當 重 及解 大壽 覓其 卽 因

列

傳

第

百

三十九

成

基命

大亂。

時,崇煥方倚任,安知後日之敗,預謀救之。其說祖逢申、道濬,不逐臣不止,乞放歸。」帝慰 基命遂不安其位矣。方崇煥之議罪也,基命病足不入直。錦衣張道濬以委卸劾之,工部主 並加太子太保,進一個閣。至六月,溫體仁、吳宗達入,延儒、體仁最爲帝所眷,比而傾基命, 留之。卒三疏自引去。 事陸澄源疏繼上。基命奏辯曰:「澄源謂臣當兩首廷推,皆韓爌等欲藉以救崇煥。 秩。韓爌、李標相繼去,基命遂爲首輔,與周延儒、何如寵、錢象坤共事。以恢復永平敍功, 三年二月,工部主事李逢申劾基命欲脫袁崇煥罪,故乞愼重。基命求罷,帝爲貶逢申 當廷 推

家。 以越 獄 爲申理。 帝猶以爲輕,亦以基命言得如擬。 書事,將置重典。 一訊遽置極刑。」自辰至酉未起。 贈少保、諡文穆。 樞輔承宗。 基命性寬厚,每事持大體。先是,四城未復,兵部尚書梁廷棟銜總理馬世龍,將更置之, 副都御史易應昌下詔獄,以基命言,改下法司。御史李長春、給事中杜齊芳坐私 基命力調劑,世龍卒收遵、永功。尚書張鳳翔、喬允升、韓繼思相繼下吏,並 基命力救,不聽。 爲首輔者數月,帝欲委政延儒,遂爲其黨所逐。八年卒於 帝意解,得遣戍。 長跪會極門,言:「祖宗立法,眞死罪猶三覆奏,豈有詔 逢申初劾基命,後以礮炸下 獄 擬

列傳第一百三十九 何如寵

庶吉士累遷國子監祭酒。天啓時,官禮部右侍郎,協理詹事府。 何 如寵,字康侯,桐城人。父思鼇,知棲霞縣,有德於民。如寵登萬曆二十六年進士,由 五年正月,廷推左侍郎,魏

廣微言如寵與左光斗同里友善,遂奪職閒住。

者三百餘口。 累加少保、戶部尙書、武英殿大學士。 命與周延儒、錢象坤俱以本官兼東閣大學士,入閣輔政。帝欲族袁崇煥,以如寵申救,免死 必啓內釁。 冬,京師戒嚴,都人桀黠者,請以私財聚衆助官軍,朝議壯之。 如寵力言其叵測,不善用, 嫁娶者六百餘人。大學士劉鴻訓以增敕事,帝怒不測,如寵力爲剖析,得免死戍邊。 所稽,自萬曆末至是,積疏累千,有白首不能完家室,骨朽而尚未名者。 崇禎元年起爲吏部右侍郞。 帝召問,對如初。帝出片紙示之,則得之偵事,與如寵言合,由是受知。十二月 未至,拜禮部尚書。宗藩婚嫁命名,例請於朝。貧者爲部 用如寵請,貧宗得 明年

排己,謀起如寵以抑之。 復 詩 時觀通鑑,察古今理亂忠佞,語甚切。六年,延儒罷政,體仁當爲首輔。而延儒懷體仁 四年春,副延儒總裁會試。事竣,卽乞休,疏九上乃允。陛辭,陳惇大明作之道。抵家, 如寵畏體仁,六疏辭,體仁遂爲首輔。

如 寵 性孝友。 母年九十,色養不衰。 操行恬雅,與物無競,難進易退,世尤高之。 十四四

年卒。福王時,贈太保,諡文端。

兄如申,與如寵同舉進士。 官戶部郎中,督餉遼東。 有淸操,軍士請復留二載。 終浙

江右布政使。

昌 時行立枷法,慘甚。像坤白之帝,多所寬釋。 天啓中,給事中論織造,語侵中貴,詔予杖,閣臣救不得。象坤語葉向高講筵面奏之,乃免。 改元,官少詹事,直講筵。 錢象坤,字弘載,會稽人。萬曆二十九年進士。 講畢,見中官王安與執政議事,即趨出。安使人延之,堅不入。 再遷禮部右侍郎兼太子賓客。 改庶吉士,授檢討,進諭德,轉庶子。泰

六年,廷推南京禮部尚書。 四年七月,向高辭位。 魏忠賢私人指爲繆昌期黨,落職閒住。 御史黃公輔慮象坤柄政,請留向高,詆象坤甚力。 象坤遂辭去。

進武英殿。象坤在翰林、與龍錫、謙益、土升並負物望,有「四錢」之目。及體仁相,無附和跡。 祁 寒不懈。帝覘知,遂與何如寵並相。明年,溫體仁入,象坤其門生,讓而居其下。累加少保, 崇禎元年召拜禮部尚書,協理詹事府。明年冬,都城被兵,條禦敵三策。奉命登陴分守,

疑象坤洩之,語侵象坤。 去,廷棟落職。 四 年,御史水佳胤連劾兵部尚書梁廷棟,廷棟不待旨卽奏辯。 給事中吳執御、傅朝佑稱象坤難進易退,不當以門生累,不聽 延儒 以廷棟嘗發其私 人臟罪,惡之,幷惡象坤。 廷棟故出象坤門、佳胤 象坤遂五 家居十年, 疏 引疾

無病而卒。

贈太保,諡文貞,廕一子中書舍人。

徐光啓,字子先,上海人。萬曆二十五年舉鄉試第一,又七年成進士。 由庶吉士歷贊

善。 從西洋人利瑪竇學天文、曆算、火器,盡其術。 楊鎬四路喪師,京師大震。累疏請練兵自効。 神宗壯之,超擢少詹事兼河南道御史。 遂編習兵機、屯田、鹽筴、水利諸書。

練兵通州,列上十議。時遼事方急,不能如所請。 光啓疏爭,乃稍給以民兵戎械

史丘 力請多鑄西洋大礮,以資城守。 **兆麟劾之,復移疾歸。** 未幾,熹宗卽位。 光啓志不得展、請裁去、不聽。 天啓三年起故官,旋擢禮部右侍郎。 帝善其言。 方議用,而光啓與兵部尚書崔景榮議不合,御 旣而以疾歸。 五年,魏忠賢黨智疑劾之, 遼陽破,召起之。還朝,

崇禎 列 元年召還,復申練兵之說。 未幾,以左侍郎理部事。 帝憂國用不足,敕廷臣獻屯 落

職

開住

失占。 法,光啓爲監督。 驗,欲罪臺官。 鹽善策。 臣聞曆久必差,宜及時修正。」帝從其言,詔西洋人龍華民、鄧玉函、羅雅谷等推算曆 光啓言屯政在乎墾荒,鹽政在嚴禁私販。 光啓言:「臺官測候本郭守敬法。 元時嘗當食不食,守敬且爾,無怪臺官之 帝褒納之,擢本部尚書。 時帝以日食失

表六卷、黃道升度七卷、黃赤距度表一卷、通率表一卷。 几 年春正月,光啓進日躔曆指一卷、測天約說二卷、大測二卷、日躔表二卷、割圜 是冬十月辛丑朔,日食,復上測候 八八線

四說。其辯時差里差之法,最爲詳密。

光 十月卒。 啓雅 五. 負經 年五月以本官兼東閣大學士,入參機務,與鄭以偉並命。 贈少保。 濟才,有志用世。 及柄用,年已老,值周延儒、溫體仁專政,不能有所建白。明年 尋加太子太保,進文淵閣。

祧 自好,書過目不忘。 與璫忤,上疏 元年官禮部右侍郎。 奉玉芝宮,以偉不可而止,論者卒是文衡。 鄭以偉,字子器,上饒人。萬曆二十九年進士。改庶吉士,授檢討,累遷少詹事。 告歸。 崇禎二年召拜禮部尚書。 文章奧博,而票擬非其所長。 天啓元年,光宗祔廟,當祧憲宗,太常少卿洪文衡 尋以左侍郞協理詹事 久之,與光啓並相。 嘗曰:「吾富於萬卷,窘於數行,乃爲後進 府。 再辭,不允。 以睿宗不當入廟,請 四年,以偉直講筵, 以偉修潔 泰昌

太保。 有館員須歷推知之論,而閣臣不專用翰林矣。 ·藐。」章疏中有「何況」二字,悞以爲人名也,擬旨提問,帝駁改始悟。 御史言光啓、以偉相繼沒,蓋棺之日,囊無餘貲,請優卹以媿貪墨者。帝納之,乃諡光 以偉累乞休,不允。 明年六月,卒官。贈太子 自是詞臣爲帝輕,遂

啓文定,以偉文恪。

旁,具簿醵金,强釺爲倡。釺援筆塗抹,即夕挂冠櫺星門徑歸。 曆 元,起少詹事。 四十四年殿試第三人,授編修。天啓時,任國子司業。監生陸萬齡請建魏忠賢祠於太學 其後二年,同安林舒爲大學士,未半歲而卒。亦有言其清者,得諡文穆。舒,字實甫,萬 九年由禮部侍郎入閣,有謹愿誠恪之稱。 忠賢矯旨削其籍。 崇禎改

布、加贈太保、錄其孫爲中書舍人。 久之,帝念<u>光</u>啓博學强識,索其家遺書。子驥入謝,進農政全書六十卷。 韶令有司刊

行。 **震孟弱冠以春秋舉於鄉,十赴會試。至天啓二年,殿試第一,授修撰** 文震孟,字文起,吳縣人,待詔徵明曾孫也。 祖國子博士彭,父衞輝同知元發,並有名

時魏忠賢漸用事,外廷應之,數斥逐大臣。震孟憤,於是冬十月上勤政講學疏,言:「今

列傳

六部 學之禁。 臣 算 嚴 家 杜門,首揆冢宰亦相率求退。 空人國以營私窟,幾似濁流之投。 詈道學以逐名賢,有 甚 僞 安之習 臨 靡輟 天 有 几 .不洽,朝夕侍御不越中涓之輩,豈知帝王宏遠規模。 人父子。 御 奮 下 方 如 有 多故 日銷 心 六科以次白事 政非 神, 期, **;慘如黔圍,而撫臣坐視,不聞嚴譴之施。近日** 。若僅揭 唐、宋末季,可爲前鑒。」 無歲 月 尔 學非不講。 上下拱手,經傳典謨徒循故事,安取此正笏垂紳、展書簪筆者爲。且陛下旣與 咨訪 削 · 勤。 帖一紙,長跪一 不蹙地陷城,覆軍殺將,乃大小臣工臥薪嘗膽之日。 軍國 非陛下大破常格 然鴻 ,糾彈敷奏,陛 重事,問 然侍臣進讀,鋪敍文辭,如蒙師誦說已耳。 , 臚引奏, 跪拜起立, 如 .閻隱微,情形畢照,奸詐無所藏,左右近習亦無緣蒙蔽。 諾,北 ,鼓舞豪傑 下與輔弼大臣面裁決焉。 面一揖,安取此鴛行豸繡、橫玉 傀儡登場已耳。 心,天下事 舉動,尤可異者。鄒元標去位,馮從 於是危如 未知 所終也。 則 請按祖宗制, 聖智日益明習, 山海,而閣臣一出,莫挽偸 祖宗之朝,君 一腰金者爲。 而因 陛下 循粉飾,將使祖宗 昧爽臨 唱六部六科, 而 臣 經 百執事各 朝 . 相 筵 寒 對,如 日 若僅 羣 則 吾 暑

下 會庶吉士鄭鄭疏復入,內批俱貶秩調外。言官交章論救,不納。 帝頷之。 疏入,忠賢屛不卽奏。 一 日, 講筵畢,忠賢傳旨,廷杖震孟八十。 乘帝觀劇,摘疏中「傀儡登場」語,謂比帝於偶人,不殺無以示天 首輔葉向高 震孟亦不赴調而歸。 在告, 次輔 韓爌力爭 六年 ¢

言,波及震孟 冬,太倉進士顧同寅、生員孫文豸坐以詩悼惜熊廷弼,爲兵馬司緝獲。 一與編 修 陳仁錫、庶吉士鄭鄤並斥爲民。 御史門克新 指 爲 妖

黨王、 奇、潘有功是也。」永光窘甚,密結大奄王永祚謂士奇出姚希孟門。 言:「殺名賢者,故吏部郎周 假竊威福,倒置用舍,無事不專而 考選盛舉而擯斥淸才。 無懷忠報國之小人。今有平生 局,直講如故。 永光辯疏得溫旨,而責震孟任情奉詆 永光 崇禎 輩 元年以侍 日 乘機報復, 五月復上疏曰:「羣小合謀,欲借邊才翻逆案。 天下有無才悞事 讀召。 舉朝震恐,莫敢訟言。 震孟抗疏糾之。 改左中允,充日 順昌。 無恥,慘殺名賢之呂純如,且藉奧援思辯雪。永光爲六卿長, 濟以狠,發念必欺而 年例則 抑吏科都給事中陳良訓,考選則擯中書舍人 講官。 帝方眷永光,不報。 然羣 臣 下雷同,豈國之福。」帝令指實再奏。 三年春,輔臣定逆案者相繼去國, 小翻案之謀亦由是中沮 飾 以朴。 以年例大典而變亂祖 震孟尋進 震孟,希孟舅也。帝心疑 左 諭 德, 之君子,必 掌 忠賢遺 制 司 陳 震孟 以以 經

益府 何 卽 不 降 敬」,以目 旨出 ,便道歸 震孟 尙 在 書喬 講筵,最嚴正。時大臣數逮繫,震孟 遂 視帝足。 不 允升、侍郎 復 出 帝卽 胡世賞於獄。 袖 掩之,徐爲引下。 帝嘗足 加 講魯論「君使臣以禮」一章,反覆 時稱「眞講官」。 於膝,適講五子之歌,至「爲 旣忤權臣,欲避去。 人 上 規諷,帝 者,奈 出封

傅

第

百

 $\equiv$ 

炳謨職。 載神宗時儲位臲卼及「妖害」、「梃撃」諸事,直筆無所阿。 五. 年,即家擢台庶子。人之,進少詹事。初,天啓時,詔修光宗實錄,禮部侍郎周炳謨 忠賢使其黨重修、是非倒置。 震孟摘尤謬者數條,疏請改正。帝特御平臺,召廷臣 其後忠賢盜 柄,御 史石三畏劾削

面議,卒爲溫體仁、王應熊所沮

得患失之鄙夫,廣集羣策羣力以定亂,國事庶有瘳乎」,帝優旨報之,然亦不能盡行 撫綏之實政,寬閭閻之積逋。先收入心以遏寇盜,徐議濬財之源,毋徒竭澤而漁。 外者何道,富國强兵者何策。 之朝,强分畛域,加膝墜淵,總由恩怨。 八年正月,賊犯鳳陽皇陵。震孟歷陳致亂之源,因言:「當事諸臣,不能憂國奉公,一統 陛下宜奮然一怒,發哀痛之詔,按失律之誅,正誤國之罪,行 數年來,振綱肅紀者何事,推賢用能者何人,安內攘 也。 盡斥患

不舉。 故事,講筵不列春秋。帝以有裨治亂,令擇人進講。震孟,春秋名家,爲體仁所忌,隱 次輔錢士升指及之,體仁佯驚曰:「幾失此人。」遂以其名上。及進講,果稱帝旨。

禮大奄,兼致儀狀,震孟獨否。 卒不往。 帝特擢震孟禮部左侍郎兼東閣大學士,入閣預政。兩疏固辭,不許。閣臣被命,即投刺司 六月,帝將增置閣臣,召廷臣數十人,試以票擬。 震孟旣入直,體仁每擬旨必商之,有所改必從, 掌司禮者曹化淳,故屬王安從奄,雅慕震孟,令人輾轉道意、 震孟引疾不入,體仁方在告。七月, 喜謂人曰:「溫公虛懷,何云奸

父子皆以學行稱於世。

也。」同官何吾騶曰:「此人機深,詎可輕信。」越十餘日,體仁窺其疎,所擬不當,輒令改,不

從,則徑抹去。 震孟大慍,以諸疏擲體仁前,體仁亦不顧

都給事中許譽卿者,故劾忠賢有聲,震孟及吾騶欲用爲南京太常卿。 體仁忌譽卿伉

直,諷吏部尚書謝陞劾其與福建布政使申紹芳營求美官。 體仁擬以貶謫,度帝欲重擬必發

改,已而果然。 逐擬斥譽卿爲民,紹芳提問。 震孟爭之不得,咈然曰:「科道爲民,是天下極

樂事,賴公玉成之。」體仁遽以聞。帝果怒,責吾騶、震孟徇私撓亂。吾騶罷,震孟落職閒住。

譖其居功者,帝意遂移。 震孟剛方貞介,有古大臣風。 方震孟之拜命也,卽有旨撤鎭守中官。及次輔王應熊之去,忌者謂震孟爲之。 惜三月而斥,未竟其用。 由是有

禮部尙書,賜祭葬,官一子。屆王時,追諡文肅。二子康、乘。 歸半歲,會甥姚希孟卒,哭之慟,亦卒。廷臣請卹,不允。 十二年詔復故官。 乘遭國變,死於難。 十五年贈

謨,萬曆三十二年進士。 周炳謨,字仲覲,無錫人。父子義,嘉靖中庶吉士,萬曆中仕至吏部侍郎,卒諡 當重修光宗實錄時,炳謨已先卒。 崇禎初,贈禮部尚書,諡文簡。 文恪。炳

蔣 德璟 ,字申葆,晉江 人。 父光彦,江西副使。 德璟,天啓二年進士。 改 庶吉 士,授

編 修。

胥爲 水利。 民民 嗣昌卒 田不可奪,而足食莫如貴粟。 盜。 崇禎時,由侍讀歷遷少詹事,條奏救荒事宜。 於軍,命九卿議 府縣官考滿,以是爲殿最。 叉匿 (失事 ,飾首功。 罪。 德璟議 宜按仇鸞事,追正其罪。」不從。 北平、山、陝、江北諸處,宜聽民開墾,及課 曰:「嗣昌倡聚斂之議,加剿餉、 至常平義倉,歲輸本色,依令甲行之足矣。」十四 尋擢禮部右侍郎。 練餉,致天下民窮財盡, 時議限民田 種桑棗,修農田 ,德璟言 年春,楊

贍,宜用之代言。 曰:「與其更於後,曷若慎於初。」帝問天變何 門戶,德璟無所比。 餉 臣 數十人,權 七 ,首德璟。 十五 百 年二月,耕耤禮成,請召還原任侍郎陳子壯、祭酒倪元璐等,帝皆錄用。六月,廷推 萬,民何以 不統 入對,言邊臣須久任,薊督半載更五人,事將益 途擢德璟及黄景昉、<br />
吳姓為禮部尚 一,何 堪 性鯁直,黃道周召用, ! 由制勝」帝領之。 祖制,三協止一督、一撫、一總兵,今增二督、三撫、六總兵,又設副 首輔周延 由 劉宗周発罪,德璟之力居多。 ·明,對曰:「莫如拯百姓。近加遼餉千萬,[8] 書兼東閣大學士,同入直。延儒 儒嘗薦德璟淵博,可備顧 一廢弛。 帝曰:「不稱當更。」對 開封 問;文 久被圍,自 、姓各 體 華

樹

將

練

閣

請馳督諸將戰,優詔不允。

場督臣及天津撫臣出入,部中皆不稽覈。德璟語部臣,合部運津運、各邊民運、屯、鹽,通爲 計畫,餉額可足,而加派之餉可裁。 已,進諸邊撫賞册及御覽簡明册。 而屯田、鹽引、民運,每鎭至數十百萬,一聽之邊臣。 明年進御覽備邊册。凡九邊十六鎭新舊兵食之數,及屯、鹽、民運、漕糧、馬價悉志焉。 帝深嘉之。 因復條十事以責部臣,然卒不能盡釐也。 。諸邊士馬報戶部者,浮兵部過半,耗糧居多, 、天津海道輪薊、遼歲米豆三百萬,惟倉

冒。 軍法。 自正 法。 少於往時,耗蠹乃如此。」又言:「文皇帝設京衞七十二,計軍四十萬。 憲章二祖,修復舊制。」帝是之,而不果行 |統時始有數萬,迄萬曆末,亦止三百餘萬。 豈至今方設兵。」帝爲悚然。又言:「祖制,各邊養軍止屯、鹽、民運三者, 原無京運銀。 且自來征討皆用衞所官軍,嘉靖末,始募兵,遂置軍不用。至加派日增,軍民兩困。 又有中都、大寧、山東、河南班軍十六萬。至春秋入京操演,深得居重馭輕勢。 日召對,帝語及練兵。 衞所總、小旂補役,以鎗勝負爲升降。 凡武弁比試,必騎射精嫻,方准襲替,此練將 德璟曰「會典,高皇帝教練軍士,一以弓弩刀鎗行賞罰,此練 今則遼餉、練餉幷舊餉計二千餘萬,而兵反 畿內八府,軍二十八 今皆虚 願

十七年,戶部主事 百 三十 蔣臣請行鈔法。 九 蔣 德 璟 言歲造三千萬貫,一貫價一兩,歲可得銀三千萬兩。 六五〇

江。德璟力爭,帝留其揭不下,後竟獲免。先以軍儲不足,歲僉畿輔、山東、河南富戶,給值 雖愚、誰肯以一金買一紙。」帝不聽。又因局官言、責取桑穰二百萬斤於畿輔、山東、河南、浙 令買米豆輸天津,多至百萬,民大擾。<br />
德璟因召對面陳其害,帝卽令擬諭罷之。 侍郎王鼇永贊行之。 帝特設內寶鈔局,晝夜督造。募商發賣,無一人應者。德璟言:「百姓

旁力贊,帝不答。 不敢言。翼日,帝手其疏問何事。陳演以少詹事項煜東宮南遷議對,帝取視默然。德璟從 二月,帝以賊勢漸逼,令羣臣會議,以二十二日奏聞。都御史李邦華密疏云輔臣知而

聚斂,但欲練兵耳。」德璟曰:「陛下豈肯聚斂。然旣有舊餉五百萬,新餉九百餘萬,復增練 州縣追比,仍是三餉。」帝震怒,責以朋比。 增餉七百餘萬,爲民累耳。」帝曰:「今已幷三餉爲一,何必多言。」德璟曰:「戶部雖 兵四萬,宣大、山西及陝西三邊各二十餘萬,一經抽練,原額兵馬俱不問,并所抽亦未練,徒 練三萬,今止二千五百。保鎭練一萬,今止二百。 餉七百三十萬,臣部實難辭責。 且所練兵馬安在? 薊督練四萬五千,今止二萬五千。 保督 良深。」帝不悅,詰曰:「聚斂小人誰也。」德璟不敢斥嗣昌,以故尚書李待問對。帝曰:「朕非 給事中光時亨追論練餉之害。 德璟擬旨:「向來聚斂小人倡為練餉,致民窮禍結,誤國 德璟力辯,諸輔臣為申救。尚書倪元璐以鈔餉 若山、永兵七萬八千,薊、密兵十萬,昌平 幷爲

乃 臣留己,卽辭朝,移寓外城。 賊至,得亡去。 日 去位。 戶部職,自引咎,帝意稍解。明日,德璟具疏引罪。 給事中汪惟効、檢討傅鼎銓等交章乞留,不聽。 帝雖旋罷練餉,而德璟竟以三月二 德璟聞山西陷,未敢行。及知廷

召。 福 又明年以足疾辭歸。 王立於南京、召入閣。自陳三罪、固辭。明年、唐王立於福州、與何吾騶、黃景昉並 。 九月,王事敗,而<u>德</u>璟適病篤,遂以是月卒。

旋獲釋,勇等亦俱改官。 清華選」。 又言「刑部尚書鄭三俊四朝元老,至淸無儔,不當人繫獄」。 退復上章論之,三俊 年,帝御經筵,問用人之道。景昉言「近日考選不公,推官成勇、朱天麟廉能素著,乃不得預 黄景昉,字太穉,亦晉江人。 天啓五年進士。 由庶吉士歷官庶子,直日講。 崇禎十一

十四四 情。 趙士春,皆不報。 年以詹事兼掌翰林院。 臣家海濱,見沿海將吏每遇調發,即報海警,冀得復留。觸類而推,其情自見。」帝 景昉尋進少詹事。 嘗召對,言:「近撤還監視中官高起潛,關外輒聞警報,疑此 時庶常停選已久,景昉具疏請復,又請召還修撰劉同升、編修 中 領之。 有隱

十五年六月召對 列 傳 第 百 Ξ. 稱旨 + 九 與蔣德璟、吳甡並相。明年並加太子少保,改戶部尚書、文淵閣。 蔣 徳 璟

帝 南 命 京 削 操 江 其 籍 故 設 景昉 文武 俱揭 員, 争,帝 帝欲裁 不悅,逐連疏引歸 去文臣, 專任 誠意伯劉 唐王 時,召入直,未幾,復告歸。 孔 昭。 副都御史惠 世 揚遲 人不 國 至,

家

居

-

數年始卒。

方岳貢,字四長,穀城人。 天啓二年進士。 授戶部主事,進郎 # 歷典倉庫,督永平糧

儲,並以廉謹聞。

復 以 誣 之,名曰「倉城」。他救荒 民 王陛彦下吏,素有 岳貢 官。 患。 下 下 崇禎 法 築石 對。 帝獎其清執,報可。 司 元年 讞奏。 帝曰:「今安在。」德璟復以陛彦株連對,帝領之。 堤二十里許,遂爲 出 爲 卻,因言岳貢嘗飽國觀三千金,遂被逮。 一日,帝晏見輔 松江 · 知府。 助役、修學課士,咸 永利。 海濱 臣,問:「有一 多盜,捕得輒杖殺之。 郡 漕京師數十 有成績,舉卓異者數矣。 知府 ·萬石, 積俸十餘 而諸 土 郡東南臨 年,屢舉卓異者誰 民詣闕 法 倉乃 司讞 相 大海, 嶭 訟 上,言行賄無實跡,宜 距五 冤,巡撫黃希 國 觀 颶潮 里, 敗,其私 為築 也。」蔣 衝擊, 亦 人 城 白 時 1. 垣 璟 護 爲 其 海

無 何,給事中方士亮薦岳貢及蘇州知府陳洪謐,乃擢山東副使兼右參議,總理江南糧 列傳第一百三十九 方岳貢

察監 帝趣 日晡 「臣正糾駁。」岳貢曰:「何不卽題參。」深合帝意。翼日命以本官兼康閣大學士,時十六年十 所督漕艘,如期抵通州。帝大喜。吏部尚書鄭三俊舉天下廉能監司五人,岳貢與焉。 使 乃出。越六日,即超擢左副都御史。嘗召對,帝適以事詰吏部尚書李遇知。遇知曰: 司賢否,在巡方。察巡方賢否,在總憲。總憲得人,御史安敢以身試法。」帝善之,賜食, (入對,見於平臺,問爲政何先,對曰:「欲天下治平,在擇守令。 察守令賢否,在監司。

月也。故事,閣臣無帶都御史銜者,自岳貢始。

令監守者**并殺二人**。監守者奉以緩,二人並縊死。 至。 命以戶、兵二部尚書兼文淵閣大學士總督漕運、屯田、練兵諸務,駐濟寧。 已而不行 搜其邸,無所有,松江賈人爲代輸千金。 李自成陷京師,岳貢及丘瑜被執,幽劉宗敏所。賊索銀,岳貢素廉,貧無以應,拷掠備 岳貢本吏材。 及爲相,務勾檢簿書,請覈赦前舊賦,意主搜括,聲名甚損。十七年二月 四月朔日與瑜並釋。十二日,賊旣殺陳演等,

因召對,言:「督師孫傳庭出關,安危所係,愼勿促之輕出。 上 **卹難宗** 丘瑜 ,宜城人。天啓五年進士。 、擇才更、旌死節、停催征 、蘇郵困、禁勞役六事。 由庶吉士授檢討。 崇禎中,屢遷少詹事。 俾鎭定關中,猶可號召諸將,相 帝採 、納焉。 歷禮 部 左右 襄陽陷,瑜 侍 郎。

再,搜獲止二千金,旣而被害。

機進剿。」帝不能 從。 十七年正月以本官氣東閣大學士,同范景文入閣。 都城陷,受拷掠者

事,尋以本府侍郎守襄陽。 也。」傳庭大喜,報書如其言,爲賊邏者所得。傳庭恃內應,連營前進,之陶果舉火,報左兵大 反耶!」賊怒,支解之。 目 一「督師與之戰,吾詭言」左鎭兵大至,搖其心,彼必返顧。 自成驗得其詐,召 瑜子之陶,年少有幹略。 而示以傳庭書,責其負己。 襄陽 李自成陷宜城,瑜父民忠罵賊而死。之陶被獲,用爲兵政府從 尹牛佺,賊相金星子,其倚任不如 之陶大罵曰:「吾恨不斬汝萬段,豈從汝 督師擊其後,吾從中起,賊 也。之陶以蠟 丸書胎 傳庭 可滅

也。 步方艱,人材亦與俱盡,其所由來者漸矣。 侃 基命能推轂舊輔以定危難,震孟以 贊曰: 莊烈帝在位僅十七年, 輔相至五十餘人。 其克保令名者, 數人而 然體國,執正不懼,斟酌 時宜,時獻微益者乎。 風節顯,德璟諳悉舊章。 至於扶危定傾,殆非易言也。嗚呼,國 以陸喜之論薛瑩 已,若標等是 者 觀

#### 校勘記

- [1] 七年五月卒戍所 七年五月,國權卷九二頁五五八三作「五年正月庚戌」,明史考證橢逸卷二
- 五引倪元路所撰墓誌,亦作「五年正月」,疑傳文誤。
- 十二月逮至下獄 十二月,本書卷二三莊烈帝紀作「九月己卯」。
- 及解嚴 解嚴,原作「戒嚴」,據明史稿傳一三〇成基命傳改。
- 29 近加遼餉千萬 千萬,原作「十萬」。 明史稿傳一三〇蔣德璟傳作「千餘萬」。 按本書卷七八食
- (貨志引御史)郝晉言「近加派遼餉至九百萬」。「十」字顯係「千」字之譌,今改正。
- 都」。按「中都」是指「中都留守司」,今改正。

Ŧī.

又有中都大寧山東河南班軍 十六萬

中都,原作「中部」。 明史稿傳一三〇蔣德璟傳作「中

列

傳第

# 明史卷二百五十二

### 列傳第一百四十

#### 楊嗣昌 吳甡

楊嗣昌, 字文弱,武陵人。 萬曆三十八年進士。 改除杭州府教授。 遷南京國 子

累進戶部郎中。 崇禎元年起河南副使,加右參政,移霸州。 天啓初,引疾歸。 四年移山海關飭兵備。

**父鶴**,

總督陝西被

博

逮。 奄,無嫌於東林。 嗣昌三疏請代,得減死。 侍郎遷安郭 五年夏、擢右僉都御史、巡撫永平、山海諸 鞏以逆案謫戍廣西,其鄉人爲訟冤。 嗣昌以部民故,聞於朝, 處。 嗣昌父子不附

給事中姚思孝駁之,自是與東林郄。

請開 七年秋,拜兵部 金銀 鲖 錫礦,以解 右侍 郎兼 散 其黨。 右僉都御史,總督宣、大、山西軍務。 叉六疏陳邊事, 多所規畫。 帝異其才。 時中原饑,羣盜蜂起。嗣 以父憂去,復遭

第一百四十 楊嗣昌

列傅

與

繼 母 喪。

充餉。 地不 足任, 巡撫 萬六千有奇。 諸州縣練壯丁捍本土,詔撫按飭行。 議,暫累吾民 糧,日溢 十面之網。 語,大信愛之。 自詭足辨賊。 奏請無不聽,曰:「恨 三月抵京,召對。 與,歲得銀百九十二萬九千有奇。 分剿 九 嗣昌乃薦文燦代之。 議 地、日事 ·秋,兵部尚書張鳳翼卒,帝顧廷臣無可任者,卽家起嗣昌。 而 上,帝乃傳諭 而總督、總理二臣,隨賊所向,專征討。 專防,以延綏、山西、山東、江南、江西、四川爲六隅,六巡撫分防而 事例者,富民輸資 嗣昌聞而善之。 年,除此腹心大患。 鳳翼故柔靡,兵事無所區 例,日驛遞。 嗣昌通籍後,積歲林居,博涉文籍,多識先朝故事,工筆札,有口辨。 用卿晚。」嗣昌乃議 一流寇延蔓,生民塗炭,不集兵無以平寇,不增賦無 因議增兵十二萬,增餉二百八十萬。 因糧者,因舊額之糧,量爲加派,畝輸糧六合,石折銀八錢,傷 會總督洪承疇、王家禎分駐陝西、河南。日家禎 爲監生,一歲而 其改因糧爲均輸,布告天下,使知爲民去害之意。」尋議 溢地者,民間土田溢原額者,核實輸賦,歲得銀四十 書。 大舉平賊。 嗣昌銳意振刷,帝益以爲能。 岸 福建巡撫熊文燦者, 驛遞者,前 請以陝西、河南、湖廣、江北爲四 此郵驛裁省之銀,以二十萬 其措餉之策有 三疏辭, 討海 以餉兵。 每對必移 賊 不許。 協剿。 故 有 四 功, 庸材,不 勉從 日 正,四 )時,所 大言 是謂 帝 明年 因

廷

贼 攻淅川,左良玉不救,城陷。 山西總兵王忠援河南,稱疾不進,兵譟而 歸。 嗣昌請 逮

戮 失事諸帥 ,以肅軍令。 逐速忠及故總兵張全昌。 良玉 以六安功,落職戴罪 自 贖

撫斷 平。」乃剋今年十二月至明年二月爲滅賊之期。 地。 燥,嗣昌亦 命,立奪其帥印,簡一 蛟等出關協擊。 提邊兵,監臣提禁旅,豫撫提陳永福諸軍,幷力合剿。 順、瀼,安撫斷英、六,鳳撫斷亳、潁,而應撫之軍出靈、陝,保撫之軍渡延 然陝有李自成、惠登相等,大部未能剿絕,法當驅關東賊不使合,而使陝 嗣 既建「四正六隅」之說,欲專委重文燦。 心望。 期三月盡諸劇寇。 旣已任之,則曲爲之解。乃上疏曰:「網張十面,必以河南、陝西爲 副將代之。 監司、副將以下,悉以尙方劍從事。 巡撫不用命,立解其兵柄, 帝可其奏。 文燦顧主撫議,與前策抵 若關中大賊逸出關 簡一監司 則人人効力,何賊不 代之。 東,則秦督提曹變 津。 撫 牾。 斷 總 商 然後總理 帝譙讓 兵不用 (維,) 殺賊 文

但責 年不 郎督之,本藉 (成及· 效。 是時,賊大入四川,朝士尤洪承疇縱賊。 時平賊,奈何以久近藉之口!嗣昌乃不敢言。 論者繩文燦急,而承疇縱寇莫爲言。」帝知 以剿賊,文燦悉以資撫。 帝旣 不復詰,廷臣 嗣昌 嗣昌 因言於帝曰:「熊文燦在事 亦莫言之。 文燦旣主撫議,所加餉天子遣一 有意左右之,變色曰:「督、 三月,承疇 理二臣 侍

至明年三月,嗣昌以滅賊踰期,疏引罪,薦人自代。 帝不許,而命察行 間功罪, 乃上疏

列

傳

第

百

四 +

楊 嗣 昌

罪自贖。」議上,帝悉從之。 侍郎行事。 有勞無功,河南張任學、寧夏祖大弼無功過。承疇宜遣逮,因軍民愛戴,請削宮保、尙書,以 南左良玉有功,陝西曹變蛟、左光先無功,山西虎大威、山東倪龍、江北牟文綬、保定錢中選 龍、浙江喻思恂有勞,鄖陽戴東旻無功過,鳳陽朱大典、安慶史可法宜策勵圖功。 總兵則 廣余應桂有功,陝西孫傳庭、山西宋賢、山東顏繼祖、保定張其平、江南張 湖廣賊 曰:「洪承疇專辦秦賊,賊往來秦、蜀自如,剿撫俱無功,不免於罪。 一、無劉國能、張獻忠、戰舞陽、光山、剿撫俱有功、應免罪。 變蛟、光先貶五秩,與大弼期五月平賊,踰期幷承疇逮治。 諸巡撫則河南常道立、湖 熊文燦無辦江北、河南、 大典貶三秩,可法戴 國維、江西解學 河

法,奈何爲是言。」嗣昌慚。 刑」等語。 無不曲徇,自是不復言「十面張網」之策矣。是月,帝御經筵畢,嗣昌奏對有「善戰服上 嗣昌旣終右文燦,而文燦實不知兵。 帝怫然,詰之曰:「今天下一統,非戰國兵爭比。 旣降國能、獻忠,謂撫必可恃。 小醜跳梁,不能伸大司馬九伐之 嗣昌亦陰主之,所

中錢增、御史林蘭友相繼論列,帝不問。 门嗣昌 當是時,流賊旣大熾,朝廷又有東顧憂,嗣昌復陰主互市策。 則 歷引漢永平、唐元和、宋太平興國事,蓋爲互市地云。 給事中何楷疏駁之,給事 適太陰掩熒惑,帝減 膳修

情 帝怒,並鐫三級,留翰林。刑部主事張若麒上疏醜詆道周,遂鐫道周六級,幷同升、士春皆 起 陳新甲總督,於是楷 月 改禮部尚書兼東閣大學士,入參機務,仍掌兵部事。 、蘭友及少詹事黃道周抗疏詆斥,修撰劉同升、編修 嗣昌旣以奪情入政府,又奪 趙士春繼之。

謫外。

已而

南京御史成勇、兵部尚書范景文等言之,亦獲譴。

嗣昌自是益不理於人口。

嗣昌 盧象昇帥師入衛。 重觀望,所在列城多破。 事益壞云。 l誤國 我 大清兵入牆子嶺、青口山,薊遼保定總督吳阿衡方醉,不能軍,敗死。 嗣昌怒,改廷麟職方主事監象昇軍,而戒諸將毋輕戰。諸將本恇怯,率藉口持 象昇旣陣亡,嗣昌亦貶三秩,戴罪視事 象昇主戰,嗣昌與監督中官高起潛主款,議不合,交惡。 嗣昌據軍中報,請旨授方略。 比下軍前,則機宜已變,進止乖違, 編修楊廷麟劾 京城戒嚴,召

語 沈 志 舉 逐言官 侵嗣昌。 言「聖明 先是,京師被兵,樞臣皆坐罪。 十二年正月,濟南告陷,德王被執,遊騎直抵兗州。三二月,大清兵北旋,給事中李希 ,中外益 《御極以來,北兵三至。己巳之罪未正,致有丙子。丙子之罪未正,致有今日。 初,帝以嗣昌才而用之,非廷臣意。 御史王志舉亦劾嗣昌誤國四大罪,請用丁汝夔、袁崇煥故事。 不平。 嗣昌亦不自安,屢疏引罪, 二年,王洽下獄死,復論大辟。 知其必有言,言者輒斥。 乃落職冠帶 視 事。 九年,張鳳翼出督師,服 未幾,以敍 嗣昌旣有罪,帝又 帝怒,希沆貶秩, 功復之。

列

傳

第

百

四

+

楊嗣昌

縦 東顔 毒 有司,凡三十六人,〔三同日棄市。 敵 嗣 死 繼祖 出塞。 議文武 削 ,總兵則薊鎭吳國俊、陳國威,山東倪寵,援剿祖寬、李重鎭及他副將以下,至州縣 於是中官則薊鎭總監鄧希韶、分監孫茂霖,巡撫則順天陳祖苞、保定張 、諸臣失事罪,分五等:曰守邊失機,曰殘破城邑,曰失陷藩封 及是,亡七十餘城, 而 而帝眷嗣昌 三嗣昌 貶削不及,物議益譁。 不衰。 嗣昌乃薦 四 川巡撫傅宗龍自代。 ,日失亡主帥 其平、山 ), 日

撫以下 流餉絀,未嘗有實也。 間 監 兵二十四萬有奇。 奇,三總兵各練萬,總督練三萬。 五. 督練三萬。 以下分練。 萬 、巡撫以下分練。 二 人。 七千有奇。 當戒嚴時,廷臣多請練邊兵。 分練。 薊遼總督下增監軍三人。 以二萬駐固原,一萬駐延安,東西策應。 延綏、寧夏、甘肅 叉 以畿輔 四總兵各練二萬,總督練三萬。 五總兵各練萬,總督練五萬。 汰通州、<br />
昌平督治二侍郎,<br />
設保定 重地 ,議增監 、固原、臨洮五鎭兵十五萬五千七 以二萬駐懷來,一萬駐陽和,東西策應。 嗣昌因定議:宣府、大同、山西三鎭兵十七萬八千八百有 司四人。於是大名、廣平、順德增 議上,帝悉從之。 外自錦州,內抵居庸,東西策應。 北自昌平,南抵河北,聞警策應。 餘授巡撫、副將以 一總督, 嗣昌所議兵凡七十三萬有奇,然民 合畿輔、山東、河北兵,得十 百有奇。 一人,真定、保定、河 下分練。 五總兵 餘授鎭監、巡撫 各練萬, 遼東、薊鎭 餘授鎭 餘授巡 總

列傳第一百四十 楊嗣昌

賞 所司 務 便 餉。 餉 者 抽 或 傷 止 緩 次 宜 功銀四萬、銀牌千五百 安 急,請 把 練 祥 也 還內閣 一誅賞。 之 過發。」帝悅,日 以 至 皆贊之。 總, 後 Ŧī. 帝 加 議 月, 是,復增剿餉、練餉,額溢之。 嗣 餉 叉 赋 先行 並 昌主之,事鉅莫敢難 邊兵 盡 採 熊文燦所撫賊張獻忠反穀城, 受 出 抽 九月 副 而 未幾, 畿輔 於土田,土田 轄 練而 (多虚 於是剿 **賊未平**, 將楊德政議,府汰 於 朔, 山 正 羅英 其餘遂不 額 卵能 召見平臺。 官 東、河 餉 今指 詔徴 外復 山敗書聞。三帝大驚, 專 、幣帛千。 虚歸 練民兵。 南 如此,朕復何憂。」翊 問。 爲實數,餉 其半。 增練餉 也。 有 Щ 嗣昌曰:「君言不宿於家,臣朝受命,夕啓行,軍資甲仗望敕 通判,設練備 且抽 力家 西 神宗 至是, 嗣 七 府千,州 先後增賦千六百七十萬。四 從之。 練 7. 百畝 昌條七事以獻,悉報可。 盡虛 百三十萬。 末增賦五 仍虛文,邊防 羅汝才等九營皆反。八月 督餉 一糜,而 增銀 七 於是有 詔逮文燦。 秩次 侍 百百 日,賜白金百、大紅 百二十萬,  $\equiv$ 練數仍不足。 郎 論者謂:「九邊自有額 匹 張 、守備,州汰判官,縣汰主 縣 練餉 . 錢, 愈 伯鯨請全徵。 五. 益 百, 之 稍 特旨命嗣昌 弱。 議。 崇禎 捍 抑 兼弁 鄉 至州 四日 且兵以分防 初 初 土, 民不聊生,益 **於絲四表裏、斗牛衣一、** ,傅宗龍 耳。」大 再 、縣民 嗣 帝 召見賜宴, 不 增 督 慮 昌 餉,概 他 百 兵益 師 失 增 調 四十萬, 抵京 學士薛 不 信 簿, 剿 賜 無實 能 予 餉 起爲 尙 嗣 嗣 設 常 ,嗣昌解 新 昌 期 昌 方 或 練 聚,故 一,徒 餉 總 盜 劍 以 總, 觀 一; 則 名 年 糜 勢 遼 程 部 以 厚 有 有 舊 無 IIII 秩

御 製 贈 行 詩 章 嗣 昌 跪誦,拜 且泣。 越二日,陛辭,賜膳。 二十九日抵 襄陽 • 入文燦軍

文燦就遠,嗣昌猶爲疏辯云。

紀,從之。 安邦剿汝才、登相, 城、房、竹山 軍 賜 十 畢 ~ 云 ·里,及 十一月, 諸 賊賀 j 《其巢。 將 朔 竹谿 積 嗣 興世王王 、騎玩 龍等掠葉,圍沈丘,焚項城之郛,寇 先驅射賊 昌大誓三 つ無鬭 嗣昌 印金軍覆於香油坪。 國寧以衆千人來歸,受之於襄陽,處其妻子 志。 一鞭刁明忠,斬監軍 軍,督理 ,殪絳袍 獻忠、羅汝才、惠登相等八營遁鄖陽、興安山間,掠南漳、 而 中官劉元斌,湖廣巡撫方孔炤,總兵官左良玉、陳洪範等 : 馳者二人,追奔四十里,斬首千七百五 嗣昌劾逮孔炤,奏辟永州推官萬元吉爲軍前監 僉事殷大白以徇。 光山 副將張琮 檄巡撫方孔炤遣楊世恩、羅 、刁明忠 樊城。 + 率京軍 表良玉 嗣 瑜 山 昌 平 稱 賊 行九 詔 穀 將 頒

大破 率衆降。 昌牒令還,良玉不從。 於 興安,求撫,不許。 之,斬馘三千六百二十、行〕墜巖谷死者無算。 當是時、 是月也,帝念嗣昌,發銀萬兩犒師,賜斗牛衣、良馬、金鞍各二。使者甫出國門,而 李自成潛伏陝右,賀一龍、左金王等四營跳梁漢東,嗣昌專剿獻忠。 其黨托天王常國安、金翅鵬劉希原來降,獻忠走入川,良玉 十三年二月七日與陝西副將賀 其黨掃地王曹威等授首,十反王楊友賢 人龍、李國奇夾擊獻忠於瑪瑙山,公 追之。 獻忠屢敗 嗣

萬, 興安 獻忠 寒溪 之 瑪 瑙 龍 以 鳳 賜 八平利 持 五 寺 敗 Ш 鞍馬 大部 賊 之捷 之,斂兵南漳、遠安 贼 鹽 合, 水 井 Щ 至。 降 右 中 其勢復 而 壩、二三獲其 ·,良玉 罷 |)|| 復叛 、陝、湖廣諸 鄖 (倪) 再 陽 張 圍 撫治 , 鄭 而 功 發銀 嘉 間 不 軍 由 王鰲永 攻,賊 ó 師 棟 襄陽 將 五. 殺安撫官姚宗中,走大 賀 萬,幣 畢集,復 四 人龍 赴 得收散亡,由 ]][ 詔廢將 夷陵, 將 帛 大破 連 張 干 敗 令 犒 扼其 猛 汝才、 之黄墩、木瓜溪,軍聲 如 師 方 虎 興安、房縣走白羊 、要害。 國 登相 軍前 論 安 功, 敗 寧、大昌,犯 立. 開 帝 之千 加 功。 縣 念 太 嗣 江 子 黄 昌 汝才偕小秦 河 少 得 行 保。 Щ 巫 大振 功、宋紀 間 Щ 而 李 西,與 為 國 而 奇 湖 JII 汝 王 く質 廣 大破 才 賜 汝 中 東 將 敕 才 人龍 患 賊 登 張 發賞 等 商城 相 應 登相 獻忠 合。 等敗之 元、 求 功 置 汪 越 銀 嗣 遁

開 縣 而 西 自是二賊 始 分。

瓰 紙, 兵。 坪 河 南 湖廣 散 而 李 當 之賊 萬 際 是時, 陝之長武, 兵之在馬蝗 及 遇 登相 中。 爲之魁 諸部 七月, 王 ]]] 士 坡 之新 光 馬 饑民從之,所在告警。 者,久 監 恩 居 軍 亦 寧、大竹, Щ 孔 相 谷, 屯 貞 繼 思歸,夜亡多。 罹炎 會等 降。 湖廣 大破 暑 於 瘴 是羣賊盡萃於蜀中。 之 汝才 毒, 羅 嗣 物故十二三。 田 豊邑坪。 昌 關 叉 以 河 相繼 聞 大旱,人 報陷。 其黨混 帝發帑金 相 京兵之在 嗣 食, 嗣 世王 昌 昌 土 五 遂 乃下 萬, ||寇蜂 入川, 小 荆 營醫 秦 招 門、 起。 撫 以八 王率其 雲南 令, 藥, 陜 近西寶 月泛舟上, 責 爲 兵之在簡 下降, 諸 諭 開 帖 將 遠、 萬 進

列

傅

百

四

+

楊

嗣

昌

七

道下簡州、資陽。 安避之去,賊遂縱掠什邡、綿竹、安縣、德陽、金堂閒。 攻羅江,不克,走綿竹。 光遠、賀人龍拒之,賊乃轉掠,陷梓潼、昭化,抵綿州,將趨成都。十一月,嗣昌至重慶。 謂 禦,遂突淨壁,陷大昌。 一月,陷瀘 一地嶺, JII 地阨 賊攻巴州不下。 獻忠勢復張, 塞,諸軍合而蹙之,可盡殄。 州 嗣昌徵諸將合擊,皆退縮。 嗣昌至梁山,檄諸將分擊。賊已陷劍州,趨保寧,將由間道入漢中 汝才與之合。 嗣昌斬仲光,劾逮四川巡撫邵捷春。 嗣昌至 順慶,諸將不會師。 聞督師西,遂急趨大昌, 而人龍以秦師自開縣譟而西歸,應元等敗績於夔之 屢徵良玉兵,又不至。 賊轉掠至漢州、去中江 所至空城而遁,全蜀大震。 賊遂渡河至通江 犯觀音巖,守將邵 賊遂陷榮昌、永川。 百里,守將方國 賊逐 仲光不能 嗣昌至萬 由 水 趙

令。 白 则 反以情告良玉 金 授官,惟獻忠不赦,擒斬者資萬金,爵侯。 初,嗣 三錢」。嗣昌駴愕,疑左右皆賊, 自 | 賊再入川,諸將無一 昌 表良玉平 一,良 玉亦慍。 賊將軍,良玉 邀擊者。 語載良玉、人龍傳 寖 嗣昌雖 勒三日 騎, 欲貴人龍以抗之。 進兵。 屢檄,令不行。 翌日,自堂皇至庖湢,遍題「有斬督師 會雨 雪道斷, 其在重慶也,下令赦汝才罪,降 旣以瑪瑙山功不果,人龍慍 復戒期。 三檄人龍, 獻 者,賚 不奉

嗣昌 雖有才, 然好自用。 躬親簿書,過於繁碎。 軍行必自裁進止,千里待報,坐失機

列 傅 第 百 四 + 楊 嗣 昌

今舉 會。 必 也。 以 慮 糜餉 為 之 人 數 不 陛 人 其 王 長、正 一點水 授 下 閒 千 之任 能 以 里 機 嘗 自 征 由 宜 嗣 出 伐 諫 操心之太 昌 機 之,不 奇 但 者 宜 不不 一覈 惟 。盡 其機 必 納 、苦也。 令 瑪 出 其 瑙 及鰲 宜之當 嗣 與 Щ 昌 諸 永 天 役。 人,文牒 否。 將 下 罷 同 事 官, 若必 , 功 則 總 上 罪 嗣 往 挈 書 遵督 昌 返 大 但責 於 心 動 綱 朝 有 輔 則 其提 日 餘 踰 號 易, 閒 令 旬 衡 自 嗣 月, 獨 諸 良 周 昌 能 將 玉 坐 萬 用 決 當 之 失 目 師 奇 功 退 事 則 制 罪。 守 機, 年, 難 勝 興安 無怪 蕩 嗣 何 況 昌 平 至 賊 乎經 一之馭 無 未 情 久 此 延歲月 瞬 捷 年 諸 息 之不 此 矣。 將, 更 非 變, 不 戰 臣

戰 統 至 入 廣元 開 舟 瀘 州 縣 師 先 是一嗣 、黃陵城、大敗、將士 下 文走 加 雲陽 虎 巴州 及 昌 ,檄諸軍 賀 以 達州 諸將進止不一,納 人龍、趙光遠 陸 行追 諸 死亡過半。 軍 賊。 軍至 疲 極,惟 人 一,贼 幕 龍 下 復 軍 如 如 評事元吉言,用猛 渡南 虎 旣 虎 突 課 軍 躡 圍 溪 而 西,頓 其後。 沙越 **発**,馬驘 成 都 兵廣元 + 關 走 如虎 四 防盡爲賊 年正 漢 不進, 州 爲總統,張 徳陽 月, 所 有 嗣 特惟 綿州 昌 應元 知 如 賊 虎。 副之。 劍州 必 出 比 ]]] 與 昭 比 鯎 化 賊 遂

師

爲

哉

遠, 令他逸。 初 賊遂 賊竄 下 諸 南 ·夔門、抵興山 將乃盡從瀘州 溪,元吉欲從間道出梓潼,扼 攻當陽 逐後塵。 犯 賊 荆門。 折 而 歸 東 路 嗣昌至夷陵,檄良玉兵,使十九返。 返,歸路盡空,不可復遏,嗣 以 待賊。 嗣昌 檄 諸軍躡賊疾追,不 昌始 悔 良玉 得 不 用 拒 撤 賊

信,入之。夜半從中起,城遂陷。 取軍符。以二月十一日抵襄陽近郊,用二十八騎持軍符先馳呼城門督師調兵,守者合符而 賊至當陽,急謀發兵。<br />
獻忠令汝才與相持,而自以輕騎一日夜馳三百里,殺督師使者於道, 興、房兵趨漢中,若相避然。賊所至,燒驛舍,殺塘卒,東西消息中斷。 鄖陽撫治袁繼咸聞

十四。 至荆州之沙市,聞洛陽已於正月被陷,福王遇害,益憂懼,遂不食。以三月朔日卒,年五 江、漢間列城數十,倚襄陽爲天險,賊乃出不意而破之。 初以裏陽重鎭,仞深溝方洫而三環之,造飛梁,設橫枑,陳利兵而譏訶,非符要合者不得渡。 藩伏法。 獻忠縛襄王置堂下,屬之酒,曰:「吾欲斷楊嗣昌頭,嗣昌在遠。今借王頭,俾嗣昌以陷 王努力盡此酒。」遂害之。未幾,渡漢水,走河南,與賀一龍、左金王諸賊合。 嗣昌在夷陵,驚悸,上疏請死。下 嗣昌

畢命,然功不掩過,其議罪以聞。」定國公徐允禛等請以失陷城寨律議斬。 罪督輔,非通論。 嗣昌奉命督剿,無城守專責,乃詐城夜襲之檄,嚴飭再三,地方若罔聞知。 則 以病卒報,莫能明也。 廷臣聞襄陽之變,交章論列,而嗣昌已死矣。 且臨戎二載,屢著捷功,盡瘁殞身,勤勞難泯。」乃昭雪嗣昌罪,賜祭,歸其 帝甚傷悼之,命丁啓睿代督師。 繼咸及河南巡按高名衡以自裁聞, 傳諭 廷臣: 「輔臣二載辛勞, 上傳制曰:「故輔 及違制陷 城 其子 朝 專

列俾第一百四十 吳甡

論 喪於武陵。 不已,帝終念之。後獻忠陷武陵,心恨嗣昌,發其七世祖墓,焚嗣昌夫婦柩,斷其屍見血, 嗣昌先以剿賊功進太子少傳,旣死,論臨、藍平盜功,進太子太傅。日已廷臣猶追

其子孫獲半體改葬焉。

留。 授 御 史。 後又諫內操宜罷,請召還鄒元標、馮從吾、文震孟,乃積與魏忠賢忤。 吳甡,字應友,揚州興化人。萬曆四十一年進士。 初入臺,趙南星擬以年例出之。 性乃薦方震孺等,而追論崔文昇、李可灼罪,遂得 歷知邵武、晉江、維縣。 七年二月削 天啓二年徵

其籍

通政 卽 納。 就 定其罪, 廷 命按陝西。 出按 推 崇禎 中 毋混察 河南。 簡 改元,起故官。 用,事乃止。 劾大將<u>杜文煥冒功</u>,置之法。 典。 妖 人聚徒劫村落, 御史任贊化以劾體仁謫,姓論救, 時大治忠賢黨,又值 溫體仁許錢謙益, 甡 遍捕賊魁誅之。 周延儒助之。 數爲民請命,奏無不允。 京察,性言此輩罪惡非考功法所能盡, 奉命振 而力詆王永光 延綏饑, 7媚璫, 因諭: 遷大理 散賊黨。 請罷 寺丞,進左 黜。 帝聞, 宜先

虎大威 代州 地震 策保 西大盜賀宗漢、劉浩然、高 聽。 將、 年四 全活甚衆。 議餉 月上 往偵 其秋 者再,姓曰:「此 全。 年 、劉光祚等圖之,以次皆被殲。 ,亦敗走。 ,我大清平察哈爾國 疏言:「晉民有三苦。 九月超耀 由此悉爲盜。 議用人四事。 在晉 四年,軍民戴若慈母。 右僉都御史,巡撫山西。 必有 姓鐫五. 請鐲最殘破地十州縣租。」帝卽敕議行。 東師也。」飭 每歲暮扼河防秦、豫賊, 加計皆前巡撫戴君恩所撫,掩衆自恣。 級,嗣昌 ,旋師略朔州,直抵忻、代,守將屢敗。 一苦凶荒,無計餬 1及大同 有司繕守具, 姓行軍樹二白旗, 謝病歸 巡撫葉廷桂鐫三級,俱戴 性歷陳防禦、邊寇、練兵、恤民四難 口。 連三歲,無一 已而 一苦追呼, 果入。 脅從及老弱 定襄以有備, 賊潛渡,以閒 戶部請稅間 無力輸租 性陽 罪視事 婦女跪其下, 總督楊 爲撫 0 、慰,而 修築邊牆。 獨不被兵。 嗣昌遣 架,蛀力爭 先是,定襄 ,及議兵、議 苦殺掠,無 密令參將 即冤死, 副 將 自 川

厚, 至, 使練者 m 請改推 老弱 十一年二月起兵部左侍郎。 技 盡精, 與散 者汰補,革弊當以漸,不可使知有汰兵意。」帝然之。 汰者 兵無異。 帝怒, 不 譁, 性對日 「京營邊勇營萬二千專練 落職閒 宜行 住。 分練法,技精者,散兵 十三年冬起故官。 其冬,尚書楊嗣 昌 拔爲 言邊關戒嚴,姓 明年命 邊 勇, 騎 劦 射,壯 理 否則邊勇降為散兵, 又問別立戰營,能得堪戰者 一戎政。 及添注侍郎惠世揚 丁二萬 帝嘗 『專練 問京營軍 火器 壯 廪 久不 何 亦 以

列傳第一百四十 吳甡

不 五. **放**,歸 萬否,性對:「京營兵合堪戰。 7別立 營則 一戰營也。」帝顧兵部尚書陳新甲,令速選將,而 本軍復充伍。 今練 兵法 承平日久,發兵剿賊,輒沿途僱充。 要在選將,有戰將自有戰兵,五萬 諭姓具疏以聞。 將領利月餉, 非難。 賜果餌,拜謝 但 法 忌紛更, 游民利 出

銓 傅 帝論諸司弊竇,性言錦衣尤甚,延儒亦言緹騎之害,帝並納之。 史,性力尼之。性居江北,延儒居江南,各樹黨。延儒引用錦衣都督駱養性,性持不可。 說 淑訓, 延 果 以捐 儒 五. 告以逆案不可翻, 甡 年六月擢 共爲銓地。 振饑屬撫按題敍,延儒擬優旨下戶部。 禮部尚 延儒默援之,姓遂得柄用。 書兼東閣大學士。 寢其疏不覆。延儒始悟爲貹紿。 周延儒再相,馮銓力爲多,延儒許復其冠帶。 公議大沸,延儒患之。馮元飆爲性謀, 及延儒語銓事,姓唯唯,退召戶部尚書 延儒欲起張捷為南京右都御 後

則督、撫兵皆其兵。」、對言:「臣請兵,正爲督、撫無兵耳。 行 湖 扈 性 清 基 廣 師。 面 十六年三月,帝以襄陽、荆州、承天連陷,召對廷臣,隕涕謂姓曰:「卿向歷巖疆,可往督 損 督師 對,帝御文昭閣,諭以所需兵多,猝難集。 威 一性具疏請得精兵三萬,自金陵趨武昌,扼賊南下。 重。 嗣昌九檄徵兵,一旅不發。 南京從襄陽順流 下,窺伺甚易, 臣不如嗣昌,而良玉踞江、漢甚於曩時。 宜兼 南京隔遠,不必退守。 顧, 使臣束手待賊,事機一失,有不忍 非退守。」大學士陳演言:「督師出, 帝方念湖北,覽疏不悅,留中。 臣 節制不

言 言者。」帝乃令兵部速議發兵。 L此兵 方北 征,俟敵退始可調。 尚書張國維請以總兵唐通、馬科及京營兵共一萬界姓。 帝命姑俟之。 性屢請,帝曰:「徐之,敵退兵自集,卿獨往 叉

何益。」

備。 候旨。」姓入都,敕法司議罪。十一月遣戍金齒。南京兵部尚書史可法馳疏救,不從。 七月、親鞫吳昌時、作色曰:「兩輔臣負朕、朕待延儒厚、乃納賄行私、罔知國法。命姓督師、 百方延緩,爲委卸地。 逗遛,命輟行入直。」性惶恐,兩疏引罪,遂許致仕。 ,試之耳,觀首輔疾趨可見。」對卒遲回不肯行。 性不得已,以五月辭朝。 明年,行次南康,聞都城變。 踰月,延儒出督師,朝受命,夕啓行。 延儒被糾,姓何獨無。」旣而曰:「朕雖言,終必無糾者,錦衣衛可宣性 先一日出勞從騎,帝猶命中官賜銀牌給賞。越宿忽下詔責其 未幾,福王立於南京,赦還,復故秩。 蔣德璟謂倪元璐曰:「上欲吳公速行,緩言相慰 部所撥唐通兵,演又請留,云關門不可無 旣行,演及駱養性交搆之,帝益怒。至 吏部尚書張慎言議

召用姓,爲勛臣劉孔昭等所阻。 國變後,久之,卒於家。

贊曰:明季士大夫問錢穀不知,問甲兵不知,於是嗣昌得以才顯。 然迄無成功者,得非

能正邦乎。 功罪淆於愛憎,機宜失於遙制故耶。吳甡按山右有聲,及爲相,遂不能有爲。 抑時勢實難,非命世材,固罔知攸濟也。 進不以正,其

校勘記

(一) 會總督洪承疇王家禎分駐陝西河南 王家禎,原作「王家楨」。 本書卷二五八湯開遠傳、 **。**明史

孫傳一三八楊嗣昌傳都作「王家禎」。 本書卷二六四和明史稿傳一四六都有王家禎傳, 事跡與

此合、據改。下同。

遊騎直抵兗州 直抵,原作「北抵」,據明史稿傳一三八楊嗣昌傳改。

凡三十六人

本書卷二四莊烈帝紀作「三十三人」。

29 \\_/ 先後增賦千六百七十萬 按本書卷七八食貨志引御史郝晉言,加派 「遼餉」九百萬,

「剿餉」三

百三十萬,「練餉」七百三十多萬,共一千九百六十多萬。 志、傳不盡 同。

五 未幾羅狹 Щ 敗書聞 羅狹山,本書卷二四莊烈帝紀及卷二七三左良玉傳都作「羅猴 Щ, 卷三

「羅睺山」。 ○九張獻忠傳、 明通鑑卷八六莊烈帝紀考異引三編質實云:「羅狹山, 綏寇紀略卷六及懷陵流寇始終錄卷一二作「羅狹山」。 一名羅猴山。」「羅猴」、疑當 明史紀事本末卷七七作

作「羅睺」、爲九曜之一。

列 傳 第 百 四 + 校 勘 記

- 表良玉平賊將軍 傳文繫此事於崇禎十二年十一月。 本書卷二四莊烈帝紀、 國権卷九七頁五
- 八五一、懷陵流寇始終錄卷一二都繫於本年十月。
- <del>-L:</del> 檄巡撫方孔炤遣楊世恩羅安邦剿汝才登相 羅安邦,原作「羅萬邦」, 據本書卷二六〇鄭崇儉
- 十三年二月七日至擊獻忠於瑪瑙山 七日,見本書卷二四莊烈帝紀及其他有關文獻,今補。 原脫「十三年」。按瑪瑙山之戰發生於崇禎十三年二月
- уь Ш |崇禎十三年二月壬子條作「斬二千八百八十七級」, |國権卷九七頁五八五六作 · 傳作「斬首千三百餘級」,明史稿傳一三八楊嗣昌傳作「斬馘三千五百有奇」,懷宗實錄卷一三 斬馘三千六百二十 作「斬首二千三百級」。 百八十七級」,「秦兵斬首一千三百三十有三」,綏寇紀略卷七同國権,懷陵流寇始終錄卷一三 、國権所稱秦兵殺義軍數合。 瑪瑙山之戰, 國權及綏寇紀縣總數與本文數字合,明史稿與本文大數合。 明兵屠殺義軍人數, 各書記載不一。本書卷三〇九張獻忠 「左兵斬二千二 張獻忠傳
- [0] 敗賊水 級寇紀略卷七、懷陵流寇始終錄卷一三改。 右壩 水右壩、 ,原作 「水石壩」*,* 據本書卷三〇九張獻忠傳、明史稿傳一八三張獻忠傳、

與

嗣昌先以剿賊功進太子少傅旣死論臨藍平盜功進太子太傅 少傅,本書卷一〇九字輔年表、 記

七頁五八九一、懷陵流寇始終錄卷一四作「太保」。



## 明史卷二百五十三

### 列傳第一百四十一

王應熊 何吾騶 張至發 孔貞運 黄士俊 劉宇亮 薛 國觀

袁愷

程國群 蔡國用 范復粹 方逢年 張四知等 陳演 魏藻德 李建泰

**尙書黃汝良,爲給事中馮元** 之過也;亦非因循於夙習之故,實愆忘於舊章之過也。」語皆迎帝意,遂蒙眷注。 舉會典律例告之者,反訝爲申、韓刑名。 聖明不世出之主,而羣工不克仰承,直當愧死。 何 不倚信羣臣,乃羣臣不肯任勞任怨,致陛下萬不獲已,權遣近侍監理。書之靑史,謂有 崇順三年召拜禮部右侍郎。明年冬,帝遣宦官出守邊鎮,應熊上言:「陛下焦勞求治, 王應熊,字非熊,巴縣人。萬曆四十一 飆所刻。 汝良爲之隱,乃解。 近日諸臣之病、非臨事不擔當之故,乃平時未講求 年進士。 且自神宗以來,士習人心不知職掌何事,有 天啓中,歷官詹事,以憂歸 五年進左侍郎,元飆發其貪汙狀, 嘗酗酒、詬

列

傳第

百

四十

Æ

應旗

帝不省。

縦横 應熊咈然,佯具疏引退,語多憤激。 捷足之徒馳騁而起,爲聖德累不小。」帝大怒,下正宸詔獄,削籍歸。 籍封靡,淪於市行。 親善。 大學士,與何吾騶並入參機務。 《爲習, 應能 及延儒罷,體仁援益力。 一博學多才,熟諳典故,而性谿刻强很,人多畏之。 小才足覆短,小辨足濟貪。今大用,必且芟除異己,報復恩讐,混淆毀譽。 願收還成命,別選忠良。 六年冬,廷推閣臣,應熊望輕不與,特旨擢禮部尚書兼東閣 命下,朝野胥駭。 屢爲給事中范淑泰、御史吳履中所攻,帝皆不問 且訛言謂左右先容,由他途以進,使天下薰心 給事中章正宸劾之曰:「應熊强 周延儒、溫體仁援以自助,咸 有勸應熊爲文彥博者, 愎 自 況 狼 與

容薄,敢辭比之名。 胡江 正月二十八日,天下有未失事先恢復者哉? 會、吳履中、張肯堂言之不已。 人恐帝震怒, 帝顧應熊厚,皆不聽,而鐫楷、續會秩,慰諭應熊。 一交章詆應熊、 八年正月,流賊陷鳳陽,毀皇陵。 留一 鵬、振纓疏未上,俟恢復報同 體仁朋比悞國,帝怒謫二人,而給事中何楷、許譽卿、范淑 票擬實臣起草,敢辭悞之罪。」楷益憤,屢疏糾之,最後復疏言:「故事, 淑泰言:「一鵬恢復疏以正 巡撫楊 應熊改塡月日 一鵬,應熊座主,巡按吳振纓,體仁烟也。 奏之,遂擬旨令撫按戴罪。 應熊亦屢疏辯,謂「座主門生,誼不 月二十一 ,欺誑之罪難辭。」且劾其他受賄 日, 核察失事情形 泰, 主事 御史張纘 鄭爾說 疏

屢疏乞休去,乘傳賜道里費,行人護行。 懼,具疏引罪。帝下其家人及直日中書七人於獄。獄具,家人戍邊,中書貶二秩。應熊乃 應熊乃於十三日奏辯。旨尚未下,應熊何由知?臣不解者一。且旨下必由六科抄發。臣 疏十四日下,而 百 戶趙光修先送錦衣堂上官,則疏可不由科抄矣。 臣不解者二。」 應熊始 ·非發抄,外人無由聞,非奉旨,邸報不許抄傳。 臣疏六月初十日上,十四日始奉明旨, **。帝亦知應熊不協人望,特己所拔擢,不欲以人言** 

百七十餘萬,詞連應熊。 十二年遣官存問。 其弟應熙橫於鄉,鄉人詣闕擊登聞鼓,列狀至四百八十餘條,贓 詔下撫按勘究。 會應熊復召,事得解。

已而 下。 聞 「需王應熊先入耳。」帝益疑之。 國之日,衆口交攻,以爲孤立無黨,孰知其同年密契,肺腑深聯,恃延儒在也。 應熊。 應熊 延儒被逮,不卽赴,俟應熊至,始尾之行。 以政本重地,私相援引,是延儒雖去猶未去,天下事何堪再悞」一帝得疏 時延儒再相,患言者攻己,獨念應熊剛很,可藉以制之,力言於帝。十五年冬,遺行人召 賄延儒爲再召計。延儒對衆大言,至尊欲起巴縣。 明年六月,應熊未至,延儒已罷歸。 九月,應熊至,宿朝房。 給事中襲鼎孳密疏言。「陛下召應熊,必因其秉 一日,帝顧中官曰:「延儒何久不至。」對曰: 請入對,不許,請歸田,許之,乃慙 巴縣者, 應熊也。 心動,留未下。 未幾,召命果 臣去年入都,

明

沮而返。

中,旋卒於畢節衞。 貴州 明年十月,獻忠餘黨孫 亡,乾居職 守之。 功 兼文淵 復 、雲南四 編素誓師 七 重 閣大學士,總督川 年三月,京師 慶, 如故。 巡撫出 屢破 ,開幕府, 已 賊 而 師 子陽禧,死於兵,竟無後 可望、李定國等南走重慶,英戰 兵。 獻忠死, 合討。 陷。 傳檄 王祥亦出 、湖、雲、貴 五. 幷劾 月, 諸將楊展等各據州縣 討 賊。 四 福王立於南京。 師綦江 ]]] 軍務,專辦 明年奏· 巡撫馬乾縱 相掎 上方略, 角。 兵 寇。 八月,張獻忠陷四 自雄, |祥才 歿 淫掠,日 請敕 時川 武不及英,而應熊委任 可望襲破遵義,應熊遁 應熊不能 川陝、湖貴 中諸 革 那, 職提問。 制。 川 惟 兩總督,鄖陽 遵義 其部 乃改應熊 命未 未 將 下, 過之。 入永寧山 達 曾英最 而 湖 應熊 兵部 南 廣、 都 叉 有 入 尙

震孟 郎。 爭之,吾騶亦助爲言。 六年十一月加尚 何 吾騶,香山人。 書,同 萬曆四十七年進士。 體仁 王 一應熊 計奏,帝奪震孟官,兼罷 入 閣 溫 體仁 由庶吉士歷官少詹 久 柄 政, 吾駒。 欲斥給 詳 事。 事 見震孟傳 中許 崇禎 譽卿 五. 年 擢 擬旨 禮部右 文

州 永明王以 居 人之, 唐王自立於福 原官召之,爲給事 州, 中金堡、大理寺少卿趙昱等所攻。 召爲首輔,與鄭芝龍議 事輒 相 牴 牾。 引疾辭去,卒於家 |閩 疆 旣 失, 踉蹌 回 廣

列傳第一百四十一 張至發

時齊、楚、浙三黨方熾。 張至發,淄川人。 萬曆二十九年進士。 至發,齊黨也, 上疏陳內降之弊。 歷知玉田、遵化。 因言:「陛下惡結黨, 行取,授禮部主事,改御史。 而 秉揆者先

果若人言,天下事尚可問耶。」語皆刺葉向高, 不能超然門戶外。 頃讀科臣疏云:『日來慰諭輔臣溫旨,輔臣與司禮自相參定,方聽 帝不報。 時言官爭排東林,戶部郎中李朴不 御批。」

平,抗疏爭。 至發遂劾朴背公死黨,誑語欺君,帝亦 不報

置義 田,以贍貧者。 尋出按 河南。 福王之藩洛陽,中使相望於道。 四十三年,豫省饑,請留餉備振,又請改折漕糧,皆報聞。 至發以禮裁之,無敢橫。 宗祿不給, 還朝,引

病歸。

天啓元年進大理寺丞。 三年請終養。 魏忠賢黨薦之,矯旨令吏部擢用,至發方養親

不出。

侍郎。 令擬旨。 崇禎五年起順天府丞,進光祿卿。 六月,帝將增置閣臣。以翰林不習世務,思用他官參之。 逐擢<u>至</u>發禮部左侍郎兼東閣大學士,與文震孟同入直。 精覈積弊,多所釐正,遂受帝知。八年春,遷刑部右 召廷臣數十人,各授一疏, 自世宗朝許讚後,外僚入

閣,自至發始。

爲,而才智機變遜之,以位次居首,非帝之所注也。嘗簡東宮講官,擯黃道周,爲給事中馮 萬曆中,申時行、王錫爵先後柄政,大旨相紹述,謂之「傳衣鉢」。至發代體仁,一切守其所 論至發把持考選,庇兒女姻任濬而抑成勇。至發上章辯,帝遂逐煜去。 元飆所刺。至發怒,兩疏詆道周,而極頌體仁孤執不欺,復爲編修吳偉業所劾。講官項煜 時溫體仁爲首輔,錢士升、王應熊、何吾騶次之。越二年,體仁輩盡去,至發遂爲首輔

恩獄 錄,拒不納。檢討楊士聰論之,至發揭寢其疏。士聰復上書閣中,極論其事,至發終庇之。 會復故總督楊鶴官,許給誥命,應恩當撰文。因其子嗣昌得君,力爲洗雪。 患病云。 無何,大理寺副曹荃發應恩賕請事,詞連至發。 然曰:「公等不救,我自救之。」連上三揭。帝不聽,特降諭削應恩籍。 至發擬公揭救。 書,恐帝與太子開講同日也。至發不諳故事, 令兼之。 內 ·閣中書黃應恩悍戾,體仁、至發輩倚任之,恃勢恣橫。及爲正字,不當復爲東宮侍 至發乃具疏,自謂當去者三,而未嘗引疾。 同官孔貞運、傅冠曰:「曩許士柔事,吾輩未嘗救,獨救應恩何也。」至發咈 至發憤,連疏請勘。 忽得旨回籍調理,時人傳笑,以爲遵旨 應恩不能棄,講官撰講義送應恩繕 帝雖優旨褒答,卒下應 嗣昌疏救,亦不聽 件旨,將加罪,

帝思 漏 **彝典,僅得半焉。** 太傅、禮部尚書、文淵閣大學士。 密,聽之去。 用舊臣, 至發頗清强。 特敕召周延儒、賀逢聖及至發,獨至發四疏辭。 旣歸,捐貲改建淄城,賜敕優獎。 且不遣行人護行,但令乘傳,賜道里費六十金、彩幣二表裏,視首輔 起自外吏,諸翰林多不服。 及卒,贈少保,祭葬,廕子如 又始終惡異己,不能虛公延攬。 俄以徽號禮成,遣官存問。 制 明年七月病殁。 先屢加太子 帝亦惡 十四年夏, 其洩 去國

貞運進講皇明寶訓,稱述祖宗勤政講學事,帝嘉納之。 曆四十七年以殿試第二人授編修。 代至發爲首輔者,孔貞運。 代貞運者,劉宇亮。 天啓中,充經筵展書官,纂修兩朝實錄。 貞運,句容人,至聖六十三代孫也。 莊烈帝嗣位, 萬

貞觀 故,從優賜一品服。 南京禮部侍郎。 時,祭酒孔穎達講孝經,有釋奠頌。 崇禎元年擢國子監祭酒,尋進少詹,仍管監事。 越二年,遷東部左侍郎 冬十月, 畿輔被兵, 條上禦敵城守應援數策。 孔氏子孫以國師進講, 至貞運乃再見。 二年正月,帝臨雍,貞運進講書經。 尋以艱歸。 六年服闋,起 帝以聖裔 唐

結之。 九 年六 體仁怒語 月與賀逢聖、黃士俊並入內閣。 人曰:「句容亦聽人提索矣。」自是不敢有所建白。 時體仁當國,欲重治復社,值其在告,貞運從寬 及至發去位,貞運代之,

列傅

第

百

四

+

張至

發

運言所 乃揭 迨 年五月,莊烈帝哀詔至。 命 救鄭三俊、錢謙益, 俱從寬擬。 · , 閣 下諸卷,說多難 擬悉不從, 而帝以所擇十八卷下部議行。 行。 貞運哭臨,慟絕不能起。 景昌與辯,退卽上疏劾之。 帝親定考選諸臣,下輔臣再閱,貞運及薛 异歸,得疾遽卒。 適新 帝雖奪景昌俸,貞運卒引歸。 御史郭景昌等謁貞運於 國 觀 有所 朝房,貞 更。

累加 王, 耄不能決事, 數爲臺省論列。 少傅,予 黄士俊,順德 · 告歸。 人。 父母俱在堂, 萬曆三十五年殿試第 辭歸而卒。 錦衣侍養, • 人以爲榮。 授修撰,歷官禮部尚書。 唐王以原官召, 未赴。 崇禎 九年入閣, 後相永明

與傅冠 竟獲大用。 館中纂修、直講、典試諸事,皆不得與。 士,兩日 劉 一群國 宇亮,綿竹人。 而 畢。 明年六月,貞運罷 觀同 叉閱 入閣。 |視內城九門,外城七門,皆苟且卒事 萬曆四十七年進士。 宇亮短 歸,遂代爲首輔。 小精悍,善擊劍。 座主錢士升爲之援,又力排同鄉王應熊,張己聲譽, 屢遷吏部右侍郎。 其冬,都城戒嚴,命閱 居翰林,常與家僮角逐爲樂。 崇禎十年八月擢禮部尚書, 視三大營及勇衛營軍 性不嗜書,

時 大清兵深入,帝憂甚,宇亮自請督察軍情。 帝喜,即革總督盧象昇任,命宇亮往代。 列傳第一百四十一 薛國觀

代者千計,弘緒得鐫級調用。 糧 箭: 亟納 無人色,急趨晉州避之。 宇亮請督察,而帝忽改爲總督,大懼,與國觀及楊嗣昌謀,且具疏自言。乃留象昇,而宇亮 仍往督察,各鎭勤王兵皆屬焉。 不繼 青 師,否則軍法從事。 有司。 欲入城,不敢聞命。」宇亮乃馳疏劾之,有旨逮治。 知州陳弘緒閉門不納,士民亦歃血誓不延一兵。 弘緒亦傳語曰:「督師之來以禦敵也,今敵且至,奈何避之?芻 帝自是疑字亮不任事,徒擾民矣。 甫抵保定,聞象昇戰歿。 過安平,偵者報大淸兵將至,相 州民詣闕訟冤,願以身 宇亮大怒,傳令 顧

**発**議。 戴罪圖功, 國憲,大不敬。 具疏乞宥,繼上<u>武</u>清捷音。 與 嗣 昌謀傾宇亮,遽擬旨軍前斬光祚。比旨下,光祚適有武淸之捷,宇亮乃繫光祚於獄,而 明 年正月至天津。 久之,卒於家。 事平再議。 宇亮疏辯,部議落職閒住。 宇亮竟以此去位,而國觀代爲首輔矣。 **憤諸將退避,疏論之,因及總兵劉光祚逗遛狀。** 國觀乃擬嚴旨,責以前後矛盾,下九卿科道議。 給事中陳啓新、沈迅復重劾之,改擬削籍。 已而定失事者五案,宇亮終 國觀方冀爲首輔, **愈謂字亮玩弄** 帝令

薛 國 觀 韓城人。 萬曆四十七年進士。 授萊州推官。 天啓四年擢戶部給 事中,數有建

白。 鳳 翔 、兵部 魏忠 賢 侍 擅 郎 權 蕭 近高 朝 1 刑 爭 擊 部 東 尙 林 書 香 國 允升 觀 所 皆 劾 東 御 林 史 也。 游 士 葬 任、 遷 兵科 操江 右 都 給 御 事 史 熊 中 · 於 明遇 疆 、保定 事 亦 巡撫張 多 所 論

忠賢

遭

內

臣

出

鎭,偕同

官

疏

爭。

七

年

再

遷

刑

科都

給

事

中

劉 儒 傾 劾 炳、 賢 速 北 安言 黨 臣 侵 鴻 陷 剿 鍓 崇禎 訓 ,并 剋者名。 醫 科 爲 得 **今** 又 臣 無 給 嚴旨 南 追 自 御 閻 改 事 京 論 把持 立 史。 元 ,還言關 中 御 故 處 有 列 許 史 巡 忠賢遺黨 分。 帝雖 品 京察,而 上 袁 撫 譽 不不 副 譽卿 卿 燿 喬 內 將王 以撓察典責之,國 文 然 外 應 言: 式耜 東林 營伍 所 甲 沙 有 應暉等六 納 劾 持 兩兩 欲 :,遂罹 賄 虚 以被斥之人,久居郭 用 人主 縦 或 耗 疏 王 觀 、將吏 盜 授惟 化 其害。 人, 盟 懼 罪。 貞,寬近高 東林, 觀卒発察。 , 詔俱屬之吏。 炳 侵剋之弊, 且 削 今朝局 虞 使 應 掛 與瞿 甲籍 同 察典, 官劉  $\Xi$ 外 惟 式 然清 囡 遙 論 耜 籍 出 思 斯 薦 陜 東林 掌握 胡嘉 其 議 制 琜 所 西 大 臟 / 將滿 邀臣 不容,旋以 察 以撓 盜 異同 枚 棟 典 起, ١. 或 者 之, 列 桂 向背 舉 偕鄉 觀 名, 才。 乃劾 朝 國 先 文 終養去 無 觀 臣 華 附忠 人 帝褒 借催 、
敢
言。
」 (吏科都 拒不 力持不 召 仕 對 賢 於 以 魏 應, 朝者, 忠讜 末 至 可。 陛 給 爲 遂使 是 詆 下 事 題 燿 天 請 惡 中 令指 奉 報 然 燿 章 治 設 命 沈 賄 忠 仇 然 將 防 祭

卿。 九 年擢左僉都御史。 年 萩 用 御史陳其猷薦,起兵 明年八月拜禮部左侍郎兼東閣大學 科都給 事 中。遭母憂,服闋, 士,入參機務。 起禮 科 .都給事 中,遷太 國觀 爲 常少 人陰

鷙谿刻,不學少文。 溫體仁因其素仇東林,密薦於帝,遂超擢大用之。

年二月代其位。 十一年六月進禮部尚書。 敍剿寇功, 加太子太保、戶部尚書, 進文淵閣。 敍城守功, 加少保、吏部尚 其冬,首輔劉宇亮出督師,國觀 與楊嗣昌比,搆罷宇亮。 明

書,進武英殿。

嚮之,久而覺其奸,遂及於禍 故旋罷去。 先爲首輔者,體仁最當帝意,居位久。及張至發、孔貞運、劉宇亮繼之,皆非帝意所屬 國觀得志,一踵體仁所爲,導帝以深刻,而才智彌不及,操守亦弗如。 帝初頗信

旨、招權利劾之,並下詔獄。 在 國觀前匿史些所寄銀,周、楊兩家又誘些蒼頭首告。 侧 , 汗流沾背, 於是專察其陰事。 始帝燕見國觀,語及朝士貪婪。 兩人老矣,斃廷杖下。 國觀任中書王陛彥,而惡中書周國興、楊餘洪,以漏詔 國觀對曰「使廠衞得人,安敢如是。」東廠太監王德化 由是諸事悉上聞,帝意 其家人密緝 國觀通賄事,報東廠。 漸 移 而

聰劾 陳,遂訐上聰,而 銀十餘萬入己槖。 吏部尚書田 史整者,清苑人。 鹽課 唯嘉納周汝弼金八千推延綏 攝巡鹽,又掩取前官張錫命貯庫銀二十餘萬。 則 爲御史無行,善結納中官,爲王永光死黨。 請 敕淮、揚監督中官楊顯名核奏。 巡 撫,些居間,并發塵盜鹽 俄而錫命子沉訐些,給事中張焜 及以少卿家居,檢討楊士 巡按淮、揚,括 課事 o **整**得 庫 中 旨自 贓罰

列傅

第

芳。 |芳復劾||麈侵盜有據。[日]又嘗勒富人于承祖萬金,事發,則遣家人齎重貲謀於黠吏, 者六萬金,垄下獄。 閣臣 帝乃怒,褫些職。些急攜數萬金入都,主國觀邸。 .多徇些,擬嚴旨。帝不聽,止奪焜芳官候訊。 會有兵事,獄久不結,瘐死。 都人籍籍,謂些所攜貲盡爲國觀 及顯名核疏上,力爲些解,而不能諱 謀旣定,出疏攻焜芳及其弟炳芳、煒 有。 圖 家 改舊 人

證之,事大著。

國觀猶力辨些贓爲黨人構陷,帝不聽。

擬第 言「父貲四十萬,臣當得其半,今請助國爲軍貲」。帝初未允。 子。 交通宦官宮妾,倡言孝定太后已爲九蓮菩薩,空中責帝薄外家,諸皇子盡當殀,降神於皇五 周奎與有 者,不應則勒期嚴追。 以武清侯李國瑞爲言。國瑞者,孝定太后兄孫,帝曾祖母家也。國瑞薄庶兄 俄皇子卒,帝大恐,急封國瑞七歲兒存善爲侯,盡還所納金銀,而追恨 或 帝初憂國 當 觀素惡行人吳昌 連,代爲請。 得 吏科。 用不足,國觀請借助,言:「在外羣僚,臣等任之,在內戚畹,非獨斷不 迨命下,乃得禮部主事。 或教國瑞匿貲勿獻,拆毀居第,陳什器 帝怒,奪國瑞爵,國瑞悸死。 時。 及考選,昌時虞國觀抑己, 昌時大恨,以爲賣己,與所善東廠理刑吳道正 有司追不已,戚畹皆自危。因皇五子病 因其門人以求見。 因國觀言,欲盡借 通衢鬻之,示無所有。 國觀,待隙 國臣,國臣憤,詭 國觀 所言四十萬 偽與交驩, 嘉定伯 可。」因 而發

謀,發丁憂侍郎蔡奕琛行賄

國觀事。

帝聞之,益疑。

仕 府 或閒 九卿科道議奏。 住。 三年六月,楊嗣昌出督師,有所陳奏。 帝不懌,抵疏於地曰:「成何糾疏」」遂奪國觀職,放之歸,怒猶未已。 帝度科道必言之,獨給事中袁愷會議不署名,且疏論永淳徇私狀,而微詆國 掌都督府魏國公徐允禛、吏部尚書傅永淳等不測帝意,議頗輕,請令致 帝令擬論,國觀乃擬旨以進。 帝遂發怒,下五 觀

藐肆妬:

嫉。

彦 招 詔 搖 時指使,帝 通賄 獄窮治。 國 觀 出 狀。 都,重車纍纍,偵事者復以聞。 不納 頃之,愷再疏,盡發國觀納賄諸事,永淳、奕琛與焉。 詞所連及,永淳、奕琛暨通政使李夢辰、刑部主事朱永佑等十一人。命下陛 而東廠所遣伺國觀邸者,值陛彥至,執之,得其 國觀連疏力辨,抵愷受

鼾 矣。 首 年 不 睡。 七月入都。 能 輔瓦 或 至十月,陛彦獄未成,帝以行賄有據, 觀 及聞 出 一戮死, 險忮,然罪不至死。 .聲,但言「吳昌時殺我」, 詔使皆緋衣,蹶然曰:「吾死矣」」倉皇覓小帽不得, 令待命外邸,不以屬吏**,** 自 世 廟 夏言後,此再見云。 帝徒以私憤殺之,贓又懸坐,人頗有冤之者。 乃就 縊。 國觀自謂必不死。 即命棄市,而遣使逮國 法司 明日,使者還奏。 坐 一其贓九千,沒入 八月初八 又明日許收斂, 取蒼頭帽覆之。 觀。 田 六百畝 H 夕, 國觀遷延 監刑者至門,猶 ,故宅一 懸梁 宣詔 久不赴, 者兩 品 畢 下, 頓 明 日

,聊城 旣劾罪國觀,後爲給事中宋之普所傾,罷去。 福王時,起故官,道卒。

京 史張訥劾國祥爲南星邪黨,遂除名。 屬,更歷四司。 吏部 程 主事,乞養歸。 或 祥,字仲若,上元人。 發御史楊玉 服闋, 珂 起禮部主事。 請屬,玉珂被謫, 舉萬曆三十二年進士。 天啓四年, 國祥亦引疾歸。 歷知確山、光山二縣,有淸名。 吏部尚 . 書趙南星知其可任,調爲己 其冬,魏忠賢旣逐南星,御 遷南

國祥疏辯。 (南京通政使,就遷工部侍郎,復調戶部 崇禎 二年起稽勳員外郎。 帝褒以清執,下都察院核奏,事得白, 遷考功郎 中,主外計,時稱公愼。 守忠坐褫官。 葬遷大理右寺丞。 御史襲守忠武國祥通賄, 歷太常

帝 災傷者 遂行之。 九年冬,四召拜戶部尚書。 相 繼。 勛戚奄豎悉隱匿不奏,所得僅十三萬,而怨聲載途。 國祥多方 區畫,亦時有所蠲減。 楊嗣昌議增餉,國祥不敢違。 最後建議,借都城賃舍一季租,可得五十萬, 而是時度支益匱,四方奏報 然帝由是眷國祥

災頻仍,今夏旱益甚,金星畫見五旬,四月山西大雪。 十一年六月, 帝將增置閣臣, 出 御中極殿,召廷臣七十餘人親試之。 朝廷腹心耳目臣,務避嫌怨。 發策言:「年來天 有司舉

列傳第一百四十一 程國祥

四月召對,無一言。帝傳諭責國祥緘默,大負委任。 冠、薛國 尙書,與楊嗣昌、方逢年、<mark>蔡國用、范復粹俱兼東閣大學士,入參機務</mark>。 劾, 面 .對後,漏已深,終考者止三十七人。 顧帝意已前定,特假是爲名耳。 情賄關其心。 有司侵削 觀次之,又驟增國祥等五人。 百方,如火益熱。 剋期平賊無功,而剿兵難撤。 若何處置得宜,禁戢有法,卿等悉心以對。」會天大雨,諸臣 國觀、嗣昌最 外敵生心,邊餉日絀。 用事。 國祥遂乞休 國祥委蛇其間,自守而已。明年 去。 居數日,改國祥禮部 時劉宇亮爲首輔 民貧旣甚,正供猶

後,家貧,不能舉火。 或 祥 始受業於焦竑。 上營葬畢,威疾卒,無嗣 歷任 卿相,布衣蔬食,不改儒素。 與其子上俱撰有詩集。 國祥

歿

葉向 高 蔡國用,金谿人。 、趙南星、而薦亓詩教、趙興邦、邵輔忠、姚宗文等七人。 萬曆三十八年進士。 由中書舍人擢 御史。 魏忠賢喜,矯旨褒納。 天啓五 年陳時政六 尋件

璫意,勒令閒住。

用之。 年六月,廷推 崇禎 牙石者,舊列崇文、宣武 元年起故官,屢遷工部右侍郎。 閣 臣 ,國用望輕,不獲與,特旨擢禮部尚書,入閣辦事。 兩 街, 備駕出除道者也。 督修都城,需 石甚急,不克辨。 帝閱城,嘉其功, 累加 遂欲 少保, 國用 建議 大 用。 改吏部尚 取牙石 <del>|</del>

才,碌碌無所見。

武 (英殿。(吾十三年六月卒於官, 贈太保,諡文恪。 國 用居位清謹, 與 同 列 張四知皆庸

不果移 文龍 又言:「袁崇煥功在全遼,而尚寶卿董懋中詆爲逆黨所庇,持論狂謬。」 內 范復粹,黃縣人。 地, 復粹言:「海外億萬生靈誰非赤子,倘棲身無所, 萬曆四十七年進士。 除開封府推官。 必各據 崇禎 完 年爲御史。 島爲 懋中遂落職, 盜, 後患方深。」 廷 議 文龍亦 移 毛

招撫 丁艱 爲治· 巡按 歸。 本。 服闋,還朝,出按陝西。 江西,請禁有司害民六事。 帝褒納之。 廷議有 陳治標治本之策:以任將、設防、留餉爲治 司督賦缺額,兼罪撫按,復粹力言不可 時大釐郵傳積弊,減削過甚,反累民,復粹極陳 標;廣屯、蠲賦、 不 便。

翰林惟方逢年,餘皆外僚,而 輔劉宇亮 由 更部 國祥 以戶 復粹 ,逢年 由少卿,尤屬異數。 以禮,嗣昌以兵, 蓋帝欲 國用以工。 郎兼東閣大學士。 閣臣 通 刑部無 知六部 事 人,復粹以大理 ,故每部簡

由

大理

右寺丞進左少

卿。

居

無

何,超

拜

禮 部 左 侍

時同命者五

累加 少保,進東部尚書、武英殿。

十三年六月,國觀罷,復粹爲首輔。 給事中黃雲師至宰相須才識度三者」 復粹志,因

海内。 罷,不允。帝御乾清宫左室,召對廷臣,語及福王被害,泣下。復粹曰:「此乃天數。」帝曰: 以下,多所減免。是年五月致仕。國變後,卒於家。 「雖氣數,亦賴人事挽回。」復粹等不能對。帝疾初愈,大赦天下,命復粹録囚,自尚書傅宗龍 自陳三者無一,請罷,温旨慰留。御史魏景琦劾復粹及張四知學淺才疎,伴食中書, 帝以妄詆下之吏。明年加少傅兼太子太傅,改建極殿。 賊陷洛陽,復粹等引罪乞 遺譏

之,怒,貶三秩調外。御史徐復陽希指劾之,削籍爲民。 蠹」語,且云「宇内豈無人焉,有薄士大夫而覓臯、夔、稷、製於黄衣閹尹之流者」。 魏忠賢見 方逢年,遂安人。 萬曆四十四年進士。[ < 5]天啓四年以編修典湖廣試,發策有「巨璫大

部尚書,人閣輔政。其冬,刑科奏摘參未完疏,逢年以犯贓私者,人亡産絶,親戚坐累,幾同 瓜蔓,遂輕擬以上。一而帝意欲罪刑部尚書劉之鳳,責逢年疎忽。 <u>崇</u>植初,起原官,累遷禮部侍郎。十一年詔廷臣舉邊才,逢年以<u>汪喬</u>年應。未幾,擢禮 逢年引罪,卽罷歸。

及,與方國安等降於我大清。已而以蠟丸書通閩,事洩被誅。 福王時,復原官,不召。 魯王三召之,用其議,定稱魯監國。 紹興破,王航海,逢年追不

憤,帝前力辨,言己孤立,爲廷臣所嫉。 張 四 知者,費 十一年六月,廷推閣臣忽及之。 縣人。天啓二年進士。 帝意頗動,薛國觀因力援之。 由庶吉士授檢討。崇禎中,歷官禮部右侍郎。 給事中張淳劾其爲祭酒時貪汚狀,四知 明年五月與姚明恭、 貌

魏照乘俱拜禮部尚書兼東閣大學士。

給事中耿始然劾其與副都御史袁鯨比而爲奸利,帝不聽。 明恭,蘄水人。出趙興邦門,公論素不予。 崇禎十一年由詹事遷禮部侍郎,教習庶吉 明年遂柄用。

照乘,滑人。天啓時,為或部都給事中。崇禎十一年歷官兵部侍郎。明年,國觀引

入閣。

所刻, 劾,心引疾去。 其言斥免大臣。 進戶部尙書、文淵閣。 三人者,皆庸劣充位而已。四知加太子太保,進吏部尚書、武英殿。 帝皆不納。 明恭甫一載,鄉人詣闕訟之,請告歸。 彈章愈多,位愈固。 十五年六月始致仕。 照乘加太子少傅,進戶部尚書、文淵閣。帝自即位,務抑言官,不欲以 四知秉政四載,爲給事中馬嘉植,御史鄭崑貞、曹溶等 照乘亦四載。 御史楊仁願、徐殿臣、劉之勃相繼論 後四知降於我大清。 明恭加太子太保,

改庶吉士, 授編 陳演 井研 修。 祖效,萬曆間 崇禎 時,歷官少詹事,掌翰林院,直講筵。 以御史監征倭軍,卒於朝鮮,贈光 禄 十三年正月擢禮部 卿。 演登天啓二年進 右侍

郞

協理詹事府。

城陷 功,加太子 學士,與謝陞同 能 戶部尙 否。 ,遂及於難 演 書、武英殿。 其年四月, 庸才寡學,工結納。 ,太保。 入 十七年正月考滿,加少保,改吏部尚書、建極殿。 閣 中 官探 被劾乞罷, 明 得 年進禮 帝 初 所 入館,卽 欲問 部 優旨慰留。 尙 書, 數事、密授演、條對 與內 改文淵閣 · 侍通。 明年五 莊烈帝簡用閣臣,每親發策, 月, 十五 周 "獨稱旨,即拜 延儒 一年以 去位, 山東平盜 踰月罷 遂爲首輔。 禮部左侍 一功加 政。 太子 郎兼 以所 再踰 尋 小 東閣 條 以 月,都 城守 對 覘 改 大

等六人俱 演爲 下 人旣庸 吏。 王應熊召至,旋放還,演有力焉 且刻。 惡副都御史房可壯、河南道張煊不受屬, 因會推閣臣讒於帝, 可壯

者再 不支。 關,策應京 。 而 自 演 延 賊 儒 無所籌畫,顧以 已陷宣 師 能後 帝意亦然之,演持 ,帝最倚信演 |大 矣。 賄聞。 演懼不自安,引疾求罷。 臺省附延儒者,盡趨演門。 及李自成陷 不可。 後帝決計行之,三桂始用海 陝西 ,逼山西 韶許之,賜道里費 一、廷議 當是時, 撤寧遠吳三桂兵,入守 國 五. 船渡遼民入關 勢累卵,中 十金,彩幣四表裏, 外 舉 Щ 知 海 其

列

傅

第

百

乘傳行。

遽行。 論之。 四月八日,已得釋。十二日,自成將東禦三桂,慮諸大臣爲後患,盡殺之。演亦遇害。 演旣 賊陷京師、與魏藻德等俱被執、繫賊將劉宗敏營中。其日獻銀四萬、賊喜,不加刑。 演入辭,謂佐理無狀,罪當死。帝怒曰:「汝一死不足蔽辜。」 叱之去。 謝 事,薊遼總督王永吉上疏力詆其罪,請置之典刑。 給事中汪惟效、孫承澤亦極 演貲多,不能

華殿,問「今日內外交訌,何以報讐雪恥」。藻德卽以「知恥」對,又自敍十一年守通州功。 魏藻德、順天通州人。崇禎十三年舉進士。旣殿試,帝思得異才,復召四十八人於文

善之,擢置第一,授修撰。

居位,一無建白,但倡議令百官捐助而已。十七年二月詔加兵部尚書兼工部尚書、文淵閣 陳演見帝遇之厚,曲相比附。 正統末年,兵事孔棘,彭畤以殿試第一人,踰年卽入閣,然仍故官修撰,未有超拜大學士者。 意 其 、有抱負,五月驟擢禮部右侍郎兼|東閣大學士,入閣輔政。 十五 年,都城戒嚴,疏陳兵事。 八月補行會試,引爲副總裁,越蔣德璟 明年三月召對稱旨。 藻德有口才。 藻德力辭部銜,乃改 、黄景昉而 帝以己所親擢,且 用之。 少詹事。 藻德

定數。 救。 沐雨之天下,一朝失之,何面目見於地下!殷願督師親決一戰,身死沙場無所恨,但死 **父在,猶可丐諸門生故舊。今已死,復何所貸。〕賊揮刃斬之。** 金,京卿、錦衣七萬,或五三萬,給事、御史、吏部、翰林五萬至一萬有差,部曹數千,勛戚無 大學士,總督河道、屯田、練兵諸事,駐天津,而命方岳貢駐濟寧,蓋欲出太子南京,俾先清 道路也。 志,常與同官言之。 右侍郎。十一月以本官兼東閣大學士,與方岳貢並命。 至三月,都城陷,景文死之,藻德、岳貢、瑜並被執,幽劉宗敏所。 賊下令勒內閣十萬 明 李 及演罷,藻德遂爲首輔。同事者李建泰、方岳貢、范景文、丘瑜,皆新入政府,莫能補 藻德輸萬金,賊以爲少,酷刑五日夜,腦裂而死。復逮其子追徵,訴言:「家已罄盡 年正月,李自成逼山西。 建泰,曲沃人。天啓五年進士。 有言百官不可令出,出卽潛遁者,遂止不行。 會平陽陷,帝臨朝歎曰:「朕非亡國之君,事事皆亡國之象。 建泰慮鄉邦被禍,而家富於貲,可藉以佐軍,毅然有 歷官國子祭酒,頗著聲望。崇禎十六年五月擢吏部 疏陳時政切要十事,帝皆允行 祖 宗 滅賊 櫛 不 瞑 風

目耳

! 語畢痛哭。

陳演、蔣德璟諸輔臣請代,俱不許。

以西。」帝大喜,慰勞再三,曰:「卿若行,朕倣古推轂禮。」建泰退,即

六五四九

建泰頓首曰:「臣家曲沃,

願

出

私財

餉軍

列

傳第

百

四

+

魏藻

德

,不煩官帑,請提師

請復故御史衞楨固官,授進士凌駉職方主事,並監軍,參將郭中杰爲副總兵,領中軍事,薦 進士石嶐聯絡延、寧、甘、固義士,至計賊立功。帝俱從之。加建泰兵部尚書,賜尙方劍,

便宜從事。

病。 定,賊鋒已逼,不敢前,入屯城中。 樂導尙方劍 **臚**贊禮,御史糾儀。 列,自午門抵城外,旌旗甲仗甚設。 不殊,爲賊將劉方亮所執,遙賊斯。 手金卮親酌建泰者三,卽以賜之。 日行三十里, 士卒多道亡。至定興, 城門閉不納。 建泰以宰輔督師,兵食並絀,所攜止五百人。甫出都,聞曲沃已破,家貲盡沒,驚怛 二十六日行遣將禮。 而 出。 建泰頓首謝,且辭行、 建泰前致辭。 **駙馬都尉萬煒以特牲告太廟。日將午,帝御正陽門樓,衛士東西** 乃出手敕曰「代朕親征」。宴畢,內臣爲披紅簪花,用鼓 帝獎勞有加,賜之宴。御席居中,諸臣陪侍。酒七行,帝 已而城陷,知府何復、鄉官張羅彥等並死之。 內閣五府六部都察院掌印官及京營文武大臣侍立,鴻 帝目送之。行數里,所乘肩輿忽折,衆以爲不祥。 留三日,攻破之,笞其長吏。 建泰自刎 抵保 m

贼旣敗,大清召爲內院大學士。 未幾,罷歸。 姜瓖反大同,建泰遙應之。 兵敗被擒,伏

誅。

徒,機智弗如,而庸庸益甚,禍中於國,旋及其身,悲夫! 很,至發險忮,國觀陰鷙,一效體仁之所爲,而國家之元氣已索然殆盡矣。至於演、 贊曰:天下治亂,係於宰輔。 自温體仁導帝以刻深,治尚操切,由是接踵一跡。 應熊剛 藻德之

## 校勘記

(1)並劾四川巡撫馬乾縱兵淫掠 馬乾、原作「馬體乾」、據本書卷二七九獎一、蘅傳、又卷二九五耿

廷錄傳,明史稿傳一三三王應熊傳刪「體」字,下同。

(ニ) 忠賢遺黨有欲用王化貞寬近高 卷二四二蕭近高傳,所述與本傳文相合,據補 近高,原作「高」,脱「近」字。按上文稱薛國觀劾蕭近高,

本書

給事中張焜芳復劾荜侵盜有據 張焜芳,原作「劉焜芳」,按本書卷二九一有張焜芳傳,事跡與

此合,據改。

四都作「十年正月」。

九年冬本書卷一一二七卿年表、懷宗實録卷一〇崇禎十年正月辛丑條、國權卷九六頁五七七

五 改吏部尚書武英殿 卷九七頁五八四三都作「户部尚書、文淵閣大學士」。 本書卷一一〇字輔年表、懷宗實録卷一二崇禎十二年六月己丑條、 

傅第一百四十一 校勘記

列

(六) 萬曆四十四年進士 按方逢年於天啓二年壬戌舉進士,見明進士題名碑録天啓壬戌科, 傳文

疑誤。

[P] 御史楊仁願徐殿臣劉之勃相繼論劾 劉之勃,原作「劉之渤」,據本書卷二六三劉之勃傳及明

薦進士石嶐聯絡延寧甘固義士 石嶐,史稿傳一三三張四知傳附魏照乘傳改。

碑録崇禎癸未科改。

「ハ」 薦進士石嶐聯絡延寧甘固義士 石嶐,原作「石嵸」,據國權卷一〇〇頁六〇六一、明進士題名

## 明史卷二百五十四

## 列傳第一百四十二

喬允升 易應昌等 曹干状 孫居相 弟鼎相 曹珖

陳于廷 鄭三俊 李日宣 張瑋 金光辰

喬允升,字吉甫,洛陽人。萬曆二十年進士。除太谷知縣。以治行高等,徵授御史。歷

按宣、大、山西、畿輔、並著風采。

私,事乃獲竣、雲舉亦引去。尋遷順天府丞、進府尹。齊、楚、浙三黨用事,移疾歸。 被察者訟冤。察疏猶未下,允升慮帝意動搖,三疏別白其故,且劾吏部侍郎蕭雲舉佐察行 三十九年大計京官。允升協理河南道,力鋤匪類。而主事秦聚奎、給事中朱一桂咸爲

忠賢以允升爲南星黨,幷逐主議者,允升復移疾歸。 天啓初,起歷刑部左、右侍郎。三年進尚書。魏忠賢逐吏部尚書趙南星,廷推允升代。 旣而給事中薛國觀劾允升主謀邪黨,

列

詔落職閒住。

益 幷 具 相 益 謙 元 千秋 手。 以 主 顧 益 時敏 聞 惕 之 典試 崇 允升 俱 息 禎 復 詐 帝 下 浙 初 一發其 , 憤 允升 吏。 與之鬨 江 不 召 ",求 悦, 事 拜 罪 乃會都 有 o 命覆 去 故 當 奸 官。 詔 戍 事 人 速千秋 勘 帝 御 金 一二奸瘐 傳 雖 時 史曹于汴 京 一保元 慰 訟 體仁慮謙益 師 留 再 獄 為 徐 死 訊 益 卒如體仁言,奪謙益 一千秋 繁,帝 部 時 帝深 大 科 敏 事白 運 僞 更赦釋還,事 磨 卿 疑 作 勘者 切 廷臣 一己且 康新 關 用 節 所 重 民等 ·, 授 結黨,蓄怒以待,而 獲譴,再 發。 典。 舉 官 蹴鞫者 已七年矣。 子錢 謙 允 閒 益 升 住 疏 執 大 千 再 劾 「駭, 秋 法不 法 0 千 秋 官六欺, 千 溫 詰 千秋 撓,多 荷校 秋 體 體 知 受拷無異 仁 仁 三奸 故 所 以 死 叉 且 有 平反。 密 枚 所 文,獲 言 伺 1 爲, 獄 木 詞 於 詞 薦 旁 先 與 疏 允升 盡 ",覺保 劾之, 疑 是, 廷 謙 等 錢 臣

允升 僉都 而 胡胡 微 下 應台等 御 按 及 史高 左 年冬 問 其 侍 年 Ŀ ,我 老 弘 副 郎 一應昌罪,帝以爲輕。 胡 圖 可 都 大清兵 念。 大 世 御 賞、 史掌院 理 帝謂允升法 寺卿 提牢 薄 都 事 金世 城 主 易應昌 ( ) 獄 事 俊級,奪少 敖 當 囚 杖郎 以允升 繼 死,特高 劉 榮獄 仲 中徐元嘏於廷,鐫 金等百七十人破械 卿 等無死 年篤 欲置之死。 周 邦 疾減 罪, 基 以 死,與繼榮俱 執 下 中 奏再三。 應台 俸,令再 書沈 出 秋 自 欲 視 讞 植 帝 踰 戍 事 乘 益 城 邊,世 弘 間 怒, 應 圖 摭 被 昌 賞 幷 幼允 獲。 等 論 贖 功 下 死。 杖 坐 應 升 帝 允升 昌 爲民。尚 他 震 四 忽,下 罪 獄 年四 う章 鐫

李如楨 月,久旱求言,多請緩刑。 死 ,遣戍邊衞。 允升赴成所、未幾死。 乃免應昌及工部尚書張鳳翔、御史李長春、給事中杜齊芳、都督 允升端方廉直,数歷中外, 具有聲績,以 話誤

獲重譴,天下惜之。

劾爲 爲時所重 東林 易應昌,字瑞芝,臨川人。萬曆四十一年進士。 ,至是獲罪。 削籍。 崇禎二年起左僉都御史,進左副都御史,與曹于汴持史蓝、高捷起官事, 福王時,召復故官,遷工部右侍郎。 熹宗時, 由御史累遷大理少卿。 或 變後卒。 逆黨

死。 未任改兵部去。允升,遣戍。 與子庶吉士端並降。 任,改工部。 鄭三俊,坐議獄逮繫。 李覺斯,坐議獄削籍去。 帝在位十七年,刑部易尚書十七人。薛貞,以奄黨抵死。 徐石麒, 劉之鳳,坐議獄論絞,瘐死獄中。 坐議獄落職閒住。行 韓繼思,坐議獄除名。 劉澤深, 卒於位。 胡應台,再召不赴。 鄭三俊,再爲尚書,改吏部。 胡應台,獨得善去。馮英,被劾遣戍。 甄淑,坐納賄下詔獄,改繫刑部,瘐 蘇茂相,半歲而罷。 繼其後者張忻,賊陷京師, 范景文,未 王在晉,

行 吏部郎趙邦淸被誣,于汴疏雪之。 高 第 曹 ,授吏科給事 字自梁, 中。 安邑人。 疏劾兩京兵部尚書田樂、邢玠及雲南巡撫陳用賓, 萬曆十九年舉鄉試第一。 謁告歸,僦屋以 居,不 蔽風 明年成進士,授淮安推官。 月。 樂、 玠遂引去。 以治

此、宜重加按問。 國家三歲遣使者閱邊,盛獎邊臣功伐。 起 歷刑 科左、右給事中。 邊道 超擢,當於秩滿時閱實其績,毋徒循資俸,坐取建牙開府。」 朝房災,請急補曠官,修廢政。 蟒衣金幣之賜,官秩之增,未嘗或靳。 遼左有警,朝議增兵。于汴言: 今廢防至

出 不下,請告又不報,候命歲餘,移疾歸。 機,力請禁之。三十八年典外察,去留悉當。 罪。 王 紹徽、喬應甲於外。其黨羣起力攻,于汴持之堅,卒不能奪。 進 故事 更科 ,章疏入會極門,中官直達之御前,至是必啓視然後進御。 都給事中。 給事 中胡嘉棟發中官陳永壽兄弟奸, 明年典京察,屏陽賓尹、劉國縉等,而以 永壽反訐嘉棟。 以久次擢太常少卿,疏寢 于汴謂 乖祖制,洩事 于汴極論永 年例

徽 左 以從吾名位先己,義不可越,四辭不得,遂引疾歸。 應甲附魏忠賢得志,必欲害于汴,屬其黨石三畏以東林領袖劾之,遂削奪。 副 【都御史。天啓三年秋,東部缺右侍郎,廷推馮從吾,以于汴副。 光宗立,始以太常少卿召。至則改大理少卿,遷左僉都御史,佐趙南星京察。 明年起南京右都御史,辭不拜。 中旨特用于汴。 事竣,進 于汴

崇禎元年召拜左都御史。振舉憲規,約敕僚吏,臺中肅然。明年京察,力汰匪類,忠賢

餘黨幾盡,仕路爲淸。溫體仁計錢謙益,下錢千秋法司,訊不得實。 體仁以于汴 謙益座主

也,幷訐之。于汴亦發體仁欺罔狀。帝終信體仁,謙益竟獲罪。

以故事持之,兩人遂投牒自乞。于汴益惡之,卒持不予。兩人竟以部疏起官,遂日夜謀傾 事,御史起官,必都察院咨取。于汴惡其人,久弗咨。永光憤,再疏力爭。已得請,于汴猶 已甚,小人猶惡之。故御史高捷、史整素儉邪,爲淸議所擯,吏部尚書王永光力薦之。故 先是、詔定逆案。于汴與大學士韓爌、李標、錢龍錫、刑部尚書喬允升平心參決,不爲

部主事陸澄源復劾于汴朋奸六罪。 年卒,年七十七。 郎程啓南、府丞魏光緒,目爲「西黨」,請皆放黜,以五人籍山西也。 中書原抱奇者,賈人子也,嘗誣劾大學士爌。 贈太子太保。 帝雖謫澄源,于汴卒謝事去。 至是再刻擴及于汴幷及尚書孫居相、侍 及辭朝,以敦大進規。 帝絀抱奇言不聽。而工

于汴篤志正學,操履粹白。 立朝,正色不阿,崇獎名教,有古大臣風。

奸,并 爲 重辟 天變 言。 戢 嘗 人 孫 及南京 廢 怨 疏 稅使楊 居 爲 究 陳 相 庶 時 勳 人 且 榮激 政 字 錮 臣子 瓦 伯 ,謂「今內 解 變雲南,守太 原籍。 輔 弟暴横狀。 土崩。 沁 不奉詔,久居 自宰執 水 縦珠 人。 玉 和 得旨下 了外至 萬曆二十年進士。 Щ 金寶 中 官黃 世延 南京、益 郡守縣 盾 地 、勳嗾道士 吏,安遠、 彌 令, 天, 不 法 無 何救危亂 除恩縣 一,妄言 一殿辱 東寧 人 得 、忻城諸侯伯子弟 知 星變,將 一十 盡 知 府 其 縣。 居相 不 職 ·省。 勒 徵 皆極 兵赴 授 政 誠 事 南 論 闕。 意 京 日 伯 其 廢 悉按 御 罪 居相 劉 治治 史。 世 問 道 疏 延 負氣敢 日 强 發其 屢 犯

相 爭 相 振 賓 詆 尹 並 再 其 抗 故 吏 疏 奸 時 韓敬 章 部 劾 事 中 植 論 尚 侍 外 科場 御 列 鄓 書 多 黨,一貫 史年 趙煥,煥引 方從哲由 缺官,居相 事 例 乃去,居相 外轉,吏部、 廷議當褫官,其黨爲營護 中旨起官,中書張光房等五人以持議不 退。 兼攝 及鄭繼之代煥,復以私意出宋槃、潘之祥 七差,署諸 亦奪祿 、都察院 協議。 年。 道印 门旨下 連遭 ,事皆辦治。 王 時熙、魏雲中 內外艱 法司 覆勘。 o 大學士沈 服 之去,都 関,起官,出 合時貴, 擯不 居 相 復 於 發敬 貫數被 御 外 史 巡 居相 孫瑋 通 與科道選,居 漕運, 賄 人言 狀 不 亦 一敬遂 與聞 據法 還 居相 發湯 居, 力 力

少沮。 當 是 於是過庭訓、三 時,朋 黨勢成,言路不肖者率附吏部,以驅 唐世濟、李徵儀、劉光復、趙興邦、周永春、姚宗文、吳亮嗣、汪有功、 除異己, 勢張甚。 居相 挺身與抗,氣不

王萬祚輩羣起爲難。 居相連疏撯拄、諸人迄不能害。 至四十五年,亦以年例出居相江西參

政,引疾不就。

虞廷陛又劾居相力薦李三才,遙結史記事,遂削奪。 其冬,魏忠賢盜柄,復引疾歸。無何,給事中陳序謂居相出趙南星門,與楊漣交好。序同官 天啓改元、起光祿少卿。改太僕、擢右僉都御史、巡撫陝西。四年春、召拜兵部右侍郎。

於戍所。 有「國事日非,邪氛益惡」語,爲偵事者所得,聞於朝。帝大怒,下居相獄,謫戍邊。七年卒 奇。淳家京師,有奧援,乞移法司覆訊,且訐時化請囑致隙。時化方憂居,通書居相,報書 多僱民舟,民憊甚,以居相言獲蘇。高平知縣喬淳貪虐,爲給事中楊時化所劾,坐贓二萬有 崇禎元年起戶部右侍郎,專督鼓鑄。 尋改吏部,進左侍郎,以戶部尚書總督倉場。轉漕

弟鼎相、歷吏部郎中、副都御史、巡撫湖廣、亦有名東林中。

**璫子錢,償以** 曹珖,字用韋,益都 月餉, 軍不支餉者三年。 人。萬曆二十九年進士。 及餉期、羣璫抱券至、珖命減息、璫大譁。 授戶部主事,督皇城四 門 倉衞 班曰:「弁 軍貨臺

列傳第

百四四

+

孫居相

曹

珖

六五五九

明

私 券奏聞 聽 上 處 分耳。」 羣璫 請 如 命 , 軍 困 稍 蘇。 以 憂 去。

光宗 以 掌 天 下 雪 珖 先帝 之 弑 驟崩 起 亦 補 請 逆,有 之讐。」 馳 兵部 敕 受約束部卒,毋陷 疏 武 毒 言: 一報聞 選主事 而 先帝 非 酖 , 春秋鼎盛, 戕 歷 而 職 非刃 良民。 方 郎 者,此 中 奄棄羣 稍 0 遷 大 與先年梃擊,同一 河南 璫 臣, 私 道路 參政 人 求 咸知 · 三 大 帥 奸黨 5 奸宄。 疾 珖 陰謀, 歸 不 o 可。 乞明詔 久 醫 之,起南京 東 [藥雜 厰 輔 太監盧受疏 進, 臣,直 太常 以 窮 至 奸 於 少 申 此。 卿。 職

尋 爲 給 天 事 啓 中 初 潘 紛 土 職方時邊功,加光祿 聞 所 劾、落職 閒住。 卿,進太常大理 御 史盧 承 欽 歷 近東林 卿。 魏 詆 忠賢亂政,大獄紛起,珖請 珖 狎主 邪 盟,遂 削 奪

諱 二萬有奇。 始改名。 崇禎 元 年 五年, ·起戶 浙 江 逋 陵工 部右侍郎, 織 造銀 一成, + 加太子 督錢 餘萬、巡撫 法, 少保。 尋 遷左 陸完學請編入正 桂 王重建府第,議 侍 郎。 三年 ·拜工 額 加 部 班皆持一 江 尙 西、河南、 書。 示 可 珖 初 Щ 東、山 名珍,避仁宗 西 田 賦

颺 共 交疏 設 部無給銀例, 公 中 劾彝憲 座。 官 張 彝 珖 彝憲 與 憲總 與鉛之半。 弘圖 理 疑出 約,比彝憲至,皆曰「事竣矣」,撤座去, 戶、工 班, 宇烈怒,奏鉛皆濫惡。 兩部 日捃摭其隙。 事,議設 座 會山山 於部堂,珖 永巡撫劉宇烈請料 |彝憲取粗鉛進曰「庫鉛盡然」,欲以罪)此。 不可。 彝憲怏怏。 右侍 價萬五千兩、鉛 郎高 弘 及主事 圖 履任, 金 五 鉉、馮元 彝憲 萬斤, 欲

嚴旨 珖 疏 教,忤旨詰 盡鎔庫 責。 司官中毒死者三人,內外官多獲罪。 彝憲乃糾巡視科道許國榮等十一人, 屢薦不起。

家居十四年卒。

闕 背旨虐民。 干淸議,不宜久玷詞林。 懋、趙拱極、黃克謙爲宰相私人,不宜處要地,又刻廣及王錫爵當斥。 甫 拜命, 失。 陳于 父喪歸。 即論救給事中汪若霖,詆大學士朱廣甚力,坐奪俸一年。 廷,字孟諤,宜興人。萬曆二十三年進士。 淮府庶子常洪作奸,論置之法。 服除,起按江西。 語皆峻切。 時稅務已屬 視鹺 河東,劾稅使張忠撓鹽 改按 有司,而 山東 歷知光山、唐山、秀水三縣,徵授御史。 中官潘相欲親督湖口稅, 政。 頃之,劾職方郎中 已,言諭德 正陽門災, 于廷劾其 極 顧 陳 天 埈 中用 時 政

唐、汪 學士 特 疏 魏 申救。 光宗立、擢太僕少卿、徙太常。議「紅丸」事、極言崔文昇、李可灼當斬。 應蛟名上。 廣微 傳 再進大理卿、戶部右侍郎,改吏部,進左侍郎。 魏 忠賢意 忠賢大怒,谓所推仍南星遺黨, 欲 別其私 人代南星,且許擢于廷總憲。 矯旨切責,幷楊漣、左光斗盡斥爲民。 尚書趙南星旣逐,于廷署事。大 于廷不可, 以喬允升、馮從 尚書王紀被

列

僔

選 郎 張光前 御史袁化中、房可壯亦坐貶黜。 自是淸流盡逐,小人 日用事 矣。

鹽 理,御史高倬、余文縉坐事下吏,並抗疏救之。 于廷請先考於南,報可。 一、禁耗羡、清獄囚、訪奸豪、弭寇盜八事, 請於回道日核實課功。 崇禎 初,起南京右都御史。 召拜左都御 與鄭三俊典京察,盡去諸不肖者。 史。 以巡方責重,列上糾大吏、薦 秩滿,加太子少保。 三疏乞休,不允。 南御 優詔褒納。 人才、修荒 史差竣,例聽 給事· 政 中 い、覈屯 北考, 馬思

時 再核。 典 過薄責以懲。 故,欲倚武臣,旨下參覈。 贈 制 以 兩浙巡鹽御史祝徽 少保。 于延等終右御史,所援引悉不當帝意。 聞 典制實· 凡御史在外者盡然,不自二臣始。」帝以指 無杖指揮事,乃引巡撫勅書提問四品武職語以對。 、廣西巡按御史畢佐周並擅撻指揮,非故事。 于廷等言:「軍官起世胄,率不循法度,概列 疏三上三却,竟削籍歸。 揮秩崇, 非御 彈章,將不勝擾,故小 史得杖,令會兵部 事聞,帝方念疆場多 帝以比 家居二年卒。 擬不倫,責 福王 令 稽

于廷端亮有守。 周延儒當國,于廷其里人,無所附麗。 與溫體仁不合,故卒獲重譴去。

字用章, 池州建德人。萬曆二十六年進士。 授元氏知縣。 累遷南京禮部郎

中、歸德知府、福建提學副使。家居七年,起故官,督浙江糧儲。

御史,疏陳兵食大計,規切內外諸司。吏部郎中徐大相言事被謫,抗疏救之。 抑損之,而閣臣輒阿諛自溺其職,可爲寒心。」忠賢益怒,以語侵內閣,留中不下。 閣臣悉指為故事。古人言奄豎聞名,非國之福。今聞名者已有人。內連外結,恃閣臣彈壓 重其罪。閣臣力爭,而擬旨則以先朝故事爲辭。三俊復疏言:「近日麋爛茶毒,無踰中璫, 希得見帝,而三俊疏有「篤厚三宮,妖冶不列於御」語。<br />
忠賢遣二豎至閣中,摘「妖冶」語,令 天啓初,召爲光祿少卿,改太常。未上,陳中官侵冒六事。 時魏忠賢、客氏離間后妃, 擢左僉都

**倉無一歲蓄,三俊奏行足儲數事。 忠賢盡逐漣等,三俊遂引疾去。明年,忠賢黨張訥請毀** 天下書院,劾三俊與鄒元標、馮從吾、孫愼行、余懋衡合汙同流,褫職閒住。 四年正月遷左副都御史。戶部右侍郎楊漣劾忠賢,三俊亦上疏極論。尋署倉場事。太

倉庫不足一 帝褒納之。 百職庶司,救過不贍,上下暌孤,足爲隱慮。願保聖躬以保天下,收人心以收封疆。」 京師被兵,大臣大獲譴。明年春,三俊以建儲入賀,力言:「皇上憂勞少過,人情鬱結未 <u>崇</u>顧元年起南京戶部尚書兼掌吏部事。南京諸僚多忠賢遺黨,是年京察,三俊澄汰一 月餉。 南糧歲額八十二萬七千有奇,積逋至數百萬,而兵部又增兵不已。三俊初至, 三俊力祛宿弊,糾有司尤怠玩者數人,屢與兵部爭虛冒,久之,士得宿

賈。 飽。 不從,遂爲永制。 三俊悉劾罷之。 戶部遂派蕪湖三萬,復設關徵商。 請增天下關稅,南京宣課司亦增二萬。三俊以爲病民,請減其半,以其半征之蕪湖坐 萬曆時,稅使四出,蕪湖始設關,歲徵稅六七萬,泰昌時已停。至是,度支益絀,科臣解 蕪湖、淮安、杭州三關皆隸南戶部,所遣司官李友蘭、霍化鵬、任俶皆貪, 三俊請罷征,併於工部分司計舟輸課,不稅貨物。皆

壯下獄,抗疏救之。 屬、 **愼差委三事,帝皆採納。** 居七年,就移 吏部。 八年正月復當京察,斥罷七十八人,時服其公。 流寇大擾江北,南都震動,三俊數陳防禦策。 旋上議官評、杜請 禮部侍郎陳子

其母 故事 師; 減等。 臣行惻 ·年九十有一,三俊乞釋還侍養,不許。 刑 考績入都,留爲刑部尚書,加太子少保。 三俊稽歷朝寶訓,得祖宗冬月錄囚數事,備列上奏,寢不行。 曹決斷,以十日爲期」。 隱實政。 三俊以文武諸臣詿誤久繫者衆,請令出外候讞。 內而五城訊鞫,非重辟不必參送法司,外而撫按提追, 帝皆從之。 代州知州郭正中因天變,請舉寒審之典,帝命考 帝以陰陽愆和,命司禮中官錄囚,流徒以下皆 因論告訐株蔓之弊,乞敕「內外諸 前尚書馮英坐事遺戍, 非真犯不必盡解京

初 , 戶部尚書侯恂坐屯豆事下獄, 帝欲重譴之。 三俊屢讞上, 不稱旨。 讒者謂恂與二

遂請 郞 下獄 三俊舉李邦華、劉宗周自代,且薦黃道周、史可法、馮元颺、陳士奇四人。 姜琛、熊開元言事 劣純疵,恭請欽定。 考定,乃請聖裁。」帝不 以知兵薦, 繕城、墾荒名,減俸行取,都御史劉宗周疏論之。 救之,大學士孔貞運等復以爲言,乃許配贖。 下吏。 數引薦,賢士之廢斥者多復用。刑部尚書徐石麒獲罪,率同官合疏乞留。 又偕黃道周各疏救。 中吳昌時欲得之。 ,及宗周獲嚴譴,三俊皆懇救。 調 十五年正月召復故官。 三俊為 補。 列 應天府丞徐石麒適在京,上疏力救,忤旨切責。 傳 帝卽欲召對親擢。 帝特召問,三俊復徇衆意以對。 第 人端嚴清亮,正色立朝。 百 四 若但以奏對取人,安能得眞品。」帝不從,由是倖進者衆。 + 首輔周延儒力薦於帝,且以 帝不納,切責三俊欺問。 ·悅,召三俊責之,對不屈。 會吏部尚書李日宣得罪,卽命三俊代之。時值考選,外 鄭 三俊言:「考選者部、院事,天子且不 = 俊 先後奏罷不職司官數人,銓曹悉廩廩。 惟引吳昌時爲屬,頗爲世詬病。 帝頷之,明日卽命下。 以無贓私,令出獄候訊。 囑三俊。 宗周復言:「三俊欲俟部、院考後,第其優 諸人乃夤緣周延儒, 囑兵部尚書張國維 帝御經筵,講官黃景昉稱三俊至清, 他輔 臣及言官亦 以他部調 得專,況樞部乎?乞先 時文選缺郎中,儀制 六五六五 宣大總督盧象昇復 多稱其賢,三俊 大僚缺官,三俊 選郎,前此未 帝下詔求賢,

俊皆東林,曲法縱舍。

工部錢局有盜穴其垣,命按主者罪,三俊亦擬輕典。

帝大怒,褫其官

吏多假

給事、御史大譁,謂昌時紊制弄權,連章力攻,幷詆三俊。三俊懇乞休致,詔許乘傳歸。國 有也。 帝惡言官不職,欲多汰之,嘗以語三俊。三俊與昌時謀出給事四人、御史六人於外。

變後,家居十餘年乃卒。

李日宣,字晦伯,吉水人。萬曆四十一年進士。授中書舍人,擢御史。

濫薦逐臣,停俸三月。旋出理河東鹽政。還朝,以族父邦華佐兵部,引嫌歸。五年七月,逆 名分。忤旨,切責。已又薦丁元薦、鄒維璉、麻僖等十餘人,乞召還朱欽相、劉廷宣等,帝以 天啓元年,遼陽破。請帝時召大僚,面決庶政。尋請宥侯震陽以開言路,厚中宮以肅

黨倪文煥劾邦華、日宣爲東林邪黨,遂削籍。

邊情多故,坤責亦不可逭。」報聞。遷大理丞,屢進太常卿。九年冬,擢兵部右侍郎,鎭守昌 南道事。中官王坤訐大學士周延儒,日宣率同官言「內臣監兵,不宜侵輔臣,且插款中疑, **久之**,進左侍郎,協理戎政。 莊烈帝卽位,復故官,以邦華在朝,久不出。崇禎三年起故官,巡按河南。 尋敍護陵功,加兵部尚書。 十三年九月擢吏部尚 還朝,掌河 書。

十五年五月會推閣臣,日宣等以蔣德璟、黃景昉、姜曰廣、王錫袞、倪元璐、楊汝成、楊

知所執。」不聽。

獄上, 日宣、正宸、煊戍邊, 政、可壯、三謨削籍。 久之, 赦還, 卒。

張 瑋,字席之,武進人。 少孤貧,取糠粃自給,不輕受人一飯,為同里薛敷毅所知。 講

學東林書院,師孫愼行。其學以愼獨研幾爲宗。

貝,磊砢璀璨,瑋悉屛去弗視也。 爲 而布袍草履,授徒於家 廣東提學僉事。 曆 四十年舉 粤俗奢麗,督學至,宮室供張輿馬餼牽之奉甲他省, 應天鄉試第一。 大東建魏忠賢祠,乞上梁文於璋,璋卽日引去。 越七年,成進士,授戶部主事。 調兵部職方,歷郎 象犀文石, **瑋廉,**歸 名花珠 中,出

產者,悉解折色,且盡改民解爲官解,以救民湯火。」所司 銀,赴彼易米 方大旱,瑋以軍食可虞,奏請:「禁江西、湖廣遏糴,而令應天、常、鎭、淮、揚五郡折 部,召爲尚寶卿,進太僕少卿。 莊 烈帝卽位,起江西參議,歷福建、山東副使。 ,則小民免催科之苦,太倉無顆粒之虧" 坐事調 南京大理丞,引疾去。 大學士吳宗達謂瑋難進而易退,言之吏 他十庫 多議行 所收銅錫顏料皮布,非州縣土 **外之,起應天府丞。** 是歲,四 輸 漕糧

試 知勇在臺不濫聽一辭,不輕贖一鍰,不受屬吏一蔬一果。 一風勵臺 御 史成勇。 遷南京光祿 一班疏 勇與臣曾不 曰:「懲往正 卿,召入爲右僉都御史,遷左副都御史。 相知 以監來。 ,家居聞勇被逮,士民泣送者萬輩,百里不 今極貪則原任巡按蘇松御史王志舉,極 時劉宗周、金光辰並總憲紀,瑋乃 杰紳悍吏爲民害者,不少假借 休。 廉則原任南京 後 文 南都,始

委曲開導民以孝弟。臣離南中,輒扳轅願借成御史,惠我南人。雖前奉嚴譴,宜召爲諸御 史勸。」疏上,一時稱快。詔下志舉法司逮治,成勇敍用。

**|瑋旋以病謝歸,未幾卒。||福王時,贈左都御史,諡淸惠。** 

河南,條奏至三百餘章,彈劾不避權勢。九年還朝。 人,牒司禮監捕之,其人方直御前,叩頭乞哀。帝曰:「此國家法,朕不得私。」卒抵罪。出按 金光辰,字居垣,全椒人。崇禎元年進士。授行人。 京師戒嚴,光辰分守東直門,劾兵部尚 擢御史, 巡視西城。 內使周二般

書張鳳翼三不可解,一大可憂。帝以鳳翼方在行問,寢其奏。

山者即 然意亦稍解。 處兵馬糧餉,而意頗諱言之。光辰疏壽罷遣,帝怒,召對平臺。 大作。光辰因言:「臣往在河南,見皇上撤內臣而喜。」語未終,帝沉吟,卽云「汝言毋復爾」, 愚以任 以袖障霤。久之,帝召光辰責之。光辰對曰:「皇上以文武諸臣無實心任事,委任內臣。臣 時帝久罷內遣,然以邊警,諸臣類萎腇不任,仍分遣中官盧維寧等總監通、津、臨、德等 日往。 「內臣、諸臣益弛卸不任。」帝大怒、聲色俱厲、將重譴光辰、而迅雷直震御座、風雨聲 人謂光辰有天幸云。時張元佐以兵部右侍郎出守昌平, 帝顧 閣臣曰:「內臣卽日往,侍臣三日未出,朕之用內臣過耶。」翼日有詔,光 風雨驟至,侍臣立雨中,至 同時內臣提督天壽

列

辰鐫三級調外。

赴。 聳然聽。明日諭諸臣各繕疏以進。尋移尚寶丞。陳罷練總、換授、私派、僉報數事,報聞。 歷光祿少卿、左通政。十五年五月復偕諸臣召對德政殿,備陳賊形勢。 臺,咨以禦邊、救荒、安民之策。光辰班最後,時已夜,光辰獨對燭影中,娓娓數百言,帝爲 國變,家居二十餘年卒。 無何,以救劉宗周,仍鐫三級調外。事具宗周傳。 久之,由<br />
浙江按察司照磨召爲大理寺正,進太僕丞。十三年五月復偕諸大臣召對平 明年丁父憂。 福王時,起故官,未 帝悦,擢左僉都御

至救過不暇,顧安得責以挽回幹濟之業哉。 贊曰:明自神宗而後,士大夫峻門戶而重意氣。 其賢者敦厲名檢,居官有所執爭,卽清 遭時孔棘,

## 校勘記

徐石麒坐議獄落職閒住 徐石麒,原作「徐石麟」。 本書卷一一二七卿年表, 卷二五四鄭三俊 記

過庭訓 原作「過廷訓」,據本書卷二三六夏嘉遇傳、 卷二四二翟鳳翀傳及明史稿傳一三四孫

居相傳改。

 $\subseteq$ 稍遷河南參政 河南,原作「河東」,據明史稿傳一三四曹珖傳改。

29 文選郎張光前 張光前,原作「張可前」,按本書卷二四二有張光前傳,事跡與此合, 據改。

河南道御史張煊 張煊,本書卷二七五徐石麒傳作「張瑄」。

